

Namo tassa bhagavato arahato sammāsambuddhassa

Majjhimanikāye

Uparipaṇṇāsa-aṭṭhakathā

1. Devadahavaggo

1. Devadahasuttavaṇṇanā

1. Evam (4.0001) **me sutanti** devadahasuttam. Tattha **devadaham nāmāti** devā vuccanti rājāno, tattha ca sakyarājūnam maṅgalapokkharaṇī ahosi pāsādikā ārakkhasampannā, sā devānam dahattā “devadahan”ti paññāyittha. Tadupādāya so pi nigamo devadahantveva saṅkham gato. Bhagavā tam nigamam nissāya lumbinivane viharati. **Sabbam tam pubbekatahetūti** pubbe katakammapaccayā. Iminā kammavedanañca kiriyavedanañca paṭikkhipitvā ekam vipākavedanameva sampaṭicchantīti dasseti. **Evam vādino, bhikkhave, nigaṇṭhāti** iminā pubbe aniyametvā vuttam niyametvā dasseti.

Ahuvamheva mayanti idam bhagavā tesam ajānanabhāvam jānantova kevalam kalisāsanam āropetukāmo pucchati. Ye hi “mayam ahuvamhā”tipi na jānanti, te kathaṁ kammaṭṭha katabhāvam vā akatabhāvam vā jānissanti. Uttaripucchāyapi esevo nayo.

2. Evam santeti cūḍadukkhakkhandhe (ma. ni. 1.179-180) mahānigaṇṭhassa vacane sacce santeti attho, idha pana ettakassa ṭhānassa tumhākam ajānanabhāve santeti attho. **Na kallanti** na yuttam.

3. Gālhūpalepanenāti (4.0002) bahalūpalepanena, punappunaṁ visarañjitenā, na pana khaliyā littena viya. **Esaniyāti** esanisalākāya antamaso nantakavaṭṭiyāpi. **Eseyyāti** gambhīram vā uttānam vāti vīmamseyya. **Agadaṅgāranti** jhāmaharītakassa vā āmalakassa vā cuṇṇam. **Odaheyyāti** pakkhipeyya. **Arogoti-ādi** māgaṇḍiyasutte (ma. ni. 2.213) vuttameva.

Evameva khoti ettha idam opammasaṃsandanam, sallena viddhassa hi viddhakāle vedanāya pākaṭakālo viya imesam “mayam pubbe ahuvamhā vā no vā, pāpakkammaṁ akaramhā vā no vā, evarūpam vā pāpam karamhā”ti jānanakālo siyā. **Vaṇamukhassa** parikantanādīsu catūsu kālesu vedanāya pākaṭakālo viya “ettakam vā no dukkham nijjihñam, ettake vā nijjihñē sabbameva dukkham nijjihñam bhavissati, suddhante patiṭṭhitā nāma bhavissāmā”ti jānanakālo siyā.

Aparabhāge phāsubhāvajānanakālo viya diṭṭheva dhamme akusalānam dhammānam pahānāya kusalānam dhammānam upasampadāya jānanakālo siyā. Evamettha ekāya upamāya tayo atthā, catūhi upamāhi eko attho paridīpito.

4. Ime pana tato ekampi na jānanti, virajjhitvā gate salle aviddhova “viddhosi mayā”ti paccatthikassa vacanappamāñeneva “viddhosmi”ti saññam uppādetvā dukkhappattapuriso viya kevalam mahāniganṭhassa vacanappamāñena sabba-metam saddahantā evam sallopamāya bhagavatā niggahitā paccāharitum asa-kkontā yathā nāma dubbalo sunakho migam uṭṭhāpetvā sāmikassa abhimukham karitvā attanā osakkati, evam mahāniganṭhassa matthake vādaṁ pakkipantā **niganṭho, āvusoti-ādīmāhamṣu**.

5. Atha ne bhagavā sācariyake nigganhanto **pañca kho imeti-ādimāha**. **Tatrāya-smantānanti** tesu pañcasu dhammesu āyasmantānam. **Kā atītaṁse satthari saddhāti** atītaṁsavādimhi satthari kā saddhā. Yā atītavādam saddahantānam tumhākaṁ mahāniganṭhassa saddhā, sā katamā? Kim (4.0003) bhūtatthā abhū-tatthā, bhūtavipākā abhūtavipākāti pucchati. Sesapadesupi eseva nayo. **Sahadhammikanti** sahetukam sakāraṇam. **Vādapatiḥāranti** paccāgamanakavādam. Ettā-vatā tesam “apanetha saddham, sabbadubbalā esā”ti saddhāchedakavādam nāma dasseti.

6. **Avijjā aññāñāti** avijjāya aññāñena. **Sammohāti** sammohena. **Vipaccethāti** viparītato saddahatha, vipallāsaggāhaṁ vā gaṇhathāti attho.

7. **Dīṭṭhadhammavedanīyanti** imasmiṁyeva attabhāve vipākadāyakam. **Upakkamenāti** payogena. **Padhānenāti** vīriyena. **Samparāyavedanīyanti** dutiye vā tatiye vā attabhāve vipākadāyakam. **Sukhavedanīyanti** iṭṭhārammaṇavipākadāyakam kusalakammaṁ. Viparītam **dukkhavedanīyam**. **Paripakkavedanīyanti** paripakke nipphanne attabhāve vedanīyam, dīṭṭhadhammavedanīyassevetam adhivacanam. **Aparipakkavedanīyanti** aparipakke attabhāve vedanīyam, samparāyavedanīyassevetam adhivacanam. Evam santepī ayamettha viseso- yaṁ paṭhamavaye kataṁ paṭhamavaye vā majjhimavaye vā pacchimavaye vā vipākam deti, majjhimavaye kataṁ majjhimavaye vā pacchimavaye vā vipākam deti, pacchimavaye kataṁ tattheva vipākam deti, tam dīṭṭhadhammavedanīyam nāma. Yaṁ pana sattadivasa-bbhantare vipākam deti, tam paripakkavedanīyam nāma. Tam kusalampi hoti aku-salampi.

Tatrimāni vatthūni- **puṇyo** nāma kira duggatamanusso rājagahe sumanasetṭhim nissāya vasati. Tamenam ekadivasam nagaramhi nakkhatte saṅghuṭhe setṭhi āha- “sace ajja kasissasi, dve ca goṇe naṅgalañca labhissasi. Kim nakkhattam kīlissasi, kasissasi”ti. Kim me nakkhattena, kasissāmīti? Tena hi ye goṇe icchasi, te gahetvā kasāhīti. So kasitum gato. Tam divasam sāriputtathero nirodhā vuṭṭhāya “kassa saṅgahaṁ karomi”ti? Āvajjanto puṇyam disvā pattacīvaraṁ ādāya tassa kasanaṭṭhānam gato. Puṇyo kasīm ṭhāpetvā therassa dantakaṭṭham datvā mukhodakam adāsi. Thero sarīram paṭijaggitvā kammantassa avidūre (4.0004 nisīdi bhattābhihāram olokento. Athassa bhariyam bhattam āharantim disvā antarāmaggeyeva attānam dassesi.

Sā sāmikassa āhaṭabhattam̄ therassa patte pakkhipitvā puna gantvā aññam̄ bhattam̄ sampādetvā divā agamāsi. Puṇṇo ekavāram̄ kasitvā nisīdi. Sāpi bhattam̄ gahetvā āgacchantī āha- “sāmi pātova te bhattam̄ āhariyittha, antarāmagge pana sāriputtatheram̄ disvā tam tassa datvā aññam̄ pacitvā āharantiyā me ussūro jāto, mā kujhi sāmi”ti. Bhaddakam̄ te bhadde kataṁ, mayā therassa pātova dantakaṭṭhañca mukhodakañca dinnaṁ, amhākaṁyevānena piṇḍapātopi paribhutto, aija therena katasamaṇadhammassa mayam̄ bhāgino jātāti cittam̄ pasādesi. Eka-vāram̄ kasitaṭṭhānam̄ suvaṇṇameva ahosi. So bhuñjitvā kasitaṭṭhānam̄ olokento vijjotamānam̄ disvā uṭṭhāya yaṭṭhiyā paharitvā rattasuvaṇṇabhāvam̄ jānitvā “rañño akathetvā paribhuñjituṁ na sakkā”ti gantvā rañño ārocesi. Rājā tam sabbam̄ saktehi āharāpetvā rājaṅgaṇe rāsim̄ kāretvā “kassimasmim̄ nagare ettakam̄ suvaṇṇam̄ atthī”ti pucchi. Kassaci natthīti ca vutte setṭhiṭṭhānamassa adāsi. So **puṇṇasetṭhi** nāma jāto.

Aparampi vatthu- tasmiṇyeva rājagahe **kālaveļiyo** nāma duggato atthi. Tassa bhariyā paṇṇambilayāgum̄ paci. Mahākassapatthero nirodhā vuṭṭhāya “kassa saṅgahaṁ karomī”ti āvajjanto tam disvā gantvā gehadvāre atṭhāsi. Sā pattam̄ gahetvā sabbam̄ tattha pakkhipitvā therassa adāsi, thero vihāram̄ gantvā satthu upanāmesi. Satthā attano yāpanamattam̄ gaṇhi, sesam̄ pañcannam̄ bhikkhusatānam̄ pahosi. Kālavalīyopi tam ṭhānam̄ patto cūlakam̄ labhi. Mahākassapo satthāram̄ kālavalīyassa vipākam̄ pucchi. Satthā “ito sattame divase setṭhiccattam̄ labhissatī”ti āha. Kālavalīyo tam katham̄ sutvā gantvā bhariyāya ārocesi.

Tadā ca rājā nagaram̄ anusañcaranto bahinagare jīvasūle nisinnam̄ purisam̄ addasa. Puriso rājānam̄ disvā uccāsaddam̄ akāsi “tumhākam̄ me (4.0005) bhuñjanabhāttam̄ pahiṇatha devā”ti. Rājā “pesessāmī”ti vatvā sāyamāsabhatte upanīte saritvā “imam̄ haritum̄ samattham̄ jānāthā”ti āha, nagare sahassabhaṇḍikam̄ cāresum̄. Tatiyavāre kālavalīyassa bhariyā aggahesi. Atha naṁ rañño dassesum̄, sā purisavesam̄ gahetvā pañcāvudhasannaddhā bhattapātim̄ gahetvā nagarā nikhami. Bahinagare tāle adhivattho **dīghatālo** nāma yakkho tam rukkhamūlena gacchantim̄ disvā “tiṭṭha tiṭṭha bhakkosi me”ti āha. Nāham̄ tava bhakkho, rājadūto ahanti. Kattha gacchasīti. Jīvasūle nisinnassa purisassa santikanti. Mamapi ekaṁ sāsanam̄ haritum̄ sakkhissasīti. Āma sakkhissāmīti. “Dīghatālassa bhariyā sumanadevarājadhitā kālī puttam̄ vijātā”ti āroceyyāsi. Imasmim̄ tālamūle satta nidhikumbhiyo atthi, tā tvam̄ gaṇheyyāsīti. Sā “dīghatālassa bhariyā sumanadevarājadhitā kālī puttam̄ vijātā”ti ugghosentī agamāsi.

Sumanadevo yakkhasamāgame nisinno sutvā “eko manusso amhākam̄ piyavattim̄ āharati, pakkosatha nan”ti sāsanam̄ sutvā pasanno “imassa rukkhassa parimaṇḍalacchāyāya pharaṇaṭṭhāne nidhikumbhiyo tuyham̄ dammī”ti āha. Jīvasūle nisinnapuriso bhattam̄ bhuñjitvā mukhapuñchanakāle itthiphassoti ūnatvā cūlāya ñamsi, sā asinā attano cūlam̄ chinditvā rañño santikamyeva gatā. Rājā bhattabhojtabhāvo katham̄ jānitabbo? Cūlasaññāyāti vatvā rañño ācikkhitvā tam dhanam̄ āharāpesi. Rājā aññassa ettakam̄ dhanam̄ nāma atthīti. Natthi devāti.

Rājā tassā patim̄ tasmiṁ nagare dhanaseṭṭhim̄ akāsi. **Mallikāyapi** deviyā vatthu kathetabbam̄. Imāni tāva **kusalakamme vatthūni**.

Nandamāṇavako pana uppalavaṇṇāya theriyā vippaṭipajji, tassa mañcato uṭṭhāya nikkhamitvā gacchantassa mahāpathavī bhijjitvā okāsamadāsi, tattheva mahānarakaṁ paviṭṭho. **Nandopi** goghātako paṇṇāsa vassāni goghātakakammaṁ katvā ekadivasam̄ bhojanakāle maṁsam̄ alabhanto ekassa jīvamānakagoṇassa jivhaṁ chinditvā aṅgāresu pacāpetvā khāditum̄ āraddho. Athassa jivhā mūle chijjivā bhattapātiyaṁyeva patitā, so viravanto kālam̄ katvā niraye nibbatti. **Nandopi yakkho** aññena yakkhena (4.0006) saddhiṁ ākāsenā gacchanto sāriputtarattheram̄ navoropitehi kesehi rattibhāge abbhokāse nisinnam̄ disvā sīse paharitukāmo itarassa yakkhassa ārocetvā tena vāriyamānopi pahāram̄ datvā ḍayhāmi ḍayhāmīti viravanto tasmiṁyeva ṭhāne bhūmim̄ pavisitvā mahāniraye nibbattoti imāni **akusalakamme vatthūni**.

Yam̄ pana antamaso maraṇasantikepi kataṁ kammaṁ bhavantare vipākam̄ deti, tam̄ sabbam̄ **samparāyavedanīyam̄** nāma. Tattha yo aparihīnassa jhānassa vipāko nibbattissati, so idha nibbattitavipākoti vutto. Tassa mūlabhūtam̄ kammaṁ neva diṭṭhadhammavedanīyam̄ na samparāyavedanīyanti, na vicāritam̄, kiñcāpi na vicāritam̄, samparāyavedanīyameva panetanti veditabbam̄. Yo paṭhamamaggādīnam̄ bhavantare phalasamāpattivipāko, so idha nibbattitagūṇotveva vutto. Kiñcāpi evam̄ vutto, maggakammaṁ pana **paripakkavedanīyanti** veditabbam̄. Maggacetanāyeva hi sabbalahum̄ phaladāyikā anantaraphalattāti.

8. Bahurvedanīyanti saññābhavūpagam̄. **Appavedanīyanti** asaññābhavūpagam̄. **Savedanīyanti** savipākam̄ kammaṁ. **Avedanīyanti** avipākam̄ kammaṁ. **Evam̄ santeti** imesam̄ diṭṭhadhammavedanīyādīnam̄ kammānam̄ upakkamenā samparāyavedanīyādi bhāvakāraṇassa alābhe sati. **Aphaloti** nipphalo niratthakoti. Ettāvatā aniyyānikasāsane payogassa aphalatam̄ dassetvā padhānacchedakavādo nāma dassitoti veditabbo. **Sahadhammikā vādānuvādāti** parehi vuttakāraṇena sakāraṇā hutvā nigaṇṭhānam̄ vādā ca anuvādā ca. **Gārayhaṁ ṭhānam̄ āgacchantīti** viññūhi garahitabbam̄ kāraṇam̄ āgacchanti. “Vādānuppattā gārayhaṭṭhānā” tipi pātho. Tassattho- parehi vuttena kāraṇena sakāraṇā nigaṇṭhānam̄ vādam̄ anuppattā tam̄ vādam̄ sosentā milāpentā dukkaṭakammakārinoti-ādayo dasa gārayhaṭṭhānā āgacchanti.

9. Saṅgatibhāvahetūti niyatibhāvakāraṇā. **Pāpasāṅgatikāti** pāpaniyatino. **Abhijātihetūti** chaṭṭabhiṭṭihetu.

10. Evam (4.0007) nigaṇṭhānam upakkamassa aphalataṁ dassetvā idāni niyyānikasāsane upakkamassa vīriyassa ca saphalataṁ dassetum **kathañca, bhikkhave**-ti-ādimāha. Tattha **anaddhabhūtanti** anadhibhūtaṁ. Dukkhena anadhibhūto nāma manussattabhāvo vuccati, na taṁ addhabhāveti nābhibhavatīti attho. Tampi nānappakārāya dukkarakārikāya payojento dukkhena addhabhāveti nāma. Ye pana sāsane pabbajitvā āraññakā vā honti rukkhamūlikādayo vā, te dukkhena na addhabhāventi nāma. Niyyānikasāsanasmīhi vīriyam sammāvāyāmo nāma hoti.

Thero panāha- yo issarakule nibbatto sattavassiko hutvā alaṅkatappaṭiyatto pitu-añke nisinno ghare bhattakiccaṁ katvā nisinnena bhikkhusaṅghena anumodanāya kariyamānāya tisso sampattiyo dassetvā saccesu pakāsitesu arahattam pāpuṇāti, mātāpitūhi vā “pabbajissasi tātā”ti vutto “āma pabbajissāmī”ti vatvā nhāpetvā alaṅkaritvā vihāram nīto tacapañcakam uggaṇhitvā nisinno kesesu ohāriyamānesu khuraggeyeva arahattam pāpuṇāti, navapabbajito vā pana manosilātelamakkhitena sīseṇa punadivase mātāpitūhi pesitam kājabhuttam bhuñjitvā vihāre nisinnova arahattam pāpuṇāti, ayam na dukkhena attānam addhabhāveti nāma. Ayam pana ukkaṭhasakkāro. Yo dāsikucchiyam nibbatto antamaso rajata-muddikampi piṭandhitvā gorakapiyaṅgumattenāpi sarīram vilimpetvā “pabbājethanan”ti nīto khuragge vā punadivase vā arahattam pāpuṇāti, ayampi na anaddhabhūtam attānam dukkhena addhabhāveti nāma.

Dhammikam sukham nāma saṅghato vā gaṇato vā uppānaṁ catupaccaya-sukham. **Anadhimucchitoti** taṇhāmucchanāya amucchito. Dhammikañhi sukham na pariccajāmīti na tattha gedho kātabbo. Saṅghato hi uppānaṁ salākabhattam vā vassāvāsikam vā “idamattham etan”ti paricchinditvā saṅghamajjhē bhikkhūnam antare paribhuñjanto pattantare padumam viya sīlasamādhivipassanāmaggaphalehi vadḍhati. **Imassāti** paccuppannānam pañcannam khandhānam mūlabhūtassa. **Dukkhanidānassāti** taṇhāya. Sā hi pañcakkhandhadukkhassa nidānam. **Saṅkhāram padahatoti** sampayogavīriyam (4.0008) karontassa. **Virāgo hotī** maggena virāgo hoti. Idam vuttam hoti “saṅkhārapadhānenā me imassa dukkhanidānassa virāgo hoti”ti **evam pajānātīti** iminā sukhāpaṭipadā khippābhiññā kathitā. Dutiyavārena tassa sampayogavīriyassa majjhattatākāro kathito. **So yassa hi khvāssāti** ettha ayam saṅkhepattho- so puggalo yassa dukkhanidānassa saṅkhārapadhānenā virāgo hoti, saṅkhāram tattha padahati, maggpadhānenā padahati. Yassa pana dukkhanidānassa ajjhupekkhato upekkham bhāventassa virāgo hoti, upekkham tattha bhāveti, maggabhāvanāya bhāveti. **Tassāti** tassa puggalassa.

11. Paṭibaddhacittoti chandarāgena baddhacitto. **Tibbacchandoti** bahalacchando. **Tibbāpekkhoti** bahalapatthano. **Santiṭṭhantinti** ekato tiṭṭhantim. **Sañjaghantinti** mahāhasitam hasamānam. **Samhasantinti** sitam kurumānam.

Evameva kho, bhikkhaveti ettha idam opammavibhāvanam- eko hi puriso ekissā itthiyā sāratto ghāsacchādanamālālaṅkārādīni datvā ghare vāseti. Sā tam aticaritvā aññam sevati. So “nūna aham assā anurūpam sakkāram na karomī”ti sakkāram vadḍhesi. Sā bhiyyosomattāya aticaratiyeva. So “ayam sakkariyamānāpi aticarateva, ghare me vasamānā anatthampi kareyya, nīharāmi nan”ti parisa-

majhe alamvacanīyām katvā “mā puna gehām pāvisī”ti vissajjesi. Sā kenaci upāyena tena saddhim santhavam kātum asakkontī naṭanaccakādīhi saddhim vicari. Tassa purisassa tam disvā neva uppajjati domanassam, somanassam pana uppajjati.

Tattha purisassa itthiyā sārattakālo viya imassa bhikkhuno attabhāve ālayo. Ghāsacchādanādīni datvā ghare vasāpanakālo viya attabhāvassa paṭijagganakālo. Tassā aticaraṇakālo viya jaggiyamānasseva attabhāvassa pittapakopādīnam vasena sābādhatā. “Attano anurūpaṁ sakkāraṁ alabhanī aticarati”ti sallakkhetvā sakkāravaddhānam viya “bhesajjam alabhanto evam hotī”ti sallakkhetvā (4.0009) bhesajjakaraṇakālo. Sakkāre vadḍhitepi puna aticaraṇam viya pittādīsu ekassa bhesajje kariyamāne sesānam pakopavasena puna sābādhatā. Parisamajhe alamvacanīyām katvā gehā nikkadḍhānam viya “idāni te nāham dāso na kammakaro, anamatagge samsāre tamyeva upatthahanto vicarim, ko me tayā attho, chijja vā bhijja vā”ti tasmiṁ anapekkhataṁ āpajjivā vīriyam thiram katvā maggena kilesasa-mugghātanaṁ. Naṭanaccakādīhi naccamānam vicarantim disvā yathā tassa purisassa domanassam na uppajjati, somanassameva uppajjati, evameva imassa bhikkhuno arahattam pattassa pittapakopādīnam vasena ābādhikam attabhāvam disvā domanassam na uppajjati, “muccissāmi vata khandhaparihāradukkhato”ti somanassameva uppajjatīti. Ayam pana upamā “paṭibaddhacittassa domanassam uppajjati, appaṭibaddhacittassa natthetanti ūtvā itthiyā chandarāgam pajahati, evamayam bhikkhu saṅkhāram vā padahantassa upekkham vā bhāventassa dukkhanidānam pahīyati, no aññathāti ūtvā tadubhayam sampādento dukkhanidānam pajahati”ti etamatthaṁ vibhāvetum āgatāti veditabbā.

12. Yathā sukham kho me viharatoti yena sukhena viharitum icchāmi tena, me viharato. **Padahatoti** pesentassa. Ettha ca yassa sukhā paṭipadā asappāyā, sukhumacīvarāni dhārentassa pāsādike senāsane vasantassa cittam vikkhipati, dukkhā paṭipadā sappāyā, chinnabhinnāni thūlacīvarāni dhārentassa susānarukkhamūlādīsu vasantassa cittam ekaggam hoti, tam sandhāyetam vuttam.

Evameva khoti ettha idam opamasamsandanam, usukāro viya hi jātijarāmaranabhīto yogī daṭṭhabbo, vaṇkakuṭilajimhatejanam viya vaṇkakuṭilajimhacittam, dve alātā viya kāyikacetasi kavīriyam, tejanam ujuṁ karontassa kañjikatelam viya saddhā, namanadaṇḍako viya lokuttaramaggo, ussukārassa vaṇkakuṭilajimhatejanam kañjikatelena sinehetvā alātesu tāpetvā namanadaṇḍakena ujukaraṇam viya imassa bhikkhuno vaṇkakuṭilajimhacittam saddhāya sinehetvā kāyikacetasi kavīriyena tāpetvā (4.0010) lokuttaramaggena ujukaraṇam, usukārasseva evam ujukatena tejanena sapattam vijjhītvā sampatti-anubhavanam viya imassa yogino tathā ujukatena cittena kilesagaṇam vijjhītvā pāsādike senāsane nirodhavaratala-gatassa phalasamāpattisukhānubhavanam daṭṭhabbam. Idha tathāgato sukhāpaṭipadākhippābhīññabhikkhuno, dukkhāpaṭipadādandhābhīññabhikkhuno ca paṭipattiyo kathitā, itaresam dvinnam na kathitā, tā kathetum imam desanam ārabhi. Imāsu vā dvīsu kathitāsu itarāpi kathitāva honti, āgamanīyapaṭipadā pana na kathitā, tam kathetum imam desanam ārabhi. Sahāgamanīyāpi vā paṭipadā kathi-

tāva, adassitam pana ekam buddhuppādaṁ dassetvā ekassa kulaputtassa nikkhamanadesanam arahattena vinivat̄essāmīti dassetum imam desanam ārabhi. Sesam sabbattha uttānamevāti.

Papañcasūdaniyā majjhimanikāyaṭṭhakathāya

Devadahasuttavaṇṇanā niṭṭhitā.

2. Pañcattayasuttavaṇṇanā

21. Evam me sutanti pañcattayasuttam. Tattha eketi ekacce. **Samañabrahmaṇāti** paribbjupagatabhāvena samaṇā jātiyā brāhmaṇā, lokena vā samaṇāti ca brāhmaṇāti ca evam sammatā. Aparantam kappetvā vikappetvā gaṇhantīti **aparantakappikā**. Aparantakappo vā etesam atthītipi aparantakappikā. Etha ca **antoti** “sakkāyo kho, āvuso, eko anto”ti-ādīsu (a. ni. 6.61) viya idha koṭṭhāso adhippeto. **Kappoti taṇhādiṭṭhiyo.** Vuttampi cetam “kappoti uddānato dve kappā taṇhākappo ca diṭṭhikappo cā”ti. Tasmā taṇhādiṭṭhivasena anāgataṁ khandhakoṭṭhāsam kappetvā ṭhitāti aparantakappikāti evamettha attho daṭṭhabbo. Tesam evam aparantam kappetvā ṭhitānam punappunam uppajjanavasena aparantameva anugatā diṭṭhīti **aparantānuḍiṭṭhino**. Te evamdiṭṭhino tam aparantam ārabbha āgamma paṭicca aññampi janam diṭṭhigatikam karontā (4.0011) anekavihitāni adhivuttipadāni abhivadanti. **Anekavihitānīti** anekavidhāni. **Adhivuttipadānīti** adhivacanapadāni. Atha vā bhūtamamattham adhibhavitvā yathāsabhāvato aggahetvā vattanato **adhivuttiyoti** diṭṭhiyo vuccanti, adhivuttinam padāni **adhivuttipadāni**, diṭṭhidīpakāni vacanānīti attho.

Saññīti saññāsamaṅgī. **Arogoti** nicco. **Ittheketi** ittham eke, evameketi attho. Iminā sołasa saññivādā kathitā, **asaññīti** iminā aṭṭha asaññivādā, **nevasaññināsaññīti** iminā aṭṭha nevasaññināsaññivādā, **sato vā pana sattassāti** iminā satta ucchedavādā. Tattha **satoti** vijjamānassa. **Ucchedanti** upacchedam. **Vināsanti** adassanam. **Vibhavanti** bhavavigamam. Sabbānetāni aññamaññavevacanāneva. **Diṭṭhadhammanibbānam** vāti iminā pañca diṭṭhadhammanibbānavādā kathitā. Tattha **diṭṭhadhammoti** paccakkhadhammo vuccati, tattha tattha paṭiladdha-attabhbāvassetam adhivacanam. Diṭṭhadhamme nibbānam diṭṭhadhammanibbānam, imasmiṃyeva attabhāve dukkhavūpasamanti attho. **Santam** vāti saññīti-ādivasena tīhākārehi santam. **Tīṇi hontīti** saññī attāti-ādīni santa-attavasena ekam, itarāni dveti evam tīṇi.

22. Rūpiṁ vāti karajarūpena vā kasiṇarūpena vā rūpiṁ. Tattha lābhī kasiṇarūpam attāti gaṇhāti, takkī ubhopi rūpāni gaṇhātiyeva. **Arūpiṇti** arūpasamāpattini-mittam vā, ṭhapetvā saññākkhandham sesa-arūpadhamme vā attāti paññapentā lābhinopi takkikāpi evam paññapenti. Tatiyadiṭṭhi pana missakagāhavasena

pavattā, catutthā takkagāheneva. Dutiyacatukke paṭhamadiṭṭhi samāpannakavārena kathitā, dutiyadiṭṭhi asamāpannakavārena, tatiyadiṭṭhi suppamattena vā sarāvamattena vā kasiṇaparikammavasena, catutthadiṭṭhi vipulakasiṇavasena kathitāti veditabbā.

Etam vā panekesam upātivattatanti saññītipadena saṅkhepato vuttam saññāsattakam atikkantānanti attho. Apare aṭṭhakanti vadanti. Tadubhayam parato āvibhavissati. Ayam panettha saṅkhepattho- keci hi etā satta (4.0012) vā aṭṭha vā saññā samatikkamitum sakkonti, keci pana na sakkonti. Tattha ye sakkonti, teva gahitā. Tesam pana ekesam upātivattataṁ atikkamitum sakkontānam yathāpi nāma gaṅgam uttiṇṇesu manussesu eko dīghavāpim gantvā tiṭṭheyya, eko tato param mahāgāmam; evameva eke viññānañcāyatanaṁ appamāṇam āneñjanti vatvā tiṭṭhanti, eke ākiñcaññāyatanaṁ. Tattha viññānañcāyatanaṁ tāva dassetum **viññānakasiṇameketi** vuttam. Parato “ākiñcaññāyatanaṁeke”ti vakkhati. **Tayidanti** tam idam diṭṭhigatañca diṭṭhipaccayañca diṭṭhārammañañca. **Tathāgato abhijānātīti.** Iminā paccayena idam nāma dassanam gahitanti abhivisitthena ñāñena jānāti.

Idāni tadeva vitthārento **ye kho te bhontoti-ādimāha.** **Yā vā pana etāsam saññānanti** yā vā pana etāsam “yadi rūpasaññānan”ti evam vuttasaññānam. Parisuddhāti nirupakkilesā. **Paramāti** uttamā. **AggāTi** setṭhā. **Anuttariyā akkhāyatīti** asadisā kathiyati. **Yadi rūpasaññānanti** iminā catasso rūpāvacarasaññā kathitā. **Yadi arūpasaññānanti** iminā ākāsānañcāyatanaññānañcāyatanaññā. Itarehi pana dvīhi padehi samāpannakavāro ca asamāpannakavāro ca kathitoti evametā koṭṭhāsato aṭṭha, atthato pana satta saññā honti. Samāpannakavāro hi purimāhi chahisaṅgahitoyeva. **Tayidam saṅkhatanti** tam idam sabbampi saññāgataṁ saddhim diṭṭhigatena saṅkhataṁ paccayehi samāgantvā kataṁ. **Oḷārikanti** saṅkhattāva oḷārikam. **Atthi kho pana saṅkhārānam nirodhoti** etesam pana saṅkhatanti vuttānam saṅkhārānam nirodhasaṅkhātam nibbānam nāma atthi. **Attetanti iti viditvāti** tam kho pana nibbānam “atthi etan”ti evam jānitvā. **Tassa nissaraṇadassā-vīTi** tassa saṅkhatassa nissaraṇadassī

nibbānadassī. **Tathāgato tadupātivattoti** tam saṅkhataṁ atikkanto samatikkantoti attho.

23. Tatrāti tesu aṭṭhasu asaññīvādesu. **Rūpiṁ vāti-ādīni** saññīvāde vuttanayeneva veditabbāni. Ayañca yasmā asaññīvādo, tasmā idha dutiyacatukkam na vuttam. **Paṭikkosantīti** paṭibāhanti paṭisedhenti. **Saññā** (4.0013) rogoti-ādīsu ābādhāṭṭhena **rogo**, sadosaṭṭhena **gaṇḍo**, Anupaviṭṭhaṭṭhena **sallam**. **Āgatīm vā gatīm vāti-ādīsu** paṭisandhivasena **āgatīm**, Cutivasena **gatīm**, cavanavasena **cutīm**, upapajjanavasena **upapattīm**, punappunaṁ uppajjītvā aparāparam vadḍhanavasena **vuḍḍhiṁ virūlhiṁ vepullam**. Kāmañca catuvokārabhave rūpaṁ vināpi viññāṇassa pavatti atthi, sese pana tayo khandhe vinā natthi. Ayam pana pañho pañcavokārabhavavasena kathito. Pañcavokāre hi ettake khandhe vinā viññāṇassa pavatti nāma natthi. Vitaṇḍavādī panettha “aññatra rūpāti-ādivacanato arūpabhavepi rūpaṁ, asaññābhave ca viññāṇam atthi, tathā nirodhasamāpannassā”ti vadati. So vattabbo- byañjanacchāyāya ce attham paṭibāhasi, āgatīm vāti-ādivacanato tam viññāṇam pakkhidvipadacatuppadā viya uppatitvāpi gacchati, padasāpi gacchati, govisāṇavalli-ādīni viya ca vadḍhatīti āpajjati. Ye ca bhagavatā anekasatesu suttesu tayo bhavā vuttā, te arūpabhavassa abhāvā dveva āpajjanti. Tasmā mā evam avaca, yathā vuttamattham dhārehīti.

24. Tatrāti aṭṭhasu nevasaññīnāsaññīvādesu bhummaṁ. Idhāpi **rūpiṁ vāti-ādīni** vuttanayeneva veditabbāni. **Asaññā sammohoti** nissaññābhāvo nāmesa sammohaṭṭhānam. Yo hi kiñci na jānāti, tam asaññī esoti vadanti. **Dīṭṭhasutamutaviññātabbasāṅkhāramattenāti** dīṭṭhaviññātabbamattenā sutaviññātabbamattenā mutaviññātabbamattenā. Ettha ca vijānātīti viññātabbaṁ, dīṭṭhasutamutaviññātabbamattenā pañcadvārikasaññāpavattimattenāti ayañhi etha attho. **Saṅkhāramattenāti** oḷārikasaṅkhārapavattimattenāti attho. **Etassa āyatanaṁ assāti** etassa nevasaññānāsaññāyatanassa. **Upasampadanti** paṭilābhām. **Byasanam hetanti** vināso hesa, vuṭṭhānam hetanti attho. Pañcadvārikasaññāpavattañhi oḷārikasaṅkhārapavattam vā appavattam katvā tam samāpajjītabbaṁ. Tassa pana pavattena tato vuṭṭhānam hotīti dasseti. **Saṅkhārasamāpattipattabbamakkhāyatīti** oḷārikasaṅkhārapavattiyā pattabbanti na akkhāyati. **Saṅkhārāvasesasamāpattipattabbanti** saṅkhārānam-yeva avasesā bhāvanāvasena sabbasukhumabhāvam pattā saṅkhārā, tesam pavattiyā etam pattabbanti attho. Evarūpesu hi saṅkhāresu pavattesu etam (4.0014) pattabbam nāma hoti. **Tayidanti** tam idam etam sukhumampi samānam saṅkhataṁ saṅkhatattā ca oḷārikam.

25. Tatrāti sattasu ucchedavādesu bhummaṁ. **Uddham saranti** uddham vuccati anāgatasamsāravādo, anāgataṁ samsāravādaṁ sarantīti attho. **Āsattīm-yeva abhivadanti** Lagganakamyeva vadanti. “Āsattan”tipi pāṭho, taṇhamyeva vadantīti attho. **Iti pecca bhavissāmāti** evam pecca bhavissāma. Khattiyā bhavissāma, brāhmaṇā bhavissāmāti evameththa nayo netabbo. **Vāṇijūpamā maññeti** vāṇijūpamā viya vāṇijapatibhāgā vāṇijasadisā mayham upaṭṭhahanti. **Sakkāyabhyātī** sakkāyassa bhayā. Te hi yatheva “cattāro kho, mahārāja, abhayassa bhayanti. Katame cattāro? Gaṇḍuppādo kho, mahārāja, bhayā pathavīm na

khādati ‘mā pathavī khiyī’ti, konto kho, mahārāja, ekapādena tiṭṭhati ‘mā pathavī osīdī’ti, kikī kho, mahārāja, uttānā seti ‘mā ambhā undriyī’ti, brāhmaṇadhammiko kho, mahārāja, brahmacariyam na carati ‘mā loko ucchijjī’ti ime cattāro abhayassa bhāyanti, evam sakkāyassa bhāyanti”. **Sakkāyaparijeguccchāti** tameva tebhūmaka-saṅkhātam sakkāyam pariijegucchamānā. **Sā gaddulabaddhoti** daṇḍake rajjuṁ pavesetvā baddhasunakho. **Evamevimeti** ettha daļhatthambho viya khīlo viya ca tebhūmakadhammasaṅkhāto sakkāyo daṭṭhabbo, sā viya diṭṭhigatiko, daṇḍako viya diṭṭhi, raju viya taṇhā, gaddulena bandhitvā thambhe vā khīle vā upanibaddhasunakhassa attano dhammatāya chinditvā gantum asamatthassa anuparidhāvanam viya diṭṭhigatikassa diṭṭhidāṇḍake pavesitāya taṇhārajjuyā bandhitvā sakkāye upanibaddhassa anuparidhāvanam veditabbam.

26. Imāneva pañcāyatanañāti imāneva pañca kāraṇāni. Iti mātikam ṭhapente-napi pañceva ṭhapitāni, nigamentenapi pañceva nigamitāni, bhājentena pana cattāri bhājitatāni. Diṭṭhadhammanibbānam kuhim paviṭṭhanti. Ekattanānattavasena dvīsu padesu paviṭṭhanti veditabbam.

27. Evañca catucattālisa aparantakappike dassetvā idāni atṭhārasa pubbantakappike dassetum **santi**, **bhikkhaveti-ādimāha**. Tattha atītakotṭhāsasaṅkhātam pubbantaṁ kappetvā vikappetvā gaṇhantīti **pubbantakappikā**. Pubbantakappo (4.00 vā etesam̄ attīti pubbantakappikā. Evam̄ sesampi pubbe vuttappakāram vuttanayeneva veditabbam. **Sassato attā ca loko cāti** rūpādīsu aññataram attāti ca lokoti ca gahetvā sassato amaro nicco dhuvoti abhivadanti. Yathāha “rūpam̄ attā ceva loko ca sassato cāti attānañca lokañca paññapenti”ti vitthāro. Asassatādīsupi eseva nayo. Ettha ca paṭhamavādena cattāro sassatavādā vuttā, dutiyavādena satta ucchedavādā.

Nanu cete heṭṭhā āgatā, idha kasmā puna gahitāti. Heṭṭhā tattha tattha mato tattha tattheva ucchijjatīti dassanattham̄ āgatā. Idha pana pubbenivāsalābhī diṭṭhigatiko atītam̄ passati, na anāgataṁ, tassa evam̄ hoti “pubbantato āgato attā idheva ucchijjati, ito param̄ na gacchatīti imassatthassa dassanattham̄ gahitā. Tatiyavādena cattāro ekaccasassatavādā vuttā, catutthavādena cattāro amarāvikkhepikā vuttā. **Antavāti** sapariyanto paricchinno parivaṭumo. Avadḍhitakasiṇassa tam̄ kasiṇam̄ attāti ca lokoti ca gahetvā evam̄ hoti. Dutiyavādo vadḍhitakasiṇassa vasena vutto, tatiyavādo tiriyan̄ vadḍhetvā uddhamadho avadḍhitakasiṇassa, catutthavādo takkivasena vutto. Anantaracatukkam̄ heṭṭhā vuttanayameva.

Ekantasukhīti nirantararasukhī. Ayaṁ diṭṭhi lābhījātissaratakkīnam̄ vasena uppajjati. Lābhino hi pubbenivāsaññena khattiyādikule ekantasukhameva attano jātim̄ anussarantassa evam̄ diṭṭhi uppajjati. Tathā jātissarassa paccuppannam̄ sukhama-nubhavato atītāsu sattasu jātīsu tādisameva attabhāvam̄ anussarantassa. Takkissa pana idha sukhasamañgino “atītepāham̄ evameva ahosin”ti takkeneva uppajjati.

Ekantadukkhīti ayam̄ diṭṭhi lābhino nuppajjati. So hi ekanteneva idha jhānasukhena sukhī hoti. Idha dukkhena phuṭṭhassa pana jātissarassa takkisseva ca sā uppajjati. Tatiyā idha vokiṇṭasukhadukkhānam̄ sabbesampi tesam̄ uppajjati, tathā

catutthā diṭṭhi. Lābhino hi idāni catutthajjhānavasena adukkhamasukhassa, pubbe catutthajjhānikameva brahmalokam anussarantassa (4.0016). Jātissarassāpi paccuppanne majjhattassa, anussarantassāpi majjhattabhūtaṭṭhānameva anussarantassa, takkinopi paccuppanne majjhattassa, atītepi evam bhavissatīti takke-neva gaṇhantassa esā diṭṭhi uppajjati. Ettāvatā cattāro sassatavādā, cattāro ekaccasassatikā, cattāro antānantikā, cattāro amarāvikkhepikā, dve adhicca-samuppannikāti aṭṭhārasapi pubbantakappikā kathitā honti.

28. Idāni diṭṭhuddhāram uddharanto **tatra**, **bhikkhaveti-ādimāha**. Tattha **paccatāmyeva** ñāṇanti paccakkhañāṇam. **Parisuddhanti** nirupakkilesam. **Pariyodātanti** pabhassaram. Sabbapadehi vipassanāñāṇamyeva kathitam. Saddhādayo hi pañca dhammā bāhirasamayasmimpi honti, vipassanāñāṇam sāsanasmimyeva. **Tattha** ñāṇabhāgamattameva **pariyodapentīti** mayamidam jānāmāti evam tattha ñāṇakoṭṭhāsam otārentiyeva. **Upādānamakkhāyatīti** na tam ñāṇam, micchāda-ssanam nāmetam, tasmā tadapi tesam bhavantānam diṭṭhupādānam akkhāyatīti attho. Athāpi tam jānanamattalakkhaṇattā ñāṇabhāgamattameva, tathāpi tassa dassanassa anupātivattanato upādānapaccayato ca upādānameva. **Tadupātivat-**toti tam diṭṭhim atikkanto. Ettāvatā cattāro sassatavādā, cattāro ekaccasassatikā, cattāro antānantikā, cattāro amarāvikkhepikā, dve adhiccasamuppannikā, soḷasa saññivādā, aṭṭha asaññivādā, aṭṭha nevasaññināsaññivādā, satta ucchedavādā, pañca diṭṭhadhammanibbānavādāti brahmajāle āgatā dvāsaṭṭhipi diṭṭhiyo kathitā honti. Brahmajāle pana kathite idam suttam akathitameva hoti. Kasmā? Idha tato atirekāya sakkāyadiṭṭhiyā āgatattā. Imasmim pana kathite brahmajālam kathita-meva hoti.

30. Idāni imā dvāsaṭṭhi diṭṭhiyo uppajjamānā sakkāyadiṭṭhipamukheneva uppajjan-tīti dassetum **idha**, **bhikkhave**, **ekaccoti-ādimāha**. Tattha **paṭinissaggāti** pariccā-gena. **Kāmasamyojanānam** **anadhiṭṭhānāti** pañcakāmaguṇatañhānam nissa-ṭṭhattā. **Pavivekam** pītīti sappītikajjhānadadvayapīti. **Nirujjhātīti** jhānanirodhena nirujjhati. Samāpattito pana vuṭṭhitassa niruddhā nāma hoti. Yatheva (4.0017) hi “adukkhamasukhāya vedanāya nirodhā uppajjati nirāmisam sukham, nirāmisasukhassa nirodhā uppajjati adukkhamasukhā vedanā”ti ettha na ayamattho hoti- catutthajjhānanirodhā tatiyajjhānam upasampajja viharatīti. Ayam panettha attho- catutthajjhānā vuṭṭhāya tatiyam jhānam samāpajjati, tatiyajjhānā vuṭṭhāya catuttham jhānam samāpajjatīti, evamsampadamidam veditabbam. **Uppajjati domanassanti** hīnajjhānapariyādānakadomanassam. Samāpattito vuṭṭhitacittassa pana kammaniyabhbāvo kathito.

Pavivekā pītīti sā eva jhānadadvayapīti. **Yam chāyā jahatīti** Yam ṭhānam chāyā jahati. Kim vuttam hoti? Yasmiṃ ṭhāne chāyā atthi, tasmīm ātapo natthi. Yasmiṃ ātapo atthi, tasmīm chāyā natthīti.

31. Nirāmisam sukhanti tatiyajjhānasukham.

32. Adukkhamasukhanti catutthajjhānavedanam.

33. Anupādānohamasmiti niggahaṇo ahamasmi. **Nibbānasappāyanti** nibbā-nassa sappāyam upakārabhūtam. Nanu ca maggadassanam nāma sabbattha

nikantiyā sukhāpitāya uppajjati, kathametaṁ nibbānassa upakārapaṭipadā nāma jātanti, sabbattha anupādiyanavasena aggañhanavasena upakārapaṭipadā nāma jātaṁ. **Abhivadatī** abhimānena upavadati. **Pubbantānudiṭṭhīnti** atṭhārasaviddhampi pubbantānudiṭṭhīm. **Aparantānudiṭṭhīnti** catucattārīsavidhampi aparantānudiṭṭhīm. **Upādānamakkhāyatī** ahamasmīti gahañassa sakkāyadiṭṭhipariyāpannattā diṭṭhupādānaṁ akkhāyati.

Santivarapadanti vūpasantakilesattā santam uttamapadam. **Channam phassāyatānānanti** bhagavatā “yattha cakkhu ca nirujjhati rūpasaññā ca nirujjhati so āyatano veditabbo”ti ettha dvinnam āyatanānam paṭikkhepena nibbānam dassitam.

“Yattha āpo ca pathavī, tejo vāyo na gādhati;
ato sarā nivattanti, ettha vaṭṭam na vattati;
ettha nāmañca rūpañca, asesam uparujjhati”ti. (saṁ. ni. 1.27)-
Ettha pana saṅkhārapaṭikkhepena nibbānam dassitam.

“Kattha (4.0018) āpo ca pathavī, tejo vāyo na gādhati;
kattha dīghañca rassañca, aṇum thūlam subhāsubham;

kattha nāmañca rūpañca, asesam uparujjhati”ti. (dī. ni. 1.498);

Tatra veyyākaraṇam bhavati-

“viññāṇam anidassanam, anantañ sabbato pabhan”ti-

Ettha saṅkhārapaṭikkhepena nibbānam dassitam. Imasmim pana sutte cha-āyatana paṭikkhepena dassitam. Aññattha ca **anupādāvimokkhoti** nibbānameva dassitam, idha pana arahattaphalasamāpatti. Sesam sabbattha uttānamevāti.

Papañcasūdaniyā majjhimanikāyaṭṭhakathāya

Pañcattayasuttavaṇṇanā niṭhitā.

3. Kintisuttavaṇṇanā

34. Evam me sutanti kintisuttam. Tattha **pisinārāyanti** evamnāmake maṇḍalapadeśe. **Baliharaṇeti** tasmim vanasaṇde bhūtānam balim āharanti, tasmā so baliharaṇanti vutto. **Cīvaraḥetūti** cīvarakāraṇā, cīvarañ paccāsīsamānoti attho. **Itibhavābhavaḥetūti** evam imam desanāmayam puññakiriyavatthum nissāya tasmim tasmim bhave sukham vedissāmīti dhammañ desetīti kiṁ tumhākam evam hotīti attho.

35. Cattāro satipaṭṭhānāti-ādayo sattatiṁsa bodhipakkhiyadhammā lokiyalokuttarāva kathitā. **Tatthāti** tesu sattatiṁsāya dhammesu. **Siyamṣūti** bhaveyyum. **Abhidhammeti** visiṭṭhe dhamme, imesu sattatiṁsabodhipakkhiyadhammesūti attho. Tatra ceti idampi bodhipakkhiyadhammesveva bhummam. **Atthato ceva nānam byañjanato cāti** ettha “kāyova satipaṭṭhānam vedanāva satipaṭṭhānan”ti vutte atthato nānam hoti (4.0019), “satipaṭṭhānā”ti vutte pana byañjanato nānam nāma hoti. **Tadamināpīti** tam tumhe imināpi kāraṇena jānāthāti atthañca byañjanañca samānetvā athassa ca aññathā gahitabhāvo byañjanassa ca micchā ropitabhāvo dassetabbo. **Yo dhammo yo vinayoti** ettha atthañca byañjanañca viññāpanakāraṇameva dhammo ca vinayo ca.

37. Atthato hi kho sametīti satiyeva satipaṭṭhānanti gahitā. **Byañjanato nānanti** kevalam byañjanameva satipaṭṭhānoti vā satipaṭṭhānāti vā micchā ropetha. **Appamattakam khoti** suttantam patvā byañjanam appamattakam nāma hoti. Parittamattam dhanitam katvā ropitepi hi nibbutim pattum sakkā hoti.

Tatridam vatthu- vijayārāmavihāravāsi kireko khīṇāsavatthero dvinnam bhikkhūnam suttam āharitvā kammatṭhānam kathento- “samuddho samuddhoti, bhikkhave, assutavā puthujano bhāsatī”ti dhanitam katvā āha. Eko bhikkhu “samuddho nāma, bhante”ti āha. Āvuso, samuddhoti vuttepi samuddoti vuttepi mayam loṇasāgarameva jānāma, tumhe pana no atthagavesakā, byañjanagavesakā, gacchatha mahāvihāre paguṇabyañjanānam bhikkhūnam santike byañjanam sodhāpethāti kammatṭhānam akathetvāva uṭṭhāpesi. So aparabhāge

mahāvihāre bherim paharāpetvā bhikkhusaṅghassa catūsu maggesu pañham kathetvāva parinibbuto. Evam suttantam patvā byañjanam appamattakam nāma hoti.

Vinayam pana patvā no appamattakam. Sāmañerapabbajjāpi hi ubhatosuddhito vaṭṭati, upasampadādikammānīpi sithilādīnam dhanitādikaraṇamatteneva kuppanti. Idha pana suttantabyañjanam sandhāyetam vuttam.

38. Atha catutthavāre vivādo kasmā? Saññāya vivādo. “Aham satimeva satipatṭhānam vadāmi, ayam ‘kāyo satipatṭhānan’ti vadati”ti hi nesam saññā hoti. Byañjanepi eseva nayo.

39. Na (4.0020) **codanāya taritabbanti** na codanathāya vegāyitabbam. Ekacco hi puggalo “nalāte te sāsapamattā piṭakā”ti vutto “mayham nalāte sāsapamattam piṭakam passasi, attano nalāte tālapakkamattam mahāgaṇḍam na passasi”ti vadati. Tasmā puggalo upaparikkhitabbo. **Adaḷhaditṭhitī** anādānaditṭhī sumsumāram hadaye pakkipanto viya daḷham na gaṇhāti.

Upaghātoti caṇḍabhāvena vaṇaghaṭitassa viya dukkhuppatti. **Suppaṭinissa-**
ggīti “kim nāma aham āpanno, kadā āpanno”ti vā “tvam āpanno, tava upajjhāyo āpanno”ti vā ekam dve vāre vatvāpi “asukam nāma asukadivase nāma, bhante, āpannattha, saṇikam anussarathā”ti saritvā tāvadeva vissajjeti. **Vihesāti** bahum atthañca kāraṇañca āharantassa kāyacittakilamatho. **Sakkomīti** evarūpo hi puggalo okāsam kāretvā “āpattim āpannattha, bhante”ti vutto “kadā kismim vatthusmin”ti vatvā “asukadivase asukasmiṁ vatthusmin”ti vutte “na sarāmi, āvuso”ti vadati, tato “saṇikam, bhante, sarathā”ti bahum vatvā sārito saritvā vissajjeti. Tenāha “sakkomī”ti. Iminā nayena sabbattha attho veditabbo.

Upekkhā nātimāññitabbāti upekkhā na atikkamitabbā, kattabbā janetabbāti attho. Yo hi evarūpaṁ puggalam ṭhitakamyeva passāvam karontam disvāpi “nanu, āvuso, nisīditabban”ti vadati, so upekkham atimaññati nāma.

40. **Vacīsamhāro**Ti vacanasañcāro. Imehi kathitam amūsam antaram pavesyya, tumhe imehi idañcidañca vuttāti amūhi kathitam imesam antaram pavesyyāti attho. **Ditṭhipaṭasoti-ādīhi** cittassa anārādhaniyabhāvo kathito. **Tam jānamāno samāno garaheyyāti** tam satthā jānamāno samāno nindeyya amheti. **Etam Panāvuso, dhammadanti etam kalahabhaṇḍanadhammam.**

Tañceti (4.0021) tam saññattikārakam bhikkhum. **Evam byākareyyāti** mayā ete suddhante patiṭṭhāpitāti avatvā yena kāraṇena saññatti katā, tadeva dassento evam byākareyya. **Tāham dhammam sutvāti** ettha **dhammo**Ti sāraṇiyadhammo adhippeto. **Na ceva attānanti-ādīsu** “brahmałokappamāṇo hesa aggi uṭṭhāsi, ko etamaññatra mayā nibbāpetum samattho”ti hi vadanto attānam ukkamseti nāma. “Ettakā janā vicaranti, okāso laddhum na sakkā, ekopi ettakamattam nibbāpetum samattho nāma natthi”ti vadāmāno param vambheti nāma. Tadubhayampesa na karoti. **Dhammo** panettha sammāsambuddhassa byākaraṇam, tesam bhikkhūnam saññattikaraṇam **anudhammo**, tadeva **byākaroti nāma**. **Na ca koci sahadhammikoti** añño cassa koci sahetuko parehi vutto vādo vā anuvādo vā garahitabba-bhāvam āgacchanto nāma natthi. Sesam sabbattha uttānamevāti.

Papañcasūdaniyā majjhimanikāyatthakathāya

Kintisuttavaṇṇanā niṭṭhitā.

4. Sāmagāmasuttavaṇṇanā

41. Evam me sutanti sāmagāmasuttam. Tattha sāmagāmeti sāmākānam ussannattā evamladdhanāme gāme. Adhunā kālaṅkatoti sampati kālam kato. Dvedhikajātāti dvejjhajātā dvebhāgajātā. Bhaṇḍanādīsu bhaṇḍanam pubbabhāgakalaho, tam daṇḍādānādivasena paṇṇattivitikkamavasena ca vaddhitam kalaho, “na tvam imam dhammadvinayam ājānāsi” ti-ādikam viruddhavacanam vivādo. Vitudantā Ti vitujjantā. Sahitam meti mama vacanam atthasamhitam. Adhicinṇam te viparāvattanti yam tava adhicinṇam cirakālasevanavasena paguṇam, tam mama vādam āgamma nivattam. Āropito te vādoti tuyham upari mayā doso āropito. Cara vāda-pappamokkhāyāti bhattapuṭam ādāya tam tam upasaṅkamitvā vādappamokkhattāya uttari (4.0022) pariyesamāno cara. Nibbeṭhehi vāti atha mayā āropitavādato attānam mocehi. Sace pahosīTi sace sakkosi. Vad hoyevāti maraṇameva.

Nāṭaputtiyesūti nāṭaputtassa antevāsikesu. **Nibbinnarūpāti** ukkaṇṭhitasabhāvā, abhivādanādīni na karonti. **Virattarūpāti** vigatapeṭamā. **Paṭivānarūpāti** tesam nipaccakiriyato nivattasabhāvā. **Yathā tanti** yathā ca durakkhātādisabhāve dhammadvinaye nibbinnavirattapaṭivānarūpehi bhavitabbam, tatheva jātāti attho. **Durakkhātēti** dukkathite. **Duppaveditēti** duviññāpīte. **Anupasamasamvattanikēti** rāgādīnam upasamam kātum asamattho. **Bhinnathūpeti** bhinnapatitthē. Ettha hi nāṭaputtova nesam patitthēna thūpo, so pana bhinno mato. Tena vuttam “bhinnathūpe”ti. **Appatīsaraṇēti** tasseva abhāvena paṭisaraṇavirahite.

Nanu cāyam nāṭaputto nāṭandavāsiko, so kasmā pāvāyam kālamkatoti. So kira upālinā gahapatinā paṭividdhasaccena dasahi gāthāhi bhāsite buddhaguṇe sutvā uṇham lohitam chaḍdesi. Atha nam aphāsukam gahetvā pāvam agamamatsu, so tattha kālamakāsi. Kālam kurumāno ca “mama laddhi aniyyānikā sārarahitā, mayam tāva naṭhā, avasesajano mā apāyapūrako ahosi. Sace panāham ‘mama sāsanam aniyyānikan’ti vakkhāmi, na saddahissanti. Yamnūnāham dvepi jane na ekanīhārena uggaṇhāpeyyam, te mamaccayena aññamaññam vivadissanti. Satthā tam vivādam paṭicca ekam dhammadkatham kathessati, tato te sāsanassa mahantabhbāvam jātissantī”ti.

Atha nam eko antevāsiko upasaṅkamitvā āha “bhante, tumhe dubbalā, mayham imasmiṁ dhamme sāram ācikkhatha ācariyappamāṇan”ti. Āvuso, tvam mamaccayena sassatanti gaṇheyyāsīti. Aparopi tam upasaṅkami, tam ucchedam gaṇhāpesi. Evam dvepi jane ekaladdhike akatvā bahū nānānīhārena uggaṇhāpetvā kālamakāsi. Te tassa sarīrakiccam katvā sannipatitvā aññamaññam pucchim̄su

“kassāvuso, ācariyo sāramācikkhī”ti? Eko uṭṭhahitvā mayhanti āha. Kim ācikkhīti? Sassetanti. Aparo tam paṭibāhitvā mayham sāram ācikkhīti āha. Evam sabbe “mayham sāram ācikkhi, aham jeṭṭhako”ti aññamaññaṁ vivādaṁ vadḍhetvā akkose (4.0023) ceva paribhāse ca hatthapādapahārādīni ca pavattetvā ekamaggena dve agacchantā nānādisāsu pakkamīṣu, ekacce gihī ahesum.

Bhagavato pana dharamānakālepi bhikkhusaṅghe vivādo na uppajji. Satthā hi tesam vivādakāraṇe uppannamatteyeva sayam vā gantvā te vā bhikkhū pakkosāpetvā khanti mettā paṭisaṅkhā avihimsā sāraṇiyadhammesu ekam kāraṇam kathetvā vivādaṁ vūpasameti. Evam dharamānopi saṅghassa patiṭṭhāva ahosi. Parinibbāyamānopi avivādakāraṇam katvāva parinibbāyi. Bhagavatā hi sutte desitā cattāro mahāpadesā (a. ni. 4.180; dī. ni. 2.187) yāvajjadivasā bhikkhūnaṁ patiṭṭhā ca avassayo ca. Tathā khandhake desitā cattāro mahāpadesā (mahāva. 305) sutte vuttāni cattāri pañhabyākaraṇāni (a. ni. 4.42) ca. Tenevāha- “yo vo mayā, ānanda, dhammo ca vinayo ca desito paññatto, so vo mamaccayena satthā”- ti (dī. ni. 2.216).

42. Atha kho cundo samaṇuddesoti ayam thero dhammasenāpatissa kaniṭṭhabhātiko. Tam bhikkhū anupasampannakāle cundo samaṇuddesoti samudācaritvā therakālepi tatheva samudācarīṣu. Tena vuttam “cundo samaṇuddeso”ti. **Upasāṅkamīti** kasmā upasaṅkami? Nāṭaputte kira kālamkate jambudīpe manussā tattha tattha kathaṁ pavattayīṣu- “nigaṇṭho nāṭaputto eko satthāti paññāyittha, tassa kālakiriyāya sāvakānam evarūpo vivādo jāto, samaṇo pana gotamo jambudīpe cando viya sūriyo viya ca pākaṭoyeva, kīdiso nu kho samaṇe gotame parinibbutē sāvakānam vivādo bhavissatī”ti. Thero tam kathaṁ sutvā cintesi- “imam kathaṁ gahetvā dasabalassa ārocessāmi, satthā ca etam athuppattim katvā ekam desanam kathessatī”ti. So nikhamitvā

yena sāmagāmo, yenāyasmā ānando tenupasaṅkami. Ujumeva bhagavato santikam agantvā yenassa upajjhāyo āyasmā ānando tenupasaṅkamīti attho. Evam kirassa ahosi- “upajjhāyo me mahāpañño, so imam sāsanam (4.0024) satthu ārocessati, atha satthā tadanurūpam dhammam desessati”ti. **Kathāpābhātanti** kathāmūlam, mūlañhi pābhatanti vuccati. Yathāha-

“Appakenapi medhāvī, pābhatena vicakkhaṇo;

samuṭṭhāpeti attānam, aṇum aggiṃva sandhaman”ti. (jā. 2.1.4);

Dassanāyāti dassanatthāya. Kim paniminā bhagavā na diṭṭhapubboti? No na diṭṭhapubbo, ayañhi āyasmā divā nava vāre rattim nava vāreti ekāham aṭṭhārasa vāre upaṭṭhānameva gacchat. Divasassa pana satakkhattum vā sahassakkhattum vā gantukāmo samānopi na akāraṇā gacchat, ekam pañhuddhāram gahetvāva gacchat. So tamdivasam tena gantukāmo evamāha.

Ahitāya dukkhāya devamanussānanti ekasmiṃ vihāre saṅghamajjhe uppanno vivādo kathaṃ devamanussānam ahitāya dukkhāya saṃvattati? Kosambakakkhaṇdhake (mahāva. 451) viya hi dvīsu bhikkhūsu vivādaṃ āpannesu tasmiṃ vihāre tesam antevāsikā vivadanti, tesam ovādaṃ gaṇhanto bhikkhunisaṅgo vivadati, tato tesam upaṭṭhākā vivadanti, atha manussānam ārakkhadevatā dve koṭṭhāsā honti. Tattha dhammavādīnam ārakkhadevatā dhammavādīniyo honti, adhammavādīnam adhammavādīniyo honti. Tato tāsam ārakkhadevatānam mittā bhumma-devatā bhijjanti. Evam paramparāya yāva brahmalokā ṭhapetvā ariyasāvake sabbe devamanussā dve koṭṭhāsā honti. Dhammavādīhi pana adhammavādinova bahutarā honti, tato yaṃ bahūhi gahitam, tam gaṇhanti. Dhammam vissajjetvā bahutarāva adhammam gaṇhanti. Te adhammam pūretvā viharantā apāye nibbattanti. Evam ekasmiṃ vihāre saṅghamajjhe uppanno vivādo bahūnam ahitāya dukkhāya hoti.

43. Abhiññā desitāti mahābodhimūle nisinnena paccakkham katvā paveditā. **Patissayamānarūpā viharantīti** upanissāya viharanti. **Bhagavato accayenāti** etarahi bhagavantam jeṭṭhakam katvā sagāravā viharanti, tumhākam, bhante, uggate-jatāya durāsadatāya vivādaṃ janetum na (4.0025) sakkonti, bhagavato pana accayena vivādaṃ janeyyunti vadati. Yattha pana tam vivādaṃ janeyyum, tam dassento **ajjhājīve vā adhipātimokkhe vāti āha**. Tattha **ajjhājīveti** ājīvahetu ājīvakāraṇā- “bhikkhu uttarimanussadhammam ullapati āpatti pārājikassā”ti-ādinā (pari. 287) nayena parivāre paññattāni cha sikkhāpadāni, tāni ṭhapetvā sesāni sabbasi-kkhāpadāni **adhipātimokkham** nāma. **Appamattako so ānandāti** ajjhājīvam adhipātimokkhañca ārabbha uppannavivādo nāma yasmā parassa kathāyapi attano dhammatāyapi sallakkhetvā suppajaho hoti, tasmā “appamattako”ti vutto.

Tatrāyam nayo- idhekacco “na sakkā uttarimanussadhammam anullapantena kiñci laddhun”ti-ādīni cintetvā ājīvahetu uttarimanussadhammam vā ullapati sañcarittam vā āpajjati, yo te vihāre vasati, so bhikkhu arahāti-ādinā nayena sāmantaja-ppanam vā karoti, agilāno vā attano atthāya pañītabhojanāni viññāpetvā bhuñjati, bhikkhunī vā pana tāni viññāpetvā pāṭidesanīyam āpajjati, yo koci dukkaṭava-thukam yamkiñci sūpodanaviññattimeva vā karoti, aññataram vā pana paññattivī-

tikkamaṁ karonto viharati, tamenam̄ sabrahmacārī evam̄ sañjānanti- “kim̄ imassa iminā lābhena laddhena, yo sāsane pabbajitvā micchājīvena jīvikam̄ kappeti, paññattivitikkamaṁ karotī”ti. Attano dhammatāyapissa evam̄ hoti- “kissa mayhaṁ iminā lābhena, yvāham̄ evam̄ svākkhāte dhammadvinaye pabbajitvā micchājīvena jīvikam̄ kappemi, paññattivitikkamaṁ karomī”ti sallakkhetvā tato oramatī. Evam̄ parassa kathāyapi attano dhammatāyapi sallakkhetvā suppajaho hoti. Tena bhagavā “appamattako”ti āha.

Magge vā hi, ānanda, paṭipadāya vāti lokuttaramaggam̄ patvā vivādo nāma sabbaso vūpasammati, natthi adhigatamaggānam̄ vivādo. Pubbabhāgamaggam̄ pana pubbabhāgapatiṣṭadañca sandhāyetam̄ vuttam̄.

Tatrāyam̄ nayo- evam̄ bhikkhum̄ manussā lokuttaradhamme sambhāventi. So saddhivihārikādayo āgantvā vanditvā ṭhite pucchatī “kim̄ āgatatthā”ti. Manasikātabbakammaṭṭhānam̄ pucchitum̄, bhanteti. Nisīdatha, khaṇeneva (4.0026) arahattam̄ pāpetum̄ samatthakammaṭṭhānakatham̄ ācikkhissāmīti vatvā vadati- “idha bhikkhu attano vasanaṭṭhānam̄ pavisitvā nisinno mūlakammaṭṭhānam̄ manasi karoti, tassa tam̄ manasikaroto obhāso uppajjati. Ayam̄ paṭhamamaggo nāma. So dutiyam̄ obhāsañāṇam̄ nibbatteti, dutiyamaggo adhigato hoti, evam̄ tatiyañca catutthañca. Ettāvatā maggappatto ceva phalappatto ca hotī”ti. Atha te bhikkhū “akhīñāsavō nāma evam̄ kammaṭṭhānam̄ kathetum̄ na sakkoti, addhāyam̄ khīñāsavo”ti niṭṭham̄ gacchanti.

So aparena samayena kālam̄ karoti. Samantā bhikkhācāragāmehi manussā āgantvā pucchanti “kenaci, bhante, therō pañhaṁ pucchito”ti. Upāsakā pubbeva therena pañho kathito amhākanti. Te pupphamaṇḍapam̄ pupphakūṭāgāram̄ sajjetvā suvaṇṇena akkipidhānamukhapidhānādīm̄ karitvā gandhamālādīhi pūjetvā sattāham̄ sādhukilīkaṁ kīletvā jhāpetvā atṭhīni ādāya cetiyam̄ karonti. Aññe āgantukā vihāram̄ āgantvā pāde dhovitvā “mahātheram̄ passissāma, kaham̄, āvuso, mahāthero”ti pucchanti. Parinibbuto, bhanteti. Dukkaram̄, āvuso, therena kataṁ maggaphalāni nibbattentena, pañhaṁ pucchittha, āvusoti. Bhikkhūnam̄ kammaṭṭhānam̄ kathento iminā niyāmena kathesi, bhanteti. Na eso, āvuso, maggo, vipassanupakkileso nāmesa, na tumhe jānittha, puthujjano, āvuso, theroti. Te kalahaṁ karontā uṭṭhahitvā “sakalavihāre bhikkhū ca bhikkhācāragāmesu manussā ca na jānanti, tumheyeva jānātha. Kataramaggena tumhe āgatā, kim̄ vo vihāradvāre cetiyam̄ na diṭṭhanī”ti. Evam̄vādīnam̄ pana bhikkhūnam̄ satam̄ vā, hotu sahassam̄ vā, yāva tam̄ laddhim̄ nappajahanti, saggopi maggopi vāritoyeva.

Aparopi tādisova kammaṭṭhānam̄ kathento evam̄ katheti- citteneva tīsu uddhanesu tīni kapallāni āropetvā heṭṭhā aggim̄ katvā citteneva attano dvattiṁsākāram̄ uppāṭetvā kapallesu pakhipitvā citteneva daṇḍakena parivattetvā parivattetvā bhajitabbam̄, yā jhāyamāne chārikā hoti, sā mukhavātena palāsetabbā. Ettakena dhūtapāpo nāmesa samaṇo hoti. Sesam̄ purimanayeneva vitthāretabbam̄.

Aparo (4.0027) evam̄ katheti- citteneva mahācāṭīm̄ ṭhāpetvā matthum̄ yojetvā citteneva attano dvattiṁsākāram̄ uppāṭetvā tattha pakhipitvā matthum̄ otāretvā manhitabbam̄. Mathiyamānam̄ vilīyati, vilīne upari pheṇo uggacchati. So pheṇo

paribhuñjitabbo. Ettāvatā vo amataṁ paribhuttam nāma bhavissati. Ito param “atha te bhikkhū”ti-ādi sabbam purimanayeneva vitthāretabbam.

44. Idāni yo evam vivādo uppajjeyya, tassa mūlam dassento **chayimānīti-ādimāha**. Tattha **agāravoti** gāravavirahito. **Appatissoti** appatissayo anīcavutti. Ettha pana yo bhikkhu satthari dharamāne tīsu kālesu upaṭṭhānam na yāti, satthari anupāhane caṅkamante sa-upāhano caṅkamati, nīce caṅkame caṅkamante ucce caṅkame caṅkamati, heṭṭhā vasante upari vasati, satthu dassanaṭṭhāne ubho amse pārupati, chattam dhāreti, upāhanam dhāreti, nhānatitthe uccāram vā passāvam vā karoti, parinibbute vā pana cetiyam vanditum na gacchat, cetiyassa paññāyanatṭhāne satthudassanaṭṭhāne vuttam sabbam karoti, aññehi ca bhikkhūhi “kasmā evam karosi, na idam vaṭṭati, sammāsabuddhassa nāma lajjitum vaṭṭati”ti vutte “tuṇhī hoti, kiṁ buddho buddhoti vadasi”ti bhaṇati, ayam **satthari agāravo** nāma.

Yo pana dhammassavane saṅghuṭhe sakkaccam na gacchat, sakkaccam dhammam na suṇāti, niddāyati vā sallapento vā nisidati, sakkaccam na gaṇhāti na dhāreti, “kiṁ dhamme agāravam karosi”ti vutte “tuṇhī hoti, dhammo dhammoti vadasi, kiṁ dhammo nāmā”ti vadati, ayam **dhamme agāravo** nāma.

Yo pana therena bhikkhunā anajjhīttho dhammam deseti, nisidati pañham katheti, vuḍḍhe bhikkhū ghaṭṭento gacchat, tiṭṭhati nisidati, dussapallatthikam vā hatthapallatthikam vā karoti, saṅghamajjhe ubho amse pārupati, chattupāhanam dhāreti, “bhikkhusaṅghassa lajjitum vaṭṭati”ti vuttepi “tuṇhī hoti, saṅgo saṅghoti vadasi, kiṁ saṅgo, migasaṅgo ajasaṅgo”ti-ādīni vadati, ayam **saṅghe agāravo** nāma. Ekabhikkhusmimpi hi agārave kate saṅghe (4.0028) katoyeva hoti. Tisso sikkhā pana aparipūrayamānova **sikkhāya na paripūrakāri** Nāma.

Ajjhattam vāti attani vā attano parisāya vā. **Bāhiddhāti** parasmīm vā parassa parisāya vā.

46. Idāni ayam cha ṭhānāni nissāya uppannavivādo vadḍhanto yāni adhikaraṇāni pāpuṇāti, tāni dassetum **cattārimānīti-ādimāha**. Tattha vūpasamanatthāya pavattamānehi samathehi adhikātabbānīti **adhikaraṇāni**. Vivādova adhikaraṇam **vivādādhikaraṇam**. Itaresupi eseva nayo.

Idāni imānipi cattāri adhikaraṇāni patvā upari vadḍhento so vivādo yehi samathehi vūpasammati, tesam dassanattham **satta kho panimetī-ādimāha**. Tattha adhikaraṇāni samenti vūpasamentīti **adhikaraṇasamathā**. **Uppannuppannānanti** uppannānam uppannānam. **Adhikaraṇānanti** etesam vivādādhikaraṇādīnam catunnam. **Samathāya vūpasamāyāti** samanatthañceva vūpasamanatthañca. **Sammukhāvinayo dātabbo ...pe... tiṇavatthārakoti** ime satta samathā dātabbā.

Tatrāyam vinicchayakathā- adhikaraṇesu tāva dhammoti vā adhammoti vāti atṭhārasahi vatthūhi vivadantānam bhikkhūnam yo vivādo, idam **vivādādhikaraṇam** nāma. Sīlavipattiya vā ācāradiṭṭhi-ājīvavipattiya vā anuvadantānam yo anuvādo upavadanā ceva codanā ca, idam **anuvādādhikaraṇam** nāma. Mātikāyam āgatā pañca vibhaṅge dveti satta āpattikkhandhā **āpattādhikaraṇam** nāma. Yam saṅghassa apalokanādīnam catunnam kammānam karaṇam, idam **kiccādhika-**

raṇam nāma.

Tattha **vivādādhikaraṇam** dvīhi samathehi sammati sammukhāvinayena ca yebhuuyasikāya ca. Sammukhāvinayeneva sammamānaṁ yasmiṁ vihāre uppannaṁ, tasmiṁyeva vā, aññattha vūpasametum gacchantānaṁ antarāmagge vā, yattha gantvā saṅghassa niyyātitam, tattha saṅghena vā gaṇena vā vūpasametum asakkonte tattheva ubbāhikāya sammata puggalehi vā vinicchitaṁ sammati. Evam̄ sammamāne pana (4.0029) tasmiṁ yā saṅghasammukhatā dhammasammukhatā, vinayasammukhatā, puggalasammukhatā, ayam̄ **sammukhāvinayo** nāma.

Tattha ca kārakasaṅghassa sāmaggivasena sammukhībhāvo saṅghasammukhatā. Sametabbassa vatthuno bhūtatā dhammasammukhatā. Yathā tam same-ttabbam, tatheva samanam̄ vinayasammukhatā. Yo ca vivadati, yena ca vivadati, tesam̄ ubhinnam̄ attapaccatthikānaṁ sammukhībhāvo puggalasammukhatā. Ubbāhikāya vūpasame panettha saṅghasammukhatā parihāyati. Evam̄ tāva sammukhāvinayeneva sammati.

Sace panevampi na sammati, atha naṁ ubbāhikāya sammata bhikkhū “na mayam̄ sakkoma vūpasametun”ti saṅghasseva niyyātentī. Tato saṅgho pañcaṅga-samannāgataṁ bhikkhum̄ salākaggāhakam̄ sammannitvā tena guṇhakavivaṭakasa-kaṇṇajappakesu tīsu salākaggāhesu aññataravasena salākam̄ gāhetvā sannipati-taparisāya dhammavādīnam̄ yebhuuyatāya yathā te dhammavādino vadanti, evam̄ vūpasantam̄ adhikaraṇam̄ sammukhāvinayena ca yebhuuyasikāya ca vūpasantam̄ hoti. Tattha sammukhāvinayo vuttanayo eva. Yam̄ pana yebhuuyasikāya kammassa karaṇam̄, ayam̄ **yebhuuyasikā** nāma. Evam̄ vivādādhikaraṇam̄ dvīhi samathehi sammati.

Anuvādādhikaraṇam catūhi samathehi sammati sammukhāvinayena

ca sativinayena ca amūl havinayena ca tassapāpiyasi kāya ca. Sammukhāvinayeneva sammamānam yo ca anuvadati, yañca anuvadati, tesam vacanam sutvā, sace kāci āpatti natthi, ubho khamāpetvā, sace atthi, ayam nāmettha āpattīti evam vinicchitam vūpasammati. Tattha sammukhāvinayalakkhaṇam vuttanayameva.

Yadā pana khīnāsavassa bhikkhuno amūlikāya sīlavipattiyā anuddhaṁsitassa sativinayaṁ yācamānassa saṅgho ñatticatutthena kammena sativinayaṁ deti, tadā sammukhāvinayena ca sativinayena ca vūpasantam hoti. Dinne pana sativinaye puna tasmiṁ puggale kassaci anuvādo na ruhati.

Yadā ummattako bhikkhu ummādavasena kate assāmaṇake ajjhācāre “sarataṁ yasmā evarūpiṁ āpattin”ti bhikkhūhi vuccamāno- “ummattakena me, āvuso, etam kataṁ, nāhaṁ tam sarāmī”ti bhaṇtopi bhikkhūhi (4.0030) codiyamānova puna acodanatthāya amūl havinayaṁ yācati, saṅgho cassa ñatticatutthena kammena amūl havinayaṁ deti, tadā sammukhāvinayena ca amūl havinayena ca vūpasantam hoti. Dinne pana amūl havinaye puna tasmiṁ puggale kassaci tappaccayā anuvādo na ruhati.

Yadā pana pārājikena vā pārājikasāmantena vā codiyamānassa aññenāññam paṭicarato pāpuṣsannatāya pāpiyassa puggalassa- “sacāyaṁ acchinna mūlo bhavissati, sammā vattitvā osāraṇam labhissati, sace chinnamūlo, ayamevassa nāsanā bhavissatī”ti maññamāno saṅgho ñatticatutthena kammena tassapāpiyasi kām karoti, tadā sammukhāvinayena ca tassa pāpiyasi kāya ca vūpasantam hoti. Evam anuvādādhikaraṇam catūhi samathehi sammati.

Āpattādhikaraṇam tīhi samathehi sammati sammukhāvinayena ca paṭiññātakaraṇena ca tiṇavatthārakena ca. Tassa sammukhāvinayeneva vūpasamo natthi. Yadā pana ekassa vā bhikkhuno santike saṅghaganamajjheshu vā bhikkhu lahukaṁ āpattim deseti, tadā āpattādhikaraṇam sammukhāvinayena ca paṭiññātakaraṇena ca vūpasammati. Tattha sammukhāvinayo tāva yo ca deseti, yassa ca deseti, tesam sammukhatā. Sesam vuttanayameva. Puggalassa ca gaṇassa ca desanākāle saṅghasammukhatā parihāyati. Yaṁ panettha “ahaṁ, bhante, itthānnāmam āpattim apanno”ti ca, āma “passāmī”ti ca paṭiññātāya “āyatim samvareyyāsi”ti karaṇam, tam paṭiññātakaraṇam nāma. Saṅghādisese parivāsādiyācanā paṭiññā, parivāsādīnam dānam paṭiññātakaraṇam nāma.

Dvepakkhajātā pana bhaṇḍanakārakā bhikkhū bahum assāmaṇakam ajjhācāram caritvā puna lajjidhamme uppanne “sace mayaṁ imāhi āpattīhi aññamaññam kāressāma, siyāpi tam adhikaraṇam kakkhalattāya samvatteyyā”ti aññamaññam āpattiyā kārāpane dosam disvā yadā tiṇavatthārakakammam karonti, tadā āpattādhikaraṇam sammukhāvinayena ca tiṇavatthārakena ca sammati. Tatra hi yattakā hatthapāsupagatā “na me tam khamati”ti evam ditthāvikammam akatvā “dukkatam kammaṁ puna kātabbam kamman”ti na ukkoṭenti, niddampi (4.00 okkantā honti, sabbesampi ṭhapetvā thullavajjañca gihipaṭisaṁyuttañca sabbāpttīyo vuṭṭhahanti. Evam āpattādhikaraṇam tīhi samathehi sammati. **Kiccādhikaraṇam** ekena samathena sammati sammukhāvinayeneva.

Imāni cattāri adhikaraṇāni yathānurūpam imehi sattahi samathehi sammanti.

Tena vuttam “uppannuppannānam adhikaraṇānam samathāya vūpasamāya sammukhāvinayo dātabbo ...pe... tiṇavatthārako”ti. Ayamettha vinicchayanayo, vitthāro pana samathakkhandhake (cūlava. 185) āgatoyeva. Vinicchayopissa **samanṭapāsādikāya** vutto.

47. Yo panāyam imasmim sutte “idhānanda, bhikkhū vivadanti”ti-ādiko vitthāro vutto, so etena nayena saṅkhepatova vuttoti veditabbo. Tattha **dhammoti**-ādīsu suttantapariyāyena tāva dasa kusalakammapathā **dhammo**, akusalakammapathā **adhammo**. Tathā “cattāro satipaṭṭhānā”ti heṭṭhā āgatā sattatiṁsa bodhipakkhiyadhammā, tayo satipaṭṭhānā tayo sammappadhānā tayo iddhipādā cha indriyāni cha balāni atṭha bojjhaṅgā navaṅgiko maggo cāti, cattāro upādānā pañca nīvaraṇānīti-ādayo saṅkaliṭṭhadhammā cāti ayam adhammo.

Tattha yamkiñci ekam adhammakoṭṭhāsam gahetvā “imam adhammam dhammoti karissāma, evam amhākam ācariyakulam niyyānikam bhavissati, mayañca loke pākaṭā bhavissāmā”ti tam adhammam “dhammo ayan”ti kathentā dhammoti vivadanti. Tattheva dhammakoṭṭhāsesu ekam gahetvā “adhammo ayan”-ti kathentā adhammoti vivadanti.

Vinayapariyāyena pana bhūtena vatthunā codetvā sāretvā yathāpaṭiññāya kātabbakammam **dhammo** nāma, abhūtena pana vatthunā acodetvā asāretvā apatiññāya katabbakammam **adhammo** nāma. Tesupi adhammam “dhammo ayan”ti kathentā dhammoti vivadanti, “adhammo ayan”ti kathentā adhammoti vivadanti.

Suttantapariyāyena pana rāgavinayo dosavinayo mohavinayo samvaro pahānam paṭisaṅkhāti ayam **vinayo** nāma, rāgādīnam avinayo asamvaro (4.0032) appahānam appaṭisaṅkhāti ayam **avinayo** nāma. Vinayapariyāyena vatthusampatti ñattisampatti anusāvanasampatti sīmasampati parisasampattīti ayam **vinayo** nāma, vatthuvipatti ...pe... parisavipattīti ayam **avinayo** nāma. Tesupi yamkiñci avinayam “vinayo ayan”ti kathentā vinayoti vivadanti, vinayaṁ avinayoti kathentā avinayoti vivadanti.

Dhammanetti samanumajjitatabbāti dhammaraju anumajjitatabbā ñāñena ghaṁsi-
tabbā upaparikkhitabbā. Sā panesā dhammanetti “iti kho vaccha ime dasa
dhammā akusalā dasa dhammā kusalā”ti evam mahāvacchagottasutte (ma. ni. 2.
194) āgatāti vuttā. Sā eva vā hotu, yo vā idha dhammoti ca vinayo ca vutto. **Yathā**
tattha sametīti yathā tāya dhammanettiyā sameti, “dhammo dhammadova hoti,
adhammo adhammadova, vinayo vinayova hoti, avinayo avinayova”. **Tathā tanti**
evam tam adhikaraṇam vūpasametabbam. **Ekaccānam adhikaraṇānanti** idha vivā-
dādhikaraṇameva dassitam, sammukhāvinayo pana na kismiñci adhikaraṇe na
labbhati.

48. Tam panetam yasmā dvīhi samathehi sammati sammukhāvinayena ca
yebhuyyasikāya ca, tasmā heṭṭhā mātikāya ṭhapitānukkamena idāni sativinayassa
vāre pattepi tam avatvā vivādādhikaraṇayeva tāva dutiyasamatham dassento
kathañcānanda, yebhuyyasikāti-ādimāha. Tattha **bahutarāti** antamaso dvīhi tīhipi
atirekatarā. Sesamettha heṭṭhā vuttanayeneva veditabbam.

49. Idāni heṭṭhā avitthāritam sativinayam ādīm katvā vitthāritāvasesasamathe

paṭipāṭiyā vitthāretum **kathañcānanda, sativinayoti-ādimāha**. Tattha **pārājikasāma-nena vāti** dve sāmantāni khandhasāmantañca āpattisāmantañca. Tattha pārājikā-pattikkhandho saṅghādisesāpattikkhandho thullaccaya-pācittiya-pāṭidesanīya-du-kkaṭa-dubbhāsitāpattikkhandhoti evam̄ purimassa pacchimakhandham̄ khandha-sāmantam̄ nāma hoti. Paṭhamapārājikassa pana pubbabhāge dukkaṭam̄, sesānam̄ thullaccayanti idam̄ āpattisāmantam̄ nāma. Tattha (4.0033) khandhasāmante pārā-jikasāmantam̄ garukāpatti nāma hoti. **Saratāyasmāti** saratu āyasmā. **Ekaccānam adhikaraṇānanti** idha anuvādādhikaraṇameva dassitam̄.

50. Bhāsitaparikkantanti vācāya bhāsitam̄ kāyena ca parikkantam̄, parakka-mitvā katanti attho. **Ekaccānanti** idhāpi anuvādādhikaraṇameva adhippetam̄. Paṭi-ññātakarane “ekaccānan”ti āpattādhikaraṇam̄ dassitam̄.

52. Davāti sahasā. **Ravāti** aññam̄ bhaṇitukāmena aññam̄ vuttam̄. **Evam̄ kho, ānanda, tassapāpiyasikā hotīti** tassapuggalassa pāpussannatā pāpiyasikā hoti. Iminā kammassa vatthu dassitam̄. Evarūpassa hi puggalassa kammam̄ kāttabbam̄. Kammena hi adhikaraṇassa vūpasamo hoti, na puggalassa pāpussannatāya. Idhāpi ca anuvādādhikaraṇameva adhikaraṇanti veditabbam̄.

53. Kathañcānanda, Tiṇavatthārakoti ettha idam̄ kammañ tiṇavatthārakasadi-sattā tiṇavatthārakoti vuttam̄. Yathā hi gūtham̄ vā muttam̄ vā ghaṭṭiyamānam̄ duggandhatāya bādhati, tiṇehi avattharitvā suppaṭicchāditassa panassa so gandho na bādhati, evameva yañ adhikaraṇam̄ mūlānumūlam̄ gantvā vūpasami-yamānam̄ kakkhaṭattāya vālattāya bhedāya samvattati, tam̄ iminā kammena vūpasantam̄ gūtham̄ viya tiṇavatthārakena paṭicchannam̄ vūpasantam̄ hotīti idam̄ kammañ tiṇavatthārakasadisattā tiṇavatthārakoti vuttam̄. Tassa **idhānanda, bhikkhūnañ bhaṇḍanajātānanti-ādivacanena** ākāramattameva dassitam̄, khandhake āgatāyeva panettha kammavācā pamāṇam̄. **Thapetvā thullavajjam̄** **ṭhapetvā gihipaṭisam̄yuttanti**. Ettha pana **thullavajjanti** thūllavajjam̄ pārājikañceva saṅghādisesañca. **Gihipaṭisam̄yuttanti** gihinam̄ hīnena khūmsanavambhanadha-mmikapaṭissavesu āpannā āpatti. **Adhikaraṇānanti** idha āpattādhikaraṇameva veditabbam̄. Kiccādhikaraṇassa pana vasena idha na kiñci vuttam̄. Kiñcāpi na vuttam̄, sammukhāvinayeneva panassa vūpasamo hotīti veditabbo.

54. Chayime (4.0034), **ānanda, dhammā sāraṇīyā** Ti heṭhā kalahavasena suttam̄ āraddham̄, upari sāraṇīyadhammā āgatā. Iti yathānusandhināva desanā gatā hoti. Heṭhā kosambiyasutte (ma. ni. 1.498-500) pana sotāpattimaggasammādiṭṭhi kathitā, imasmiñ sutte sotāpattiphalasammādiṭṭhi vuttāti veditabbā. **Añunti appa-sāvajjañ**. **Thūlanti** mahāsāvajjañ. Sesamettha uttānamevāti.

Papañcasūdaniyā majjhimanikāyaṭṭhakathāya

Sāmagāmasuttavaṇṇanā nitṭhitā.

5. Sunakkhattasuttavaṇṇanā

55. Evam me sutanti sunakkhattasuttaṁ. Tattha aññāti arahattam. **Byākatāti** khīnā jātīti-ādīhi catūhi padehi kathitā. **Adhimānenāti** appatte pattasaññino, anadhigate adhigatasaññino hutvā adhigataṁ amhehīti mānena byākariṁsu.

56. Evañcettha sunakkhatta tathāgatassa hotīti sunakkhatta ettha etesam bhikkhūnam pañhabyākarane- “idaṁ ṭhānam etesam avibhūtam andhakāram, tenime anadhigate adhigatasaññino, handa nesam visodhetvā pākaṭam katvā dhammam desemī”ti, evañca tathāgatassa hoti. **Atha ca panidhekacce ...pe...tassapi hoti aññathattanti** bhagavā paṭipannakānam dhammam deseti. Yattha pana icchācāre ṭhitā ekacce moghapurissā honti, tatra bhagavā passati- “ime imam pañham uggahetvā ajānitvāva jānantā viya appatte pattasaññino hutvā gāmanigamādīsu visevamānā vicarissanti, tam nesam bhavissati dīgharattam ahitāya dukkhāyā”ti evamassāyam icchācāre ṭhitānam kāraṇā paṭipannakānampi athāya “dhammam desissāmī”ti uppannassa cittassa aññathābhāvo hoti. Tam sandhā-yetam vuttam.

58. Lokāmisādhimutto Ti vaṭṭāmisa-kāmāmisa-lokāmisabhūtesu pañcasu kāmaguṇesu adhimutto tanninno taggaruko tappabbhāro. **Tappatirūpīti** (4.0035) kāmaguṇasabhāgā. **Āneñjapaṭisamyyuttāyāti** āneñjasamāpattipaṭisamyyuttāya. **Saṃseyyāti** katheyya. **Āneñjasamyojanena hi kho visamyyuttoti** āneñjasamāpattisamyojanena visamṣatṭho. **Lokāmisādhimuttoti** evarūpo hi lūkhacīvaradharo mattikāpattam ādāya attano sadisehi katipayehi saddhiṁ paccantajanapadaṁ gacchatī, gāmaṁ piṇḍāya paviṭṭhakāle manussā disvā “mahāpaṃsukulikā āgatā”ti yāgubhattādīni sampādetvā sakkaccam dānam denti, bhattakicce niṭṭhite anumodanaṁ sutvā “svepi, bhante, idheva piṇḍāya pavisathā”ti vadanti. Alam upāsakā, ajjāpi vo bahūnam dinnanti.

Tena hi, bhante, antovassam idha vaseyyāthāti adhivāsetvā vihāramaggam pucchitvā vihāram gacchanti. Tattha senāsanam gahetvā pattacīvaram paṭisāmenti. Sāyam eko āvāsiko te bhikkhū pucchat “kattha piṇḍāya cariththā”ti? Asukagāmeti. Bhikkhāsampannāti? Āma evarūpā nāma manussānam saddhā hoti. “Ajjeva nu kho ete edisā, niccampi edisā”ti? Saddhā te manussā niccampi edisā, te nissāyeva ayaṁ vihāro vadḍhatīti. Tato te pamsukulikā punappunam tesam vaṇṇam kathenti, divasāvasesam kathetvā rattimpi kathenti. Ettāvatā icchācāre ṭhitassa sīsam nikkhantam hoti udaram phālitam. Evaṁ lokāmisādhimutto veditabbo.

59. Idāni āneñjasamāpattilābhīm adhimānikam dassento **ṭhānam** **kho paneti**-ādimāha. **Āneñjādhimuttassāti** kilesasiñcanavirahitāsu heṭṭhimāsu chasu samāpattisu adhimuttassa tanninnassa taggaruno tappabbhārassa. **Se pavutteti** tam pavuttam. Cha samāpattilābhino hi adhimānikassa pañcakāmaguṇāmisabandhanā patitapanḍupalāso viya upaṭṭhāti. Tenetam vuttam.

60. Idāni ākiñcaññāyatanasamāpatti lābhino adhimānikassa nighamṣam dassetum **ṭhānam** **kho panāti**-ādimāha. Tattha **dvedhā bhinnāti** majhe bhinnā. **Appaṭisandhikāti** khuddakā muṭhipāsāṇamattā jatunā vā silesena vā alliyāpetvā paṭisandhātum sakkā. Mahantam pana kuṭagārappamāṇam sandhāyetam vuttam. **Se bhinneti** tam bhinnam. Upari (4.0036) samāpattilābhino hi heṭṭhāsamāpatti dvedhābhinnā selā viya hoti, tam samāpajjissāmīti cittam na uppajjati. Tenetam vuttam.

61. Idāni nevasaññānāsaññāyatana lābhino adhimānikassa ca nighamṣam dassento **ṭhānam** **kho panāti**-ādimāha. Tattha **se vanteti** tam vantaṁ. Aṭṭhasamāpattilābhino hi heṭṭhāsamāpattiyo vantasadisā hutvā upaṭṭhahanti, puna samāpajjissāmīti cittam na uppajjati. Tenetam vuttam.

62. Idāni khīṇāsavassa nighamṣam dassento **ṭhānam** **kho panāti**-ādimāha. Tattha **se ucchinnaṁūleti** so ucchinnaṁūlo. Upari samāpattilābhino hi heṭṭhāsamāpatti mūlacchinnatālo viya upaṭṭhāti, tam samāpajjissāmīti cittam na uppajjati. Tenetam vuttam.

63. **Ṭhānam** **kho panāti** pāṭiyekko anusandhi. Heṭṭhā hi samāpattilābhino adhimānikassapi khīṇāsavassapi nighamso kathito, sukkhavipassakassa pana adhimānikassapi khīṇāsavassapi na kathito. Tesam dvinnampi nighamṣam dassetum imam desanam ārabhi. Tam pana paṭikkhittam. Samāpattilābhino hi adhimānikassa nighamse kathite sukkhavipassakassapi adhimānikassa kathitova hoti, samāpattilābhino ca khīṇāsavassa kathite sukkhavipassakakhīṇāsavassa kathitova hoti. Etesam pana dvinnam bhikkhūnam sappāyāsappāyam kathetum imam desanam ārabhi.

Tattha siyā- puthujjanassa tāva ārammaṇam asappāyam hotu, khīṇāsavassa katham asappāyanti. Yadaggena puthujjanassa asappāyam, tadaggena khīṇāsavassāpi asappāyameva. Visam nāma jānitvā khāditampi ajānitvā khāditampi visameva. Na hi khīṇāsavenapi “aham khīṇāsavo”ti asamvutena bhavitabbam. Khīṇāsavenapi yuttapayutteneva bhavitum vaṭṭati.

64. Tattha **samaṇenāti** buddhasamaṇena. **Chandarāgabyāpādenāti** so avijjāsaṅkhāto visadoso chandarāgena ca byāpādena ca ruppati kuppati. **Asappāyānīti** avaḍḍhikarāni ārammaṇāni. **Anuddhamseyyātī** soseyya (4.0037) milāpeyya. **Sa-upādisesanti** sagahaṇasesaṁ, upāditabbam gaṇhitabbam idha upādīti vuttam. **Analañca te antarāyāyāTi** jīvitantarāyam te kātum asamattham. **Rajosūkanti** rajo ca vīhisukādi ca sūkam. **Asu ca visadosoti** so ca visadoso. **Tadubhayenātī** yā sā asappāyakiriyā ca yo visadoso ca, tena ubhayena. **Puthuttanti** mahantabhāvam.

Evameva khoti ettha sa-upādānasalluddhāro viya appahīno avijjāvisadoso daṭṭhabbo, asappāyakiriyāya ṭhitabhāvo viya chasu dvāresu asaṁvutakālo, tadubhayena vase puthuttam gate maraṇam viya sikkham paccakkhāya hīnāyāvattanam, maraṇamattam dukkham viya aññatarāya garukāya saṃkiliṭhāya āpattiyā āpajjanam daṭṭhabbam. Sukkapakkhepi imināva nayena opammasaṁsandanam veditabbam.

65. Satiyāyetam adhivacananti ettha sati paññāgatikā. Lokikāya paññāya lokikā hoti, lokuttarāya lokuttarā. **Ariyāyetam paññāyātī** parisuddhāya vipassanāpaññāya.

Idāni khīnāsavassa balam dassento **so vatāti-ādimāha**. Tattha **saṁvutakārīti** pihitakārī. **Iti viditvā nirupadhīti** evam jānitvā kilesupadhipahānā nirupadhi hoti, nirupādānoti attho. **Upadhisāñkhaye vimuttoti** upadhīnam saṅkhayabhūte nibbāne ārammaṇato vimutto. **Upadhisminti** kāmupadhisimī. **Kāyam upasamharissatīTi** kāyam alliyāpessati. Idam vuttam hoti- taṇhakkhaye nibbāne ārammaṇato vimutto khīnāsavo pañca kāmaguṇe sevitum, kāyam vā upasamharissati cittam vā uppādessatīti netam ṭhānam vijjati. Sesam sabbattha uttānatthamevāti.

Papañcasūdaniyā majjhimanikāyatṭhakathāya

Sunakkhattasuttavaṇṇanā niṭṭhitā.

6. Āneñjasappāyasuttavaṇṇanā

66. Evam (4.0038) **me sutanti** āneñjasappāyasuttam. Tattha **aniccāti** hutvā abhāvatṭhena aniccā. **Kāmāti** vatthukāmāpi kilesakāmāpi. **Tucchāti** niccasāradhuvasāra-attasāravirahitattā rittā, na pana natthīti gahetabbā. Na hi tucchamutṭhitī vutte muṭṭhi nāma natthīti vuttam hoti. Yassa pana abbhantare kiñci natthi, so vuccati tuccho. **Musāti** nāsanakā. **Mosadhammātī** nassanasabhāvā, khettam viya vatthu viya hiraññasuvaṇṇam viya ca na paññāyittha, katipāheneva supinake diṭṭhā viya nassanti na paññāyanti. Tena vuttam “mosadhammā”ti, **māyākatame-tanti** yathā māyāya udakam maṇīti katvā dassitam, badaripaṇṇam kahāpaṇoti katvā dassitam, aññam vā pana evarūpam dassanūpacāre ṭhitasseva tathā paññāyati, upacārātikkamato paṭṭhāya pākatikameva paññāyati. Evam kāmāpi ittarapaccupaṭṭhānaṭṭhena “māyākatan”ti vuttā. Yathā ca māyākāro udakādīni maṇī-ā-

dīnaṁ vasena dassento vañceti, evam kāmāpi aniccādīni niccādisabhāvam dassentā vañcentīti vañcanakatthenapi “māyākatan”ti vuttā. **Bālalāpananti** mayhaṁ putto, mayhaṁ dhītā, mayhaṁ hiraññam mayhaṁ suvañṇanti evam bālānam lāpanato bālalāpanam. **Dīṭṭhadhammikā kāmāti** mānusakā pañca kāmaguṇā. **Samparāyikāti** te ṭhapetvā avasesā. **Dīṭṭhadhammikā. Kāmasaññāti** mānusake kāme ārabbha uppannasaññā. **Ubhayametam māradheyyanti** ete kāmā ca kāmasaññā ca ubhayampi māradheyyam. Yehi ubhayametam gahitam, tesañhi upari māro vasam vatteti. Tam sandhāya “ubhayametam māradheyyan”ti vuttam.

Mārassesa visayoti-ādīsupi yathā colassa visayo colavisayo, pañdassa visayo pañdavisayo, samvarānam visayo samvaravisayoti pavattanaṭṭhānam visayoti vuccati, evam yehi ete kāmā gahitā, tesam upari māro vasam vatteti. Tam sandhāya **mārassesa visayoti** vuttam. Pañca pana kāmaguṇe nivāpabijam viya vippakiranto māro gacchati. Yehi pana te gahitā, tesam upari māro vasam vatteti. Tam sandhāya **mārassesa nivāpoti** vuttam. Yathā ca yattha hatthi-ādayo vasam vattenti, so hatthigocaro assagocaro ajagocaroti vuccati, evam (4.0039) yehi ete kāmā gahitā, tesu māro vasam vatteti. Tam sandhāya **mārassesa gocaroti** vuttam.

Etthāti etesu kāmesu. **Mānasāti** cittasambhūtā. Tattha siyā- duvidhe tāva kāme ārabbha abhijjhānalakkhaṇā abhijjhā, karaṇuttariyalakkhaṇo sārambho ca uppajjatu, byāpādo katham uppajjatī? Mamāyite vatthusmiṁ acchinnepi socanti, acchijjanterpi socanti, acchinnasaṅkinopi socanti, yo evarūpo cittassa āghātoti evam uppajjati. **Teva ariyasāvakassāti** te ariyasāvakassa. Vakāro āgamasandhimattam hoti. **Idha manusikkhatoti** imasmīm sāsane sikkhantassa te tayopi kilesā antarāyakarā honti. **Abhibhuyya lokanti** kāmalokam abhibhavitvā. **Adhiṭṭhāya manasāti** jhānārammaṇacittena adhiṭṭhahitvā. **Aparittanti** kāmāvacaracittam parittam nāma, tassa paṭikkhepena mahaggataṁ aparittam nāma. **Pamāṇantipi** kāmāvacarameva, rūpāvacaram arūpāvacaram **appamāṇam**. **Subhāvitanti** pana etam kāmāvacarādīnam nāmam na hoti, lokuttarassevetam nāmam. Tasmā etassa vasena aparittam appamāṇam subhāvitanti sabbam lokuttarameva vaṭṭati.

Tabbahulavihārinoti kāmapaṭibāhanena tameva paṭipadam bahulam katvā viharantassa. **Āyatane cittam pasīdatīti** kāraṇe cittam pasīdati. Kim panetha kāraṇam? Arahattam vā, arahattassa vipassanam vā, catutthajjhānam vā, catutthajjhānassa upacāram vā. **Sampasāde satīti** ettha duvidho sampasādo adhimokkhasampasādo ca paṭilābhasampasādo ca. Arahattassa hi vipassanam paṭṭhapetvā viharato mahābhūtādīsu upaṭṭhahantesu yenime nīhārena mahābhūtā upaṭṭhahanti, upādārūpā upaṭṭhahanti nāmarūpā upaṭṭhahanti, paccayā sabbathā upaṭṭhahanti, lakkhaṇārammaṇā vipassanā upaṭṭhahati, ajjeva arahattam gaṇhissāmīti appaṭiladdheyeva āsā santīthati, adhimokkhām paṭilabhati. Tatiyajjhānam vā pādakam katvā catutthajjhānatthāya kasiṇaparikammaṁ karontassa nīvaraṇavikkhambhanādīni samanupassato yenime nīhārena nīvaraṇā vikkhambanti, kilesā sannisidanti, sati santīthati, saṅkhāragatam vā vibhūtam pākaṭam hutvā dibbacakkhukassa paraloko viya upaṭṭhāti (4.0040), cittuppādo lepapiṇḍe laggamāno viya upacārena samādhīyati, ajjeva catutthajjhānam nibbattessāmīti apaṭiladdheyeva āsā santī-

tṭhati, adhimokkham ṣaṭilabhati. Ayam **adhimokkhasampasādo** nāma. Tasmiṁ sampasāde sati. Yo pana arahattam vā ṣaṭilabhati catutthajjhānam vā, tassa cittam vippasannam hotiyeva. Idha pana “āyatane cittam pasīdati”ti vacanato arahattavipassanāya ceva catutthajjhānūpacārassa ca ṣaṭilābho **paṭilābhāsampasādoti** veditabbo. Vipassanā hi paññāya adhimuccanassa kāraṇam, upacāram āneñjasamāpattiya.

Etarahi vā āneñjam samāpajjati. Paññāya vā adhimuccatīti ettha etarahi vā paññāya adhimuccati, āneñjam vā samāpajjatīti evam padaparivattanam katvā attho veditabbo. Idañhi vuttaṁ hoti- tasmiṁ sampasāde sati etarahi vā paññāya adhimuccati, arahattam sacchikarotīti attho. Tam anabhisambhuṇanto āneñjam vā samāpajjati, atha vā **paññāya vā adhimuccatīTi** arahattamaggam bhāveti, tam anabhisambhuṇanto āneñjam vā samāpajjati. Arahattamaggam bhāvetum asakkonto etarahi catusaccam vā sacchikaroti. Tam anabhisambhuṇanto āneñjam vā samāpajjatīti.

Tatrāyam nayo- idha bhikkhu tatiyajjhānam pādakaṁ katvā catutthajjhānassa kasiṇaparikammam karoti. Tassa nīvaraṇā vikkhambhanti, sati santiṭṭhati, upacārena cittam samādhiyati. So rūpārūpam parigaṇhāti, paccayam pariggaṇhāti, lakkhaṇārammanikam vipassanam vavatthapeti, tassa evam hoti- “upacārena me jhānam visesabhāgiyam bhaveyya, tiṭṭhatu visesabhāgiyatā, nibbedhabhāgiyam naṁ karissāmī”ti vipassanam vadḍhetvā arahattam sacchikaroti. Ettakenassa kiccam kataṁ nāma hoti. Arahattam sacchikātum asakkonto pana tato osakkita- mānaso antarā na tiṭṭhati, catutthajjhānam samāpajjatiyeva. Yathā kiṁ? Yathā puriso “vanamahiṁsam ghātessāmī”ti sattim gahetvā anubandhanto sace tam ghāteti, sakalagāmavāsino tosessati, asakkonto pana antarāmagge sasagodhādayo khuddakamige ghātete vā kājam pūretvā etiyeva.

Tattha (4.0041) purisassa sattim gahetvā vanamahimsānubandhanam viya imassa bhikkhuno tatiyajjhānam pādakam katvā catutthajjhānassa parikammaka-raṇam, vanamahimsaghātanam viya- “nīvaraṇavikkhambhanādīni samanupassato visesabhāgiyam bhaveyya, tiṭṭhatu visesabhāgiyatā, nibbedhabhāgiyam naṁ karissāmī”ti vipassanam vadḍhetvā arahattassa sacchikaraṇam, mahimsam ghātetum asakkontassa antarāmagge sasagodhādayo khuddakamige ghātetvā kājam pūretvā gamanam viya arahattam sacchikātum asakkontassa, tato osakkivā catutthajjhānasamāpajjanam veditabbam. Maggabhāvanā catusaccasaccchikiriyāyojanāsupi eseva nayo.

Idāni arahattam sacchikātum asakkontassa nibbattaṭṭhānam dassento **kāyassa bhedāti-ādimāha**. Tattha **yanti** yena kāraṇena tam samvattanikam viññāṇam assa āneñjūpagam, tam kāraṇam vijjatīti attho. Ettha ca **tāmsamvattanikanti** tassa bhikkhuno samvattanikam. Yena vipākaviññāṇena so bhikkhu samvattati nibbatati, tam viññāṇam. **Āneñjūpaganti** kusalāneñjasabhāvūpagataṁ assa, tādisameva bhaveyyāti attho. Keci kusalaviññāṇam vadanti. Yam tassa bhikkhuno samvattanikam upapattihetubhūtam kusalaviññāṇam āneñjūpagataṁ assa, vipākakālepi tannāmakameva assāti attho. So panāyamattho- “puññam ce saṅkhāram abhisāṅkharoti, puññūpagam hoti viññāṇam. Apuññam ce saṅkhāram abhisāṅkharoti, apuññupagam hoti viññāṇam. Āneñjam ce saṅkhāram abhisāṅkharoti, āneñjūpagam hoti viññāṇan”ti (sam. ni. 2.51) iminā nayena veditabbo. **Āneñjasappāyāti** āneñjassa catutthajjhānassa sappāyā. Na kevalañca sā āneñjasseva, upari arahattassāpi sappāyāva upakārabhūtāyevāti veditabbā. Iti imasmim paṭhamaka-āneñje samādhivasena osakkanā kathitā.

67. Iti **paṭisañcikkhatīti** catutthajjhānam patvā evam paṭisañcikkhati. Ayañhi bhikkhu heṭṭhimena bhikkhunā paññavantataro tassa ca bhikkhuno attano cāti dvinnampi kammaṭṭhānam ekato katvā sammasati. **Tabbahulavihārinoti** rūpapaṭibāhanena tameva paṭipadam bahulam katvā viharantassa. **Āneñjam samāpajjatīti** (4.0042) ākāsānañcāyatānāneñjam samāpajjati. Sesam purimasadisameva. Yathā ca idha, evam sabbattha visesamattameva pana vakkhāma. Iti imasmim dutiya-āneñje vipassanāvasena osakkanā kathitā, “yamkiñci rūpan”ti evam vipassanāmaggam dassentena kathitāti attho.

Iti **paṭisañcikkhatīti** ākāsānañcāyatanaṁ patvā evam paṭisañcikkhati. Ayañhi heṭṭhā dvīhi bhikkhūhi paññavantataro tesañca bhikkhūnam attano cāti tiṇṇampi kammaṭṭhānam ekato katvā sammasati. **Ubhayametaṁ aniccanti** ettha aṭṭha eke-kakoṭṭhāsā diṭṭhadhammikasamparāyikavasena pana saṅkhipitvā ubhayanti vuttam. **Nālam abhinanditunti** taṇhādiṭṭhivasena abhinanditum na yuttam. Sesapadadvayepi eseva nayo. **Tabbahulavihārinoti** kāmapaṭibāhanena ca rūpapaṭibāhanena ca tameva paṭipadam bahulam katvā viharantassa. **Āneñjam samāpajjatīti** viññāṇañcāyatānāneñjam samāpajjati. Imasmim tatiya-āneñje vipassanāvasena osakkanā kathitā.

68. Iti **paṭisañcikkhatīti** viññāṇañcāyatanaṁ patvā evam paṭisañcikkhati. Ayañhi heṭṭhā tīhi bhikkhūhi paññavantataro tesañca bhikkhūnam attano cāti catu-

nnampi kammaṭṭhānam ekato katvā sammasati. **Yatthetā aparisēsā nirujjhantīti** yam ākiñcaññayatanam patvā etā heṭṭhā vuttā sabbasaññā nirujjhanti. **Etam santam etam pañitanti etam aṅgasantatāya ārammaṇasantatāya ca santam**, atapakaṭṭhena **pañitam**. **Tabbahulavihārinoti** tāsam saññānam paṭibāhanena tameva paṭipadām bahulam katvā viharantassa. Imasmim paṭhamākiñcaññayatane samādhivasena osakkanā kathitā.

Iti paṭisañcikkhatīti viññānañcāyatanameva patvā evam paṭisañcikkhati. Ayañhi heṭṭhā catūhi bhikkhūhi paññavantataro tesañca bhikkhūnam attano cāti pañca-nnampi kammaṭṭhānam ekato katvā sammasati. **Attena vā attaniyena vāti** aham mamāti gahetabbena suññam tuccham rittam. Evamettha dvikoṭikā suññatā dassitā. **Tabbahulavihārinoti** heṭṭhā vuttappaṭipadañca imañca suññatapaṭipadām bahulam katvā viharantassa. Imasmim dutiyākiñcaññayatane vipassanāvasena osakkanā kathitā.

70. Iti (4.0043) paṭisañcikkhatīti viññānañcāyatanameva patvā evam paṭisañcikkhati. Ayañhi heṭṭhā pañcahi bhikkhūhi paññavantataro tesañca bhikkhūnam attano cāti channampi kammaṭṭhānam ekato katvā sammasati. **Nāham kvacani** **kassaci kiñcanatasmim, na ca mama kvacani kismiñci kiñcanam natthīti** ettha pana catukoṭikā suññatā kathitā. Katham? Ayañhi **nāham kvacanīti** kvaci attānam na passati, **kassaci kiñcanatasmīti** attano attānam kassaci parassa kiñcana-bhāve upanetabbam na passati, attano bhātiṭṭhāne bhātarām sahāyatāṭṭhāne sahāyam parikkhāraṭṭhāne vā parikkhāram maññitvā upagantvā upanetabbam na passatīti attho. **Na ca mama kvacanīti** ettha mama-saddam tāva ṭhapetvā na ca kvacani parassa ca attānam kvaci na passatīti ayamattho. Idāni mama-saddam āharitvā **mama kismiñci kiñcanam natthīti** so parassa attā mama kismiñci kiñcana-bhāve atthīti na passati. Attano bhātiṭṭhāne bhātarām sahāyatāṭṭhāne sahāyam parikkhāraṭṭhāne vā parikkhāranti kismiñci ṭhāne parassa attānam iminā kiñcanabhāvena upanetabbam na passatīti attho. Evamayañ yasmā neva katthaci attānam passati, na tam parassa kiñcanabhāve upanetabbam passati, na parassa attānam passati, na parassa attānam attano kiñcanabhāve upanetabbam passati, tasmā ayam suññatā catukoṭikāti veditabbā. **Tabbahulavihārinoti** heṭṭhā vuttappaṭipadām imam catukoṭisūññatañca bahulam katvā viharantassa. Imasmim tatiyākiñcaññayatanepi vipassanāvaseneva osakkanā kathitā.

Iti paṭisañcikkhatīti ākiñcaññayatanam patvā evam paṭisañcikkhati. Ayañhi heṭṭhā chahi bhikkhūhi paññavantataro tesañca bhikkhūnam attano cāti sattānnampi kammaṭṭhānam ekato katvā sammasati. **Yatthetā aparisēsā nirujjhantīti** yam nevasaññānāsaññayatanam patvā ettha etā heṭṭhā vuttā sabbasaññā nirujjhanti. **Tabbahulavihārinoti** tāsam saññānam paṭibāhanena tameva paṭipadām bahulam katvā viharantassa. Imasmim nevasaññānāsaññayatane samādhivasa osakkanā kathitā.

71. No cassa no ca me siyāti sace mayham pubbe pañcavidham kammavatṭam na āyūhitam assa, yam me idam etarahi evam pañcavidham vipākavaṭṭam etam me na (4.0044) siyā nappavatteyyāti attho. **Na bhavissatīti** sace etarahi pañca-

vidham kammavaṭṭam āyūhitam na bhavissati. **Na me bhavissatī** tasmiṁ asati anāgate me pañcavidham vipākavatṭam na bhavissati. **Yadatthi yam bhūtam tam pajahāmīti** yam atthi yam bhūtam etarahi khandhapañcakam, tam pajahāmi. **Evaṁ upekkham paṭilabhatīti** so bhikkhu evam vipassanupekkham labhatīti attho.

Parinibbāyeyya nu kho so, bhante, bhikkhu na vā parinibbāyeyyāti kim pucchāmīti pucchati, tatiyajjhānam pādakam katvā ṭhitassa arahattampi osakkanāpi paṭipadāpi paṭisandhipi kathitā, tathā catutthajjhānādīni pādakāni katvā ṭhitānam, nevasaññānāsaññāyatanaṁ pādakam katvā ṭhitassa na kiñci kathitam, tam pucchāmīti pucchati. **Apetthāti** api ettha. **So tam upekkham abhinandatīti** so tam vipassanupekkham taṇhāditthi-abhinandanāhi abhinandati. Sesapadadvayepi eseva nayo. **Tannissitam hoti viññāṇanti** viññāṇam vipassanānissitam hoti. **Tadupādānanti** yam nikantiviññāṇam, tam tassa upādānam nāma gahaṇam nāma hoti. **Sa-upādānoti** sagahaṇo. **Na parinibbāyatīti** vipassanāya sālayo bhikkhu mama sāsane na parinibbāyati. Yo pana vihārapariveṇa-upatthākādīsu sālayo, tasmiṁ vattabbameva natthīti dasseti. **Kaham panāti?** Kattha pana? **Upādiyamāno upādiyatīti** paṭisandhim gaṇhamāno gaṇhāti. **Upādānasetṭham kira so, bhanteti,** bhante, so kira bhikkhu gahetabbaṭṭhānam setṭham uttamam bhavam upādiyati, setṭhabhave paṭisandhim gaṇhātīti attho. Iminā tassa bhikkhuno paṭisandhi kathitā. Idā-nissa arahattam kathetum **idhānandāti**-ādimāha.

73. Nissāya nissāyāTi tam tam samāpattiṁ nissāya. **Oghassa nittharaṇā akkhātāti** oghataranam kathitam, tatiyajjhānam pādakam katvā ṭhitabhikkhuno oghanittharaṇā kathitā ...pe... nevasaññānāsaññāyatanaṁ pādakam katvā ṭhitabhikkhuno oghanittharaṇā kathitāti vadati.

Katamo pana, bhante, ariyo vimokkhoti idha kim pucchati? Samāpattim tāva padaṭṭhānam katvā vipassanam vadḍhetvā arahattam gaṇhanto bhikkhu nāvam vā ulumpādīni vā nissāya mahogham taritvā pāram gacchanto viya (4.0045) na kilamati. Sukkhavipassako pana pakīṇṇakasaṅkhāre sammasitvā arahattam gaṇhanto bāhubalena sotam chinditvā pāram gacchanto viya kilamati. Iti imassa sukkhavipassakassa arahattam pucchāmīti pucchati. **Ariyasāvakoti** sukkhavipassako ariyasāvako. Ayañhi heṭṭhā aṭṭhahi bhikkhūhi paññavantataro tesañca bhikkhūnam attano cāti navannampi kammatṭhānam ekato katvā sammasati. **Esa sakkāyo yāvatā sakkāyoti** yattako tebhūmakavaṭṭasaṅkhāto sakkāyo nāma atthi, sabbopi so esa sakkāyo, na ito param sakkāyo atthīti paṭisañcikkhati.

Etam amataṁ yadidam anupādā cittassa vimokkhoti yo panesa cittassa anupādāvimekkho nāma, etam amataṁ etam santam etam pañṭanti paṭisañcikkhati. Aññattha ca “anupādā cittassa vimokkho”ti nibbānam vuccati. Imasmiṁ pana sutte sukkhavipassakassa arahattam kathitam. Sesam sabbattha uttānameva.

Kevalam pana imasmiṁ sutte sattasu ṭhānesu osakkanā kathitā, aṭṭhasu ṭhānesu paṭisandhi, navasu ṭhānesu arahattam kathitanti veditabbam. Katham? Tatiyam jhānam tāva pādakam katvā ṭhitassa bhikkhuno osakkanā kathitā, paṭisandhi kathitā, arahattam kathitam, tathā catutthajjhānam, tathā ākāsānañcāyatanaṁ. Viññāṇañcāyatanaṁ pana padaṭṭhānam katvā ṭhitānam tiṇṇam

bhikkhūnam osakkanā kathitā, paṭisandhi kathitā, arahattam kathitam. Tathā āki-ñcaññayatanam pādakam katvā ṭhitassa bhikkhuno. Nevasaññānāsaññayatanam pādakam katvā ṭhitassa pana osakkanā natthi, paṭisandhi pana arahattañca kathitam. Sukkhavipassakassa arahattameva kathitanti. Evam sattasu ṭhānesu osakkanā kathitā, atṭhasu ṭhānesu paṭisandhi, navasu ṭhānesu arahattam kathitanti veditabbam. Imañca pana sattasu ṭhānesu osakkanam atṭhasu paṭisandhim navasu arahattam samodhānetvā kathentena imam āneñjasappāyasuttam suka-thitam nāma hotīti.

Papañcasūdaniyā majjhimanikāyatthakathāya

Āneñjasappāyasuttavaññanā niṭṭhitā.

7. Gaṇakamoggallānasuttavaññanā

74. Evam (4.0046) **me sutanti** gaṇakamoggallānasuttam. Tattha **yāva pacchima-sopānakalēvarāti** yāva paṭhamasopānaphalakā ekadivaseneva sattabhūmiko pāsādo na sakkā kātum, vatthum sodhetvā thambhussāpanato paṭṭhāya pana yāva cittakammakaraṇā anupubbakiriyā cettha paññāyatīti dasseti. **Yadidam ajjhene** neti tayopi vedā na sakkā ekadivaseneva adhīyitum, etesam ajjhenepi pana anupubbakiriyāva paññāyatīti dasseti. **Issattheti** āvudhavijjāyapi ekadivaseneva vāla-vedhi nāma na sakkā kātum, ṭhānasampādanamuṭṭhikaraṇādīhi pana etthāpi anupubbakiriyā paññāyatīti dasseti. **Saṅkhāneti** gaṇanāya. Tattha anupubbakiriyam attanāva dassento **evam gaṇāpemāti-ādimāha**.

75. Seyyathāpi brāhmaṇāti idha bhagavā yasmā bāhirasamaye yathā yathā sippam uggaṇhanti, tathā tathā kerātikā honti, tasmā attano sāsanam bāhirasamayena anupametvā

bhadra-assājānīyena upamento **seyyathāpīti-ādimāha**. Bhadro hi assājānīyo yasmim kāraṇe damito hoti, tam jīvitahetupi nātikkamat. Evameva sāsane sammā-paṭipanno kulaputto sīlavelam nātikkamat. **Mukhādhāneti** mukhaṭhapane.

76. Satisampajaññāya cāti satisampajaññāhi samaṅgibhāvatthāya. Dve hi khīnāsavā satatavihārī ca nosatatavihārī ca. Tattha **satatavihārī** yaṅkiñci kammam katvāpi phalasamāpattim samāpajjitum sakkoti, no **satatavihārī** pana appamatta-kepi kicce kiccappasuto hutvā phalasamāpattim appetum na sakkoti.

Tatridam vatthu- eko kira khīnāsavathero khīnāsavasāmaṇeraṁ gahetvā ara-ñnavāsaṁ gato, tattha mahātherassa senāsanam pattaṁ, sāmaṇerassa na pāpu-ṇāti, tam vitakkento thero ekadivasampi phalasamāpattim appetum nāsakkhi. Sāmaṇero pana temāsaṁ phalasamāpattiratiyā vītināmetvā “sappāyo, bhante, arañnavāso jāto”ti (4.0047) theram pucchi. Thero “na jāto, āvuso”ti āha. Iti yo eva-rūpo khīnāsavo, so ime dhamme ādito paṭṭhāya āvajjitvāva samāpajjitum sakkhi-ssatīti dassento “satisampajaññāya cā”ti āha.

78. Yeme, bho gotamāTi tathāgate kira kathayanteva brāhmaṇassa “ime puggalā na ārādhenti, ime ārādhentī”ti nayo udapādi, tam dassento evam vattumā-raddho.

Paramajjadhammesūti ajjadhammā nāma chasatthāradhammā, tesu gotamavā-dova, paramo uttamoti attho. Sesam sabbattha uttānamevāti.

Papañcasūdaniyā majjhimanikāyaṭṭhakathāya

Gaṇakamoggallānasuttavaṇṇanā niṭṭhitā.

8. Gopakamoggallānasuttavaṇṇanā

79. Evam me sutanti gopakamoggallānasuttam. Tattha **aciraparinibbutे bhagava-**tīti bhagavati aciraparinibbutē, dhātubhājanīyam katvā dhammasaṅgītiṁ kātum rājagahaṁ āgatakāle. **Rañño pajjotassa āsaṅkamānoti** caṇḍapajjoto nāmesa rājā bimbisāramahārājassa sahāyo ahosi, jīvakam pesetvā bhesajjakāritakālato paṭṭhāya pana daṭṭhamittova jāto, so “ajātasattunā devadattassa vacanam gahetvā pitā ghātito”ti sutvā “mama piyamittam ghātetvā esa rajjaṁ karissāmīti maññati, mayhaṁ sahāyassa sahāyānam atthikabhāvam jānāpessāmī”ti parisati vācam abhāsi. Tam sutvā tassa āsaṅkā uppannā. Tena vuttam “rañño pajjotassa āsaṅka-māno”ti. **Kammantoti** bahinagare nagarapaṭisaṅkhārāpanatthāya kammanta-ṭṭhānam.

Upasaṅkamīti mayam dhammadvinaya saṅgītiṁ kāressāmāti vicarāma, ayañca mahesakkho rājavallabho saṅgahe kate veļuvanassa ārakkham kareyyāti maññamāno upasaṅkami. **Tehi dhammehīti** tehi sabbaññutaññāṇadhammehi. **Sabbena sabbanti** sabbākārena sabbam. **Sabbathā sabbanti** sabbakoṭṭhāsehi (4.0048)

sabbam. Kim pucchāmīti pucchatī? Cha hi satthāro paṭhamataram appaññātaku-lehi nikkhamitvā pabbajitā, te tathāgate dharamāneyeva kālamkatā, sāvakāpi nesam appaññātakuleheva pabbajitā. Te tesam accayena mahāvivādaṁ akāmsu. Samaṇo pana gotamo mahākulā pabbajito, tassa accayena sāvakānam mahāvi-vādo bhavissatīti ayam kathā sakalajambudīpaṁ pattharamānā udapādi. Sammā-sambuddhe ca dharante bhikkhūnam vivādo nāhosī. Yopi ahosi, sopi tattheva vūpasamito. Parinibbutakāle panassa- “atthasaṭṭhiyojanasatasahassubbedham sinerum apavāhitum samathassa vātassa purato purāṇapaṇṇam kim thassati, dasa pāramiyo pūretvā sabbaññutaññānam pattassa satthu alajjamāno maccurājā kassa lajjissatīti mahāsaṁvegam janetvā bhiyyosomattāya bhikkhū samaggā jātā ativiya upasantupasantā, kim nu kho etanti idam pucchāmīti pucchatī. **Anusaññāyamānoti** anusañjāyamāno, katākataṁ janantoti attho. Anuvicaramāno vā.

80. Atthi nu khoti ayampi hetṭhimapucchameva pucchatī. **Appaṭisaraṇeti** appaṭi-saraṇe dhammadvinaye. **Ko hetu sāmaggiyāti** tumhākam samaggabhāvassa ko hetu ko paccayo. **Dhammappaṭisaraṇāti** dhammo amhākam paṭisaraṇam, dhammo avassayoti dīpeti.

81. Pavattatīti paguṇam hutvā āgacchatī. **Āpatti hoti vītikkamoti** ubhayametam buddhassa āñātikkamanameva. **Yathādhammam yathānusittham kāremāti** yathā dhammo ca anusitthi ca ṭhitā, evam kāremāti attho.

Na kira no bhavanto kārenti dhammo no kāretīti padadvayepi no kāro nipātamattam. Evam sante na kira bhavanto kārenti, dhammova kāretīti ayameththa attho.

83. Tagghāti ekamse nipāto. **Kahaṁ pana bhavaṁ ānandoti** kim therassa veļuvane vasanabhāvam na jānātīti? Jānāti. Veļuvanassa pana (4.0049) anena ārakkhā dinnā, tasmā attānam ukkāmsāpetukāmo pucchatī. Kasmā pana tena tattha ārakkhā dinnā? So kira ekadivasam mahākaccāyanatheram gijjhakūṭā ota-rantam disvā- “makkaṭo viya eso”ti āha. Bhagavā tam kathām sutvā- “sace khamāpeti, iccetaṁ kusalam. No ce khamāpeti, imasmiṁ veļuvane gonaṅgalama-kkaṭo bhavissatīti āha. So tam kathām sutvā- “samaṇassa gotamassa kathāya dvedhābhāvo nāma natthi, pacchā me makkaṭabhūtakāle gocaratthānam bhavi-ssatīti veļuvane nānāvidhe rukkhe ropetvā ārakkham adāsi. Aparabhāge kālam katvā makkaṭo hutvā nibbatti. “Vassakārā”ti vutte āgantvā samīpe atthāsi. **Tagghāti** sabbavāresu ekamsavacaneyeva nipāto. **Taggha, bho ānandāti** evam therena parisamajjhe attano ukkāmsitabhāvam ūnatvā ahampi theram ukkāmsissā-mīti evamāha.

84. Na ca kho, brāhmaṇātī therō kira cintesi “sammāsambuddhena vaṇṇitajjhā-nampi atthi, avaṇṇitajjhānampi atthi, ayam pana brāhmaṇo sabbameva vaṇṇetīti pañham visamvādeti, na kho pana sakkā imassa mukham ulloketum na piṇḍa-pātaṁ rakkhitum, pañham ujum katvā kathessāmī”ti idam vattum āraddham. **Antaraṁ karitvāti abbhantaram karitvā.** **Evarūpaṁ kho, brāhmaṇa, so bhagavā jhānam vaṇṇesīti** idha sabbasaṅgāhakajjhānam nāma kathitam.

Yam no mayanti ayam kira brāhmaṇo vassakārabrāhmaṇam usūyati, tena pucchitapañhassa akathanam paccāsīsamāno kathitabhāvam ūnatvā “vassakā-

rena pucchitaṁ pañhaṁ punappunaṁ tassa nāmaṁ gaṇhanto vitthāretvā kathesi, mayā pucchitapañhaṁ pana yaṭṭhikotiyā uppīlento viya ekadesameva kathesi”ti anattamano ahosi, tasmā evamāha. Sesam sabbattha uttānamevāti.

Papañcasūdaniyā majjhimanikāyaṭṭhakathāya

Gopakamoggallānasuttavanṇanā niṭhitā.

9. Mahāpuṇṇamasuttavanṇanā

85. Evam (4.0050) **me sutanti** mahāpuṇṇamasuttam. Tattha **tadahūti** tasmiṁ ahu, tasmiṁ divaseti attho. Upavasanti etthāti **uposatho**. Upavasantīti sīlena vā anasanena vā upetā hutvā vasantīti attho. Ayaṁ panettha atthuddhāro- “āyāma, āvuso, kappina, uposathaṁ gamissāmā”ti-ādīsu hi pātimokkhuddeso uposatho. “Atṭhaṅgasamannāgato kho visākhe uposatho upavuttho”ti-ādīsu (a. ni. 8.53) sīlam. “Suddhassa ve sadā phaggu, suddhassuposatho sadā”ti-ādīsu (ma. ni. 1.79) upavāso. “Uposatho nāma nāgarājā”ti-ādīsu (dī. ni. 2.246) paññatti. “Na, bhikkhave, tadahuposathe sabhikkhukā āvāsā”ti-ādīsu (mahāva. 181) upavasitabbadivaso. Idhāpi soyeva adhippeto. So panesa atṭhamīcātuddasīpannarasibheda tividho. Tasmā sesadvayanivāraṇattham **pannaraseti** vuttaṁ. Tena vuttaṁ “upavasanti etthāti uposatho”ti. Māsapuṇṇatāya puṇṇā sampuṇṇāti **puṇṇā**. **Mā**-iti cando vuccati, so ettha puṇṇoti **puṇṇamā**. Evam puṇṇāya puṇṇamāyāti imasmim padadvaye attho veditabbo.

Desanti kāraṇam. Tena hi tvam bhikkhu sake āsane **nisīditvā** pucchāti kasmā bhagavā ṭhitassa akathetvā nisīdāpesīti. Ayaṁ kira bhikkhu saṭṭhimattānam padhāniyabhikkhūnam saṅghatthero saṭṭhi bhikkhū gahetvā araññe vasati, te tassa santike kammatṭhānam gahetvā ghaṭenti vāyamanti. Mahābhūtāni pariggāhanti upādārūpāni, nāmarūpapaccayalakkhaṇārammaṇikavipassanam pariggāhanti. Atha ne ācariyupaṭṭhānam āgantvā vanditvā nisinne thero mahābhūtāpariggahādīni pucchati. Te sabbam kathenti, maggaphalapañhaṁ pucchitā pana kathetum na sakkonti. Atha therο cintesi- “mama santike etesam ovādassa pariḥāni natthi, ime ca āraddhavīriyā viharanti. Kukkuṭassa pānīyapivanakālamattampi nesam pamādakiriyā natthi. Evam santepi maggaphalāni nibbattetum na sakkonti. Aham imesam ajjhāsayam na jānāmi, buddhaveneyyā ete bhavissanti, gahetvā ne satthu santikam gacchāmi, atha nesam satthā cariyavasena dhammaṁ desessatī”- ti, te bhikkhū gahetvā satthu santikam āgato.

Satthāpi (4.0051) sāyanhasamaye ānandattherena upanītam udakam ādāya sarīram utuṁ gaṇhāpetvā migāramātupāsādaparivenē paññattavarabuddhāsane nisīdi, bhikkhusaṅghopi naṁ parivāretvā nisīdi.

Tasmiṁ samaye sūriyo atthaṅgameti, cando uggacchat, majhaṭṭhāne ca

bhagavā nisinno. Candassa pabhā natthi, sūriyassa pabhā natthi, candimasūri-yānam pabham makkhetvā chabbanñā yamakabuddharasmiyo vijotamānā puñjā puñjā hutvā disāvidisāsu dhāvantīti sabbaṁ heṭṭhā vuttanayena vitthāretabbam. Vaṇṇabhūmi nāmesā, dhammadhikassevettha thāmo pamāṇam, yattakaṁ sakkoti, tattakaṁ kathetabbam. Dukkathitanti na vattabbaṁ. Evam sannisinnāya parisāya thero utṭhahitvā satthāram pañhassa okāsam kāresi. Tato bhagavā—“sace imasmiṁ ṛhitake pucchante ‘ācariyo no utṭhito’ti sesabhikkhū utṭhahissanti, evam tathāgate agāravo kato bhavissati. Atha nisinnāva pucchissanti, ācariye agāravo kato bhavissati, ekaggā hutvā dhammadesanam paṭicchitum na sakkuṇissanti. Ācariye pana nisinne tepi nisidissanti. Tato ekaggā dhammadesanam paṭicchitum sakkuṇissanti”ti iminā kāraṇena bhagavā ṛhitassa akathetvā nisidāpetīti.

Ime nu kho, bhanteti vimatipucchā viya kathitā. Thero pana pañcakkhandhānam udayabbayam pariggaṇhitvā arahattam patto mahākhīṇāsavo, natthi etassa vimati. Jānantenapi pana ajānantena viya hutvā pucchitum vaṭṭati. Sace hi jānanto viya pucchati, “jānāti ayan”ti tassa tassa vissajjento ekadesameva katheti. Ajānantena viya pucchite pana kathento ito ca etto ca kāraṇam āharitvā pākaṭam katvā katheti. Koci pana ajānantopi jānanto viya pucchati. Thero evarūpam vacanam kim karissati, jānantoyeva pana ajānanto viya pucchatīti veditabbo.

Chandamūlakāti taṇhāmūlakā. **Evamrūpo siyanti** sace odāto hotukāmo, haritālavāṇṇo vā manosilāvāṇṇo vā siyanti pattheti (4.0052). Sace kālo hotukāmo, nīlu-palavaṇṇo vā añjanavaṇṇo vā atasīpupphavaṇṇo vā siyanti pattheti. **Evamveda-noti** kusalavedano vā sukhavedano vā siyanti pattheti. Saññādīsupi eseva nayo. Yasmā pana atīte patthanā nāma natthi, patthentenāpi ca na sakkā tam laddhum, paccuppannepi na hoti, na hi odāto kālabhāvam patthetvā paccuppanne kālo hoti, na kālo vā odāto, dīgho vā rasso, rasso vā dīgho, dānam pana datvā sīlam vā samādiyitvā “anāgate khattiyo vā homi brāhmaṇo vā”ti patthentassa patthanā samijhati. Tasmā anāgatameva gahitam.

Khandhādhivacananti khandhānam khandhapaṇṇatti kittakena hotīti pucchati.

Mahābhūtā hetūti “tayo kusalahetū”ti-ādīsu (dha. sa.

1441) hi hetuhetu vutto. Avijjā puññābhisañkhārādīnam sādhāraṇattā sādhāraṇa-hetu. Kusalākusalam attano attano vipākadāne uttamahetu. Idha paccayahetu adhippeto. Tattha pathavīdhātu mahābhūtam itaresam tiṇam bhūtānam upādārū-passa ca paññāpanāya dassanathāya hetu ceva paccayo ca. Evam sesesupi yojanā veditabbā.

Phassoti “phuṭṭho, bhikkhave, vedeti, phuṭṭho sañjānāti, phuṭṭho ceteti”ti (sam. ni. 4.93) vacanato phasso tiṇam khandhānam paññāpanāya hetu ceva paccayo ca. **Viññāṇakkhandhassāti** ettha paṭisandhiviññāṇena tāva saddhiṃ gabbhaseyya-kānam uparimaparicchedena samatiṃsa rūpāni sampayuttā ca tayo khandhā uppajjanti, tam nāmarūpam paṭisandhiviññāṇassa paññāpanāya hetu ceva paccayo ca. Cakkhudvāre cakkhupasādo ceva rūpārammaṇañca rūpam, sampayuttā tayo khandhā nāmam. Tam nāmarūpam cakkhuviññāṇassa paññāpanāya hetu ceva paccayo ca. Eseva nayo sesaviññāṇesu.

87. Katham pana, bhanteti idam kittakena nu khoti vatṭam pucchanto evamāha. Sakkāyaditṭhi na hotīTi idam vivaṭṭam pucchanto evamāha.

88. Ayam (4.0053) **rūpe assādoti** iminā pariññāpaṭivedho ceva dukkhasaccañca kathitam. **Ayam rūpe ādīnavoti** iminā pahānapaṭivedho ceva samudayasaccañca. **Idam rūpe nissaraṇanti** iminā sacchikiriyāpaṭivedho ceva nirodhasaccañca. Ye imesu tisu ṭhānesu sammāditṭhi-ādayo dhammā, ayam bhāvanāpaṭivedho magga-saccam. Sesapadesupi eseva nayo.

89. Bahiddhāti parassa saviññāṇake kāye. **Sabbanimittesūti** iminā pana anindriyabaddhampi saṅgaṇhāti. “Saviññāṇake kāye”ti vacanena vā attano ca parassa ca kāyo gahitova, bahiddhā ca sabbanimittaggahaṇena anindriyabaddham gaṇhāti.

90. Anattakatānīti anattani ṭhatvā katāni. **Kamattānam phusissantīti** katarasmim attani ṭhatvā vipākam dassentīti sassatadassanam okkamanto evamāha. **Taṇhā-dhipateyyenāti** taṇhājetṭhakena. **Tatra tatrāti** tesu tesu dhammesu. **Satṭhimattā-nanti** ime bhikkhū pakatikammaṭṭhānam jahitvā aññam navakammaṭṭhānam sammasantā pallaṅkam abhinditvā tasmiṃyeva āsane arahattam pāpuṇīmsu. Sesam sabbattha uttānamevāti.

Papañcasūdaniyā majjhimanikāyaṭṭhakathāya

Mahāpuṇṇamasuttavaṇṇanā niṭhitā.

10. Cūḍapuṇṇamasuttavaṇṇanā

91. Evam me sutanti cūḍapuṇṇamasuttam. Tattha tuṇhībhūtam tuṇhībhūtantī yam yam disam anuviloketi, tattha tattha tuṇhībhūtameva. **Anuviloketvāti** pañcapa-sādaṭīmaṇḍitāni akkhīni ummīletvā tato tato viloketvā antamaso hatthakukkucca-

pādakukkuccānampi abhāvam disvā. **Asappurisoti** pāpapuriso. **No hetam, bhanteti** yasmā andho andham viya so tam jānitum na sakkoti, tasmā evamā hamṣu. Eteneva nayena ito paresupi vāresu attho veditabbo. **Assaddhasamannāgato** Ti pāpadhammasamannāgato. **Asappurisabhatti** asappurisasevano. **Asappurisacintīti** (4.0054) asappurisacintāya cintako. **AsappurisamantīTi** asappurisamantanam mantetā. **Asappurisavācoti** asappurisavācam bhāsitā. **Asappurisakamma-**
ntoti asappurisakammānam kattā. **Asappurisadīṭhīti** asappurisadīṭhiyā samannāgato. **Asappurisadānanti** asappurisehi dātabbam dānam. **Tyāssa mittāti** te assa mittā. **Attabyābādhāyapi cetetīti** pāṇam hanissāmi, adinnaṃ ādiyissāmi, micchā carissāmi, dasa akusalakammapathe samādāya vattissāmīti evam attano dukkhatthāya cinteti. **Parabyābādhāyāti** yathā asuko asukaṃ pāṇam hanti, asukassa santakaṃ adinnaṃ ādiyati, dasa akusalakammapathe samādāya vattati, evam nam āñāpessāmīti evam parassa dukkhatthāya cinteti. **Ubhayabyābādhāyāti** aham asukañca asukañca gahetvā dasa akusalakammapathe samādāya vattissāmīti evam ubhayadukkhatthāya cintetīti.

Attabyābādhāyapi mantetīti-ādīsu aham dasa akusalakammapathe samādāya vattissāmīti mantento attabyābādhāya manteti nāma. Asukaṃ dasa akusalakammapathe samādapessāmīti mantento parabyābādhāya manteti nāma. Aññena saddhim- “mayam ubhopi ekato hutvā dasa akusalakammapathe samādāya vattissāmā”ti mantento ubhayabyābādhāya manteti nāma.

Asakkaccaṃ dānam detīti deyyadhammampi puggalampi na sakkaroti. Deyyadhammaṃ na sakkaroti nāma uttaṇḍulādidosasamannāgataṃ āhāram deti, na pasannam karoti. Puggalam na sakkaroti nāma nisīdanaṭṭhānam asammajjivā yattha vā tattha vā nisīdāpetvā yam vā tam vā ādhārakam ṭhapetvā dānam deti. **Asahatthāti** attano hatthena, na deti, dāsakammakārādīhi dāpeti. **Acittikatvāti** heṭṭhā vuttanayena deyyadhammepi puggalepi na cittikāram katvā deti. **Apaviddhanti** chaddetukāmo hutvā vammike uragam pakkipanto viya deti. **Anāgamana-dīṭhikoti** no phalapāṭikaṅkhī hutvā deti.

Tattha (4.0055) **upapajjatīti** na dānam datvā niraye upapajjati. Yam pana tena pāpaladdhikāya micchādassanam gahitam, tāya micchādīṭhiyā niraye upapajjati. Sukkapakkho vuttapaṭipakkhanayena veditabbo. **Devamahattatāti** chakāmāvacaradevā. **Manussamahattatāti** tiṇam kulānam sampatti. Sesam sabbattha uttāna-meva. Idam pana suttam suddhavaṭṭavaseneva kathitanti.

Papañcasūdaniyā majjhimanikāyaṭṭhakathāya

Cūḷapuṇṇamasuttavaṇṇanā niṭṭhitā.

Paṭhamavaggavaṇṇanā niṭṭhitā.

2. Anupadavaggo

1. Anupadasuttavaṇṇanā

93. Evam (4.0056) **me sutanti** anupadasuttam. Tattha **etadavocāti** etam (paṭi. ma. 3.4) “paññito”ti-ādinā nayena dhammasenāpatisāriputtatherassa guṇa-katham avoca. Kasmā? Avasesattheresu hi mahāmoggallānattherassa iddhimāti guṇo pākaṭo, mahākassapassa dhutavādoti, anuruddhattherassa dibbacakkhu-koti, upālittherassa vinayadharoti, revatatherassa jhāyī jhānābhiraṭoti, ānandattherassa bahussutoti. Evam tesam tesam therānam te te guṇā pākaṭā, sāriputtatherassa pana apākaṭā. Kasmā? Paññavato hi guṇā na sakkā akathitā jānitum. Iti bhagavā “sāriputtassa guṇe kathessāmī”ti sabhāgaparisāya sannipātam āga-mesi. Visabhāgapuggalānañhi santike vaṇṇam kathetum na vaṭṭati, te vaṇṇe kathiyamāne avaṇṇameva kathenti. Imasmiṃ pana divase therassa sabhāgapar-isā sannipati, tassā sannipatitabhāvam disvā satthā vaṇṇam kathento imam desanam ārabhi.

Tattha **paññitoti** dhātukusalatā āyatana-kusalatā paṭiccasamuppādakusalatā ṭhānāṭṭhānakusalatāti imehi catūhi kāraṇehi paññito. **Mahāpaññoti**-ādīsu mahāpa-ññādīhi samannāgatoti attho.

Tatridam mahāpaññādīnam nānattam- tattha katamā **mahāpaññā**? Mahante sīlakkhandhe pariggaṇhātīti mahāpaññā, mahante samādhikkhandhe, paññākkhandhe, vimuttikkhandhe, vimuttiñāṇadassanakkhandhe pariggaṇhātīti mahā-paññā, mahantāni ṭhānāṭṭhānāni, mahantā vihārasamāpattiyo, mahantāni ariyasa-ccāni, mahante satipaṭṭhāne, sammappadhāne, idhipāde, mahantāni indriyāni, balāni, bojjhaṅgāni, mahante ariyamagge, mahantāni sāmaññaphalāni, mahantā abhiññāyo, mahantaṁ paramattham nibbānam pariggaṇhātīti mahāpaññā.

Katamā (4.0057) **puthupaññā**, puthu nānākhandhesu ñāṇam pavattatīti puthu-paññā. Puthu nānādhātūsu, puthu nānā-āyatanesu, puthu nānā-atthesu, puthu nānāpaṭiccasamuppādesu, puthu nānāsuññatamanupalabbhesu, puthu nānā-a-tthesu, dhammesu, niruttisu, paṭibhānesu, puthu nānāsīlakkhandhesu, puthu nānā-samādhi-paññā-vimutti-vimuttiñāṇadassanakkhandhesu, puthu nānāṭhānāṭṭhānesu, puthu nānāvihārasamāpattisu, puthu nānā-ariyasaccesu, puthu nānāsatipaṭṭhānesu, sammappadhānesu, idhipādesu, indriyesu, balesu, bojjhaṅgesu, puthu nānā-ariyamaggesu, sāmaññaphalesu, abhiññāsu, puthu nānājanasādhāraṇe dhamme samatikkamma paramatthe nibbāne ñāṇam pavattatīti puthupaññā.

Katamā **hāsapaññā**, idhekacco hāsabahulo vedabahulo tuṭṭhibahulo pāmojjaba-hulo sīlam paripūreti, indriyasamvaram paripūreti, bhojane mattaññutam, jāgariyā-nuyogam, sīlakkhandham, samādhikkhandham, paññākkhandham, vimutti-khandham, vimuttiñāṇadassanakkhandham paripūretīti hāsapaññā. Hāsabahulo pāmojjabahulo ṭhānāṭṭhānam paṭivijjhati, hāsabahulo vihārasamāpattiyo paripūre-

tīti hāsapaññā, hāsabahulo ariyasaccāni paṭivijjhati. Satipaṭṭhāne, sammappaṭṭhāne, iddhipāde, indriyāni, balāni, bojjhaṅgāni, ariyamaggam bhāvetīti hāsapaññā, hāsabahulo sāmaññaphalāni sacchikaroti, abhiññāyo paṭivijjhātīti hāsapaññā, hāsabahulo vedatuṭṭhipāmojjabahulo paramatthaṁ nibbānaṁ sacchikaroti hāsapaññā.

Katamā **javanapaññā**, yaṁkiñci rūpaṁ atītānāgatapaccuppannam ...pe... yaṁ dūre santike vā, sabbam rūpaṁ aniccato khippam javatīti javanapaññā. Dukkhato khippam... anattato khippam javatīti javanapaññā. Yā kāci vedanā ...pe... yaṁkiñci viññāṇam atītānāgatapaccuppannam ...pe... sabbam viññāṇam aniccato dukkhato anattato khippam javatīti javanapaññā. Cakkhu ...pe... jarāmaraṇam atītānāgatapaccuppannam aniccato dukkhato anattato khippam javatīti javanapaññā. Rūpaṁ atītānāgatapaccuppannam aniccam khayaṭṭhena, dukkham bhayaṭṭhena, anattā asārakaṭṭhenāti tulayitvā tīrayitvā vibhāvayitvā vibhūtam katvā rūpanirodhe nibbāne khippam javatīti javanapaññā. Vedanā, saññā, saṅkhārā, viññāṇam (4.0058), cakkhu ...pe... jarāmaraṇam atītānāgatapaccuppannam aniccam khayaṭṭhena ...pe... vibhūtam katvā jarāmaraṇanirodhe nibbāne khippam javatīti javanapaññā. Rūpaṁ atītānāgatapaccuppannam ...pe... viññāṇam. Cakkhu ...pe... jarāmaraṇam atītānāgatapaccuppannam aniccam saṅkhataṁ paṭiccasamuppannam khayadhammaṁ vayadhammaṁ virāgadhammaṁ nirodhadhammantī tulayitvā tīrayitvā vibhāvayitvā vibhūtam katvā jarāmaraṇanirodhe nibbāne khippam javatīti javanapaññā.

Katamā **tikkhapaññā**, khippam kilese chindatīti tikkhapaññā. Uppanam kāma-vitakkam nādhivāseti, uppnanam byāpādavitakkam, uppnanam vihiṁsāvitakkam, uppannuppanne pāpake akusale dhamme, uppnanam rāgam, dosam, moham, kodham, upanāham, makkham, paṭasam, issam, macchariyam, māyam, sāṭheyym, thambham, sārambham, mānam, atimānam, madam, pamādam, sabbe kilese, sabbe duccarite, sabbe abhisāṅkhāre, sabbe bhavagāmikamme nādhivāseti pajahati vinodeti byantikaroti anabhāvam gametīti tikkhapaññā. Ekasmim āsane cattāro ariyamaggā, cattāri sāmaññaphalāni, catasso paṭisambhidāyo, cha ca abhiññāyo adhigatā honti sacchikatā passitā paññāyāti tikkhapaññā.

Katamā **nibbedhikapaññā**, idhekacco sabbasaṅkhāresu ubbegabahulo hoti uttā-sabahulo ukkaṇṭhanabahulo aratibahulo anabhiratibahulo bahimukho na ramati sabbasaṅkhāresu, anibbiddhapubbam appadālitapubbam lobhakkhandham nibbijjhati padāletīti nibbedhikapaññā. Anibbiddhapubbam appadālitapubbam dosakkhandham, mohakkhandham, kodham, upanāham ...pe... sabbe bhavagāmikamme nibbijjhati padāletīti nibbedhikapaññā.

Anupadadhammadhmvipassananti samāpattivasena vā jhānaṅgavasena vā anupatipāṭiyā dhammadhmvipassanam vipassati, evam vipassanto

addhamāsenā arahattam patto. Mahāmoggallānatthero pana sattahi divasehi. Evam̄ santepi sāriputtathero mahāpaññavantataro. Mahāmoggallānatthero hi sāvakānam̄ sammasanacāram̄ yaṭṭhikotiyā uppīento viya ekadesameva samsanto satta divase vāyamitvā arahattam patto. Sāriputtathero ṭhapetvā buddhānam̄ paccekabuddhānañca sammasanacāram̄ sāvakānam̄ sammasanacāram̄ nippadesam̄ sammasi. Evam̄ sammasanto addhamāsam̄ vāyami. Arahattañca kira patvā aññāsi- “ṭhapetvā buddhe ca paccekabuddhe ca añño sāvako nāma paññāya (4.0059) mayā pattabbam̄ pattum̄ samattho nāma na bhavissati”ti. Yathā hi puriso veļuyaṭṭhim̄ gaṇhissāmīti mahājaṭam̄ veļum̄ disvā jaṭam̄ chindantassa papañco bhavissatīti antarena hattham̄ pavesetvā sampattameva yaṭṭhim̄ mūle ca agge ca chinditvā ādāya pakkameyya, so kiñcāpi paṭhamataram̄ gacchati, yaṭṭhim̄ pana sāram̄ vā ujum̄ vā na labhati. Aparo ca tathārūpameva veñum̄ disvā “sace sampattam̄ yaṭṭhim̄ gaṇhissāmi, sāram̄ vā ujum̄ vā na labhissāmī”ti kacchañ bandhitvā mahantena satthena veņujaṭam̄ chinditvā sārā ceva ujū ca yaṭṭhiyo uccinitvā ādāya pakkameyya. Ayam̄ kiñcāpi pacchā gacchati, yaṭṭhiyo pana sārā ceva ujū ca labhati. Evamsampadamidañ veditabbam̄ imesam̄ dvinnam̄ therānam̄ padhānam̄.

Evam̄ pana addhamāsam̄ vāyamitvā dhammasenāpati sāriputtathero sūkarakhataleñadvāre bhāgineyyassa dīghanakharibbājakassa vedanāpariggahasuttante desiyamāne dasabalam̄ bījayamāno ṭhito desanānusārena ñāṇam̄ pesetvā pabbajitadivasato pannarasame divase sāvakapāramiññānassa matthakam̄ patvā sattasaṭṭhi ñāṇāni paṭivijjhītī soļasavidham̄ paññām̄ anuppatto.

Tatridam̄, bhikkhave, sāriputtassa anupadadhammavipassanāyāti yā anupadadhammavipassanam̄ vipassatīti anupadadhammavipassanā vuttā, tatra anupadadhammavipassanāya sāriputtassa idam̄ hoti. Idāni vattabbam̄ tam̄ tam̄ vipassanākoṭṭhāsam̄ sandhāyetam̄ vuttam̄.

94. Paṭhame jhāne Ti ye paṭhame jhāne antosamāpattiyañ dhammā. **Tyāssāti** te assa. **Anupadavavatthitā hontī** Ti anupaṭipāṭiyā vavatthitā paricchinnā ñātā vidiṭā honti. Katham? Thero hi te dhamme olokento abhiniropanalakkhañ vitakko vattatīti jānāti. Tathā anumajjanalakkhañ vicāro, pharañalakkhañā pīti, sātalakkhañam̄ sukham̄, avikkhepalakkhañā cittekaggatā, phusanalakkhañ phasso vedayitalakkhañā vedanā, sañjānanalakkhañā saññā, cetayitalakkhañā cetanā, vijānanalakkhañam̄ viññānam̄, kattukamyatālakkhañ chando, adhimokkhakkhañ adhimokkho, paggāhalakkhañam̄ vīriyam̄ (4.0060) upaṭṭhānalakkhañā sati, majjhattalakkhañā upekkhā, anunayamanasikāralakkhañ manasikāro vattatīti jānāti. Evam̄ jānam̄ abhiniropanaṭṭhena vitakkam̄ sabhāvato vavatthapeti ...pe... anunayamanasikāraṇaṭṭhena manasikāram̄ sabhāvabhāvato vavatthapeti. Tena vuttam̄ “tyāssa dhammā anupadavavatthitā hontī”ti.

Viditā uppajjantīti uppajjamānā viditā pākaṭāva hutvā uppajjanti. **Viditā upaṭṭhaha-** **ntīti** titṭhamānāpi viditā pākaṭāva hutvā titṭhanti. **Viditā abbhattham̄ gacchantīti** nirujjhāmānāpi viditā pākaṭāva hutvā nirujjhanti. Ettha pana tamñānatā ceva ñāṇabutā ca mocetabbā. Yathā hi teneva aṅgulaggena tam̄ aṅgulaggam̄ na sakkā

phusitum, evameva teneva cittena tassa cittassa uppādo vā ṭhiti vā bhaṅgo vā na sakkā jānitunti. Evam tāva tamñāṇatā mocetabbā. Yadi pana dve cittāni ekato uppajjeyyūm, ekena cittena ekassa uppādo vā ṭhiti vā bhaṅgo vā sakkā bhaveyya jānitum. Dve pana phassā vā vedanā vā saññā vā cetanā vā cittāni vā ekato uppajjanakāni nāma natthi, ekekameva uppajjati. Evam ñāṇabahutā mocetabbā. Evam sante katham? Mahātherassa antosamāpattiyam soṭasa dhammā veditā pākaṭā hontīti. Vatthārammañānam pariggahitatāya. Therena hi vatthu ceva ārammañāca pariggahitaṁ, tenassa tesam dhammānaṁ uppādaṁ āvajjantassa uppādo pākaṭo hoti, ṭhānaṁ āvajjantassa ṭhānaṁ pākaṭam hoti, bhedaṁ āvajjantassa bhedo pākaṭo hoti. Tena vuttam “viditā uppajjanti veditā upatṭhahanti veditā abhattham gacchanti”ti. **Ahutvā sambhontīti iminā udayam passati. Hutvā paṭivenīti iminā vayaṁ passati.**

Anupāyoti rāgavasena anupagamano hutvā. **Anapāyoti** paṭighavasena anapagato. **Anissitoti** taṇhādiṭṭhinissayehi anissito. **Appaṭibaddhoti** chandarāgena abaddho. **Vippamuttoti** kāmarāgato vippamutto. **Visamyuttoti** catūhi yokehi sabba-kilesehi vā visamyutto. **Vimariyādikatenāti** nimmariyādikatena. **Cetasāti** evamvi-dhena cittena viharati.

Tattha (4.0061) dve mariyādā kilesamariyādā ca ārammañamariyādā ca. Sace hissa antosamāpattiyam pavatte soṭasa dhamme ārabbha rāgādayo uppajjeyyūm, kilesamariyādā tena katā bhaveyya, tesu panassa ekopi na uppannoti kilesamariyādā natthi. Sace panassa antosamāpattiyam pavatte soṭasa dhamme āvajjantassa ekacce āpātham nāgaccheyyūm. Evamassa ārammañamariyādā bhaveyyūm. Te panassa soṭasa dhamme āvajjantassa āpātham anāgatadhammo nāma natthīti ārammañamariyādāpi natthi.

Aparāpi dve mariyādā vikkhambhanamariyādā ca samucchedadamarīyādā ca. Tāsu samucchedadamarīdā upari āgamissati, imasmīm pana ṭhāne vikkhambhanamariyādā adhippetā. Tassa vikkhambhitapaccanikattā natthīti vimariyādikatena cetasā viharati.

Uttari nissaraṇanti ito uttari nissaraṇam. Aññesu ca suttesu “uttari nissaraṇ”ti nibbānam vuttam, idha pana anantaro viseso adhippetoti veditabbo. **Tabbahulī-kārāti** tassa pajānanassa bahulikaraṇena. **Attitvevassa hotīti** tassa therassa attītiyeva daṭhataram hoti. Iminā nayena sesavāresupi attho veditabbo.

Dutiyavāre pana sampasādanaṭṭhena **sampasādo**. Sabhāvato vavatthapeti.

Catutthavāre **upekkhāti** sukhaṭṭhāne vedanupekkhāva. **Passaddhattā cetaso anābhogo** Ti yo so “yadeva tattha sukhan”ti cetaso ābhogo, etenetaṁ oḷārikamakkhāyatīti evam passaddhattā cetaso anābhogo vutto, tassa abhāvāti attho. **Satipārisuddhīti** parisuddhāsatiyeva. **Upekkhāpi** pārisuddhi-upekkhā.

95. Sato vuṭṭhahatīti satiyā samannāgato ñāṇena sampajāno hutvā vuṭṭhāti. **Te dhamme samanupassatīti** yasmā nevasaññānāsaññāyatane buddhānamyeva anupadadhammavipassanā hoti, na sāvakānam, tasmā ettha kalāpavipassanam dassento evamāha.

Paññāya (4.0062) **cassa disvā āsavā parikkhīṇā hontīti** maggapaññāya cattāri

saccāni disvā cattāro āsavā khīṇā honti. Sāriputtatherassa samathavipassanām yuganaddham ᄑharitvā arahattam pattavāropi atthi, nirodhasamāpattisamāpannāvāropi. Arahattam pattavāro idha gahito, nirodham pana ciṇavasitāya aparāparam samāpajjissatīti vadanti.

Tatthassa yasmiṁ kāle nirodhasamāpatti sīsam hoti, nirodhassa vāro āgacchati, phalasamāpatti gūlhā hoti. Yasmiṁ kāle phalasamāpatti sīsam hoti, phala-samāpattiyā vāro āgacchati, nirodhasamāpatti gūlhā hoti. Jambudīpavāsino therā pana vadanti “sāriputtathero samathavipassanām yuganaddham ᄑharitvā anāgāmiphalam sacchikatvā nirodham samāpajji, nirodhā vuṭṭhāya arahattam patto”ti. **Te dhammeti** antosamāpattiyam pavatte tisamuṭṭhānikarūpadhamme, hetṭhā nevasa-ññānaññāyatanasamāpattiyam pavattadhamme vā. Tepi hi imasmim vāre vipassitabhadhammāva, tasmā te vā vipassatīti dassetum idam vuttanti veditabbam.

97. Vasippatoti ciṇavasitam patto. **Pāramippattoti** nipphattim patto. **Orasoti-ādīsu** thero bhagavato ure nibbattasaddam sutvā jātoti **oraso**, mukhena pabhāvitam saddam sutvā jātoti **mukhato jāto**, dhammena pana jātattā nimmitattā **dhammajodhammanimmito**, dhammadāyassa ādiyanato **dhammadāyādo**, āmisadāyassa anādiyanato **no āmisadāyādoti** veditabbo. Sesam sabbattha uttānamevāti.

Papañcasūdaniyā majjhimanikāyatṭhakathāya

Anupadasuttavaṇṇanā niṭṭhitā.

2. Chabbisodhanasuttavaṇṇanā

98. Evam me sutanti chabbisodhanasuttam. Tattha **khīṇā jātīti-ādīsu** ekenāpi padena aññā byākatāva hoti, dvīhi. Idha pana catūhi padehi aññabyākaraṇam āgataṁ. **Ditṭhe ditṭhavāditāti-ādīsu** yāya (4.0063) cetanāya ditṭhe ditṭham meti vadati, sā ditṭhe ditṭhavāditā nāma. Sesapadesupi eseva nayo. **Ayamanudhammoti** ayam sabhāvo. **Abhinanditabbanti** na kevalam abhinanditabbam, parinibbutassa panassa sabbopi khīṇāsavassa sakkāro kātabbo. **Uttarim pañhoti** sace panassa veyyākaraṇena asantuṭṭhā hotha, uttarimpi ayam pañho pucchitabboti dasseti. Ito paresupi tīsu vāresu ayameva nayo.

99. Abalanti dubbalam. **Virāgunanti** vigacchanasabhāvam. **Anassāsikanti** assāsavirahitam. **Upāyūpādānāti** taṇhādiṭṭhīnametam adhivacanam. Taṇhādiṭṭhiyo hitabhūmakadhamme upentīti **upāyā**, upādiyantīti **upādānā**. **Cetaso adiṭṭhānābhini-vesānusayātipi** tāsamyeva nāmaṁ. Cittānhi taṇhādiṭṭhīhi sakkāyadhammesu tiṭṭhati adhitṭṭhatīti taṇhādiṭṭhiyo **cetaso adiṭṭhānā**, tāhi tam abhinivisatīti **abhi-nivesā**, Tāhiyeva tam anusetīti **anusayāti** vuccanti. **Khayā virāgāti-ādīsu** khayena virāgenāti attho. Sabbāni cetāni aññamaññavevacanāneva.

100. PathavīdhātūTi patiṭṭhānadhadhātu. **Āpodhātūti** ābandhanadhadhātu. **Tejodhātūti**

paripācanadhātu. **Vāyodhātūti** vitthambhanadhātu. **Ākāsadhadhātūti** asamphuṭṭhadhātu. **Viññāṇadhadhātūti** vijānanadhātu. **Na anattato upagacchinti** aham attāti attakotṭhāsenā na upagamim. **Na ca pathavīdhātunissitanti** pathavīdhātunissitā sesadhātuyo ca upādārūpañca arūpakkhandhā ca. Tepi hi nissitavatthurūpānam pathavīdhātunissitatā ekena pariyāyena pathavīdhātunissitāva. Tasmā “na ca pathavīdhātunissitan”ti vadanto sesarūpārūpadhammepi attato na upagacchinti vadati. **Ākāsadhadhātunissitapade** pana avinibbhogavasena sabbampi bhūtupādārūpam **ākāsadhadhātunissitam** nāma, tathā tamnissitarūpavatthukā arūpakkhandhā. Evaṁ idhāpi rūpārūpam gahitameva hoti. **Viññāṇadhadhātunissitapade** pana sahajātā tayo kandhā cittasamuṭṭhānarūpañca **viññāṇadhadhātunissitanti** rūpārūpam gahitameva hoti.

101. Rūpe cakkhuviññāṇe cakkhuviññāṇaviññātabbesu dhammesūti ettha yam atīte cakkhudvārassa āpātham āgantvā niruddham, yañca anāgate āpātham (4.0064 āgantvā nirujjhissati, yampi etarahi āgantvā niruddham, tam sabbam rūpam nāma. Yam pana atītepi āpātham anāgantvā niruddham, anāgatepi anāgantvā nirujjhissati, etarahipi anāgantvā niruddham, tam cakkhuviññāṇaviññātabbadhammesu saṅgahitanti vutte tipiṭakacūlābhayatthero āha- “imasmiṁ ṭhāne dvidhā karotha, upari chandovāre kinti karissatha, nayidaṁ labbhati”ti. Tasmā tīsu kālesu āpātham āgataṁ vā anāgataṁ vā sabbampi tam rūpameva, cakkhuviññāṇasampayuttā pana tayo kandhā cakkhuviññāṇaviññātabbadhammāti veditabbā. Ayañhettha attho “cakkhuviññāṇena saddhiṁ viññātabbesu dhammesū”ti. **Chandoti** taṇhāchando. **Rāgoti** sveva rajjanavasena rāgo. **Nandīti** sveva abhinandanavasena nandī. **Taṇhāti** sveva taṇhāyanavasena taṇhā. Sesadvāresupi eseva nayo.

102. Ahaṅkāramamaṅkāramānānusayāti ettha ahaṅkāro māno, mamaṅkāro taṇhā, sveva mānānusayo. **Āsavānam khayañāṇayāti** idam pubbenivāsam dibba-cakkhuñca avatvā kasmā vuttaṁ? Bhikkhū lokiyatadhammam na pucchanti, lokutta-rameva pucchanti, tasmā pucchitapañhaṃyeva kathento evamāha. Ekavissajja-suttam nāmetam, chabbisodhanantipissa nāmaṁ. Ettha hi cattāro vohārā pañca khandhā cha dhātuyo cha ajjhattikabāhirāni āyatanāni attano saviññāṇakakāyo paresam saviññāṇakakāyoti ime cha koṭṭhāsā visuddhā, tasmā “chabbisodhaniya-n”ti vuttaṁ. **Parasamuddavāsittherā** pana attano ca parassa ca viññāṇakakāyam ekameva katvā catūhi āhārehi saddhīti cha koṭṭhāse vadanti.

Ime pana cha koṭṭhāsā “kim te adhigataṁ, kinti te adhigataṁ, kadā te adhigataṁ, kattha te adhigataṁ, katame te kilesā pahīnā, katamesam tvam dhammānam lābhī”ti (pārā. 198) evam vinayaniddesapariyāyena sodhetabbā.

Ettha hi **kim te adhigatanti** adhigamapucchā, jhānavimokkhādīsu sotāpattimaggādīsu vā kim tayā adhigataṁ. **Kinti te adhigatanti** upāyapucchā. Ayañhi etthā-dhippāyo- kim tayā aniccalakkhaṇam dhuram katvā adhigataṁ, dukkhānattalakkhaṇesu aññataram vā, kim vā samādhivasena abhinivisitvā (4.0065), udāhu vipassanāvasena, tathā kim rūpe abhinivisitvā, udāhu arūpe, kim vā ajjhattam abhinivisitvā, udāhu bahiddhāti. **Kadā te adhigatanti** kālapucchā, pubbaṇhamajjhānhikādīsu katarasmiṁ kāleti vuttaṁ hoti.

Kattha te adhigatanti okāsapucchā, kismiṁ okāse, kim rattīṭhāne divāṭṭhāne rukkhamūle maṇḍape katarasmiṁ vā vihāreti vuttaṁ hoti. **Katame te kilesā pahīnāti** pahīnakilese pucchati, kataramaggavajjhā tava kilesā pahīnāti vuttaṁ hoti.

Katamesam tvam dhammānam lābhīti paṭiladdhadhammapucchā, paṭhamamaggādīsu katamesam tvam dhammānam lābhīti vuttaṁ hoti.

Tasmā idāni cepi koci bhikkhu uttarimanussadhammādhigamam byākareyya, na so ettāvatāva sakkātabbo. Imesu pana chasu ṭhānesu sodhanattham vattabbo “kim te adhigataṁ, kim jhānam udāhu vimokkhādīsu aññataran”ti? Yo hi yena adhigato dhammo, so tassa pākaṭo hoti. Sace “idam nāma me adhigatan”ti vadati, tato “kinti te adhigatan”ti pucchitabbo. Aniccalakkhaṇādīsu kim dhuram katvā, atṭhatiṁsāya vā ārammaṇesu rūpārūpa-ajjhattabahiddhādibhedesu vā dhammesu kena mukhena abhinivisitvāti? Yo hi yassābhiniveso, so tassa pākaṭo hoti.

Sace pana “ayam nāma me abhiniveso, evam mayā adhigatan”ti vadati, tato “kadā te adhigatan”ti pucchitabbo, “kim pubbaṇhe, udāhu majjhānhikādīsu aññatarasmiṁ kāle”ti? Sabbesañhi attanā adhigatakālo pākaṭo hoti. Sace “amukasmiṁ nāma me kāle adhigatan”ti vadati, tato “kattha te adhigatan”ti pucchitabbo, “kim divāṭṭhāne, udāhu rattīṭhānādīsu aññatarasmiṁ okāse”ti? Sabbesañhi attanā adhigatokāso pākaṭo hoti. Sace “amukasmiṁ nāma me okāse adhigatan”ti vadati, tato “katame te kilesā pahīnā”ti pucchitabbo, “kim paṭhamamaggavajjhā, udāhu dutiyādimaggavajjhā”ti? Sabbesañhi attanā adhigatamaggena pahīnakilesā pākaṭā honti.

Sace (4.0066) “ime nāma me kilesā pahīnā”ti vadati, tato “katamesam tvam dhammānam lābhī”ti pucchitabbo, “kim sotāpattimaggassa, udāhu sakadāgāmi-

maggādīsu aññatarassā”ti? Sabbesañhi attanā adhigatadhammo pākaṭo hoti. Sace “imesam nāmāham dhammānam lābhī”ti vadati, ettāvatāpissa vacanam na saddhātabbam. Bahussutā hi uggahaparipucchākusalā bhikkhū imāni cha ṭhānāni sodhetum sakkonti. Imassa bhikkhuno āgamanapaṭipadā sodhetabbā, yadi āgamanapaṭipadā na sujhati, “imāya paṭipadāya lokuttaradhammā nāma na labbhantī”ti apanetabbo.

Yadi panassa āgamanapaṭipadā sujhati, “dīgharattam tīsu sikkhāsu appamatto jāgariyamanuyutto catūsu paccayesu alaggo ākāse pāṇisamena cetasā viharati”ti paññāyati, tassa bhikkhuno byākaraṇam paṭipadāya saddhim saṃsandati sameti. “Seyyathāpi nāma gaṅgodakam yamunodakena saddhim saṃsandati sameti, evameva supaññattā tena bhagavatā sāvakānam nibbānagāminī paṭipadā saṃsandati sameti nibbānañca paṭipadā cā”ti (dī. ni. 2.296) vuttasadisam hoti.

Apica kho ettakenāpi sakkāro na kātabbo. Kasmā? Ekaccassa hi puthujanasāpi sato khīṇāsavapaṭipattisadisā paṭipadā hoti. Tasmā so bhikkhu tehi tehi upāyehi uttāsetabbo. Khīṇāsavassa nāma asaniyāpi matthake patamānāya bhayaṃ vā chambhitattam vā lomahamso vā na hoti, puthujjanassa appamattakenāpi hoti.

Tatrimāni vatthūni- dīghabhāṇaka-abhayatthero kira ekam piṇḍapātikam parigghetum asakkonto daharassa saññam adāsi. So tam nhāyamānam kalyāṇīnadīmukhadvāre nimujjivtā pāde aggahesi. Piṇḍapātiko kumbhīloti saññāya mahāsaddamakāsi, tadā nam puthujjanoti sañjānimusu. Candamukhatissarājakāle pana mahāvihāre saṅghatthero khīṇāsavo dubbalacakkhuko vihāreyeva acchi. Rājā theram pariggaṇhissāmīti bhikkhūsu bhikkhācāram gatesu appasaddo upasaṅkamitvā sappo viya pāde aggahesi. Thero silāthambho viya niccalo hutvā ko etthāti āha (4.0067)? Aham, bhante, tissoti. Sugandham vāyasi no tissāti? Evam khīṇāsavassa bhayaṃ nāma natthīti.

Ekacco pana puthujjanopi atisūro hoti nibbhayo. So rañjaniyena ārammaṇena pariggaṇhitabbo. Vasabharājāpi hi ekam theram pariggaṇhamāno ghare nisidāpetvā tassa santike badarasālavam maddamāno nisidi. Mahātherassa kheļo cali, tato therassa puthujjanabhāvo āvibhūto. Khīṇāsavassa hi rasataṇhā nāma supphīnā, dibbesupi rasesu nikanti nāma na hoti. Tasmā imehi upāyehi pariggahetvā sacassa bhayaṃ vā chambhitattam vā lomahamso vā rasataṇhā vā uppajjati, na tvam arahāti apanetabbo. Sace pana abhīrū acchambhī anutrāsī hutvā sīho viya nisidati, dibbārammaṇepi nikantim na janeti. Ayam bhikkhu sampannaveyyākarāṇo samantā rājarājamahāmattādīhi pesitam sakkāram arahatīti.

Papañcasūdaniyā majjhimanikāyatṭhakathāya

Chabbisodhanasuttavaṇṇanā niṭṭhitā.

3. Sappurisadhammasuttavaṇṇanā

105. Evam me sutanti sappurisadhammasuttam. Tattha **sappurisadhammantī** sappurisānam dhammam. **Asappurisadhammantī** pāpapurisānam dhammam. Evam mātikam ṭhapetvāpi puna yathā nāma maggakusalo puriso vāmaṁ muñcitvā dakkhiṇam gaṇhāti. Paṭhamam muñcitabbam katheti, evam pahātabbam dhammam paṭhamam desento **katamo ca, bhikkhave, asappurisadhammoti-ādi-** māha. Tattha **uccākulāTi** khattiyakulā vā brāhmaṇakulā vā. Etadeva hi kula-dvayam “uccākulā”ti vuccati. **So tattha pujjoti** so bhikkhu tesu bhikkhūsu pūjā-raho. **Antaram karitvāti** abbhantaram katvā.

Mahākulāti khattiyakulā vā brāhmaṇakulā vā vessakulā vā. Idameva hi kula-ttayam “mahākulā”ti vuccati. **Mahābhogakulāti** mahantehi (4.0068) bhoge hi samannāgatā kulā. **Uṭārabhogakulāti** uṭārehi pañtehi bhoge hi sampannakulā. Imasmiñ padadvaye cattāripi kulāni labbhanti. Yattha katthaci kule jāto hi puñña-balehi mahābhogopi uṭārabhogopi hotiyeva.

106. **Yasassīti** parivārasampanno. **Appaññatāti** rattim khittasarā viya saṅghama-jjhādīsu na paññāyanti. **Appesakkhāti** appaparivārā.

107. **Āraññikoti** samādinna-āraññikadhutaṅgo. Sesadhutaṅgesupi eseva nayo. Imasmiñca sutte pāliyam naveva dhutaṅgāni āgatāni, vitthārena panetāni terasa honti. Tesu yam vattabbam, tam sabbam sabbākārena **visuddhimagge** dhutaṅga-niddese vuttameva.

108. **AtammayatāTi** tammayatā vuccati taṇhā, nittaṇhāti attho. **Atammayata-ñneva antaram karitvāti** nittaṇhataṇyeva kāraṇam katvā abbhantaram vā katvā, citte uppādetvāti attho.

Nirodhavāre yasmā anāgāmikhīṇāsavāva tam samāpattiṁ samāpajjanti, puthujjanassa sā natthi, tasmā asappurisavāro parihīno. **Na kañci maññatīti** kañci puggalam tīhi maññanāhi na maññati. **Na kuhiñci maññatīti** kismiñci okāse na maññati. **Na kenaci maññatīti** kenaci vatthunāpi tam puggalam na maññati. Sesam sabbattha uttānamevāti.

Papañcasūdaniyā majjhimanikāyatthakathāya

Sappurisadhammasuttavaṇṇanā niṭhitā.

4. Sevitabbāsevitabbasuttavaṇṇanā

109. Evam me sutanti sevitabbāsevitabbasuttaṁ. Tattha **tañca aññamaññam kāyasamācāranti** aññam sevitabbam kāyasamācāram, aññam asevitabbam vadāmi, sevitabbameva kenaci pariyāyena asevitabbanti, asevitabbam vā sevitabbanti ca na vadāmīti attho. Vacīsamācārādīsu eseva nayo. Iti (4.0069) bhagavā sattahi padehi mātikam ṭhapetvā vitthārato avibhajitvāva desanam niṭhāpesi.

Kasmā? Sāriputtatherassa okāsakaraṇattham.

113. **Manosamācāre** micchādiṭṭhisammādiṭṭhiyo diṭṭhipaṭilābhavasena visum aṅgam hutvā ṭhitāti na gahitā.

114. **Cittuppāde** akammapathappattā abhijjhādayo veditabbā.

115. Saññāpaṭilābhavāre **abhijjhāsaṅgatāya saññāyāti-ādīni** kāmasaññādīnam dassanattham vuttāni.

117. **Sabyābajjhanti** sadukkham. Apariniṭṭhitabhbhāvāyāti bhavānam apariniṭṭhitabhāvāya. Ettha ca sabyābajjhattabhāvā nāma cattāro honti. Puthujjanopi hi yo tenattabhāvena bhavam pariniṭṭhāpetum na sakkoti, tassa paṭisandhito paṭṭhāya akusalā dhammā vadḍhanti, kusalā dhammā ca parihāyanti, sadukkhameva attabhāvam abhinibbatteti nāma. Tathā sotāpannasakadāgāmi-anāgāmino. Puthujjanādayo tāva hontu, anāgāmī kathaṁ sabyābajjhām attabhāvam abhinibbatteti, kathañcassa akusalā dhammā abhivadḍhanti, kusalā dhammā parihāyantī. Anāgāmīpi hi suddhāvāse nibbatto uyyānavimānakapparukkhe oloketvā “aho sukham aho sukhan”ti udānam udāneti, anāgāmino bhavalobho bhavataṇhā appahīnāva honti, tassa appahīnataṇhatāya akusalā vadḍhanti nāma, kusalā parihāyanti nāma, sadukkhameva attabhāvam abhinibbatteti, apariniṭṭhitabhbavoyeva hotīti veditabbo.

Abyābajjhanti adukkham. Ayampi catunnam janānam vasena veditabbo. Yo hi puthujjanopi tenattabhāvena bhavam pariniṭṭhāpetum sakkoti, puna paṭisandhim na gaṇhāti, tassa paṭisandhiggahaṇato paṭṭhāya akusalā parihāyanti, kusalāyeva vadḍhanti, adukkhameva attabhāvam nibbatteti, pariniṭṭhitabhbavoyeva nāma hoti. Tathā sotāpannasakadāgāmi-anāgāmino. Sotāpannādayo tāva hontu, puthujjanō kathaṁ abyābajjhā-attabhāvam nibbatteti, kathañcassa akusalaparihāni-ādīni hontīti. Puthujjanopi pacchimabhviko

tenattabhāvena bhavam pariniṭṭhāpetum samattho hoti. Tassa (4.0070) aṅgulimālassa viya ekenūnapāṇasahassam ghātentassāpi attabhāvo abyābajjhoyeva nāma, bhavam pariniṭṭhāpetiyeva nāma. Akusalameva hāyati, vipassanameva gabbham gaṇhāpeti nāma.

119. Cakkhuviññeyyanti-ādīsu yasmā ekaccassa tasmīmyeva rūpe rāgādayo uppajjanti, abhinandati assādeti, abhinandanto assādento anayabyasanaṁ pāpuṇāti, ekaccassa nuppajjanti, nibbindati virajjati, nibbindanto virajjanto nibbutiṁ pāpuṇāti, tasmā “tañca aññamaññan”ti na vuttam. Esa nayo sabbattha.

Evam vitthārena attham ājāneyyunti ettha ke bhagavato imassa bhāsitassa attham ājānanti, ke na ājānantī? Ye tāva imassa suttassa pāliñca atṭhakathañca uggaṇhitvā takkarā na honti, yathāvuttam anulomapaṭipadam na paṭipajjanti, te na ājānanti nāma. Ye pana takkarā honti, yathāvuttam anulomapaṭipadam paṭipajjanti, te ājānanti nāma. Evam santepi sapaṭisandhikānam tāva dīgharattam hitāya sukhāya hotu, appaṭisandhikānam kathaṁ hotīti. Appaṭisandhikā anupādānā viya jātavedā parinibbāyanti, kappasatasahassānampi accayena tesam puna dukkham nāma natthi. Iti ekaṁsenā tesamyeva dīgharattam hitāya sukhāya hoti. Sesam sabbattha uttānamevāti.

Papañcasūdaniyā majjhimanikāyatṭhakathāya

Sevitabbāsevitabbasuttavaṇṇanā niṭṭhitā.

5. Bahudhātukasuttavaṇṇanā

124. Evam me sutanti bahudhātukasuttaṁ. Tattha **bhayānīti**-ādīsu **bhayanti** cittutrāso. **Upaddavoti** anekaggatākāro. **Upasaggo**Ti upasaṭṭhākāro tattha tattha lagganākāro. Tesam evam nānattam veditabbam- pabbatādivisamanissitā corā janapadavāsīnam pesenti “mayam asukadivase nāma tumhākam gāmam paharissāmā”-ti. Tam pavattim sutakālato (4.0071) paṭṭhāya bhayaṁ santāsam āpajjanti. Ayam cittutrāso nāma. “Idha no corā kupitā anatthampi āvaheyyun”ti hatthasāram gahetvā dvipadacatuppadehi saddhim araññam pavisitvā tattha tattha bhūmiyam nipajjanti, ḍam̄samakasādīhi khajjamānā gumbantarāni pavisanti, khāṇukaṇṭake maddanti. Tesam evam vicarantānam vikkhittabhāvo anekaggatākāro nāma. Tato coresu yathāvutte divase anāgacchantesu “tucchakasāsanam tam bhavissati, gāmam pavisissāmā”ti saparikkhārā gāmam pavisanti, atha tesam pavīṭṭhabhāvam ūnatvā gāmam parivāretvā dvāre aggim datvā manusse ghātetvā corā sabbam vibhavam vilumpetvā gacchanti. Tesu ghātitāvasesā aggim nibbāpetvā koṭṭhacchāyabhitticchāyādīsu tattha tattha laggitvā nisidanti nattham anusocamānā. Ayam upasaṭṭhākāro lagganākāro nāma.

Naṭāgārāti naṭehi paricchannā agārā, sesasambhārā panettha rukkhamayā

honti. Tiṇāgārepi eseva nayo. **Bālato uppajjantīti** bālameva nissāya uppajjanti. Bālo hi apaṇḍitapuriso rajjam vā uparajjam vā aññam vā pana mahantam thānam patthento katipaye attanā sadise vidhavāputte mahādhutte gahetvā “etha aham tumhe issare karissāmī”ti pabbatagahanādīni nissāya antante gāme paharanto dāmarikabhāvam jānāpetvā anupubbena nigamepi janapadepi paharati, manussā gehāni chadḍetvā khemantaṭṭhānam patthayamānā pakkamanti, te nissāya vasantā bhikkhūpi bhikkhuniyopi attano attano vasanaṭṭhānāni pahāya pakkamanti. Gatagataṭṭhāne bhikkhāpi senāsanampi dullabham hoti. Evam catunnam parisānam bhayam āgatameva hoti. Pabbajitesupi dve bālā bhikkhū aññamaññam vivādam paṭṭhapetvā codanam ārabhanti. Iti kosambivāsikānam viya mahākalaho uppajjati, catunnam parisānam bhayam āgatameva hotīti evam yāni kānicī bhayāni uppajjanti, sabbāni tāni bālato uppajjantīti veditabbāni.

Etadavocāti bhagavatā dhammadesanā matthakam apāpetvāva niṭṭhāpitā. Yaṁnūnāham dasabalaṁ pucchitvā sabbaññutaññāñenevassa desanāya pāri-pūrim kareyyanti (4.0072) cintetvā etam “kittāvatā nu kho, bhante”ti-ādivacanam avoca.

125. Aṭṭhārasasu dhātūsu adḍhekādasadhātuyo rūpapariggaho, adḍhaṭṭhamakadhātuyo arūpapariggahoti rūpārūpapariggahova kathito. Sabbāpi khandhava-sena pañcakkhandhā honti. Pañcapi khandhā dukkhasaccam, tesam samuṭṭhā-pikā taṇhā samudayasaccam, ubhinnam appavatti nirodhasaccam, nirodhapajā-nāna paṭipadā maggasaccam. Iti catusaccakammaṭṭhānam ekassa bhikkhuno niggamanam matthakam pāpetvā kathitam hoti. Ayamettha saṅkhepo, vitthārato panetā dhātuyo **visuddhimagge** kathitāva. **Jānāti passatīti** saha vipassanāya maggo vutto.

Pathavīdhātu-ādayo saviññāṇakakāyam suññato nissattato dassetuṁ vuttā. Tāpi purimāhi aṭṭhārasahi dhātūhi pūretabbā. Pūrentena viññāṇadhātuto nīharitvā pūretabbā. Viññāṇadhātu hesā cakkhuviññāṇādivasena chabbidhā hoti. Tattha cakkhuviññāṇadhātuyā pariggahitāya tassā vatthu cakkhudhātu, ārammaṇam rūpadhātūti dve dhātuyo pariggahitāva honti. Esa nayo sabbattha. Manoviññāṇadhātuyā pana pariggahitāya tassā purimapacchimavasena manodhātu, ārammaṇavasena dhammadhātūti dve dhātuyo pariggahitāva honti. Iti imāsu aṭṭhārasasu dhātūsu adḍhekādasadhātuyo rūpapariggahoti purimanayeneva idampi ekassa bhikkhuno niggamanam matthakam pāpetvā kathitam hoti.

Sukhadhātūti-ādīsu sukhañca tam nissattasuññataṭṭhena dhātu cāti sukha-dhātu. Esa nayo sabbattha. Ettha ca purimā catasso dhātuyo sappaṭipakkhava-sena gahitā, pacchimā dve sarikkhakavasena. Avibhūtabhāvena hi upekkhādhātu avijjādhātuyā sarikkhā. Ettha ca sukhadukkhadhātūsu pariggahitāsu kāyaviññāṇa-dhātu pariggahitāva hoti, sesāsu pariggahitāsu manoviññāṇadhātu pariggahitāva hoti. Imāpi cha dhātuyo heṭṭhā aṭṭhārasahiyeva pūretabbā. Pūrentena upekkhādhātuto nīharitvā pūretabbā. Iti imāsu aṭṭhārasasu dhātūsu adḍhekādasadhātuyo rūpapariggahoti (4.0073) purimanayeneva idampi ekassa bhikkhuno niggamanam matthakam pāpetvā kathitam hoti.

Kāmadhātu-ādīnam dvedhāvitakke (ma. ni. 1.206) kāmavitakkādīsu vuttanayeva attho veditabbo. Abhidhammepi “tattha katamā kāmadhātu, kāmapatiṣam-yutto takko vitakko”ti-ādinā (vibha. 182) nayeneva etāsam vitthāro āgatoyeva. Imāpi cha dhātuyo heṭṭhā aṭṭhārasahiyeva pūretabbā. Pūrentena kāmadhātuto nīharitvā pūretabbā. Iti imāsu aṭṭhārasasu dhātūsu adḍhekādasadhātuyo rūpapariggahoti purimanayeneva idampi ekassa bhikkhuno niggamanam matthakam pāpetvā kathitam hoti.

Kāmadhātu-ādīsu pañca kāmāvacarakkhandhā kāmadhātu nāma, pañca rūpāvacarakkhandhā rūpadhātu nāma, cattāro arūpāvacarakkhandhā arūpadhātu nāma. Abhidhamme pana “tattha katamā kāmadhātu, heṭṭhato avīcinirayam pariyantam karitvā”ti-ādinā (vibha. 182) nayena etāsam vitthāro āgatoyeva. Imāpi tisso dhātuyo heṭṭhā aṭṭhārasahiyeva pūretabbā. Pūrentena kāmadhātuto nīharitvā pūretabbā. Iti imāsu aṭṭhārasasu dhātūsu adḍhekādasadhātuyo rūpapariggahoti purimanayeneva idampi ekassa bhikkhuno niggamanam matthakam pāpetvā kathitam hoti.

Saṅkhata pacceyehi samāgantvā katā, pañcannam kandhānametam adhivacanam. Na saṅkhata **asaṅkhata**. Nibbānassetam adhivacanam. Imāpi dve dhātuyo heṭṭhā aṭṭhārasahiyeva pūretabbā. Pūrentena saṅkhatadhātuto nīharitvā pūretabbā. Iti imāsu aṭṭhārasasu dhātūsu adḍhekādasadhātuyo rūpapariggahoti purimanayeneva idampi ekassa bhikkhuno niggamanam matthakam pāpetvā kathitam hoti.

126. Ajjhattikabāhirānīti ajjhattikāni ca bāhirāni ca. Ettha hi cakkhu-ādīni ajjhattikāni cha, rūpādīni bāhirāni cha. Idhāpi **jānāti passatīti** saha vipassanāya maggo kathito.

Imasmim sati idanti-ādi mahātaṇhāsaṅkhaye vitthāritameva.

127. Aṭṭhānanti (4.0074) hetupaṭikkhepo. **Anavakāsoti** pacceyapaṭikkhepo. Ubhayenāpi kāraṇameva paṭikkhipati. Kāraṇañhi tadāyattavuttitāya attano phalassa ṭhānanti ca avakāsoti ca vuccati. **Yanti** yena kāraṇena. **Dīṭṭhisampaṇnoti** maggadīṭṭhiyā sampanno sotāpanno ariyasāvako. **Kañci saṅkhāranti** catubhūmakesu saṅkhatasāṅkhāresu kañci ekasaṅkhārampi. **Niccato upagaccheyyāti** niccoti gaṇheyya. **Netam ṭhānam vijjatīti** etam kāraṇam natthi na upalabbhati. **Yam puthujjanoti** yena kāraṇena puthujjano. **Ṭhānametam vijjatīti** etam kāraṇam atthi. Sassatadiṭṭhiyā hi so tebhūmakesu saṅkhatasāṅkhāresu kañci saṅkhāram niccato gaṇheyyāti attho. Catutthabhūmakasaṅkhārā pana tejussadattā divasam santatto ayoguļo viya makkhikānam dīṭṭhiyā vā aññesam vā akusalānam ārammaṇam na honti. Iminā nayena **kañci saṅkhāram sukhatoti-ādīsupi** attho veditabbo.

Sukhato upagaccheyyāti “ekantasukhī attā hoti arogo param marañā”ti (ma. ni. 3.21, 22) evam attadiṭṭhivasena sukhato gāham sandhāyetam vuttaṁ. Dīṭṭhivippayuttacittena pana ariyasāvako pariṭāhābhībhūto pariṭāhavūpasamattham mattaḥthim parittāsito viya, cokkhabrāhmaṇo viya ca gūtham kañci saṅkhāram sukhato upagacchati. Attavāre kasiṇādipaññattisaṅghattham saṅkhāranti avatvā

kañci dhammadanti vuttam. Idhāpi ariyasāvakassa catubhūmakavasena veditabbo, puthujjanassa tebhūmakavasena. Sabbavāresu ariyasāvakassāpi tebhūmakavaseneva paricchedo vatṭati. Yaṁ yañhi puthujjano gañhāti, tato tato ariyasāvako gāham viniveṭheti. Puthujjano hi yaṁ yaṁ niccaṁ sukham attāti gañhāti, tam tam ariyasāvako aniccaṁ dukkham anattāti gañhanto tam gāham viniveṭheti.

128. Mātaranti-ādīsu janikāva mātā, janako pitā, manussabhūtova khīnāsavo arahāti adhippeto. Kim pana ariyasāvako aññam jīvitā voropeyyāti? Etampi aṭṭhānam. Sacepi hi bhavantaragataṁ ariyasāvakam (4.0075) attano ariyabhāvam ajānantampi koci evam vadeyya “imam kunthakipillikam jīvitā voropetvā sakalacakavālāgabbhe cakkavattirajjam paṭipajjāhi”ti, neva so tam jīvitā voropeyya. Athāpi nam evam vadeyya “sace imam na ghātessasi, sīsam te chindissāmā”ti. Sīsamevassa chindeyya, na ca so tam ghāteyya. Puthujjanabhāvassa pana mahāsāvajjabhāvadassanattham ariyasāvakassa ca baladīpanatthametam vuttam. Ayanhettha adhippāyo- sāvajjo puthujjanabhāvo, yatra hi nāma puthujjano mātughātādīnipi ānantariyāni karissati. Mahābalo ca ariyasāvako, yo etāni kammāni na karto ti.

Duṭṭhacittoti vad hakacittena paduṭṭhacitto. **Lohitam uppādeyyāti** jīvamānakasa- rīre khuddakamakkhikāya pivanamattampi lohitam uppādeyya. **Saṅgham bhindeyyāti** samānasamvāsakam samānasimāya ṭhitam pañcahi kāraṇehi saṅgham bhindeyya. Vuttañhetam “pañcahupāli ākārehi saṅgo bhijjati. Kammena udde- sena voharanto anussāvanena salākaggāhenā”ti (pari. 458).

Tattha **kammenāti** apalokanādīsu catūsu kammesu aññatarena kammena. **Udde- senāti** pañcasu pātimokkhuddesu aññatarena uddesena. **Voharantoti** katha- yanto, tāhi tāhi uppattīhi adhammam dhammoti-ādīni aṭṭhārasa bhedakarava- tthūni dīpento. **Anussāvanenāti** nanu tumhe jānātha mayham uccākulā pabbajita- bhāvam bahussutabhāvañca, mādiso nāma uddhammam ubbinayam satthusā- sanam gāheyyāti cittampi uppādetum tumhākam yuttam, kim mayham avīci nīlu- ppalavanam viya sītalo, kim aham apāyato na bhāyāmīti-ādinā nayena kaṇṇamūle vacībhedam katvā anussāvanena. **Salākaggāhenāti** evam anussāvetvā tesam cittam upathambhetvā

anivattidhamme katvā “gaṇhatha imam̄ salākan”ti salākaggāhena.

Ettha ca kammameva uddeso vā pamāṇam̄, vohārānussāvanasalākaggāhā pana pubbabhāgā. Aṭṭhārasavatthudīpanavasena hi voharantena tattha rucijanānattham̄ anussāvetvā salākāya gāhitāyapi abhinnova hoti saṅgho. Yadā pana evam̄ cattāro vā atirekā vā salākam̄ gāhetvā āveṇikam̄ (4.0076) kammam̄ vā uddesaṁ vā karonti, tadā saṅgho bhinno nāma hoti. Evam̄ ditthisampanno puggalo saṅgham̄ bhindeyyāti netam̄ ṭhānam̄ vijjati. Ettāvatā mātughātādīni pañca ānantariyakammāni dassitāni honti, yāni puthujjano karoti, na ariyasāvako, tesam̄ āvibhāvattham̄-

Kammato dvārato ceva, kappaṭṭhitiyato tathā;
pākasādhāraṇādīhi, viññātabbo vinicchayo.

Tattha **kammato** tāva- ettha hi manussabhūtasseva manussabhūtam̄ mātaram̄ vā pitaram̄ vā api parivattalingam̄ jīvitā voropentassa kammam̄ ānantariyam̄ hoti, tassa vipākam̄ paṭibāhissāmīti sakalacakkavālam̄ mahācetiyappamāṇehi kañcanathūpehi pūretvāpi sakalacakkavālam̄ pūretvā nisinnabhikkhusaṅghassa mahādānam̄ datvāpi buddhassa bhagavato saṅghāṭikaṇṇam̄ amuñcanto vicaritvāpi kāyassa bhedā nirayameva upapajjati. Yo pana sayam̄ manussabhūto tiracchānabhūtam̄ mātaram̄ vā pitaram̄ vā, sayam̄ vā tiracchānabhūto manussabhūtam̄, tiracchānoyeva vā tiracchānabhūtam̄ jīvitā voropeti, tassa kammam̄ ānantariyam̄ na hoti, bhāriyam̄ pana hoti, ānantariyam̄ āhacceva tiṭṭhati. Manussajātikānam̄ pana vasena ayam̄ pañho kathito.

Tattha eļakacatukkam̄ saṅgāmacatukkam̄ coracatukkañca kathetabbaṁ. Eļakam̄ māremīti abhisandhināpi hi eļakaṭṭhāne ṭhitam̄ manusso manussabhūtam̄ mātaram̄ vā pitaram̄ vā mārento ānantariyam̄ phusati. Eļakābhīsandhinā pana mātāpitā-abhisandhinā vā eļakam̄ mārento ānantariyam̄ na phusati. Mātāpitā-abhisandhinā mātāpitaro mārento phusateva. Eseva nayo itarasmimpi catukkadvaye. Yathā ca mātāpitūsu, evam̄ arahantepi etāni catukkāni veditabbāni.

Manussa-arahantameva māretvā ānantariyam̄ phusati, na yakkhabhūtam̄. Kammam̄ pana bhāriyam̄, ānantariyasadisameva. Manussa-arahantassa ca puthujjanakāleyeva satthappahāre vā vise vā dinnepi yadi so arahattam̄ patvā teneva marati, arahantaghāto hotiyeva. Yaṁ pana puthujjanakāle dinnam̄ dānam̄ arahattam̄ patvā paribhuñjati, puthujjanasseva dinnam̄ hoti. Sesa-ariyapuggale (4.0077) mārentassa ānantariyam̄ natthi. Kammam̄ pana bhāriyam̄, ānantariyasadisameva.

Lohituppāde tathāgatassa abhejjakāyatāya parūpakkamena cammacchedam̄ katvā lohitapaggharaṇam̄ nāma natthi. Sarīrassa pana antoyeva ekasmīmyeva ṭhāne lohitam̄ samosarati. Devadattena paviddhasilato bhijjivā gatā sakalikāpi tathāgatassa pādantam̄ pahari, pharasunā pahaṭo viya pādo antolohitoyeva ahosi. Tathā karontassa ānantariyam̄ hoti. Jīvako pana tathāgatassa ruciyā satthakena cammaṁ chinditvā tamhā ṭhānā dutṭhalohitam̄ nīharitvā phāsumakāsi, tathā karontassa puññakammameva hoti.

Atha ye ca parinibbute tathāgate cetiyam̄ bhindanti, bodhim̄ chindanti dhātumhi upakkamanti, tesam̄ kiṁ hotīti? Bhāriyam̄ kammam̄ hoti ānantariyasadisam̄.

Sadhātukam pana thūpam vā paṭimam vā bādhamānam bodhisākhām chinditum vaṭṭati. Sacepi tattha nilinā sakuṇā cetiyē vaccam pātentī, chinditum vaṭṭatiyeva. Paribhogacetiyo hi sarīracetiyaṁ mahantataram. Cetiyavatthum bhinditvā gacchantam bodhimūlampi chinditvā haritum vaṭṭati. Yā pana bodhisākhā bodhi-gharam bādhati, tam geharakhaṇatthām chinditum na labhati, bodhi-atthañhi geham, na gehatthāya bodhi. Āsanagharepi eseva nayo. Yasmiṁ pana āsanaghare dhātu nihitā hoti, tassa rakkhaṇatthāya bodhisākhām chinditum vaṭṭati. Bodhijagganatthām ojoharanasākhām vā pūtiṭṭhānam vā chinditum vaṭṭatiyeva, bhagavato sarīrapaṭijaggane viya puññampi hoti.

Saṅghabhede sīmatṭhakasaṅghe asannipatite visum parisam gahetvā katavo-hārānussāvana-salākaggāhassa kammam vā karontassa, uddesam vā uddisantassa bhedo ca hoti ānantariyakammañca. Samaggasaññāya pana vaṭṭatiti kammam karontassa bhedova hoti, na ānantariyakammam, tathā navato ūnaparisāyam. Sabbantimena paricchedena navannam janānam yo saṅgham bhindati (4.00) tassa ānantariyakammam hoti. Anuvattakānam adhammavādīnam mahāsāvajjakkammam. Dhammavādino pana anavajjā.

Tattha navannameva saṅghabhede idam suttam- “ekato upāli cattāro honti, ekato cattāro, navamo anussāveti, salākam gāheti ‘ayam dhammo ayam vinayo idam satthusāsanam, idam gaṇhatha, imam rocethā’ti, evam kho, upāli, saṅgharāji ceva hoti saṅghabhedo ca. Navannam vā, upāli, atirekanavannam vā saṅgharāji ceva hoti saṅghabhedo cā”ti (cūlava. 351). Etesu pana pañcasu saṅghabhedo vacīkammam, sesāni kāyakammānīti. Evam kammato viññātabbo vinicchayo.

Dvāratoti sabbāneva cetāni kāyadvāratopi vacīdvāratopi samuṭṭhahanti. Purimāni panettha cattāri āṇattikavijjāmayapayogavasena vacīdvārato samuṭṭhahitvāpi kāyadvārameva pūrenti, saṅghabhedo hatthamuddāya bhedaṁ karontassa kāyadvārato samuṭṭhahitvāpi vacīdvārameva pūretiti. Evamettha dvāratopi viññātabbo vinicchayo.

Kappaṭṭhitiyatoti saṅghabhedoyeva cettha kappaṭṭhitiyō. Saṇṭhahante hi kappe kappavemajhe vā saṅghabhedam katvā kappavināseyeva muccati. Sacepi hi sveva kappo vinassissatiti ajja saṅghabhedam karoti, sveva muccati, ekadivasa-meva niraye paccati. Evam karaṇam pana natthi. Sesāni cattāri kammāni ānantariyāneva honti, na kappaṭṭhitiyānīti evamettha kappaṭṭhitiyatopi viññātabbo vinicchayo.

Pākatoti yena ca pañcape’tāni kammāni katāni honti, tassa saṅghabhedoyeva paṭisandhivasena vipaccati, sesāni “ahosikammam, nāhosī kammavipāko”ti evamādisu saṅkhyam gacchanti. Saṅghassa bhedābhāve lohituppādo, tadabhāve arahantaghāto, tadabhāve ca sace pitā sīlavā hoti, mātā dussilā, no vā tathā sīlavatī, pitughāto paṭisandhivasena vipaccati. Sace mātāpitughāto, dvīsupi sīlena vā dussilena vā samānesu mātughātova paṭisandhivasena vipaccati (4.0079). Mātā hi dukkarakārinī bahūpakārā ca puttānanti evamettha pākatopi viññātabbo vinicchayo.

Sādhāraṇādīhīti purimāni cattāri sabbesampi gahaṭṭhapabbajitānam sādhāra-

ṇāni. Saṅghabhedo pana “na kho, upāli bhikkhunī, saṅgham bhindati, na sikkhamānā, na sāmañero, na sāmañerī, na upāsako, na upāsikā saṅgham bhindati, bhikkhu kho, upāli, pakatatto samānasamvāsako samānasimyām ṭhito saṅgham bhindati”ti (cūlava. 351) vacanato vuttappakārassa bhikkhunova hoti, na aññassa, tasmā asādhāraṇo. Ādisaddena sabbepi te dukkhavedanāsaṅgatā dosamohasampayuttā cāti evamettha sādhāraṇādīhi pi viññātabbo vinicchayo.

Aññam satthāranti “ayaṁ me satthā satthukiccaṁ kātum asamattho”ti bhavanta-repi aññam titthakaram “ayaṁ me satthā”ti evam gaṇheyya, netam ṭhānam vijjati attho.

129. Ekissā lokadhātuyāti dasasahassilokadhātuyā. **Tīṇi hi khettāni** jātikhettam āñākhettam visayakhettam. Tattha **jātikhettam** nāma dasasahassi lokadhātu. Sā hi tathāgatassa mātukucchi-okkamanakāle nikhamanakāle sambodhikāle dhammacakkappavattane āyusañkhārossajjane parinibbāne ca kampati. Kotisatasahassacakkavālam pana **āñākhettam** nāma. Āṭānātiyamoraparittadhadhaggapari-ttaratanaparittādīnañhi ettha āñā vattati. **Visayakhettassa** pana parimāṇam natthi. Buddhānañhi “yāvatakaṁ nāṇam tāvatakaṁ neyyam, yāvatakaṁ neyyam tāvatakaṁ nāṇam, nāṇapariyantikaṁ neyyam neyyapariyantikaṁ nāṇan”ti (paṭi. ma. 3. 5) vacanato avisayo nāma natthi.

Imesu pana tīsu khettesu ṭhapetvā imam cakkavālam aññasmim cakkavāle buddhā uppajjantīti suttam natthi, na uppajjantīti pana atthi. **Tīṇi piṭakāni** vinayapiṭakam suttantapiṭakam abhidhammapiṭakam, **tisso saṅgītiyo** mahākassapatre-rassa saṅgīti, yasatherassa saṅgīti, moggaliputtatissatherassa saṅgītīti. Imā tisso saṅgītiyo āruḷhe tepiṭake buddhavacane imam (4.0080) cakkavālam muñcitvā aññattha buddhā uppajjantīti suttam natthi, na uppajjantīti pana atthi.

Apubbam acarimanti apure apacchā. Ekato na uppajjanti, pure vā pacchā vā uppajjantīti vuttam hoti. Tattha hi bodhipallaṅke bodhim appatvā na utṭhahissāmīti nisinnakālato paṭṭhāya yāva mātukucchismim paṭisandhiggahaṇam, tāva pubbeti na veditabbam. Bodhisattassa hi paṭisandhiggahaṇena dasasahassacakkavālaka-mpaneneva khettapariggaho kato, aññassa buddhassa uppatti nivāritāva hoti. Parinibbānakālato paṭṭhāya yāva sāsapamattā dhātu tiṭṭhati, tāva pacchāti na veditabbam. Dhātūsu hi ṭhitāsu buddhā ṭhitāva honti. Tasmā ethantare aññassa buddhassa uppatti nivāritāva hoti. Dhātuparinibbāne pana jāte aññassa buddhassa uppatti na nivāritā.

Tīṇi hi antaradhānāni nāma pariyatti-antaradhānam, paṭivedha-antaradhānam, paṭipatti-antaradhānanti. Tattha **pariyattīti** tīṇi piṭakāni. **Paṭivedhoti** saccapaṭivedho. **Paṭipattīti** paṭipadā. Tattha paṭivedho ca paṭipatti ca hotipi na hotipi. Ekasmiñhi kāle paṭivedhadharā bhikkhū bahū honti, eso bhikkhu puthujjanoti aṅgulim pasā-retvā dassetabbo hoti. Imasmiṇyeva dīpe ekavāre puthujjanabhikkhu nāma nāhosī. Paṭipattipūrikāpi kadāci bahū honti kadāci appā. Iti paṭivedho ca paṭipatti ca hotipi na hotipi, sāsanatthitiyā pana **pariyatti pamāṇam**.

Paṇḍito hi tepiṭakam sutvā dvepi pūreti. Yathā amhākam bodhisatto ālārassa santike pañcābhiññā satta ca samāpattiyo nibbattetvā nevasaññānāsaññāyatana-

saṁpattiyaṁ parikammaṁ pucchi, so na jānāmīti āha. Tato udakassa santikam gantvā adhigatam visesam samsandetvā nevasaññānāsaññāyatanassa parikammaṁ pucchi, so ācikkhi, tassa vacanasamanantarameva mahāsatto tam sampādesi, evameva paññavā bhikkhu paryattim sutvā dvepi pūreti. Tasmā paryattiyā ṛhitāya sāsanam ṛhitam hoti.

Yadā (4.0081) pana sā antaradhāyati, tadā paṭhamam abhidhammapiṭakam nassati. Tattha paṭṭhānam sabbapaṭhamam antaradhāyati, anukkamena pacchā dhammasaṅgaho, tasmīm antarahite itaresu dvīsu piṭakesu ṛhitesu sāsanam ṛhitameva hoti. Tattha suttantapiṭake antaradhāyamāne paṭhamam aṅguttaranikāyo ekādasakato paṭṭhāya yāva ekakā antaradhāyati, tadanantaram samyuttanikāyo cakkapeyyālato paṭṭhāya yāva oghataranā antaradhāyati, tadanantaram majjhimanikāyo indriyabhāvanato paṭṭhāya yāva mūlapariyāyā antaradhāyati, tadanantaram dīghanikāyo dasuttarato paṭṭhāya yāva brahmajālā antaradhāyati. Ekissāpi dvinnampi gāthānam pucchā addhānam gacchatī, sāsanam dhāretum na sakkoti sabhiyapucchā (su. ni. sabhiyasuttaṁ) viya ālavakapucchā (su. ni. ālavakasuttaṁ; saṁ. ni. 1.246) viya ca. Etā kira kassapabuddhakālikā antarā sāsanam dhāretum nāsakkhiṁsu.

Dvīsu pana piṭakesu antarahitesupi vinayapiṭake ṛhte sāsanam tiṭṭhati, parivārakhandhakesu antarahitesu ubhatovibhaṅge ṛhte ṛhitameva hoti. Ubhatovibhaṅge antarahite mātikāya ṛhitāyapi ṛhitameva hoti. Mātikāya antarahitāya pātimokkhapabbajja-upasampadāsu ṛhitāsu sāsanam tiṭṭhati. Liṅgamaddhānam gacchatī, setavatthasamaṇavāmso pana kassapabuddhakālato paṭṭhāya sāsanam dhāretum nāsakkhi. Pacchimakassa pana saccapaṭivedhato pacchimakassa silabhedato ca paṭṭhāya sāsanam osakkitaṁ nāma hoti. Tato paṭṭhāya aññassa buddhassa uppatti na

vāritāti.

Tīṇi parinibbānāni nāma kilesaparinibbānam khandhapanibbānam dhātupari-nibbānanti. Tattha kilesaparinibbānam bodhipallaṅke ahosi, khandhapanibbānam kusinārāyam, dhātuparinibbānam anāgate bhavissati. Sāsanassa kira osakkana-kāle imasmim tambapaññidipe dhātuyo sannipatitvā mahācetiyam gamissanti, mahācetiyato nāgadīpe rājāyatana cetiyam, tato mahābodhipallaṅkam gamissanti, nāgabhavanatopi devalokatopi brahmalokatopi dhātuyo mahābodhipallaṅkameva gamissanti. Sāsapamattāpi dhātu antarā na nassissati. Sabbā dhātuyo mahābo-dhipallaṅke rāsibhūtā suvaṇṇakkhandho viya ekagghanā hutvā chabbāṇṇara-smiyo vissajjessanti, tā dasasahassilokadhātum pharissanti.

Tato (4.0082) dasasahassacakkavāle devatā yo sannipatitvā “ajja satthā parini-bbāyati, ajja sāsanam osakkati, pacchimadassanam dāni idam amhākan”ti dasa-balassa parinibbutadivasato mahantataram kāruññam karissanti. Thapetvā anāgā-mikhīñāsave avasesā sakabhāvena sañthātum na sakkhissanti. Dhātūsu tejo-dhātu utṭhahitvā yāva brahmalokā uggacchissati, sāsapamattāyapi dhātuyā sati ekajālāva bhavissati, dhātūsu pariyādānam gatāsu pacchijissati. Evam mahantam ānubhāvam dassetvā dhātūsu antarahitāsu sāsanam antarahitam nāma hoti. Yāva evam na anantaradhāyati, tāva acarimam nāma hoti. Evam apubbam acarimam uppajjeyyunti netam thānam vijjati.

Kasmā pana apubbam acarimam na uppajjantīti. Anacchariyattā. Buddhā hi acchariyamanussā. Yathāha- “ekapuggalo, bhikkhave, loke uppajjamāno uppajjati acchariyamanusso, katamo ekapuggalo, tathāgato arahañ sammāsambuddho”ti (a. ni. 1.171-174).

Yadi ca dve vā cattāro vā atṭha vā soḷasa vā ekato uppajjeyyum, na acchariyā bhaveyyum. Ekasmiñhi vihāre dvinnam cetiyānampi lābhasakkāro uṭāro na hoti bhikkhūpi bahutāya na acchariyā jātā, evam buddhāpi bhaveyyum. Tasmā na uppajjanti.

Desanāya ca visesābhāvato. Yañhi satipaṭṭhānādibhedam dhammam eko deseti, aññena uppajjivāpi sova desetabbo siyā. Tato na acchariyo siyā, ekasmiñ pana dhammam desente desanāpi acchariyā hoti.

Vivādābhāvato ca. Bahūsu ca buddhesu uppajjantesu bahūnam ācariyānam antevāsikā viya “amhākam buddho pāsādiko, amhākam buddho madhurassaro lābhī puññavā”ti vivadeyyum, tasmāpi evam na uppajjanti. Apicetañ kāraṇam milindaraññā puṭṭhena nāgasenattherena vitthāritameva. Vuttañhi (mi. pa. 5.1.1)-

“Tattha, bhante nāgasena, bhāsitampetam bhagavatā ‘atṭhānametam, bhikkhave, anavakāso, yam ekissā lokadhātuyā dve arahanto sammāsambuddhā (4.0083) apubbam acarimam uppajjeyyum, netam thānam vijjati’ti. Desentā ca, bhante nāgasena, sabbe pi tathāgatā sattatiṁsa bodhipakkhiyadhamme desenti, kathayamānā ca cattāri ariyasaccāni kathenti, sikkhāpentā ca tīsu sikkhāsu sikkhā-penti, anusāsamānā ca appamādapatiptiyam anusāsanti. Yadi, bhante nāga-sena, sabbesampi tathāgatānam ekā desanā ekā kathā ekā sikkhā ekā anusitthi, kena kāraṇena dve tathāgatā ekakkhaṇe nuppajjanti? Ekenapi tāva buddhuppā-

dena ayam loko obhasajato. Yadi dutiyo buddho bhavya, dvinnam pabhaya ayam loko bhiyosomattaya obhasajato bhavya. Ovadamana ca dve tathagata sukham ovadeyyum, anusasamana ca sukham anusaseyyum, tattha me karanam brahi, yathaha nissamsayo bhavyanti.

Ayam maharaja dasasahassi lokadhatu ekabuddhadhara, ekasseva tathagatassa gunam dhareti, yadi dutiyo buddho uppajjeyya, nayam dasasahassi lokadhatu dhareyya, caleyya kampeyya nameyya onameyya vinameyya vikireyya vidhameyya viddhamseyya, na thnamupagaccheyya.

Yathā, maharāja, nāvā ekapurisasandhāraṇī bhavya. Ekasmīm purise abhirūhe sā nāvā samupādikā bhavya. Atha dutiyo puriso āgaccheyya tādiso āyunā vanñena vayena pamāñena kisathulena sabbañgapaccāñgena, so tam nāvam abhirūheyya. Apinu sā maharāja, nāvā dvinnampi dhareyyāti? Na hi, bhante, caleyya kampeyya nameyya onameyya vinameyya vikireyya viddhamseyya, na thnamupagaccheyya, osideyya udaketi. Evameva kho, maharāja, ayam dasasahassi lokadhātu ekabuddhadhāraṇī, ekasseva tathāgatassa gunam dhareti, yadi dutiyo buddho uppajjeyya, nayam dasasahassi lokadhātu dhareyya, caleyya ... pe... na thnamupagaccheyya.

Yathā vā pana maharāja puriso yāvadattham bhojanam bhuñjeyya chādentam yāvakanṭhamabhipūrayitvā, so dhāto piñito paripuñño nirantaro tandikato ananmitadañdajato punadeva tattakam bhojanam (4.0084) bhuñjeyya, apinu kho, maharāja, puriso sukhito bhavyyāti? Na hi, bhante, sakim bhuttova mareyyāti. Evameva kho, maharāja, ayam dasasahassi lokadhātu ekabuddhadhāraṇī ... pe... na thnamupagaccheyyāti.

Kim nu kho, bhante nāgasena, atidhammadbhārena pathavī calatīti? Idha, maharāja, dve sakaṭā ratanaparipūritā bhavyum yāva mukhasamā. Ekasmā sakaṭato ratanam gahetvā ekasmīm sakaṭe ākireyyum, apinu kho tam, maharāja, sakaṭam dvinnampi sakaṭānam ratanam dhareyyāti? Na hi, bhante, nābhipi tassa phaleyya, arāpi tassa bhijjeyum, nemipi tassa opateyya, akkhopi tassa bhijjeyyāti. Kim nu kho, maharāja, atiratanabhārena sakaṭam bhijjatīti? Āma, bhanteti. Evameva kho, maharāja, atidhammadbhārena pathavī calatīti.

Apica maharāja imam karanam buddhabalaparidipanaya osaritam, aññampi tattha abhirūpam karanam sunohi, yena karanena dve sammāsambuddhā eka-kkhaṇe nuppajjanti. Yadi, maharāja, dve sammāsambuddhā ekakkhaṇe uppajjeyum, tesam parisāya vivādo uppajjeyya- "tumhākam buddho amhākam buddho"ti ubhatopakkhajatā bhavyum. Yathā, maharāja, dvinnam balavāmacānam parisāya vivādo uppajjeyya 'tumhākam amacco amhākam amacco'ti ubhatopakkhajatā honti, evameva kho, maharāja, yadi, dve sammāsambuddhā ekakkhaṇe uppajjeyum, tesam parisāya vivādo uppajjeyya 'tumhākam buddho amhākam buddho'ti ubhatopakkhajatā bhavyum. Idam tāva, maharāja, ekam karanam, yena karanena dve sammāsambuddhā ekakkhaṇe nuppajjanti.

Aparampi, maharāja, uttarim karanam sunohi, yena karanena dve sammāsambuddhā ekakkhaṇe nuppajjanti. Yadi, maharāja, dve sammāsambuddhā eka-

kkhaṇe uppajjeyyum, aggo buddhoti yaṁ vacanam, tam micchā bhaveyya. Jetṭho buddhoti yaṁ vacanam, tam micchā bhaveyya. Setṭho buddhoti, visittho buddhoti, uttamo buddhoti, pavaro buddhoti, asamo buddhoti, asamasamo buddhoti, appaṭisamo buddhoti, appaṭibhāgo buddhoti, appaṭipuggalo buddhoti yaṁ vacanam, tam micchā bhaveyya. Idampi kho tvam, mahārāja (4.0085), kāraṇam athato sampaticcha, yena kāraṇena dve sammāsambuddhā ekakkhaṇe nuppajjanti.

Apica kho mahārāja buddhānam bhagavantānam sabhāvapakati esā, yaṁ eko耶va buddho loke uppajjati. Kasmā kāraṇā? Mahantatāya sabbaññubuddhaguṇānam. Aññampi mahārāja yaṁ loke mahantaṁ, tam ekaṁyeva hoti. Pathavī, mahārāja, mahantī, sā ekāyeva. Sāgaro mahanto, so ekoyeva. Sineru girirājā mahanto, so ekoyeva. Ākāso mahanto, so ekoyeva. Sakko mahanto, so ekoyeva. Māro mahanto, so ekoyeva. Brahmā mahanto, so ekoyeva. Tathāgato araham sammāsambuddho mahanto, so ekoyeva lokasmim. Yattha te uppajjanti, tattha aññassa okāso na hoti. Tasmā, mahārāja, tathāgato araham sammāsambuddho ekoyeva lokasmim uppajjatīti. Sukathito, bhante nāgasena, pañho opammehi kāraṇehi”ti.

Ekissā lokadhātuyāti ekasmiṁ cakkavāle. Heṭṭhā imināva padena dasacakkavālasahassāni gahitāni tānipi, ekacakkavāleneva paricchinditum vaṭṭanti. Buddhā hi uppajjamānā imasmiṁyeva cakkavāle uppajjanti, uppajjanatṭhāne pana vārite ito aññesu cakkavālesu nuppajjantīti vāritameva hoti.

Apubbam acarimanti ettha cakkaratanapātubhāvato pubbe pubbam, tasseva antaradhānato pacchā carimam. Tattha dvīdhā cakkaratanassa antaradhānam hoti, cakkavattino kālamkiriyo vā pabbajjāya vā. Antaradhāyamānañca pana tam kālamkiriyo vā pabbajjato vā sattame divase antaradhāyati, tato param cakkavattino pātubhāvo avārito.

Kasmā pana ekacakkavāle dve cakkavattino nuppajjantīti. Vivādupacchedato acchariyabhāvato cakkaratanassa mahānubhāvato ca. Dvīsu hi uppajjantesu “amhākam rājā mahanto amhākam rājā mahanto”ti vivādo uppajjeyya. Ekasmiṁ dīpe cakkavattīti ca ekasmiṁ dīpe cakkavattīti ca anacchariyā bhaveyyum (4.0086). Yo cāyaṁ cakkaratanassa dvisahassadīpaparivāresu catūsu mahādīpesu issariyā-nuppadānasamattho mahānubhāvo, so parihāyetha. Iti vivādupacchedato acchariyabhāvato cakkaratanassa mahānubhāvato ca na ekacakkavāle dve uppajjanti.

130. Yaṁ itthī assa araham sammāsambuddhoti ettha tiṭṭhatu tāva sabbaññuguṇe nibbattetvā lokuttāraṇasamattho buddhabhāvo, pañidhānamattampi itthiyā na sampajjati.

Manussattam liṅgasampatti, hetu satthāradassanam;
pabbajā guṇasampatti, adhikāro ca chandatā;
atṭhadhammasamodhānā, abhinīhāro samijjhātīti. (bu. vaṁ. 2.59)-

Imāni hi pañidhānasampattikāraṇāni. Iti pañidhānampi sampādetum asamatthāya itthiyā kuto buddhabhāvoti “atṭhānametam anavakāso yaṁ itthī assa araham sammāsambuddho”ti vuttam. Sabbākāraparipūro ca puññussayo sabbākārapari-pūrameva attabhāvam nibbattetīti purisova araham hoti sammāsambuddho.

Yam itthī rājā assa cakkavattīti-ādīsupi yasmā itthiyā kosohitavatthaguyhatā-dīnam abhāvena lakkhaṇāni na paripūrenti, itthiratanābhāvena sattaratanasamaṅgītā na sampajjati, sabbamanussehi ca adhiko attabhāvo na hoti, tasmā “atṭhāna-metam anavakāso **yam itthī rājā assa cakkavatti**”ti vuttam. Yasmā ca sakkattādīni tīni ṭhānāni uttamāni, itthiliṅgañca hīnam, tasmā tassā sakkattādīnipi paṭisiddhāni.

Nanu ca yathā itthiliṅgam, evam purisaliṅgampi brahma-loke natthi? Tasmā “yam puriso brahmattam kareyya, ṭhānametam vijjati”tipi na vattabbam siyāti. No na vattabbam. Kasmā? Idha purisassa tattha nibbattanato. Brahmattanti hi mahābra-hmattam adhippetam. Itthī ca idha jhānam bhāvetvā kālam katvā brahmapārisa-jjānam sahabyatam upapajjati, na mahābrahmānam, puriso pana tattha na uppajja-tīti na vattabbo. Samānepi cettha ubhayaliṅgābhāve purisasaṇṭhānāva brahmāno, na itthisaṇṭhānā, tasmā suvuttamevetam.

131. Kāyaduccaritassāti-ādīsu (4.0087) yathā nimbabījakosātakībījādīni madhu-raphalam na nibbattenti, asātam amadhurameva nibbattenti, evam kāyaduccaritā-dīni madhuravipākam na nibbattenti, amadhurameva vipākam nibbattenti. Yathā ca ucchubījasālibījādīni madhuram sādurasameva phalam nibbattenti, na asātam kaṭukam, evam kāyasucaritādīni madhurameva vipākam nibbattenti, na amaduram. Vuttampi cetam-

“Yādisam vapate bījam, tādisam harate phalam;
kalyāṇakārī kalyāṇam, pāpakārī ca pāpakan”ti. (sam. ni. 1.256);

Tasmā “atṭhānametam anavakāso yam kāyaduccaritassā”ti-ādi vuttam.

Kāyaduccaritasamañgīti-ādīsu **samañgīti** pañcavidhā samañgitā āyūhanasamañgitā cetanāsamañgitā kammasamañgitā vipākasamañgitā, upaṭṭhānasamañgitāti. Tattha kusalākusalakkammāyūhanakkhaṇe **āyūhanasamañgitāti** vuccati. Tathā **cetanāsamañgitā**. Yāva pana arahattam na pāpuṇanti, tāva sabbepi sattā pubbe upacitaṁ vipākārahām kammaṁ sandhāya “kammasamañgino”ti vuccanti, esā **kammasamañgitā**. **Vipākasamañgitā** vipākakkhaṇeyeva veditabbā. Yāva pana sattā arahattam na pāpuṇanti, tāva nesam tato tato cavitvā niraye tāva uppajjamānānam aggijālalohakumbhi-ādīhi upaṭṭhānākārehi nirayo, gabbhaseyya-kattam āpajjamānānam mātukucchi, devesu uppajjamānānam kapparukkhavimānādīhi upaṭṭhānākārehi devalokoti evam uppattinimittaṁ upaṭṭhāti, iti nesam iminā uppattinimitta-upaṭṭhānena aparimuttatā **upaṭṭhānasamañgitā** nāma. Sā calati sesā niccalā. Niraye hi upaṭṭhitēpi devaloko upaṭṭhāti, devaloke upaṭṭhitēpi nirayo upaṭṭhāti, manussaloke upaṭṭhitēpi tiracchānayoni upaṭṭhāti, tiracchānayoniyā ca upaṭṭhitāyapi manussaloko upaṭṭhātiyeva.

Tatridam vatthu- soṇagiripāde kira acelavihāre soṇatthero nāma eko dhamma-kathiko, tassa pitā sunakhajīviko ahosi. Thero tam paṭibāhantopi samvare ṭhapetum asakkonto “mā nassi jarako”ti (4.0088) mahallakakāle akāmakam pabbājesi. Tassa gilānaseyyāya nipannassa nirayo upaṭṭhāti, soṇagiripādato mahantā mahantā sunakhā āgantvā khāditukāmā viya samparivāresum. So mahābhayabhīto- “vārehi, tāta soṇa, vārehi, tāta soṇā”ti āha. Kim mahātherāti. Na passasi tātāti tam pavattim ācikkhi. Soṇatthero- “kathañhi nāma mādisassa pitā niraye nibbattissati, patiṭṭhāssa bhavissāmī”ti sāmanerehi nānāpupphāni āharā-petvā cetiyaṅgaṇabodhiyaṅgaṇesu talasantharaṇapūjām āsanapūjañca kāretvā pitaram mañcena cetiyaṅgaṇam āharitvā mañce nisidāpetvā- “ayaṁ mahāthera-pūjā tumhākam atthāya katā ‘ayaṁ me bhagavā duggatapaṇḍitākāro’ti vatvā bhagavantam vanditvā cittam pasādehi”ti āha. So mahāthero pūjām disvā tathā karonto cittam pasādesi, tāvadevassa devaloko upaṭṭhāsi, nandanavana-cittalatāvana-missakavana-phārusakavanavimānāni ceva nāṭakāni ca parivāretvā ṭhitāni viya ahesum. So “apetha apetha soṇā”ti āha. Kimidam therāti? Etā te, tāta, mātaro āgacchantīti. Thero “saggo upaṭṭhito mahātherassā”ti cintesi. Evam upaṭṭhānasamañgitā calatīti veditabbā. Etāsu samāñgitāsu idha āyūhanacetanākammasamañgitā-vasena kāyaduccaritasamañgīti-ādi vuttam.

132. Evam vutte āyasmā ānandoti “evam bhagavatā imasmim sutte vutte thero ādito paṭṭhāya sabbasuttam samannāharitvā evam sassirikam katvā desitasuttassa nāma bhagavatā nāmam na gahitam. Handassa nāmam gaṇhāpessāmī”ti cintetvā bhagavantam etadavoca.

Tasmā tiha tvanti-ādīsu ayam atthayojanā-

Ānanda, yasmā imasmim dhammapariyāye “atṭhārasa kho imā, ānanda, dhātuyo, cha imā, ānanda, dhātuyo”ti evam bahudhātuyo vibhattā, tasmā tiha tvam imam dhammapariyāyam **bahudhātukoti** nam dhārehi. Yasmā panettha dhātu-āyatana-paṭiccasamuppādaṭṭhānāṭṭhānavasena cattāro parivaṭṭā kathitā (4.0089),

tasmā **catuparivatṭotipi** nam dhārehi. Yasmā ca ādāsam olokentassa mukhani-mittam viya imam dhammapariyāyam olokentassa ete dhātu-ādayo atthā pākaṭā honti, tasmā **dhammādāsotipi** nam dhārehi. Yasmā ca yathā nāma parasenama-ddanā yodhā saṅgāmatūriyam paggahetvā parasenam pavisitvā sapatte madditvā attano jayam gaṇhanti, evameva kilesasenamaddanā yogino idha vuttavasena vipassanam paggahetvā kilese madditvā attano arahattajayam gaṇhanti, tasmā **amatadundubhītipi** nam dhārehi. Yasmā ca yathā saṅgāmayodhā pañcāvudham gahetvā parasenam viddhamsetvā jayam gaṇhanti, evam yoginopi idha vuttam vipassanāvudham gahetvā kilesasenam viddhamsetvā arahattajayam gaṇhanti. Tasmā **anuttaro saṅgāmavijayotipi** nam dhārehīti.

Papañcasūdaniyā majjhimanikāyaṭṭhakathāya

Bahudhātukasuttavaṇṇanā niṭṭhitā.

6. Isigilisuttavaṇṇanā

133. Evam me sutanti isigilisuttam. Tattha **aññāva samaññā ahosīti** isigilissa isigiliṭi samaññāya uppannakāle vebhāro na vebhāroti paññāyitha, aññāyevassa samaññā ahosi. **Aññā paññattīti** idam purimapadasseva vevacanam. Sesesupi esevo nayo.

Tadā kira bhagavā sāyanhasamaye samāpattito vuṭṭhāya gandhakuṭito nikkhāmitvā yasmim ṭhāne nisinnānam pañca pabbatā paññāyanti, tattha bhikkhusaṅghaparivuto nisīditvā ime pañca pabbate paṭipāṭiyā ācikkhi. Tattha na bhagavato pabbatehi attho atthi, iti imesu pana pabbatesu paṭipāṭiyā kathiyamānesu isigilissa isigilibhāvo kathetabbo hoti. Tasmim kathiyamāne padumavatiyā puttānam pañcasatānam paccekabuddhānam nāmāni ceva padumavatiyā ca patthanā kathetabbā bhavissatīti bhagavā imam pañca pabbatapaṭipāṭim ācikkhi.

Pavisantā (4.0090) dissanti paviṭṭhā na dissantīti yathāphāsukaṭṭhāne piṇḍāya caritvā katabhattakiccā āgantvā cetiyagabbhe yamakamahādvāram vivarantā viya tam pabbataṁ dvedhā katvā anto pavisitvā rattiṭṭhānadivāṭṭhānāni māpetvā tattha vasim̄su, tasmā evamāha. **Ime isīti** ime paccekabuddha-isī.

Kadā pana te tattha vasim̄su? Atite kira anuppanne tathāgate bārāṇasim upaniṣāya ekasmiṁ gāmake ekā kuladhītā khettam rakkhamānā ekassa paccekabuddhassa pañcahi lājāsatehi saddhim ekam padumapuppham datvā pañca puttastāni patthesi. Tasmiṁyeva ca khaṇe pañcasatā migaluddakā madhuramāṁsam datvā “etissā puttā bhaveyyāmā”ti patthayim̄su. Sā yāvatāyukam ṭhatvā devaloke nibbattā, tato cutā jātassare padumagabbhe nibbatti. Tameko tāpaso disvā paṭijaggi, tassā vicarantiyāva pāduddhāre pāduddhāre bhūmito padumāni uṭṭhahanti. Eko vanacarako disvā bārāṇasirañño ārocesi. Rājā nam āharāpetvā aggama-

hesim akāsi, tassā gabbho sañthāsi. Mahāpadumakumāro mātukucchiyam vasi, sesā gabbhamalam nissā nibbattā. Vayappattā uyyāne padumassare kīlantā ekekasmiṁ padume nisiditvā khayavayaṁ paṭṭhapetvā paccekabodhiñāṇam nibbatta-yimsu. Ayam tesam byākaraṇagāthā ahosi-

“Saroruhaṁ padumapalāsapattajam, supupphitaṁ bhamaraganānuciṇṇam; aniccatāyupagataṁ veditvā, eko care khaggavisāṇakappo”ti.

Tasmiṁ kāle te tattha vasiṁsu, tadā cassa pabbatassa isigilīti samaññā udapādi.

135. Ye sattasārāti arīṭho upariṭho tagarasikhī yasassī sudassano piyadassi gandhāro piṇḍolo upāsabho nīto tatho sutavā bhāvitattoti terasannam paccekabuddhānam nāmāni vatvā idāni tesañca aññesañca gāthābandhena nāmāni ācikkhanto **ye sattasārāti-ādimāha** (4.0091). Tattha **sattasārāti** sattānam sārabhūtā. **AnīghāTi** niddukkhā. **Nirāsāti** nittaṇhā.

Dve jālinoti cūlajāli mahājālīti dve jālināmakā. **Santacittoti** idampi ekassa nāma-meva. **Passi jahi upadhidukkhamūlanti** ettha passi nāma so paccekabuddho, dukkhassa pana mūlam upadhiṁ jahīti ayamassa thuti. **Aparājitatipī** ekassa nāma-meva.

Satthā pavattā sarabhaṅgo lomahamso uccaṅgamāyoti ime pañca janā. **Asito anāsavo manomayoti** imepi tayo janā. **Mānacchido ca bandhumāti** bandhumā nāma eko, mānassa pana chinnattā mānacchidoti vutto. **Tadādhimuttotipi** nāma-meva.

Ketumbharāgo ca mātaṅgo ariyoti ime tayo janā. **Athaccutoti** atha accuto. **Accutāgāmabyāmaṅkoti** ime dve janā. **Khemābhīrato ca soratoti** ime dveyeva.

Sayho anomānikkamoti sayho nāma so buddho, anomavīriyattā pana anomānikkamoti vutto. **Ānando nando upanando dvādasāti** cattāro ānandā, cattāro nandā cattāro upanandāti evam dvādasa. **Bhāradvājo antimadehadhārīti** bhāradvājo nāma so buddho. **Antimadehadhārīti** thuti.

Taṇhacchidoti sikhariśāyam thuti. **Vītarāgoti** maṅgalassa thuti. **Usabhacchidājālinim dukkhamūlanti** usabho nāma so buddho dukkhamūlabhūtam jālinim acchidāti attho. **Santam padam ajjhagamopanītoti** upanīto nāma so buddho santam padam ajjhagamā. **Vītarāgo** Tipi ekassa nāmameva. **Suvimuttacittoti** ayam kaṇhassa thuti.

Ete ca aññe cāti ete pāliyam āgatā ca pāliyam anāgatā aññe ca etesam ekanāmakāyeva. Imesu hi pañcasu paccekabuddhasatesu dvepi tayopi dasapi dvāda-sapi ānandādayo viya ekanāmakā ahesum. Iti pāliyam āgatanāmeheva sabbesam nāmāni vuttāni (4.0092) hontīti ito param visum visum avatvā “ete ca aññe cā” ti āha. Sesam sabbattha uttānamevāti.

Papañcasūdaniyā majjhimanikāyatthakathāya

Isigilisuttavaṇṇanā niṭṭhitā.

7. Mahācattārīsakasuttavaṇṇanā

136. Evam me sutanti mahācattārīsakasuttaṁ. Tattha **ariyanti** niddosam loka-ttaram, niddosañhi “ariyan”ti vuccati. **Sammāsamādhinti** maggasamādhiṁ. **Sa-upanisanti** sapaccayaṁ. **Saparikkhāranti** parivāram.

Parikkhatāti parivāritā. **Sammādiṭṭhi pubbaṅgamā hotī** duvidhā sammādiṭṭhi pubbaṅgamā hoti purecārikā vipassanāsammādiṭṭhi ca maggasammādiṭṭhi ca. Vipassanāsammādiṭṭhi tebhūmakasaṅkhāre aniccādivasena parivimamsati; maggasammādiṭṭhi pana parivimamsasanapariyosāne bhūmiladdham vaṭṭam samugghāṭayamānā vūpasamayamānā sītudakaghaṭasahassam matthake āsiñcamānā viya uppajjati. Yathā hi khettam kurumāno kassako paṭhamam araññe rukkhe chindati, pacchā aggim deti, so aggi paṭhamam chinne rukkhe anavasese jhāpeti, evameva vipassanāsammādiṭṭhi paṭhamam aniccādivasena saṅkhāre vīmamsati, maggasammādiṭṭhi tāya vīmamsanattham saṅkhāre puna appavattivasena samugghāṭayamānā uppajjati, sā duvidhāpi idha adhippetā.

Micchādiṭṭhitī pajānātīti micchādiṭṭhim aniccam dukkham anattāti lakkhaṇapati-vedhena ārammaṇato pajānāti, sammādiṭṭhim kiccato asammohato pajānāti. **Sāssa hoti sammādiṭṭhī** Ti sā evam pajānanā assa sammādiṭṭhi nāma hoti.

Dvāyam vadāmīti dvayam vadāmi, duvidhakoṭṭhāsaṁ vadāmīti attho. **Puññabhā-giyāti** puññakoṭṭhāsabhūtā. **Upadhivepakkāti** upadhisaṅkhātassa vipākassa dāyikā.

Paññā paññindriyanti-ādīsu vibhajitvā vibhajitvā

amatadvāram paññapeti dassetīti **paññā**. Tasmiṃ atthe indattam karotīti **paññi-**
ndriyam. Avijjāya na (4.0093) kampatīti **paññābalam**. Bojjhaṅgappattā hutvā catu-
saccadhamme vicinātīti **dhammadicayasambojjhaṅgo**. Maggasampattiyā pasaṭṭhā
sobhanā diṭṭhitī **sammādiṭṭhi**. Ariyamaggassa aṅganti **maggaṅgam**. **Soti** so
bhikkhu. **Pahānāyāti** pajahanathāya. **Upasampadāyāti** paṭilābhathāya. **Sammāvā-**
yāmoti niyyāniko kusalavāyāmo. **Satoti** satiyā samannāgato hutvā. **Anuparidhā-**
vanti **anuparivattantīti** sahajātā ca purejātā ca hutvā parivārenti. Ettha hi sammāvā-
yāmo ca sammāsati ca lokuttarasammādiṭṭhim sahajātā parivārenti rājānam viya
ekarathē ṭhitā asiggāhachattaggāhā. Vipassanāsammādiṭṭhi pana purejātā hutvā
parivāreti rathassa purato pattikādayo viya. Dutiyapabbato paṭṭhāya pana sammā-
saṅkappādīnam tayopi sahajātarivārāva hontīti veditabbā.

137. Micchāsaṅkappoti pajānātīti micchāsaṅkappam aniccam dukkham ana-
ttāti lakkhaṇapaṭivedhena ārammaṇato pajānātīti sammāsaṅkappam kiccato asa-
mmohato pajānātīti. Ito aparesu sammāvācādīsupi evameva yojanā veditabbā.
Kāmasaṅkappādayo dvedhāvitakkasutte (ma. ni. 1.206) vuttāyeva.

Takkoti-ādīsu takkanavasena **takko**. Sveva ca upasaggena padam vadḍhetvā
vitakkoti vutto, sveva saṅkappanavasena **saṅkappo**. Ekago hutvā ārammaṇe
appetīti **appanā**. Upasaggena pana padam vadḍhetvā **byappanātīti** vuttam. **Cetaso**
abhiniropanātīti cittassa abhiniropanā. Vitakkasmiñhi sati vitakko ārammaṇe cittam
abhiniropeti vitakke pana asati attanoyeva dhammatāya cittam ārammaṇam abhi-
ruhati jātisampanno abhiññātapuriso viya rājageham. Anabhiññātassa hi paṭihā-
rena vā dovārikena vā attho hoti, abhiññātam jātisampannam sabbe rājarājamahā-
mattā jānantīti attanova dhammatāya nikhamati ceva pavisati ca, evaṁsampada-
midam veditabbam. Vācam saṅkharotīti **vacīsaṅkhāro**. Ettha ca lokiyavitakko
vācam saṅkharoti, na lokuttaro. Kiñcāpi na saṅkharoti, vacīsaṅkhārotveva ca
panassa nāmam hoti. **Sammāsaṅkappam anuparidhāvantīti** lokuttarasammāsa-
ṅkappam parivārenti. Ettha ca tayopi nekkhammasaṅkappādayo (4.0094) pubba-
bhāge nānācittesu labbhanti, maggakhaṇe pana tiṇampi kāmasaṅkappādī-
nañca padacchedam samugghātam karonto maggaṅgam pūrayamāno ekova
sammāsaṅkappo uppajjivtā nekkhammasaṅkappādivasena tīni nāmāni labhati.
Parato sammāvācādīsupi eseva nayo.

138. Musāvādā veramaṇīti-ādīsu viratipi cetanāpi vatṭati. **Āratī** Ti-ādīsu vacīdu-
ccaritehi ārakā ramatīti **ārati**. Vinā tehi ramatīti **virati**. Tato tato paṭinivattāva hutvā
tehi vinā ramatīti **paṭivirati**. Upasaggavasena vā padam vadḍhitam, sabbamidam
oramanabhāvaseva adhivacanam. Veram maṇati vināsetīti **veramaṇi**. Idampi ora-
manasseva vevacanam.

139. Pāṇātipātā veramaṇīti-ādīsupi cetanā viratīti ubhayampi vatṭatiyeva.

140. Kuhanātīti-ādīsu tividhena kuhanavatthunā lokam etāya kuhayanti vimhāpa-
yantīti **kuhanā**. Lābhāsakkāratthikā hutvā etāya lapantīti **lapanā**. Nimittaṁ sīlamet-
tesanti nemittikā, tesam bhāvo **nemittikatā**. Nippeso sīlametesanti nippesikā,
tesam bhāvo **nippesikatā**. Lābhena lābhām nijigīsanti magganti pariyesantīti
lābhena lābhām nijigīsanā, tesam bhāvo **lābhena lābhām nijigīsanatā**. Ayamettha

saṅkhepo, vitthārena panetā kuhanādikā **visuddhimagge** sīlaniddeseyeva pāliñca **aṭṭhakathañca** āharitvā pakāsitā. **Micchā-ājīvassa pahānāyā** Ti ettha na kevalam pāliyam āgatova micchā-ājīvo, ājīvahetu pana pavattitā pāṇātipātādayo sattakammopathacetanāpi micchā-ājīvova. Tāsamyeva sattannaṁ cetanānam padapacchedam samugghātam kurumānam maggaṅgam pūrayamānā uppannā virati sammā-ājīvo nāma.

141. Sammādiṭṭhissāti maggasmādiṭṭhiyam ṭhitassa puggalassa. **Sammāsaṅkappo pahotīti** maggasmāsaṅkappo pahoti, phalasmādiṭṭhissapi phalasmāsaṅkappo pahotīti evam sabbapadesu attho veditabbo. **Sammāñāṇassa** (4.009) **sammāvimuttīti** ettha pana maggasmāsamādhimi ṭhitassa maggapaccavekkhaṇam sammāñāṇam pahoti, phalasmāsamādhimi ṭhitassa phalapaccavekkhaṇam sammāñāṇam pahoti. Maggapaccavekkhaṇasammāñāṇe ca ṭhitassa maggasmāvimutti pahoti, phalapaccavekkhaṇasammāñāṇe ṭhitassa phalasmāvimutti pahotīti attho. Ettha ca ṭhapetvā aṭṭha phalaṅgāni sammāñāṇam paccavekkhaṇam katvā sammāvimuttiṁ phalam kātum vatṭatīti vuttaṁ.

142. Sammādiṭṭhissa, bhikkhave, micchādiṭṭhi nijjihñā hotīti-ādīsu avasesanikā-yabhāṇakā phalam kathitanti vadanti, majjhimabhbāṇakā pana dasannam nijjaravatthūnam āgataṭṭhāne maggo kathitoti vadanti. Tattha dassanaṭṭhena **sammādiṭṭhi veditabbā, veditakaraṇaṭṭhena **sammāñāṇam**, tadadhimuttaṭṭhena **sammāvimutti**.**

Vīsatī kusalapakkhāti sammādiṭṭhi-ādayo dasa, “sammādiṭṭhipaccayā ca aneke kusalā dhammā”ti-ādinā nayena vuttā dasāti evam vīsatī kusalapakkhā honti. **Vīsatī akusalapakkhāti** “micchādiṭṭhi nijjihñā hotī”ti-ādinā nayena vuttā micchādiṭṭhi-ādayo dasa, “ye ca micchādiṭṭhipaccayā aneke pāpakā”ti-ādinā vuttā dasa cāti evam vīsatī akusalapakkhā veditabbā. **Mahācattārīsakoti** mahāvipākadānena mahantānam kusalapakkhikānañceva akusalapakkhikānañca cattārīsāya dhammānam pakāsitattā mahācattārīsakoti.

Imasmiñca pana sutte pañca sammādiṭṭhiyo kathitā vipassanāsammādiṭṭhi kammassakatāsammādiṭṭhi maggasmādiṭṭhi phalasmādiṭṭhi paccavekkhaṇāsammādiṭṭhīti. Tattha “micchādiṭṭhim micchādiṭṭhīti pajānātī”ti-ādinā nayena vuttā vipassanāsammādiṭṭhi nāma. “Atthi dinnan”ti-ādinā nayena vuttā kammassakatāsammādiṭṭhi nāma. “Sammādiṭṭhissa, bhikkhave, sammāsaṅkappo pahotī”ti ettha pana maggasmādiṭṭhi phalasmādiṭṭhīti dvepi kathitā. “Sammāñāṇam pahotī”ti. Ettha pana paccavekkhaṇāsammādiṭṭhi kathitāti veditabbā.

143. Sammādiṭṭhim (4.0096) **Ce bhavam garahatīti** micchādiṭṭhi nāmāyam sobhanāti vadantopi sammādiṭṭhi nāmāyam na sobhanāti vadantopi sammādiṭṭhim garahati nāma. **Okkalāti** okkalajanapadavāsino. **Vassabhaññāti** vasso ca bhañño cāti dve janā. **Ahetuvādāti** natthi hetu natthi paccayo sattānam visuddhiyāti evamādivādino. **Akiri�avādāti** karoto na karīyati pāpanti evam kiriyapaṭikkhepavādino. **Natthikavādāti** natthi dinnanti-ādivādino. Te imesu tīsupi dassanesu okkantaniyāmā ahesum. Katham panetesu niyāmo hotīti. Yo hi evarūpam laddhim gahetvā rattīṭṭhānādivāṭṭhāne nisinno sajjhāyati vīmaṇsatī, tassa “natthi hetu natthi paccayo karoto na karīyati pāpam, natthi dinnam, kāyassa bhedā ucchijjati”ti

tasmiṁ ārammaṇe micchāsati santiṭṭhati, cittam ekaggam hoti, javanāni javanti. Paṭhamajavane satekiccho hoti, tathā dutiyādīsu. Sattame buddhānampi ate-kiccho anivattī ariṭṭhakaṇḍakasadiso hoti.

Tattha koci ekam dassanaṁ okkamati, koci dve, koci tīṇipī, niyatamicchādiṭṭhi-kova hoti, patto saggamaggāvaraṇañceva mokkhamaggāvaraṇañca. Abhabbo tassa attabhāvassa anantaram saggampi gantuṁ, pageva mokkham, vaṭṭakhānu nāmesa satto pathavīgopako, yebhuyyena evarūpassa bhavato vuṭṭhānam natthi. Vassabhaññāpi edisā ahesum. **Nindābyārosa-upārambhabhayāti** attano nindābhayaṇa ghaṭṭanabhayena upavādabhayena cāti attho. Sesam sabbattha uttāname-vāti.

Papañcasūdaniyā majjhimanikāyaṭṭhakathāya

Mahācattārīsakasuttavaṇṇanā niṭṭhitā.

8. Ānāpānassatisuttavaṇṇanā

144. Evam me sutanti ānāpānassatisuttam. Tattha **aññehi cāti** ṭhapetvā pāliyam āgate dasa there aññehipi abhiññātehi bahūhi (4.0097) sāvakehi saddhim. Tadā kira mahā bhikkhusaṅgho ahosi aparicchinnagaṇano.

Ovadanti anusāsantīti āmisasaṅgahena dhammasaṅgahena cāti dvīhi saṅga-hehi saṅgaṇhitvā kammatṭhānovādānusāsanīhi ovadanti ca anusāsanti ca. **Te cāti** cakāro āgamasandhimattam. **Uṭṭaram pubbenāparam visesam jānantīti** sīlapari-pūraṇādito pubbavisesato uṭṭarataram aparam kasiṇaparikammādivisesam jāna-nantīti attho.

145. Āraddhoti tuṭṭho. Appattassa pattiyāti appattassa arahattassa pāpuṇa-nattham. Sesapadadvayepi ayameva attho. **Komudim cātumāsininti** pacchimakattikacātumāsapuṇṇamam. Sā hi kumudānam atthitāya komudi, catunnam vassi-kānam māsānam pariyosānattā cātumāsinīti vuccati. **Āgamessāmīti** udikkhissāmi, ajja apavāretvā yāva sā āgacchat, tāva katthaci agantvā idheva vasissāmīti attho. Iti bhikkhūnam pavāraṇasaṅgaham anujānanto evamāha.

Pavāraṇasaṅgaho nāma ñattidutiyena kammena diyyati kassa panesa diyyati, kassa na diyyatīti. Akārakassa tāva bālaputhujjanassa na diyyati, tathā āraddhavi-passakassa ceva ariyasāvakassa ca. Yassa pana samatho vā taruṇo hoti vipassanā vā, tassa diyyati. Bhagavāpi tadā bhikkhūnam cittācāram parivīmamsanto samathavipassanānam taruṇabhāvam ñatvā- “mayi ajja pavārente disāsu vassam-vuṭṭhā bhikkhū idha osarissanti. Tato ime bhikkhū vuḍḍhatarehi bhikkhūhi senā-sane gahite visesam nibbattetum na sakkhissanti. Sacepi cārikam pakkamissāmi, imesam vasaṇaṭṭhānam dullabham eva bhavissati. Mayi pana apavārente bhikkhūpi imam sāvatthim na osarissanti, ahampi cārikam na pakkamissāmi, evam

imesam bhikkhūnam vasanatthānam apalibuddham bhavissati. Te attano attano vasaṇatthāne phāsu viharantā samathavipassanā thāmajātā katvā visesam nibbattem sakkhissanti”ti so tamdivasam apavāretvā kattikapuṇṇamāyam pavāressāmīti bhikkhūnam pavāraṇasāṅgahaṁ (4.0098) anujāni. Pavāraṇasāṅgahasmīhi laddhe yassa nissayapaṭipannassa ācariyupajjhāyā pakkamanti, sopi “sace patirūpo nissayadāyako āgamissati, tassa santike nissayam gaṇhissāmī”ti yāva gimhānam pacchimamāsā vasitum labhati. Sacepi saṭṭhivassā bhikkhū āgacchanti, tassa senāsanam gahetum na labhanti. Ayañca pana pavāraṇasāṅgaho ekassa dinnopi sabbesam dinnoyeva hoti.

Sāvatthim osarantīti bhagavatā pavāraṇasāṅgaho dinnoti sutasutatthāneyeva yathāsabhāvena ekam māsam vasitvā kattikapuṇṇamāya uposatham katvā osarante sandhāya idam vuttam. **Pubbenāparanti** idha taruṇasamathavipassanāsu kammam katvā samathavipassanā thāmajātā akamṣu, ayam pubbe viseso nāma. Tato samāhitena cittena saṅkhāre sammasitvā keci sotāpattiphalaṁ ...pe... keci arahattam sacchikarimṣu. Ayam aparo uṭāro viseso nāma.

146. Alanti yuttam. **Yojanagaṇanānīti** ekam yojanam yojanameva, dasapi yojanāni yojanāneva, tato uddham yojanagaṇanānīti vuccanti. Idha pana yojanasampi yojanasahassampi adhippetam. **Puṭosenāpīti** puṭosam vuccati pātheyyam tam pātheyyam gahetvāpi upasaṅkamitum yuttamevāti attho. “Puṭamsenā”tipi pātho, tassatto- puṭo amse assāti puṭamso, tena puṭamse, amse pātheyya- puṭam vahantenāpīti vuttam hoti.

147. Idāni evarūpehi caraṇehi samannāgatā ettha bhikkhū attīti dassetum **santi, bhikkhaveti-ādimāha**. Tattha **catunnam satipatthānānanti-ādīni** tesam bhikkhūnam abhinivitthakammaṭṭhānadassanattham vuttāni. Tattha sattatiṁsa

bodhipakkhiyadhammā lokiyalokuttarā kathitā. Tatra hi ye bhikkhū tasmiṁ khaṇe maggam bhāventi, tesam lokuttarā honti. Āraddhavipassakānam lokiya. **Aniccasāññābhāvanānuyoganti** ettha saññāsīsena vipassanā kathitā. Yasmā panettha ānāpānakammaṭṭhānavasena abhinivitṭhāva (4.0099) bahū bhikkhū, tasmā sesakaṁmaṭṭhānāni saṅkhepena kathetvā ānāpānakammaṭṭhānam vitthārena kathento **ānāpānassati**, **bhikkhaveti**-ādimāha. Idam pana ānāpānakammaṭṭhānam sabbākārena **visuddhimagge** vitthāritam, tasmā tattha vuttanayenevassa pālittho ca bhāvanānayo ca veditabbo.

149. Kāyaññataranti pathavīkāyādīsu catūsu kāyesu aññataram vadāmi, vāyo kāyam vadāmīti attho. Atha vā rūpāyatanaṁ ...pe... kabaličāro āhāroti pañcavīsatī rūpakoṭṭhāsā rūpakāyo nāma. Tesu ānāpānam phoṭṭhabbāyatane saṅgahitattā kāyaññataram hoti, tasmāpi evamāha. **Tasmātihāti** yasmā catūsu kāyesu aññataram vāyokāyam, pañcavīsatirūpakoṭṭhāse vā rūpakāye aññataram ānāpānam anupassati, tasmā kāye kāyānupassīti attho. Evam sabbattha attho veditabbo. **Vedanāññataranti** tīsu vedanāsu aññataram, sukhavedanam sandhāyetam vuttam. **Sādhukam manasikāranti** pītipaṭisamveditādivasena uppannam sundara manasikāram. Kim pana manasikāro sukhavedanā hotīti. Na hoti, desanāsīsam panetam. Yatheva hi “aniccasāññābhāvanānuyogamanuyuttā”ti ettha saññānāmena paññā vuttā, evamidhāpi manasikāranāmena vedanā vuttāti veditabbā. Etasmīm catukke paṭhamapade pītisīsena vedanā vuttā, dutiyapade sukhanti sarūpeneva vuttā. Cittasaṅkhārapadadvaye “saññā ca vedanā ca cetasikā, ete dhammā cittapaṭibaddhā cittasaṅkhārā”ti (paṭi. ma. 1.174) vacanato “vitakkavicāre ṭhapetvā sabbe pi cittasampayuttakā dhammā cittasaṅkhāre saṅgahitā”ti vacanato cittasaṅkhāranāmena vedanā vuttā. Tam sabbam manasikāranāmena saṅgahetvā idha “sādhukam manasikāran”ti āha.

Evam santepi yasmā esā vedanā ārammaṇam na hoti, tasmā vedanānupassanā na yujjatīti. No na yujjati, satipaṭṭhānavanṇanāyampi hi “tamtaṁsukhādīnam vatthum ārammaṇam katvā vedanāva vedayati, tam pana vedanāpavattim upādāya ‘aham vedayāmī’ti vohāramattam hoti”ti vuttam (4.0100). Apica pītipaṭisamvedīti-ādīnam atthavaṇṇanāyametassa parihāro vuttoyeva. Vuttañhetam visuddhimagge-

“Dvīhākārehi pīti paṭisamviditā hoti ārammaṇato ca asammohato ca. Katham ārammaṇato pīti paṭisamviditā hoti? Sappītike dve jhāne samāpajjati, tassa samāpattikkhaṇe jhānapaṭilābhena ārammaṇato pīti paṭisamviditā hoti ārammaṇassa paṭisamviditattā. Katham asammohato (pīti paṭisamviditā hoti)? Sappītike dve jhāne samāpajjivtā vuṭṭhāya jhānasampayuttam pītim khayato vayato sammasati, tassa vipassanākkhaṇe lakkhaṇapaṭivedhā asammohato pīti paṭisamviditā hoti. Vuttampi cetam paṭisambhidāyaṁ ‘dīgham assāsavasena cittassa ekaggataṁ avikkhepaṁ pajānato sati upaṭṭhitā hoti, tāya satiyā, tena ñāṇena sā pīti paṭisamviditā hotī’ti. Eteneva nayena avasesapadānipi atthato veditabbāni”ti.

Iti yatheva jhānapaṭilābhena ārammaṇato pītisukhacittasaṅkhārā paṭisamviditā honti, evam imināpi jhānasampayuttena vedanāsaṅkhātamanasikārapaṭilābhena

ārammaṇato vedanā paṭisaṁviditā hoti. Tasmā suvuttametam hoti “vedanāsu vedanānupassī tasmiṁ samaye bhikkhu viharati”ti.

Nāham, bhikkhave, muṭṭhassatissa asampajānassāti ettha ayamadhippāyo-yasmā cittapaṭisaṁvedī assasissāmīti-ādinā nayena pavatto bhikkhu kiñcāpi assā-sapassāsanimittam ārammaṇam karoti, tassa pana cittassa ārammaṇe satiñca sampajaññañca upaṭṭhapetvā pavattanato citte cittānupassīyeva nāmesa hoti. Na hi muṭṭhassatissa asampajānassa ānāpānassatibhāvanā atthi. Tasmā ārammaṇato cittapaṭisaṁviditādivasena citte cittānupassī tasmiṁ samaye bhikkhu viharati. **So yam tam abhijjhādomanassānam pahānam, tam paññāya disvā sādhukam ajjhupekkhitā hotīti** ettha abhijjhāya kāmacchandanīvaraṇam, domanassavasena byāpādanīvaraṇam (4.0101) dassitam. Idañhi catukkam vipassanāvaseneva vuttam, dhammānupassanā ca nīvaraṇapabbādivasena chabbidhā hoti, tassā nīvaraṇapabbam ādi, tassapi idam nīvaraṇadvayam ādi, iti dhammānupassanāya ādīm dassetum “abhijjhādomanassānan”ti āha. **Pahānanti** aniccānupassanāya niccasāññam pajahatīti evam pahānakaraññam adhippetam. **Tam paññāya disvāti** tam aniccavirāganirodhapaṭinissaggāññasāñkhātam pahānaññam aparāya vipassanāpaññāya, tampi aparāyāti evam vipassanāparamparam dasseti. **Ajjhupekkhitā hotīti** yañca samathapaṭipannam ajjhupekkhati, yañca ekato upaṭṭhānam ajjhupekkhatīti dvidhā ajjhupekkhati nāma. Tattha sahajātānampi ajjhupekkhanā hoti ārammaṇassapi ajjhupekkhanā, idha ārammaṇa-ajjhupekkhanā adhippetā. **Tasmātiha, bhikkhaveti** yasmā aniccānupassī assasissāmīti-ādinā nayena pavatto na kevalam nīvaraṇādīdhamme, abhijjhādomanassasīsenā pana vuttānam dhammānam pahānaññampi paññāya disvā ajjhupekkhitā hoti, tasmā “dhammesu dhammānupassī tasmiṁ samaye bhikkhu viharati”ti veditabbo.

150. Pavicinatī Ti aniccādivasena pavicinati. Itaram padadvayam etasseva vevacanam. **Nirāmisāti** nikilesā. **Passambhatīti** kāyikacetasikadarathapaṭippassaddhiyā kāyopi cittampi passambhati. **Samādhiyatīti** sammā ṭhapiyati, appanā-pattam viya hoti. **Ajjhupekkhitā hotīti** sahajāta-ajjhupekkhanāya ajjhupekkhitā hoti.

Evam cuddasavidhena kāyapariggāhakassa bhikkhuno tasmiṁ kāye sati satisambojjhaṅgo, satiyā sampayuttaṁ ñāṇam dhammadvicayasambojjhaṅgo, tamṣampa-yuttameva kāyikacetasikavīriyam vīriyasambojjhaṅgo, pīti, passaddhi, cittekaggatā samādhisambojjhaṅgo, imesam channam sambojjhaṅgānam anosakkana-anativattanasāñkhāto majjhattākāro upekkhāsambojjhaṅgo. Yatheva hi samappavattesu assesu sārathino “ayam olīyati”ti tudanam vā, “ayam atidhāvatī”ti ākaḍḍhanaṁ vā natthi, kevalam evam passamānassa ṭhitākārova hoti, evameva imesam channam sambojjhaṅgānam anosakkana-anativattanasāñkhāto majjhattākāro upekkhāsambojjhaṅgo nāma hoti. Ettāvatā kiṁ kathitam? Ekacittakkhaṇikā nānārasalakkhanā vipassanāsambojjhaṅgā nāma kathitā.

152. Vivekanissitanti-ādīni (4.0102) vuttatthāneva. Ettha pana ānāpānapariggāhikā sati lokiyā hoti, lokiyā ānāpānā lokiyasatipaṭṭhānam paripūrenti, lokiyā satipaṭṭhānā lokuttarabojjhānge paripūrenti, lokuttarā bojjhaṅgā vijjāvīmuttiphalani-bbānam paripūrenti. Iti lokiyassa āgataṭṭhāne lokiyam kathitam, lokuttarassa āgata-

tīhāne lokuttaram kathitanti. Thero panāha “aññattha evam hoti, imasmim pana sutte lokuttaram upari āgataṁ, lokiya ānāpānā lokiyasatipatthāne paripūrenti, lokiya satipatthānā lokiye bojjhaṅge paripūrenti, lokiya bojjhaṅgā lokuttaram vijjā-vimuttiphalanibbānam paripūrenti, vijjāvimapadena hi idha vijjāvimapadena bbānam adhippetan”ti.

Papañcasūdaniyā majjhimanikāyatthakathāya

Ānāpānassatisuttavaṇṇanā niṭṭhitā.

9. Kāyagatāsatisuttavaṇṇanā

153-4. Evaṁ me sutanti kāyagatāsatisuttaṁ. Tattha **gehasitāti** pañcakāmaguṇa-nissitā. **Sarasaṅkappāti** dhāvanasaṅkappā. Sarantīti hi sarā, dhāvantīti attho. **Ajhattamevāti** gocarajjhattasmiṃyeva. **Kāyagatāsatinti** kāyapariggāhikampi kāyārammaṇampi satiṁ. Kāyapariggāhikanti vutte samatho kathito hoti, kāyārammaṇanti vuttevipassanā. Ubhayena samathavipassanā kathitā honti.

Puna caparam ...pe... evampi, bhikkhave, bhikkhu kāyagatāsatim bhāvetīti satipatthāne cuddasavidhena kāyānupassanā kathitā.

156. Antogadhāvāssāti tassa bhikkhuno bhāvanāya abbhantaragatāva honti. **Vijjābhāgiyāti** ettha sampayogavasena vijjam bhajantīti vijjābhāgiyā. Vijjābhāge vijjākoṭṭhāse vattantītipi vijjābhāgiyā. Tattha (4.0103) vipassanāñānam, manomayiddhi, cha abhiññāti aṭṭha vijjā. Purimena atthena tāhi sampayuttadhammāpi vijjābhāgiyā. Pacchimena atthena tāsu yā kāci ekā vijjā vijjā, sesā vijjābhāgiyāti evam vijjāpi vijjāya sampayuttā dhammāpi vijjābhāgiyāteva veditabbā. **Cetasā phuṭoti** ettha duvidham pharaṇam āpoppharaṇañca, dibbacakkhuppharaṇañca, tattha āpokasiṇam samāpajjivā āpena pharaṇam āpoppharaṇam nāma. Evam phuṭepi mahāsamudde sabbā samuddaṅgamā kunnadiyo antogadhāva honti, ālokaṁ pana vadḍhetvā dibbacakkhunā sakalasamuddassa dassanam dibbacakkhuppharaṇam nāma. Evam pharaṇepi mahāsamudde sabbā samuddaṅgamā kunnadiyo antogadhāva honti.

Otāranti vivaram chiddam. **Ārammaṇanti** kilesuppattipaccayam. **Labhetha otāranti labheyya pavesanam,** vinivijjhītvā yāva pariyośānā gaccheyyāti attho. **Nikkhepananti nikhipanaṭṭhānam.**

157. Evam abhāvitakāyagatāsatim puggalam allamattikapuñjādīhi upametvā idāni bhāvitakāyagatāsatim sāraphalakādīhi upametu seyyathāpīti-ādimāha. Tattha **aggalaphalakanti** kavāṭam.

158. Kākapeyyoti mukhavatṭiyam nisiditvā kākena gīvam anāmetvāva pātabbo. **AbhiññāsacchikaraṇīyassāTi** abhiññāya sacchikātabbassa. **Sakkhibabbataṁ pāpuṇātīti** paccakkhabhāvam pāpuṇāti. **Sati sati āyataneti** satisati kāraṇe. Kim

panettha kāraṇanti? Abhiññāva kāraṇam. Ālibandhāti mariyādabaddhā.

Yānīkatāyāti yuttayānam viya katāya. **Vatthukatāyāti** patiṭṭhākatāya. **Anutṭhitāyāti** anuppavattitāya. **Paricitāyāti** paricayakatāya. **Susamāraddhāyāti** sūṭhu samāraddhāya susampaggahitāya. Sesam sabbattha uttānamevāti.

Papañcasūdaniyā majjhimanikāyatṭhakathāya

Kāyagatāsatisuttavaṇṇanā niṭṭhitā.

10. Saṅkhārupapattisuttavaṇṇanā

160. Evam (4.0104) **me sutanti** saṅkhārupapattisuttam. Tattha **saṅkhārupapatti** saṅkhārānamyeva upapattim, na sattassa, na posassa, puññābhisaṅkhārena vā bhavūpagakkhandhānam upapattim.

161. Saddhāya samannāgatoti saddhādayo pañca dhammā lokikā vatṭanti. **Dahatī** ṭhapeti. **Adhitthātī** patiṭṭhāpeti. **Saṅkhārā ca vihārā cāti** saha patthanāya saddhādayova pañca dhammā. **Tatrupapattiyāti** tasmiṁ ṭhāne nibbattanatthāya. **Ayam maggo ayam paṭipadāti** saha patthanāya pañca dhammāva. Yassa hi pañca dhammā atthi, na patthanā, tassa gati anibaddhā. Yassa patthanā atthi, na pañca dhammā, tassapi anibaddhā. Yesam ubhayam atthi, tesam gati nibaddhā. Yathā hi ākāse khittadaṇḍo aggena vā majjhena vā mūlena vā nipatissatīti niyamo natthi, evam sattānam paṭisandhiggahaṇam aniyataṁ. Tasmā kusalam kammapatvā ekasmiṁ ṭhāne patthanam kātum vatṭati.

165. Āmaṇḍanti āmalakam. Yathā tam

parisuddhacakkhussa purisassa sabbasova pākaṭam hoti, evam tassa brahmuno saddhim tattha nibbattasattehi sahassī lokadhātu. Esa nayo sabbattha.

167. Subhoti sundaro. **Jātimāti** ākarasampanno. **Suparikammakatoti** dhovanādīhi suṭṭhukataparikammo. **Paṇḍukambale nikkhittoti** rattakambale ṭhapito.

168. Satasahassoti lokadhātusatasahassamhi ālokapharaṇabrahmā. **Nikkhanti** nikkhena kataṁ piṭandhanam, nikkhām nāma pañcasuvanṇam, ūnakanikkhena kataṁ pasādhanañhi ghaṭanamajjanakkhamam na hoti, atirekena kataṁ ghaṭanamajjanam khamati, vaṇṇavantaṁ pana na hoti, pharusadhatukam khāyati. Nikkhena kataṁ ghaṭanamajjanāñceva khamati, vaṇṇavantañca hoti. **Jambonadanti** jambunadiyam nibbattam. Mahājamburukkhassa hi ekekā sākhā paṇṇāsa paṇṇāsa yojanāni vadḍhitā, tāsu mahantā nadiyo sandanti, tāsam nadīnam ubhayatiresu jambupakkānam patitaṭṭhāne suvanṇaṅkurā uṭṭhahanti, te nadījalena vuyhamānā (4.0105) anupubbena mahāsamuddam pavisanti. Tam sandhāya jambonadanti vuttam. **Dakkhakammāraputta-ukkāmukhasukusalasampahatthanti** dakkhena sukusalena kammāraputtena ukkāmukhe pacitvā sampahaṭṭham. **Ukkāmukheti** uddhane. **Sampahaṭṭhami** dhotaghaṭṭitamajjitaṁ. Vatthopame (ma. ni. 1.75-76) ca dhātuvibhaṅge (ma. ni. 3.357-360) ca piṇḍasodhanam vuttam. Imasmim sutte katabhaṇḍasodhanam vuttam.

Yam pana sabbavāresu **pharitvā adhimuccitvāti** vuttam, tattha pañcavidham pharaṇam cetopharaṇam kasiṇapharaṇam dibbacakkhupharaṇam ālokapharaṇam sarīrapharaṇanti. Tattha cetopharaṇam nāma lokadhātusahasse sattānam cittajānanam. Kasiṇapharaṇam nāma lokadhātusahasse kasiṇapattharaṇam. Dibbacakkhupharaṇam nāma ālokam vadḍhetvā dibbenā cakkhunā sahassalokadhātudasanaṁ. Ālokapharaṇampi etadeva. Sarīrapharaṇam nāma lokadhātusahasse sarīrapabhāya pattharaṇam. Sabbattha imāni pañca pharaṇāni avināsentena kathetabbanti.

Tipiṭakacūlābhayatthero panāha- “maṇi-opamme kasiṇapharaṇam viya nikhpamme sarīrapharaṇam viya dissati”ti. Tassa vādaṁ viya aṭṭhakathā nāma natthīti patikkhitvā sarīrapharaṇam na sabbakālikam, cattārimāni pharaṇāni avināsetvā kathetabbanti vuttam. **Adhimuccatīti** padam pharaṇapadasseva vevacanam, atha vā **pharatīti** pattharati. **Adhimuccatīti** jānāti.

169. Ābhāti-ādīsu ābhādayo nāma pātiyekkā devā natthi, tayo parittābhādayo devā ābhā nāma, parittāsubhādayo ca. Subhakiṇhādayo ca subhā nāma. Vehapphalādivārā pākaṭāyeva.

Ime tāva pañca dhamme bhāvetvā kāmāvacaresu nibbattatu. Brahmaloke nibbattam pana āsavakkhayañca katham pāpuṇātīti? Ime pañca dhammā sīlam, so imasmim sile patiṭṭhāya kasiṇaparikammam katvā tā tā samāpattiyo bhāvetvā rūpībrahmaloke nibbattati, arūpajjhānāni nibbattetvā (4.0106) arūpībrahmaloke, samāpattipadaṭṭhānam vipassanam vadḍhetvā anāgāmiphalam sacchikatvā pañcasu suddhāvāsesu nibbattati. Uparimaggam bhāvetvā āsavakkhayam pāpuṇātīti.

Papañcasūdaniyā majjhimanikāyaṭṭhakathāya

Saṅkhārupapattisuttavaṇṇanā niṭṭhitā.

Dutiyavaggavaṇṇanā niṭṭhitā.

3. Suññatavaggo

1. Cūḷasuññatasuttavaṇṇanā

176. Evam (4.0107) **me sutanti** cūḷasuññatasuttam. Tattha **ekamidanti** thero kira bhagavato vattam katvā attano divāṭṭhānam gantvā kālaparicchedam katvā nibbānārammaṇam suññatāphalasamāpattim appetvā nisinno yathāparicchedena vuṭṭhāsi. Athassa saṅkhārā suññato upaṭṭhahimṣu. So suññatākatham sotukāmo jāto. Athassa etadahosi- “na kho pana sakkā dhurena dhuram paharantena viya gantvā ‘suññatākatham me, bhante, kathethā’ti bhagavantaṁ vattum, handāham yam me bhagavā nagarakam upanissāya viharanto ekam katham kathesi, tam sāremi, evam me bhagavā suññatākatham kathessati”ti dasabalam sārento **ekamidanti**-ādimāha.

Tattha **idanti** nipātamattameva. **Kaccimetam, bhante** Ti thero ekapade ṭhatvā saṭṭhipadasahassāni uggahetvā dhāretum samattho, kiṁ so “suññatāvihārenā”ti ekam padam dhāretum na sakkhissati, sotukāmena pana jānantena viya pucchitum na vaṭṭati, pākaṭam katvā vitthāriyamānam suññatākatham sotukāmo ajānanto viya evamāha. Eko ajānantopi jānanto viya hoti, thero evarūpam kohañnam kiṁ karissati, attano jānanatāṭhānepi bhagavato apacitīm dassetvā “kaccimetan”ti-ādimāha.

Pubbepīti paṭhamabodhiyam nagarakam upanissāya viharaṇakālepi. **Etarahipīti** idānipi. Evam pana vatvā cintesi- “ānando suññatākatham sotukāmo, eko pana sotum sakkoti, na uggahetum, eko sotumpi uggahetumpi sakkoti, na kathetum, ānando pana sotumpi sakkoti uggahetumpi kathetumpi, (kathemissa suññatākathān”ti. Iti tam kathento **seyyathāpīti**-ādimāha. Tattha **suñño hatthigavāssavaṭṭavenāti** tattha kaṭṭharūpapotthakarūpacittarūpavasena katā hatthi-ādayo atthi, vessavaṇamandhātādīnam ṭhitāṭṭhāne cittakammavasena katampi, ratanaparikkhatānam vātapānadadvārabandhamāñcapīṭhādīnam vasena saṇṭhitampi, jinṇapaṭisaṅkharaṇattham (4.0108) ṭhapitampi jātarūparajataṁ atthi, kaṭṭharūpādivasena katā dhammasavanapañhapucchanādivasena āgacchantā ca itthipurisāpi atthi, tasmā na so tehi suñño. Indriyabaddhānam saviññāṇakānam hatthi-ādīnam, icchiticchitakkhaṇe paribhuñjtabbassa jātarūparajatassa, nibaddhavāsaṁ vasantānam

itthipurisānañca abhāvam sandhāyetam vuttam.

Bhikkhusaṅgham paṭiccāti bhikkhūsu hi piṇḍāya paviṭṭhesupi vihārabhattachāra sādiyante hi bhikkhūhi ceva gilānagilānupaṭṭhāka-uddesacīvara kammapasutādīhi ca bhikkhūhi so asuññova hoti, iti niccampi bhikkhūnam atthitāya evamāha. **Eka-**ttanti ekabhāvam, ekam asuññataṁ atthiti attho. Eko asuññabhāvo atthiti vuttam hoti. **Amanasikaritvāti** citte akatvā anāvajjivtā apaccavekkhitvā. **Gāmasaññanti** gāmoti pavattavasena vā kilesavasena vā uppannaṁ gāmasaññam. Manussasaññāyapi eseva nayo. **Araññasaññam paṭicca manasi karoti ekattanti idam** araññam, ayam rukkho, ayam pabbato, ayam nīlobhāso vanasañdoti evam ekam asaññāyeva paṭicca araññasaññam manasi karoti. **Pakkhandatīti** otarati. **Adhimuccatīti** evanti adhimuccati. **Ye assu darathāti** ye ca pavattadarathā vā kilesadarathā vā gāmasaññam paṭicca bhaveyyum, te idha araññasaññāya na santi. Dutiyapadepi eseva nayo. **Atthi cevāyanti** ayam pana ekam asaññāyeva paṭicca uppajjamānā pavattadarathamattā atthi.

Yañhi kho tattha na hotīti yaṁ migāramātupāsāde hatthi-ādayo viya imissā araññasaññāya gāmasaññāmanussasaññāvasena uppajjamānam pavattadarathakilesadarathajātam, tam na hoti. **Yaṁ pana tattha avasiṭṭhanti** yaṁ migāramātupāsāde bhikkhusaṅgho viya tattha araññasaññāya pavattadarathamattam avasiṭṭham hoti. **Taṁ santamidam atthiti pajānātīti** tam vijjamānameva “atthi idan”ti pajānāti, suññatāvakkantīti suññatānibbatti.

177. Amanasikaritvā manussasaññanti idha gāmasaññam na gaṇhāti. Kasmā? Evam kirassa ahosi- “manussasaññāya gāmasaññam nivattetvā, araññasaññāya manussasaññam, pathavīsaññāya araññasaññam, ākāsānañcāyatana sasaññāya pathavīsaññam ...pe... nevasaññānāsaññāyatana sasaññāya ākiñcaññāyatana sasaññam (4.0109), vipassanāya nevasaññānāsaññāyatana sasaññam, maggena vipassanām nivattetvā anupubbena accantasuññataṁ nāma dassessāmī”ti. Tasmā evam desanam ārabhi. Tattha **pathavīsaññanti** kasmā araññasaññam pahāya pathavīsaññam manasi karoti? Araññasaññāya visesānadhibaganato. Yathā hi purisassa ramaṇiyam khettatīṭhānam disvā- “idha vuttā sāli-ādayo suṭṭhu sampajjissanti, mahālābhām labhissāmī”ti sattakkhattumpi khettatīṭhānam olokentassa sāli-ādayo na sampajjanteva, sace pana tam ṭhānam vihatakāṇukakaṇṭakam katvā kasitvā vapati, evam sante sampajjanti, evameva- “idam araññam, ayam rukkho, ayam pabbato, ayam nīlobhāso vanasañdo”ti sacepi sattakkhattum araññasaññam manasi karoti, nevūpacāram na samādhim pāpuṇāti, pathavīsaññāya panassa dhuvasevanaṁ kammatīṭhānam pathavīkasiṇam parikammam katvā jhānāni nibbattetvā jhānapadaṭṭhānampi vipassanām vadḍhetvā sakkā arahattam pāpuṇitum. Tasmā araññasaññam pahāya pathavīsaññam manasi karoti. **Paṭicāti paṭicca sambhūtam.**

Idāni yasmiṁ pathavīkasiṇe so pathavīsaññī hoti, tassa opam madassanattham **seyyathāpīti-ādimāha**. Tattha usabhassa etanti **āsabham**. Aññesam pana gunnam gaṇḍāpi honti pahārāpi. Tesañhi cammaṁ pasāriyamānam nibbalikam na hoti, usabhassa lakkhaṇasampannatāya te dosā natthi. Tasmā tassa cammaṁ gahitam.

Saṅkusatenāti khilasatena. **Suvihatanti** pasāretvā suṭṭhu vihataṁ. Ünakasatasañkuvihatañhi nibbalikam na hoti, saṅkusatena vihataṁ bheritalam viya nibbalikam hoti. Tasmā evamāha. **Ukkūlavikkūlanti** uccanīcam thalaṭṭhānam ninnatṭhānam. **Nadīvidugganti** nadiyo ceva duggamaṭṭhānañca. **Pathavīsaññām paṭicca manasi karoti** ekattanti kasiṇapathaviyameva paṭicca sambhūtam ekam saññām manasi karoti. **Darathamattāti** ito paṭṭhāya sabbavāresu pavattadarathavasena darathamattā veditabbā.

182. Animittam cetosamādhinti vipassanācittasamādhim. So hi niccanimittādivirahito animittoti vuccati. **Imameva kāyanti** vipassanāya vatthum dasseti. Tattha **imamevāti** imam eva catumahābhūtikam. **Salāyatani** (4.0110) salāyatanaapatīsam-yuttam. **Jīvitapaccayāti** yāva jīvitindriyānam pavatti, tāva jīvitapaccayā pavattadarathamattā athīti vuttaṁ hoti.

183. Puna animittanti vipassanāya paṭivipassanām dassetum vuttaṁ. **Kāmāsavam paṭiccāti** kāmāsavam paṭicca uppajjanapavattadarathā idha na santi, ariyamge ceva ariyaphale ca natthīti vuttaṁ hoti. **Imameva kāyanti** imam upādisesadarathadassanattham vuttaṁ. Iti manussasaññāya gāmasaññām nivattetvā ...pe... maggena vipassanām nivattetvā anupubbena accantasuñnatā nāma dassitā hoti.

184. Parisuddhanti nirupakkilesam. **Anuttaranti** uttaravirahitam sabbasetṭham. **Suññatanti** suññataphalasamāpattiṁ. **Tasmāti** yasmā atītepi, buddhapaccekabuddhabuddhasāvakasaṅkhātā samaṇabrāhmaṇā. Anāgatepi, etarahipi buddhabuddhasāvakasaṅkhātā samaṇabrāhmaṇā imameva parisuddham paramam anuttaram suññataṁ upasampajja viharimṣu viharissanti viharanti ca, tasmā. Sesam sabbattha uttānamevāti.

Papañcasūdaniyā majjhimanikāyaṭṭhakathāya

Cūḷasuññatasuttavaṇṇanā niṭṭhitā.

2. Mahāsuññatasuttavaṇṇanā

185. Evaṁ me sutanti mahāsuññatasuttam. Tattha **kālakhemakassāti** chavivaṇṇena so kālo, khemakoti panassa nāmaṁ. **Vihāroti** tasmiṁyeva nigrodhārāme ekasmiṁ padese pākārena parikkhipitvā dvārakoṭṭhakam māpetvā hamṣavatṭakā-disenāsanāni ceva maṇḍalamālābhojanasālādīni ca patiṭṭhapetvā kato vihāro. **Sambahulāni senāsanānīti** mañco pīṭham bhisibimbohanam taṭṭikā cammakhaṇḍo tiṇasanthāro pañṇasanthāro palālasanthāroti-ādīni paññattāni honti, mañcena mañcam ...pe...

palālasanthāreneva palālasanthāram āhacca ṭhapitāni, gaṇabhikkhūnam vasanṭhānasadisam ahosi.

Sambahulā (4.0111) nu khoTi bhagavato bodhipallaṅkeyeva sabbakilesānam samugghāṭitattā saṃsayo nāma natthi, vitakkapubbabhbāgā pucchā, vitakkapubba-bhāge cāyam nukāro nipātamatto. Pāṭimatthakam gacchante avinicchito nāma na hoti. Ito kira pubbe bhagavatā dasa dvādasa bhikkhū ekaṭhāne vasantā na diṭṭha-pubbā.

Athassa etadahosi- gaṇavāso nāmāyam vaṭṭe āciṇṇasamāciṇṇo nadī-otīṇa-udakasadiso, nirayatiracchānayonipettivisayāsurakāyesupi, manussaloka-devaloka-brahmalokesupi gaṇavāsova āciṇṇo. Dasayojanasahasso hi **nirayo** Tipucuṇṇabharitā nāli viya sattehi nirantaro, pañcavidhabandhanakammakāraṇakaraṇaṭṭhāne sattānam pamāṇam vā paricchedo vā natthi, tathā vāsīhi tacchanādiṭṭhānesu, iti gaṇabhūtāva paccanti. **Tiracchānayoniyam** ekasmim vammike upasikānam pamāṇam vā paricchedo vā natthi, tathā ekekabilādīsupi kipillikādīnam. Tiracchānayoniyampi gaṇavāsova. **Petanagarāni** ca gāvutikāni adḍhayojanikānipi petabharitāni honti. Evam pettivisayepi gaṇavāsova. **Asurabhavanam** dasayojanasa-hassam kaṇṇe pakkhittasūciyā kaṇṇabilam viya hoti. Iti asurakāyepi gaṇavāsova. **Manussaloke** sāvatthiyam sattapaṇṇāsa kulasatasahassāni, rājagahe anto ca bahi ca atṭhārasa manussakoṭiyo vasim̄su. Evam aññesupi ṭhānesūti manussalokepi gaṇavāsova. **Bhummadevatā** ādīm katvā devalokabrahmalokesupi gaṇavāsova. Ekekassa hi devaputtassa adḍhatiyā nāṭakakoṭiyo honti, navapi koṭiyo honti, ekaṭhāne dasasahassāpi brahmāno vasanti.

Tato cintesi- “mayā satasahassakappādhikāni cattāri asaṅkhyeyyāni gaṇavāsa-viddhamsanattham dasa pāramiyo pūritā, ime ca bhikkhū ito paṭṭhāyeva gaṇam bandhitvā gaṇābhīratā jātā ananucchavikam karonti”ti. So dhammasaṃvegam uppādetvā puna cintesi- “sace ‘ekaṭhāne dvīhi bhikkhūhi na vasitabban’ti sakkā bhaveyya sikkhāpadam paññapetum, sikkhāpadam paññāpeyyam, na kho panetam sakkā. Handāham mahāsuññatāpaṭipatti nāma suttantam (4.0112) desemi, yam sikkhākāmānam kulaputtānam sikkhāpadapaññatti viya nagaradvāre nikkhittasabbakāyika-ādāso viya ca bhavissati. Tato yathā nāmekasmiṃ ādāse khattiyādayo attano vajjam disvā tam pahāya anavajjā honti, evamevam mayi parinibbutepi pañcavassasahassāni imam suttam āvajjītvā gaṇam vinodetvā ekībhāvābhīratā kulaputtā vaṭṭadukkhassa antam karissanti”ti. Bhagavato ca mano-ratham pūrentā viya imam suttam āvajjītvā gaṇam vinodetvā vaṭṭadukkham khepetvā parinibbutā kulaputtā gaṇanapathaṃ vītivattā. Vālikapiṭṭhivihārepi hi ābhidhammika-abhayatthero nāma vassūpanāyikasamaye sambahulehi bhikkhūhi saddhim imam suttam sañjhāyītvā “sammāsambuddho evam kāreti, mayam kiṃ karomā”ti āha. Te sabbepi antovasse gaṇam vinodetvā ekībhāvābhīratā arahattam pāpuṇim̄su. Gaṇabhedanam nāma idam suttanti.

186. Ghaṭāyāti evamnāmakassa sakkassa. **Vihāreti** ayampi vihāro nigrodhārā-masseva ekadese kālakhemakassa vihāro viya katoti veditabbo. **Cīvarakammanti** jīṇamalinānam aggalatṭhānuppādanadhovanādīhi kataparibhaṇḍampi, cīvara-

tthāya uppannavatthānam vicāraṇasibbanādīhi akataṁ samvidhānampi vatthati, idha pana akataṁ samvidhānam adhippetam. Manussā hi ānandattherassa cīvara-sātakē adamṣu. Tasmā thero sambahule bhikkhū gahetvā tattha cīvarakammaṁ akāsi. Tepi bhikkhū pātova sūcipāsakassa paññāyanakālato paṭṭhāya nisinnā apaññāyanakāle utthahanti. Sūcikamme niṭhitheyeva senāsanāni samvidahissāmāti na samvidahimṣu. **Cīvarakārasamayo** noti thero kira cintesi- “addhā etehi bhikkhūhi na paṭisāmitāni senāsanāni, bhagavatā ca diṭṭhāni bhavissanti. Iti anattamano satthā suṭṭhu niggahetukāmo, imesam bhikkhūnam upatthambho bhavisāmī”ti; tasmā evamāha. Ayaṁ panetha adhippāyo- “na, bhante, ime bhikkhū kammārāmā eva, cīvarakiccasena pana evam vasantī”ti.

Na kho, ānandāti, ānanda, kammasamayo vā hotu akammasamayo vā, cīvarakārasamayo vā hotu acīvarakārasamayo vā, atha kho saṅgaṇikārāmo bhikkhu na sobhatiyeva. Mā tvam anupatthambhaṭṭhāne upatthambho ahosīti. Tattha **saṅgaṇikāti** sakaparisasamodhānam. **Gaṇoti** nānājanasamodhānam. Iti saṅgaṇikārāmo vā hotu gaṇārāmo (4.0113) vā, sabbathāpi gaṇabāhullābhīrato gaṇabandhanabaddho bhikkhu na sobhati. Pacchābhatte pana divāṭṭhānam sammajitvā sudhota-hatthapādo mūlakammaṭṭhānam gahetvā ekārāmatamanuyutto bhikkhu buddhasāsane sobhati. **Nekkhammasukhanti** kāmato nikkhantassa sukham. **Pavivekasukhampi** kāmapavivekasukhameva. Rāgādīnam pana vūpasamatthāya samvattatīti **upasamasukham**. Maggasambodhatthāya samvattatīti **sambodhisukham**. **Nikāmalābhīti** kāmalābhī icchitalābhī. **Akicchalābhīti** adukkhalābhī. **Akasiralābhīti** vipulalābhī.

Sāmāyikanti appitappitasamaye kilesehi vimuttam. **Kantanti** manāpaṁ. **Cetovimuttinti** rūpārūpāvacaracittavimuttim. Vuttañhetam- “cattāri ca jhānāni catasso ca arūpasamāpattiyo, ayam sāmāyiko vimokkho”ti (paṭi. ma. 1.213). **Asāmāyikanti** na samayavasena kilesehi vimuttam, atha kho accantavimuttam lokuttaram vuttam. Vuttañhetam- “cattāro ca ariyamaggā cattāri ca sāmaññaphalāni, ayam asāmāyiko vimokkho”ti. **Akuppanti** kilesehi akopetabbam.

Ettāvatā kiṁ kathitam hoti? Saṅgaṇikārāmo bhikkhu gaṇabandhanabaddho neva lokiyaguṇam, na ca lokuttaraguṇam nibbattetum sakkoti, gaṇam vinodetvā pana ekābhīrato sakkoti. Tathā hi vipassī bodhisatto caturāsītiyā pabbajitasahassehi parivuto satta vassāni vicaranto sabbaññuguṇam nibbattetum nāsakkhi, gaṇam vinodetvā sattadivase ekībhāvābhīrato bodhimāṇḍam āruyha sabbaññuguṇam nibbattesi. Amhākam bodhisatto pañcavaggiyehi saddhiṁ chabbassāni vicaranto sabbaññuguṇam nibbattetum nāsakkhi, tesu pakkantesu ekībhāvābhīrato bodhimāṇḍam āruyha sabbaññuguṇam nibbattesi.

Evam saṅgaṇikārāmassa guṇādhigamābhāvam dassetvā idāni dosuppattim dassento **nāham** ānandāti-ādimāha. Tattha **rūpanti** sariram. **Yattha rattassāti** yasmiṁ rūpe rāgavasena rattassa. **Na uppajjeyyunti** yasmiṁ rūpe rattassa na uppajjeyyum, tam rūpam na samanupassāmi, atha kho sāriputtamoggallānānam dasabalasāvakattupagamanasaṅkhātena aññathābhāvena sañcayassa (4.0114) viya, upāligahapatino aññathābhāvena nāṭaputtassa viya, piyajātikasutte setṭhi-ā-

dīnam viya ca uppajjantiyeva.

187. Ayaṁ kho panānandāti ko anusandhi? Sace hi koci dubbuddhī navapabba-jito vadeyya- “sammāsambuddho khettam paviṭṭhā gāviyo viya amheyeva gaṇato nīharati, ekībhāve niyojeti, sayam pana rājarājamahāmattādīhi parivuto viharati”ti, tassa vacanokāsupacchedanattham- “cakkavālāpariyantāya parisāya majjhe nisinnopi tathāgato ekakovā”ti dassetum imam desanam ārabhi. Tattha **sabbanimittā-nanti** rūpādīnam saṅkhanimittānam. **Ajjhattanti** visayajjhattam. **Suññatanti** suññata-phalasamāpattim. **Tatra ceti** upayogatthe bhummam, tam ceti vuttam hoti. Puna **tatrāti** tasmiṁ parisamajjhe ṭhito. **Vivekaninnenāti** nibbānaninnena. **Byantibhūte-nāti** āsavatṭhānīyadhammehi vigatantena nissaṭena visamyuttena. **Uyyojanikapaṭi-samyuttanti** gacchatha tumheti evam uyyojanikena vacanena paṭisaṭmyuttam.

Kāya pana velāya bhagavā evam katheti? Pacchābhikkhattakiccavelāya, vā purima-yāmakiccavelāya vā. Bhagavā hi pacchābhikkhatte gandhakuṭiyam sīhaseyyam kappetvā vuṭṭhāya phalasamāpattim appetvā nisidati. Tasmiṁ samaye dhammasavananatthāya parisā sannipatanti. Atha bhagavā kālam viditvā gandhakuṭito nikkhamitvā buddhāsanavaragato dhammam desetvā bhesajjatelapākam gaṇhanto viya kālam anatikkamitvā vivekaninnena cittena parisam uyyojeti. Purimayāmepi “abhikkantā kho vāsetṭhā ratti, yassa dāni kālam maññathā”ti (dī. ni. 3. 299) evam uyyojeti. Buddhānañhi bodhipattito paṭṭhāya dve pañcaviññāñānipi nibbānaninnāneva. **Tasmātihānandāti** yasmā suññatāvihāro santo pañito, tasmā.

188. Ajjhattamevāti gocarajjhattameva. **Ajjhattam suññatanti** idha niyakajjhattam, attano pañcasu khandhesu nissitanti attho. **Sampajāno hotīti** kammaṭṭhānassa asampajjanabhāvajānanena sampajāno. **Bahiddhāti** parassa pañcasu khandhesu. **Ajjhattabahiddhāti** kālena ajjhattam kālena bahiddhā (4.0115). **Āneñjanti** ubhato-bhāgavimutto bhavissāmāti āneñjam arūpasamāpattim manasi karoti.

Tasmiṁyeva purimasinti pādakajjhānam sandhāya vuttam. Apaguṇapādaka-jjhānato vuṭṭhitassa hi ajjhattam suññataṁ manasikaroto tattha cittam na pakkhandati. Tato “parassa santāne nu kho kathan”ti bahiddhā manasi karoti, tatthapi na pakkhandati. Tato- “kālena attano santāne, kālena parassa santāne nu kho kathan”ti ajjhattabahiddhā manasi karoti, tatthapi na pakkhandati. Tato ubhatobhāgavimutto hotukāmo “arūpasamāpattiyam nu kho kathan”ti āneñjam manasi karoti, tatthapi na pakkhandati. Idāni- “na me cittam pakkhandatīti vissaṭṭhavīriyena upatṭhākādīnam pacchato na caritabbam, pādakajjhānameva pana sādhukam puna-ppunam manasikātabbam. Eamassa rukkhe chindato pharasumhi avahante puna nisitam kāretvā chindantassa chijjesu pharasu viya kammaṭṭhāne manasi-kāro vahatī”ti dassetum **tasmiṁyevāti**-ādimāha. Idānissa evam paṭipannassa yam yam manasi karoti, tattha tattha manasikāro sampajjatīti dassento **pakkhandatīti** āha.

189. Iminā vihārenāTi iminā samathavipassanāvihārena. **Itiha tattha sampajā-noti** iti caṅkamantopi tasmiṁ kammaṭṭhāne sampajjamāne “sampajjati me kammaṭṭhānan”ti jānanena sampajāno hoti. **Sayatīti** nipajjati. Ettha kañci kālam caṅka-mitvā- “idāni ettakam kālam caṅkamitum sakkhissāmī”ti ūnatvā iriyāpatham ahā-

petvā ṭhātabbaṁ. Esa nayo sabbavāresu. **Na kathessāmīti, itiha tatthāti evam na kathessāmīti jānanena tattha sampajānakārī hoti.**

Puna dutiyavāre **evarūpiṁ kathaṁ kathessāmīti** jānanena sampajānakārī hoti, imassa bhikkhuno samathavipassanā taruṇāva, tāsam anurakkhaṇattham-

“Āvāso gocaro bhassam, puggalo atha bhojanam;
utu iriyāpatho ceva, sappāyo sevitabbako”ti.

Satta sappāyāni icchitabbāni. Tesam dassanatthamidaṁ vuttaṁ. Vitakkavāresu avitakkanassa ca vitakkanassa ca jānanena sampajānatā veditabbā.

190. Iti (4.0116) vitakkapahānena dve magge kathetvā idāni tatiyamaggassa vipassanam ācikkhanto **pañca kho ime, ānanda, kāmaguṇāti-ādimāha.** **Āyatani** tesuyeva kāmaguṇesu kismiñcideva kilesuppattikāraṇe. **Samudācāroti** samudācarāṇato appahīnakileso. **Evam santanti** evam vijjamānameva. **Sampajānoti** kammaṭṭhānassa asampattijānanena sampajāno. Dutiyavāre **evam santametanti** evam sante etam. **Sampajānoti** kammaṭṭhānasampattijānanena sampajāno. Ayañhi “pahīno nu kho me pañcasu kāmaguṇesu chandarāgo no”ti paccavekkhamāno apahīnabhāvam ḡnatvā vīriyam paggahetvā tam anāgāmimaggena samugghāteti, tato maggānantaram phalam, phalato vuṭṭhāya paccavekkhamāno pahīnabhāvam jānāti, tassa jānanena

“sampajāno hoti”ti vuttam.

191. Idāni arahattamaggassa vipassanam ācikkhanto **pañca kho ime, ānanda, upādānakkhandhāti-ādimāha**. Tattha **so pahiyatīti** rūpe asmīti māno asmīti chando asmīti anusayo pahiyati. Tathā vedanādīsu sampajānatā vuttanāyeneva veditabbā.

Ime kho te, ānanda, dhammāti heṭṭhā kathite samathavipassanāmaggaphala-dhamme sandhāyāha. **Kusalāyatikāti** kusalato āgatā. Kusalā hi kusalāpi honti kusalāyatikāpi, seyyathidam, paṭhamajjhānam kusalam, dutiyajjhānam kusala-ñceva kusalāyatikañca ...pe... ākiñcaññāyatanaṁ kusalam, nevasaññānāsaññā-yatanam kusalañceva kusalāyatikañca, nevasaññānāsaññāyatanaṁ kusalam, sotāpattimaggo kusalo ceva kusalāyatiko ca ...pe... anāgāmimaggo kusalo, arahattamaggo kusalo ceva kusalāyatiko ca. Tathā paṭhamajjhānam kusalam, tamśampayuttakā dhammā kusalā ceva kusalāyatikā ca ...pe... arahattamaggo kusalo, tamśampayuttakā dhammā kusalā ceva kusalāyatikā ca.

Ariyāti nikkilesā visuddhā. **Lokuttarāti** loke uttarā visiṭṭhā. **Anavakkantā pāpimātāti** pāpimantena mārena anokkantā. Vipassanāpādakā (4.0117) atṭha samāpattiyo appetvā nisinnassa hi bhikkhuno cittam māro na passati, “idam nāma ārammaṇam nissāya samvattati”ti jātitum na sakkoti. Tasmā “anavakkantā”ti vuttam.

Tam kiṁ maññasīti idam kasmā āha? Gaṇepi eko ānisamso atthi, tam dassetum idamāha. **Anubandhitunti** anugacchitum paricaritum.

Na kho, ānandāti ettha kiñcāpi bhagavatā- “sutāvudho, bhikkhave, ariyasāvako akusalam pajahati, kusalam bhāveti, sāvajjam pajahati, anavajjam bhāveti, suddham attānam pariharati”ti (a. ni. 7.67) bahussuto pañcāvudhasampanno yodho viya kato. Yasmā pana so sutapariyattim uggahetvāpi tadanuccchavikam anulomapaṭipadam na paṭipajjati, na tassa tam āvudham hoti. Yo paṭipajjati, tasseva hoti. Tasmā etadattham anubandhitum nārahatīti dassento **na kho, ānandāti** āha.

Idāni yadattham anubandhitabbo, tam dassetum **yā ca khoti-ādimāha**. Iti imasmiṁutte tīsu ṭhānesu dasa kathāvatthūni āgatāni. “Iti evarūpam kathaṁ kathessāmī”ti sappāyāsappāyavasena āgatāni, “yadidam suttam geyyan”ti ettha sutapariyattivasena āgatāni, imasmiṁ ṭhāne paripūraṇavasena āgatāni. Tasmā imasmiṁutte dasa kathāvatthūni kathentena imasmiṁ ṭhāne ṭhatvā kathetabbaṇi.

Idāni yasmā ekaccassa ekakassa viharatopi attho na sampajjati, tasmā tam sandhāya ekibhāve ādīnavam dassento **evam sante kho, ānandāti-ādimāha**. Tattha **evam santeti evam ekibhāve sante**.

193. Sathāti bāhirako titthakarasatthā. Anvāvattantīti anu-āvattanti upasaṅkamanti. **Muccham kāmayatīti** mucchanatañham pattheti, pavattetīti attho. **Ācariyūpaddavenāti** abbhantare uppannena kilesūpaddavena ācariyassupaddavo. Sesupadavesupi eseva nayo. **Avadhiṁsu nanti** mārayiṁsu nam. Etena hi gunamaraṇam kathitam.

Vinipātāyāti (4.0118) suṭṭhu nipatanāya. Kasmā pana brahmacārupaddavova-“dukkhavipākataro ca kaṭukavipākataro ca vinipātāya ca samvattati”ti vuttoti.

Bāhirapabbajjā hi appalābhā, tattha mahanto nibbattetabbaguṇo natthi, aṭṭhasamā-pattipañcābhiññāmattakameva hoti. Iti yathā gadrabhapiṭṭhitō patitassa mahantam dukkham na hoti, sarīrassa pañsumakkhanamattameva hoti, evam bāhirasamaye lokiyanuṇamattatova parihāyati, tena purimam upaddavadvayam na evam vuttaṁ. Sāsane pana pabbajjā mahālābhā, tattha cattāro maggā cattāri phalāni nibbā-nanti mahantā adhigantabbagunā. Iti yathā ubhato sujāto khattiyyakumāro hatthikkhandhavaragato nagaram anusañcaranto hatthikkhandhato patito mahā-dukham nigacchati, evam sāsanato parihāyamāno navahi lokuttaragunehi parihā-yati. Tenāyam brahmacārupaddavo evam vutto.

196. Tasmāti yasmā sesupaddavehi brahmacārupaddavo dukkhavipākataro, yasmā vā sapattapaṭipattiṁ vītikkamanto dīgharattam ahitāya dukkhāya samva-tati, mittapaṭipatti hitāya, tasmā. Evam uparimenapi heṭṭimenapi atthena yojettabam. **Mittavatāyāti** mittapaṭipattiyā. **Sapattavatāyāti** verapaṭipattiyā.

Vokkamma ca satthusāsanāti dukkaṭadubbhāsitamattampi hi sañcicca vītikka-manto vokkamma vattati nāma. Tadeva avītikkamanto na vokkamma vattati nāma.

Na vo ahaṁ, ānanda, tathā parakkamissāmīti ahaṁ tumhesu tathā na paṭipajji-sāmi. Āmaketi apakke. Āmakamatteti āmake nātisukkhe bhājane. Kumbhakāro hi āmakam nātisukkham apakkam ubho hi hatthehi sañhikam gaṇhāti “mā bhijjatū”-ti. Iti yathā kumbhakāro tattha paṭipajjati, nāhaṁ tumhesu tathā paṭipajjissāmi. **Niggayha niggayhāti** sakim ovaditvā tuṇhī na bhavissāmi, nigganhitvā nigganhitvā punappunam ovadissāmi anusāsisssāmi. **Pavayha pavayhāti** dose pavāhetvā pavā-hetvā. Yathā pakkabhājanēsu kumbhakāro bhinnachinnajajjarāni pavāhetvā (4.0119) ekato katvā supakkāneva ākoṭetvā ākoṭetvā gaṇhāti, evameva ahampi pavāhetvā pavāhetvā punappunam ovadissāmi anusāsisssāmi. **Yo sāro so ṭhassatīti** evam vo mayā ovadiyamānānam yo maggaphalasāro, so ṭhassati. Apica lokiyanuṇāpi idha sārotveva adhippetā. Sesam sabbattha uttānamevāti.

Papañcasūdaniyā majjhimanikāyaṭṭhakathāya

Mahāsuññatasuttavaṇṇanā niṭṭhitā.

3. Acchariya-abhutasuttavaṇṇanā

197. Evam me sutanti acchariya-abhutasuttaṁ. Tattha **yatra hi nāmāti** acchari-yatthe nipāto. Yo nāma tathāgatoti attho. **Chinnapapañceti** ettha papañcā nāma taṇhā māno diṭṭhitī ime tayo kilesā. **Chinnavaṭumeti** ettha vaṭumanti kusalākusala-kammavaṭṭam vuccati. **Pariyādinnavaṭṭeti** tasseva vevacanam. **Sabbadukkhavīti-vatīti** sabbam vipākavaṭṭasaṅkhātam dukkham vītivatte. **Anussarissatīti** idam yatrāti nipātavasena anāgatavacanam, attho panettha atītavasena veditabbo. Bhagavā hi te buddhe anussari, na idāni anussarissati. **EvamjaccāTi** vipassī-ā-

dayo khattiyajaccā, kakusandhādayo brāhmaṇajaccāti. **Evaṁgottāti** vipassī-ādayo konḍaññagottā, kakusandhādayo kassapagottāti. **Evaṁsīlāti** lokiyalokuttarasīlena evaṁsīlā. **Evaṁdhammāti** ettha samādhipakkhā dhammā adhippetā. Lokiyalokuttarena samādhinā evaṁsamādhinoti attho. **Evaṁpaññāti** lokiyalokuttarapaññāya evaṁpaññā. **Evaṁvihārīti** ettha pana heṭṭhā samādhipakkhānam dhammānam gahitattā vihāro gahitova, puna kasmā gahitameva gaṇhātīti ce, na idam gahitameva. Idañhi nirodhasamāpattidīpanattham, tasmā evaṁnirodhasamāpattivihārīti ayamettha attho.

Evaṁvimuttāti (4.0120) ettha vikkhambhanavimutti tadaṅgavimutti samuccheda-vimutti paṭipassaddhivimutti nissaraṇavimuttīti pañcavidhā vimuttiyo. Tattha aṭṭha samāpattiyo sayam vikkhambhitehi nīvaraṇādīhi vimuttattā **vikkhambhanavimuttīti** saṅkham gacchanti. Aniccānupassanādikā satta anupassanā sayam tassa tassa paccanīkaṅgavasena paricattāhi niccasaññādīhi vimuttattā **tadaṅgavimuttīti** saṅkham gacchanti. Cattāro ariyamaggā sayam samucchinnnehi kilesehi vimuttattā **samucchedadavimuttīti** saṅkham gacchanti. Cattāri sāmaññaphalāni maggānu-bhāvena kilesānam paṭipassaddhante uppannattā **paṭipassaddhivimuttīti** saṅkham gacchanti. Nibbānam sabbakilesehi nissaṭattā apagatattā dūre ṭhitattā **nissaraṇavimuttīti** saṅkham gataṁ. Iti imāsam pañcannam vimuttinam vasena evaṁvimuttāti evamettha attho veditabbo.

199. Tasmātiḥāti yasmā tvam “tathāgatā acchariyā”ti vadasi, tasmā tam bhiyyoso mattāya paṭibhantu tathāgatassa acchariyā abbhutadhammāti. **Sato sampajāno**Ti ettha dvesampajaññāni manussaloke devaloke ca. Tattha vessanta-rajātake brāhmaṇassa dve putte datvā punadivase sakkassa devim datvā sakkena pasīditvā dinne aṭṭha vare gaṇhanto-

“Ito vimuccamānāhaṁ, saggagāmī visesagū;
anivattī tato assam, aṭṭhametam varam vare”ti. (jā. 2.22.2300)-

Evam tusitabhavane me paṭisandhi hotūti varam aggahesi, tato paṭṭhāya tusitabhavane uppajjissāmīti jānāti, idam manussaloke sampajaññam. Vessantarattabhbāvato pana cuto puna tusitabhavane nibbattitvā nibbattosmīti aññāsi, idam devaloke sampajaññam.

Kim pana sesadevatā na jānantīti? No na jānanti. Tā pana uyyānavimānakappa-rukkhe oloketvā devanāṭakehi tūriyasaddena pabodhitā “mārisa ayam devaloko tumhe idha nibbattā”ti sāritā jānanti. Bodhisatto paṭhamajavanavāre na jānāti, dutiyajavanato paṭṭhāya jānāti. Iccassa aññehi asādhāraṇajānanam hoti.

Aṭṭhāsīti (4.0121) ettha kiñcāpi aññepi devā tattha ṭhitā ṭhitamhāti jānanti, te pana chasu dvāresu balavatā iṭṭhārammaṇena abhibhuyyamānā satīm vissajjetvā attano bhutapītabhbāvampi ajānātā āhārūpacchedena kālam karonti. Bodhisattassa kim tathārūpam ārammaṇam natthīti? No natthi. So hi sesadeve dasahi ṭhānehi adhiggaṇhāti, ārammaṇena pana attānam madditum na deti, tam ārammaṇam abhibhavitvā tiṭṭhati. Tena vuttam- “sato sampajāno, ānanda, bodhisatto tusite kāye aṭṭhāsī”ti.

200. Yāvatāyukanti sesattabhāvesu kim yāvatāyukam na tiṭṭhattīti? Āma na

tiṭṭhati. Aññadā hi dīghāyukadevaloke nibbatto tattha pāramiyo na sakkā pūretunti akkhīni nimiletvā adhimuttikālamkiriyaṁ nāma katvā manussaloke nibbattati. Ayam kālāṅkiriyaṁ aññesam na hoti. Tadā pana adinnadānam nāma natthi, arakkhitasilam nāma natthi, sabbapāramīnam pūritattā yāvatāyukam aṭṭhāsi.

Sato sampajāno tusitā kāyā cavitvā mātukucchiṁ okkamatīti evam tāva sabba-pāramiyo pūretvā tadā bodhisatto yāvatāyukam aṭṭhāsi. Devatānam pana-“manussagaṇanāvasena idāni sattahi divasehi cuti bhavissati”ti pañca pubbanimittāni uppajjanti- mālā milāyanti, vatthāni kilissanti, kacchehi sedā muccanti, kāye dubbaṇṇiyam okkamati, devo devāsane na saṇṭhāti.

Tattha **mālāti** paṭisandhiggahaṇadivase piṭandhanamālā. Tā kira satthisatasaha-sādhikā sattapaṇṇāsa-vassakoṭiyo amilāyitvā tadā milāyanti. **Vatthesupi** eseava nayo. Ettakam pana kālam devānam neva sītam na uṇham hoti, tasmiṁ kāle sarīrato bindubinduvasena **sedā** muccanti. Ettakañca kālam tesam sarire khaṇḍicca-pāliccādivasena **vivaṇṇatā** na paññāyati, devadhītā soḷasavassuddesikā viya, devaputtā vīsativassuddesikā viya khāyanti. Maraṇakāle pana nesam kilantarūpo attabhāvo hoti. Ettakañca

nesam̄ kālam̄ devaloke **ukkaṇṭhitā** (4.0122) nāma natthi, maraṇakāle pana nissanti vijambhanti, sake āsane nābhiramanti.

Imāni pana pubbanimittāni, yathā loke mahāpuññānam rājarājamahāmattādīnamyeva ukkāpātabhūmicālacakaggāhādīni nimittāni paññāyanti, na sabbesam̄, evameva mahesakkhānam devatānamyeva paññāyanti, na sabbesam̄. Yathā ca manussesu pubbanimittāni nakkhattapāṭhakādayova jānanti, na sabbe, evameva tānipi sabbe devā na jānanti, pañditā eva pana jānanti. Tattha ye ca mandena kusalakamma nibbattā devaputtā, te tesu uppannesu- “idāni ko jānāti, kuhiṁ nibbattissāmā”ti bhāyanti. Ye mahāpuññā, te- “amhehi dinnām dānam rakkhitām sīlam bhāvitām bhāvanām āgamma uparidevalokesu sampattim anubhavissāmā”- ti na bhāyanti. Bodhisattopi tāni pubbanimittāni disvā “idāni anantare attabhāve buddho bhavissāmī”ti na bhāyi. Athassa tesu nimittesu pātubhūtesu dasasahassacakkavāladevatā sannipatitvā- “mārisa tumhehi dasa pāramiyo pūrente hi na sakkasampattim na mārabrahmacakkavattisampattim patthente hi pūritā, lokanittthaṇatthāya pana buddhattām patthayamānehi pūritā. So vo idāni kālo mārisa buddhattāya, samayo mārisa buddhattāyā”ti yācanti.

Atha mahāsatto devatānam paṭiññām adatvā kāladīpadesakulajanetti-āyuparicchedavasena **pañcamahāvilokanam** nāma vilokesi. Tattha “kālo nu kho, na kālo”- ti paṭhamām kālam vilokesi. Tattha vassasatasahassato uddham vadḍhita-āyukālo kālo nāma na hoti. Kasmā? Tadā hi sattānam jātijarāmarañāni na paññāyanti, buddhānañca dhammadesanā nāma tilakkhaṇamuttā natthi, tesam aniccam dukkham anattāti kathentānam “kiṁ nāmetam kathentī”ti neva sotum na saddhātum maññanti, tato abhisamayo na hoti, tasmiṁ asati aniyyānikam sāsanām hoti. Tasmā so akālo. Vassasatato ūna-āyukālopi kālo nāma na hoti. Kasmā? Tadā hi sattā ussannakilesā honti, ussannakilesānañca dinnovādo ovāda- tthāne na tiṭṭhati. Udake daṇḍarāji viya khippam vigacchati. Tasmā sopi akālo. Satasahassato (4.0123) pana paṭṭhāya heṭṭhā vassasatato paṭṭhāya uddham āyukālo kālo nāma. Tadā ca vassasatakālo hoti. Atha mahāsatto “nibbattitabbakālo”ti **kālam** passi.

Tato **dīpam** vilokento saparivāre cattāro dīpe olokettvā- “tīsu dīpesu buddhā na nibbattanti, jambudīpeyeva nibbattanti”ti dīpam passi.

Tato- “jambudīpo nāma mahā, dasayojanasahassaparimāṇo, katarasmim nu kho padese buddhā nibbattanti”ti **desam** vilokento majhimadesam passi. Majhimadeso nāma “puratthimāya disāya gajaṅgalam nāma nigamo”ti-ādinā nayena vinaye (mahāva. 259) vuttova. So pana āyāmato tīṇi yojanasatāni. Vitthārato adḍhatiyāni, parikkhepato navayojanasatānīti. Etasmiñhi padese cattāri atṭha solasa vā asaṅkhyeyyāni, kappasatasahassañca pāramiyo pūretvā sammāsa-mbuddhā uppajjanti. Dve asaṅkhyeyyāni, kappasatasahassañca pāramiyo pūretvā paccekabuddhā uppajjanti, ekam asaṅkhyeyyām, kappasatasahassañca pāramiyo pūretvā sāriputtamoggallānādayo mahāsāvakā uppajjanti, catunnam mahādīpānam dvisahassānam parittadīpānañca issariyādhipaccakārakacakkavat-tirājāno uppajjanti, aññe ca mahesakkhā khattiabrāhmaṇagahapatimahāsālā

uppajjanti. Idañcettha kapilavatthu nāma nagaram, tattha mayā nibbattitabbanti niñthamagamāsi.

Tato **kulam** vilokento- “buddhā nāma lokasammate kule nibbattanti, idāni ca khattiyakulam lokasammataṁ, tattha nibbattissāmi, suddhodano nāma rājā me pitā bhavissatī”ti kulam passi.

Tato **mātaram** vilokento- “buddhamātā nāma lolā surādhuttā na hoti, kappasata-sahassam pūritapāramī jātito paññāya akhañdapañcasilā hoti, ayañca mahāmāyā nāma devī edisā. Ayam me mātā bhavissati. Kittakam panassā āyū”ti āvajjanto-“dasannam māsānam upari satta divasānī”ti passi.

Iti (4.0124) imam **pañcamahāvilokanam** viloketvā- “kālo me mārisā buddhabhāvāyā”ti devatānam saṅgaham karonto paññānam datvā “gacchatha tumhe”ti tā devatā uyyojetvā tusitadevatāhi parivuto tusitapure nandanavanam pāvisi. Sabba-devalokesu hi nandanavanam atthiyeva. Tattha nam devatā- “ito cuto sugatim gaccha, ito cuto sugatim gacchā”ti pubbekatakusalakkammokāsam sārayamānā vicaranti. So evam devatāhi kusalam sārayamānāhi parivuto tattha vicarantova cavi.

Evam cuto cavāmīti pajānāti, cuticittam na jānāti. Pañsandhim gahetvāpi pañsandhicittam na jānāti, imasmim me thāne pañsandhi gahitāti evam pana jānāti. Keci pana therā “āvajjanapariyāyo nāma laddhum vat̄ati, dutiyatatiyacittavāre-yeva jānissatī”ti vadanti. Tipiṭakamahāsīvatthero panāha- “mahāsattānam pañsandhi na aññesam pañsandhisadisā, koṭippattam tesam satisampajaññam. Yasmā pana teneva cittena tam cittam ñātum na sakkā, tasmā cuticittam na jānāti. Cutikkhañepi cavāmīti pajānāti, pañsandhim gahetvāpi pañsandhicittam na jānāti, asukasmim thāne pañsandhi gahitāti pajānāti, tasmim kāle dasahassī kampati”ti. Evam sato sampajāno mātukucchim okkamanto pana ekūnavisatiyā pañsandhicittesu mettāpubbabhāgassa somanassa-sahagata-ñāṇasampayutta-asāñkhārika-kusalacittassa sadisamahāvipākacittena pañsandhim gaṇhi. Mahāsīvatthero pana “upekkhāsahagatenā”ti āha.

Pañsandhim gaṇhanto pana āsālīhipuṇṇamāyam uttarāsālīhanakkhattena agghesi. Tadā kira mahāmāyā pure puṇṇamāya sattamadivasato paññāya vigatasurā-pānam mālāgandhavibhūsanasampannam nakkhattakīlam anubhavamānā sattame divase pāto vuññāya gandhodakena nhāyitvā sabbālañkāravibhūsitā varabhojanam bhuñjitvā uposathañgāni adhiññāya sirīgabbham pavisitvā sirīsayane nipannā niddam okkamamānā idam supinam addasa- “cattāro kira nam mahārājāno sayaneneva saddhim ukkhipitvā anotattadaham netvā ekamantam attham̄su. Atha nesam deviyo āgantvā manussamalaharañpattham nhāpetvā dibbattham nivāsetvā gandhehi vilimpetvā dibbapupphāni piñandhitvā tato avidūre rajatapabbato, tassa anto kanakavimānam atthi, tasmim pācīnato (4.0125) sīsam katvā nipajjāpesum. Atha bodhisatto setavaravāraṇo hutvā tato avidūre eko suvāṇṇapabbato, tattha caritvā tato oruyha rajatapabbataṁ abhiruhitvā uttaradisato āgamma kanakavimānam pavisitvā mātaram padakkhiṇam katvā dakkhiṇapassam phāletvā kucchim paviññhasadiso ahosi.

Atha pabuddhā devī tam supinam rañño ārocesi. Rājā pabhātāya rattiyā catusṭhimatte brāhmaṇapāmokkhe pakkosāpetvā haritūpalittāya lājādīhi katamaṅgala-sakkārāya bhūmiyā mahārahāni āsanāni paññāpetvā tattha nisinnānam brāhmaṇānam sappimadhusakkarābhisaṅkhārassa varapāyāsassa suvaṇṇarajatapātiyo pūretvā suvaṇṇarajatapātiheva paṭikujjītvā adāsi, aññehi ca ahatavatthakapilagā-vidānādīhi te santappesi. Atha nesaṁ sabbakāmasantappitānam supinam ārocā-petvā- “kim bhavissati”ti pucchi. Brāhmaṇā āhaṁsu- “mā cintayi mahārāja, deviyā te kucchimhi gabbho patiṭṭhito, so ca kho purisagabbho, na itthigabbho, putto te bhavissati. So sace agāram ajjhāvasissati, rājā bhavissati cakkavattī. Sace agārā nikhamma pabbajissati, buddho bhavissati loke vivat̄acchado”ti. Evam sato sampajāno bodhisatto tusitakāyā cavitvā mātukucchim okkamati.

Tattha **sato sampajānoti** iminā catutthāya gabbhāvakkantiyā okkamatīti dasseti. Catasso hi gabbhāvakkantiyo.

“Catasso imā, bhante, gabbhāvakkantiyo. Idha, bhante, ekacco asampajāno mātukucchim okkamati, asampajāno mātukucchismiṁ ṭhāti, asampajāno mātukuc-

chimhā nikhamati, ayam paṭhamā gabbhāvakkanti.

Puna caparam, bhante, idhekacco sampajāno mātukucchim okkamati, asampajāno mātukucchismiṁ ṭhāti, asampajāno mātukucchimhā nikhamati, ayam dutiyā gabbhāvakkanti.

Puna caparam, bhante, idhekacco sampajāno mātukucchim okkamati, sampajāno mātukucchismiṁ ṭhāti, sampajāno mātukucchimhā nikhamati, ayam tatiyā gabbhāvakkanti.

Etāsu paṭhamā lokiyamanussānam hoti, dutiyā asītimahāsāvakānam, tatiyā dvinnam aggasāvakānam paccekabodhisattānañca. Te kira kammajavātehi uddhampādā adhosirā anekasataporise papāte viya yonimukhe tālacakchiggena hatthī viya ativiya sambādhena yonimukhena nikhamamānā anantam dukkham pāpuṇanti. Tena nesam “mayam nikhamāmā”ti sampajānatā na hoti. Catutthā sabbaññubodhisattānam. Te hi mātukucchismiṁ paṭisandhiṁ gaṇhantāpi jānanti, tattha vasantāpi jānanti. Nikhamanakālepi nesam kammajavātā uddhampāde adhosire katvā khipitum na sakkonti, dve hatthe pasāretvā akkhīni ummīletvā ṭhitakāva nikhamanti.

201. Mātukucchim okkamatīti ettha mātukucchim okkanto hotīti attho. Okkante hi tasmiṁ evam hoti, na okkamamāne. **Appamāṇo** Ti buddhappamāṇo, vipuloti attho. **Uṭāroti** tasseva vevacanam. **Devānubhāvanti** ettha devānam ayamānu-bhāvo- nivatthavatthassa pabhā dvādasa yojanāni pharati, tathā sarīrassa, tathā alaṅkārassa, tathā vimānassa, tam atikkamitvāti attho.

Lokantarikāti tiṇṇam tiṇṇam cakkavālānam antarā ekeko lokantarikā hoti, tiṇṇam sakāṭacakkaṇam pattānam vā aññamaññam āhacca ṭhapitānam majjhe okāso viya. So pana lokantarikanirayo parimāṇato aṭṭhayojanasahasso hoti. **Aghāti** nicca-

vivaṭā. **Asaṁvutāti** hetṭhāpi appatiṭṭhā. **Andhakārāti** tamabhūtā. **Andhakāratimi-sāti** cakkhuviññāṇuppattinivāraṇato andhabhāvakaraṇatimisena samannāgatā. Tattha kira cakkhuviññāṇam na jāyati. **Evam̄mahiddhikāti** candimasūriyā kira eka-ppahāreneva tīsu dīpesu paññāyanti, evam̄mahiddhikā. Ekekāya disāya navava-yojanasatasahassāni andhakāram vidhamitvā ālokaṁ dassenti, evam̄ mahānu-bhāvā. **Ābhāya nānubhontīti** attano (4.0127) pabhāya nappahonti. Te kira cakkavā-ļapabbatassa vemajjhena caranti, cakkavā-ļapabbatañca atikkamma lokantarikani-rayo, tasmā te tattha ābhāya nappahonti.

Yepi tattha sattāti yepi tasmiṁ lokantaramahāniraye sattā upapanñā. Kim pana kammam̄ katvā te tattha uppajjantīti? Bhāriyam̄ dāruṇam̄ mātāpitūnam̄ dhammika-samaṇabrāhmaṇānañca upari aparādhām̄ aññañca divase divase pāṇavadhādisā-hasikakammam̄ katvā uppajjanti tambapaṇṇidīpe abhayacoranāgacorādayo viya. Tesam̄ attabhāvo tigāvutiko hoti, vaggulīnam̄ viya dīghanakhā honti. Te rukkhe vagguliyo viya nakhehi cakkavā-ļapāde lagganti. Yadā pana samsappantā añña-maññassa hatthapāsam̄ gatā honti, atha “bhakkho no laddho”ti maññamānā tattha vāvaṭā viparivattitvā lokasandhāraka-udake patanti. Vāte paharante madhu-kaphalāni viya chijjitvā udake patanti. Patitamattā ca accantakhāre udake piṭha-piṇḍi viya vilīyanti.

Aññepi kira bho santi sattāTi- “yathā mayam̄ mahādukkham̄ anubhavāma, evam̄ aññepi kira sattā idam̄ dukkham̄ anubhavantā idhūpapanñā”ti tam̄ divasam̄ passanti. Ayaṁ pana obhāso ekayāgupānamattampi na tiṭṭhati, yāvatā niddāyitvā pabuddho ārammaṇam̄ vibhāveti, tattakam̄ kālam̄ hoti. Dīghabhāṇakā pana “accharāsaṅghāṭamattameva vijjubhāso viya niccharitvā kiṁ idanti bhaṇtantānam̄-yeva antaradhbāyati”ti vadanti. **Saṅkampatīti**

samantato kampati. Itaradvayaṁ purimapasseva vevacanam. Puna **appamāṇo cāti-ādi nigamanattham** vuttam.

202. Cattāro devaputtā catuddisam ārakkhāya upagacchantīti ettha **cattāroti** catunnaṁ mahārājūnaṁ vasena vuttam, dasasahassacakkavāle pana cattāro cattāro katvā cattālisadasasahassā honti. Tattha imasmiṁ cakkavāle mahārājāno khaggahatthā āgantvā bodhisattassa ārakkhaṇatthāya upagantvā sirīgabbham pavitthā, itare gabbhadvārato paṭṭhāya avaruddhapamsupisācakādiyakkhagaṇe (4.0 paṭikkamāpetvā yāva cakkavālā ārakkham gaṇhiṁsu.

Kimattham panāyam rakkhā āgatā? Nanu paṭisandhikkhaṇe kalalakālato paṭṭhāya sacepi koṭisatasahassā mārā koṭisatasahassam sinerum ukkhipitvā bodhisattassa vā bodhisattamātuyā vā antarāyakaraṇattham āgaccheyyum, sabbe antarāva antaradhāyeyyum. Vuttampi cetam bhagavatā ruhiruppādava-thusmim- “atthānametam, bhikkhave, anavakāso, yam parūpakkamena tathā-gataṁ jīvitā voropeyya. Anupakkamena, bhikkhave, tathāgatā parinibbāyanti. Gacchatha tumhe, bhikkhave, yathāvihāram, arakkhiyā, bhikkhave, tathāgatā”ti (cūlava. 341). Evametaṁ, na parūpakkamena tesam jīvitantarāyo atthi. Santi kho pana amanussā virūpā duddasikā, bheravarupā pakkhino, yesam rūpam disvā saddam vā sutvā bodhisattamātu bhayam vā santāso vā uppajjeyya, tesam nivāraṇatthāya rakkham aggahesum. Apica kho bodhisattassa puññatejena sañjātagāravā attano gāravacoditāpi te evamakamṣu.

Kim pana te antogabbham pavisitvā ṛhitā cattāro mahārājāno bodhisattamātuyā attānam dassenti na dassentīti? Nahānamaṇḍanabhojanādisarīrakiccakāle na dassenti, sirīgabbham pavisitvā varasayane nipannakāle pana dassenti. Tattha kiñcāpi amanussadassanam nāma manussānam sappaṭibhayam hoti, bodhisattamātā pana attano ceva puttassa ca puññānubhāvena te disvā na bhāyati, pakati-anterupapālakesu viya assā tesu cittam uppajjati.

203. Pakatiyā sīlavatīti sabhāveneva sīlasampannā. Anuppanne kira buddhe manussā tāpasaparibbājakānam santike vanditvā ukkuṭikam nisīditvā sīlam gaṇhanti, bodhisattamātāpi kāladevilassa isino santike gaṇhāti. Bodhisatte pana kucchigate aññassa pādamūle nisīditum nāma na sakkā, samāsane nisīditvā gahitasīlambi avaññā kāraṇamattam hoti. Tasmā sayameva sīlam aggahesīti vuttaṁ hoti.

Purisesūti (4.0129) bodhisattassa pitaram ādīm katvā kesuci manussesu purisādhippāyacittam nuppajjati. Tañca kho bodhisatte gāravena, na pahīnakilesatāya. Bodhisattamātu rūpam pana sukusalāpi sippikā potthakammādīsupi kātum na sakkonti, tam disvā purisassa rāgo nuppajjatīti na sakkā vattum. Sace pana tam rattacitto upasāṅkamitukāmo hoti, pādā na vahanti, dibbasāṅkhalikā viya bajjhanti. Tasmā “anatikkamanīyā”ti-ādi vuttaṁ.

Pañcannam kāmaguṇānanti pubbe “kāmaguṇūpasaṁhitā”ti purisādhippāyav-sena vatthupaṭikkhepo kathito, idha ārammaṇappaṭilābho dassito. Tadā kira “deviyā evarūpoutto kuchismim uppanno”ti, sutvā samantato rājāno mahagha-ābharaṇatūriyādivasena pañcadvārārammaṇavatthubhūtam paññākāram

pesenti, bodhisattassa ca bodhisattamātuyā ca katakammassa ussannattā lābhā-sakkārassa pamāṇaparicchedo nāma natthi.

204. Akilantakāyāti yathā aññā itthiyo gabbhabhārena kilamanti, hatthapādā uddhumātakādīni pāpuṇanti, na evam tassā koci kilamatho ahosi. **Tirokucchigataṁ** antokucchigataṁ. Kalalādikālam atikkamitvā sañjāta-aṅgapaccaṅgam ahīndriyabhāvam upagataṁyeva passati. Kimatthaṁ passati? Sukhavāsatthaṁ. Yatheva hi mātā puttena saddhiṁ nisinnā vā nipannā vā “hatthaṁ vā pādaṁ vā olambantam ukkhipitvā sanṭhapessāmī”ti sukhavāsatthaṁ puttām oloketi, evam bodhisattamātāpi yaṁ tam mātu uṭṭhānagamanaparivattananisajjādīsu uṇhasītalōṇikatittakakaṭukāhāra-ajjhoharaṇakālesu ca gabbhassa dukkham uppajjati, atthi nu kho me tam puttassāti sukhavāsatthaṁ bodhisattam olokayamānā pallaṅkam ābhujitvā nisinnam bodhisattam passati. Yathā hi aññe antokucchigata pakkāsayam ajjhottaritvā āmāsayam ukkhipitvā udarapaṭalam piṭṭhito katvā piṭṭhikanṭakam nissāya ukkuṭikā dvīsu muṭṭhīsu hanukam ṭhāpetvā deve vassante rukkhasusire makkaṭā viya nisidanti, na evam bodhisatto. Bodhisatto pana piṭṭhikanṭakam piṭṭhito katvā dhammāsane dhammakathiko viya pallaṅkam ābhujitvā puratthābhimukho nisidati. Pubbe katakammaṁ panassā vatthum sodheti, suddhe vatthumhi sukhumacchavilakkhanam nibbattati (4.0130). Atha nam kucchigataṁ taco paṭīcchādetum na sakkoti, olokentiyā bahi ṭhito viya paññāyati. Tamatthaṁ upamāya vibhāvento **seyyathāpīti-ādimāha**. Bodhisatto pana antokucchigato mātarām na passati. Na hi antokucchiyam cakkhuviññānam uppajjati.

205. Kālam karotīti na vijātabhāvapaccayā, āyuparikkhayeneva. Bodhisattena vasitaṭṭhānañhi cetiyakuṭisadisaṁ hoti aññesam aparibhogam, na ca sakkā bodhisattamātaram apanetvā aññam aggamahesiṭṭhāne ṭhāpetunti tattakamyeva bodhisattamātu āyuppamānam hoti, tasmā tadā kālam karoti. Katarasmim pana vaye kālam karotīti? Majjhimavaye. Paṭhamavayasmiñhi sattānam attabhāve chandarāgo balavā hoti, tena tadā sañjātagabbhā itthi tam gabbham anurakkhitum na sakkonti, gabbho bahvābādho hoti. Majjhimavayassa pana dve koṭṭhāse atikkamma tatiyakoṭṭhāse vatthum visadām hoti, visade vatthumhi nibbattā dārakā arogā honti. Tasmā bodhisattamātāpi paṭhamavaye sampattiṁ anubhavitvā majjhimavayassa tatiyakoṭṭhāse vijāyitvā kālam karoti.

Nava vā dasa vāti ettha vā-saddena vikappanavasena satta vā aṭṭha vā ekā-dasa vā dvādasa vāti evamādīnampi saṅgaho veditabbo. Tathā sattamāsajāto jīvati, sītuṇhakkhamo pana na hoti. Aṭṭhamāsajāto na jīvati, sesā jīvanti.

Ṭhitāvāti ṭhitāva hutvā. Mahāmāyāpi devī upavijaññā nātikulagharam gamissā-mīti rañño ārocesi. Rājā kapilavatthuto devadahanagaragāmimaggam alaṅkārā-petvā devim suvaṇṇasivikāya nisidāpesi. Sakalanagaravāsino sakyā parivāretvā gandhamālādīhi pūjayamānā devim gahetvā pāyim̄su. Sā devadahanagarassa avidūre lumbinisālavanuyyānam disvā uyyānavicaraṇathāya cittam uppādetvā rañño saññam adāsi. Rājā uyyānam paṭijaggāpetvā ārakkham samvidahāpesi. Deviyā uyyānam paviṭṭhamattāya kāyadubbalyam ahosi, athassā maṅgalasālamūle sirīsayanam paññāpetvā sāṇiyā parikkhipim̄su. Sā (4.0131) antosāṇim pavi-

sitvā sālasākham̄ hatthena gahetvā aṭṭhāsi. Athassā tāvadeva gabbhavuṭṭhānam̄ ahosi.

Devā nam̄ paṭhamam̄ paṭiggaṇhantī khīṇāsavā suddhāvāsabrahmāno paṭiggaṇhanti. Katham̄? Sūtivesam̄ gaṇhitvāti eke. Tam̄ pana paṭikkhipitvā idam̄ vuttam̄-tadā bodhisattamātā suvaṇṇakhacitam̄ vattham̄ nivāsetvā macchakkhisadisam̄ dukūlapaṭam̄ yāva pādantāva pārupitvā aṭṭhāsi. Athassā sallahukam̄ gabbhavuṭṭhānam̄ ahosi dhammadakaṇato udakanikkhamanasadisam̄. Atha te pakatibrahmaveseneva upasaṅkamitvā paṭhamam̄ suvaṇṇajālena paṭiggahesum̄. Tesam̄ hatthato manussā dukūlacumbaṭakena paṭiggahesum̄. Tena vuttam̄- “devā nam̄ paṭhamam̄ paṭiggaṇhanti pacchā manussā”ti.

206. Cattāro nam̄ devaputtāti cattāro mahārājāno. **Paṭiggahetvāti** ajinappaveṇiyā paṭiggahetvā. **Mahesakkhoti** mahātejo mahāyaso lakkhaṇasampannoti attho.

Visadova nikhamatī yathā aññe sattā yonimagge laggantā bhaggavibhaggā nikhamanti, na evam̄ nikhamati, alaggo hutvā nikhamatīti attho. **Udenāti** udakena. **Kenaci asucināti** yathā aññe sattā kammajavātehi uddhampādā adhosirā yonimagge pakkittā sataporisanarakapapātām̄ patantā viya tālacakchidena nikkaḍḍhiyamānā hatthī viya mahādukkham̄ anubhavantā nānā-asucimakkhitāva nikhamanti, na evam̄ bodhisatto. Bodhisattañhi kammajavātā uddhampādam̄ adhosiram̄ kātum̄ na sakkonti. So dhammāsanato otaranto dhammadakathiko viya nisseṇito otaranto puriso viya ca dve hatthe ca pāde ca pasāretvā ṭhitakova mātukucchisambhavena kenaci asucinā amakkhitova nikhamati.

Udakassa dhārāti udakavaṭṭiyo. Tāsu sītā suvaṇṇakaṭāhe patati, uṇhā rajataκāṭāhe. Idañca pathavītale kenaci asucinā asammissam̄ tesam̄ pānīyaparibhojanīya-udakañceva aññehi asādhāraṇam̄ kīlana-udakañca dassetum̄ vuttaṁ. Aññassa pana suvaṇṇarajataghaṭehi āhariyamāna-udakassa ceva hamṣavaṭṭakā-dipokkharaṇigatassa ca udakassa paricchedo natthi.

207. Sampatijātoti (4.0132) muhuttajāto. Pāliyam̄ pana mātukucchito nikkhanta-matto viya dassito, na pana evam̄ daṭṭhabbaṁ. Nikkhantamattañhi tam̄ paṭhamam̄ brahmāno suvaṇṇajālena paṭiggaṇhim̄su, tesam̄ hatthato cattāro mahārājāno maṅgalasammatāya sukhasamphassāya ajinappaveṇiyā, tesam̄ hatthato manussā dukūlacumbaṭakena, manussānam̄ hatthato muccitvā pathaviyam̄ patiṭṭhito.

Setamhi chatte anudhāriyamāneti dibbasetacchatte anudhāriyamāne. Ettha ca chattassa parivārāni khaggādīni pañca rājakakudhabhaṇḍānipi āgatāneva. Pāliyam̄ pana rājagamane rājā viya chattameva vuttaṁ. Tesu chattameva paññā-yati, na chattaggāhakā. Tathā khagga-tālavanṭa-morahatthaka-vālabijani-uṇhisa-mattāyeva paññāyanti, na tesam̄ gāhakā. Sabbāni kira tāni adissamānarūpā devatā gaṇhim̄su. Vuttampi cetam̄-

“Anekasākhañca sahassamaṇḍalam̄,
chattam̄ marū dhārayumantalikkhe;
suvaṇṇadaṇḍā vipatanti cāmarā,
na dissare cāmarachattagāhakā”ti. (su. ni. 693);

Sabbā ca disāti idam sattapadavītihārūpari ṭhitassa viya sabbadisānuvilocanam vuttam, na kho panevam datthabbam. Mahāsatto hi manussānam hatthato muccitvā puratthimadisaṁ olokesi, anekacakkavālāsaḥassāni ekaṅgaṇāni ahesum. Tattha devamanussā gandhamālādīhi pūjayamānā- “mahāpurisa idha tumhehi sadisopi natthi, kuto uttaritaro”ti āhaṁsu. Evam catasso disā, catasso anudisā, heṭṭhā, uparīti dasapi disā anuviloketvā attanā sadisaṁ adisvā ayam uttarā disāti sattapadavītihārena agamāsīti evamettha attho datthabbo. **Āsabhinti** uttamam. **Aggoti** gunehi sabbapaṭhamo. Itarāni dve padāni etasseva vevacanāni. **Ayamantimā jāti, natthi dāni punabbhavoti** padadvayena imasmim attabhāvē pattabbam arahattam byākāsi.

Ettha (4.0133) ca samehi pādehi pathaviyam patiṭṭhānam catu-iddhipādaṭīlābhassa pubbanimittam, uttarābhīmukhabhāvo mahājanam ajjhottaritvā abhibhavītvā gamanassa pubbanimittam, sattapadagamanam sattabojjhāṅgaratanapaṭīlābhassa pubbanimittam, dibbasetačchattadhāraṇam vimutticchattapaṭīlābhassa pubbanimittam, pañcarājakakudhabhaṇḍāni pañcahi vimuttīhi vimuccanassa pubbanimittam, disānuvilocanam anāvaraṇañāṇapaṭīlābhassa pubbanimittam, āsabhīvācābhāsanam appaṭivattiyadhammacakkappavattanassa pubbanimittam. “Ayamantimā jāti”ti sīhanādo anupādisesāya nibbānadhātuyā parinibbānassa pubbanimittanti veditabbam. Ime vārā pāliyam āgatā, sambahulavāro pana āgato, āharitvā dīpetabbo.

Mahāpurisassa hi jātadivase dasasahassilokadhātu kampi. Dasasahassilokadhātumhi devatā ekacakkavāle sannipatiṁsu. Paṭhamam devā paṭiggahīṁsu, pacchā manussā. Tantibaddhā vīṇā cammabaddhā bheriyo ca kenaci avāditā sayameva vajjīṁsu, manussānam andubandhanādīni

khaṇḍākhaṇḍam bhijjim̄su. Sabbarogā ambilena dhotatambamalam viya viga-cchim̄su, jaccandhā rūpāni passim̄su. Jaccabadrī saddam̄ sunim̄su, pīṭhasappī javanasampannā ahesum̄, jātijalānampi eḷamūgānam̄ sati patiṭṭhāsi, videse pakkhandanāvā supaṭṭanam̄ pāpuṇim̄su, ākāsaṭṭhakabhūmaṭṭhakaratanāni saka-tejobhāsitāni ahesum̄, verino mettacittam̄ paṭilabhiṁsu, avīcimhi aggi nibbāyi. Lokantare āloko udapādi, nadīsu jalām na pavatti, mahāsamuddesu madhurasadiṁ udakam̄ ahosi, vāto na vāyi, ākāsapabbatarukkhagatā sakunā bhassitvā pathavīgatā ahesum̄, cando atiroci, sūriyo na uṇho na sītalo nimmalo utusampanno ahosi, devatā attano attano vimānadadvāre ṭhatvā apphoṭanaseṭanachelukkhepādīhi mahākīlam̄ kīlim̄su, cātuddīpikamahāmegho vassi, mahājanam̄ neva khudā na pipāsā pīlesi, dvārakavāṭāni sayameva vivarim̄su, pupphūpagaphalū-pagā rukkhā pupphaphalāni gaṇhiṁsu, dasasahassilokadhātu ekaddhajamālā ahosīti.

Tatrāpissa dasasahassilokadhātukampo sabbaññutaññāṇapaṭilābhassa pubbanimittam̄, devatānam̄ ekacakkavāle sannipāto dhammacakkappavattanakāle eka-ppahārena sannipatitvā dhammapaṭiggaṇhanassa pubbanimittam̄, paṭhamam̄ devatānam̄ (4.0134) paṭiggahaṇam̄ catunnam̄ rūpāvacarajjhānānam̄ paṭilābhassa pubbanimittam̄. Pacchā manussānam̄ paṭiggahaṇam̄ catunnam̄ arūpajjhānānam̄ paṭilābhassa pubbanimittam̄, tantibaddhavīññānam̄ sayam̄ vajjanam̄ anupubbavīhārapaṭilābhassa pubbanimittam̄, cammabaddhabherīnam̄ vajjanam̄ mahatiyā dhammabheriyā anussāvanassa pubbanimittam̄, andubandhanādīnam̄ chedo asmimānasamucchedassa pubbanimittam̄, sabbarogavigamo sabbakilesaviga-massa pubbanimittam̄, jaccandhānam̄ rūpadassanam̄ dibbacakkhupaṭilābhassa pubbanimittam̄, jaccabadrīnam̄ saddassavanaṁ dibbasotadhātupaṭilābhassa pubbanimittam̄, pīṭhasappīnam̄ javanasampadā catu-iddhipādādhigamassa pubbanimittam̄, jaṭānam̄ satipatiṭṭhānam̄ catusatipaṭṭhānapaṭilābhassa pubbanimittam̄, videsapakkhandanāvānam̄ supaṭṭanasampāpuṇanam̄ catupaṭisambhidādhigamassa pubbanimittam̄, ratanānam̄ sakatejobhāsitattam̄ yam̄ lokassa dhammo-bhāsam̄ dassessati tassa pubbanimittam̄.

Verīnam̄ mettacittapaṭilābho catubrahmavīhārapaṭilābhassa pubbanimittam̄, avīcimhi agginibbānam̄ ekādasa-agginibbānassa pubbanimittam̄, lokantarāloko avijjandhakāram̄ vidhamitvā ñāṇālokadassanassa pubbanimittam̄, mahāsamuddassa madhuratā nibbānarasena ekarasabhāvassa pubbanimittam̄, vātassa avā-yanaṁ dvāsaṭṭhidīṭṭhigatabhindanassa pubbanimittam̄, sakunānam̄ pathavīga-manam̄ mahājanassa ovādam̄ sutvā pāṇehi saraṇagamanassa pubbanimittam̄, candassa ativirocanam̄ bahujanakantatāya pubbanimittam̄, sūriyassa uṇhasitavi-vajjana-utusukhatā kāyikacetasiskasukhuppattiya pubbanimittam̄, devatānam̄ vimānadadvāresu apphoṭanādīhi kīlanam̄ buddhabhāvam̄ patvā udānam̄ udānassa pubbanimittam̄, cātuddīpikamahāmeghavassanam̄ mahato dhammameghavassanassa pubbanimittam̄, khudāpīlanassa abhāvo kāyagatāsati-amatapaṭilābhassa pubbanimittam̄, pipāsāpīlanassa abhāvo vimuttisukhena sukhitabhāvassa pubbanimittam̄, dvārakavāṭānam̄ sayameva vivaraṇam̄ aṭṭhaṅgikamaggadvāravivara-

ṇassa pubbanimittam, rukkhānam pupphaphalagahaṇam vimuttipupphehi pupphitassa ca sāmaññaphalabhārabharitabhāvassa ca pubbanimittam, dasasahassilo-kadhātuyā ekaddhajamālatā ariyaddhajamālāmālitāya pubbanimittanti veditabbam. Ayaṁ sambahulavāro nāma.

Ettha pañhe pucchanti- “yadā mahāpuriso pathaviyam patiṭṭhahitvā uttarābhīmukho gantvā āsabhim vācaṁ bhāsatī, tadā kiṁ pathaviyā gato (4.0135), udāhu ākāsenā? Dissamāno gato, udāhu adissamāno? Acelako gato, udāhu alaṅkata-ppaṭiyatto? Daharo hutvā gato, udāhu mahallako? Pacchāpi kiṁ tādisova ahosi, udāhu puna bāladārako”ti? Ayam pana pañho heṭṭhā lohapāsāde saṅghasann-pāte tipiṭakacūḍābhayattherena vissajjito. Thero kirettha niyati pubbekatakamma-issaranimmānavādavasena tam tam bahum vatvā avasāne evam byākāsi-“mahāpuriso pathaviyam gato, mahājanassa pana ākāse gacchanto viya ahosi. Dissamāno gato, mahājanassa pana adissamāno viya ahosi. Acelako gato, mahājanassa pana alaṅkata-ppaṭiyatto upaṭṭhāsi. Dharova gato, mahājanassa pana soḷasavassuddesiko viya ahosi. Pacchā pana bāladārakova ahosi, na tādiso”ti. Evam vutte parisā cassa “buddhena viya hutvā bho therena pañho kathito”ti attamanā ahosi. Lokantarikavāro vuttanayo eva.

Viditāti pākaṭā hutvā. Yathā hi sāvakā nahānamukhadhovanakhādanapivanādi-kāle anokāsagate atītasaṅkhāre nippadese sammasitum na sakkonti, okāsapattayevo sammasanti, na evam buddhā. Buddhā hi sattadivasabbhantare vavatthitasāṅkhāre ādito paṭṭhāya sammasitvā tilakkhaṇam āropetvā vissajjenti, tesam avipassitadhammo nāma natthi, tasmā “viditā”ti āha. Sesam sabbattha uttānamevāti.

Papañcasūdaniyā majjhimanikāyaṭṭhakathāya

Acchariya-abhutasuttavaṇṇanā niṭhitā.

4. Bākulاسuttavaṇṇanā

209. Evam me sutanti bākulasuttaṁ. Tattha bākuloti yathā dvāvīsatī dvattiṁsāti-ādimhi vattabbe bāvīsatī bāttīṁsāti-ādīni vuccanti, evameva dvikuloti vattabbe bākuloti vuttaṁ. Tassa hi therassa dve kulāni ahesum. So kira devaloko cavitvā kosambinagare nāma (4.0136) mahāsetṭhikule nibbatto, tamenam pañcame divase sīsam nhāpetvā gaṅgākīlam akāmsu. Dhātiyā dārakam udake nimujjanummujjanavasena kīlāpentiyā eko maccho dārakam disvā “bhakkho me ayan”ti maññamāno mukham vivaritvā upagato. Dhātī dārakam chaḍḍetvā palātā. Maccho tam gili. Puññavā satto dukkham na pāpuṇi, sayanagabbham pavisitvā nipanno viya ahosi. Maccho dārakassa tejena tattakapallam gilitvā dayhamāno viya vegena tiṁsayojanamaggam gantvā bārāṇasagaravāsino macchabandhassa jālam pāvisi, mahāmacchā nāma jālabaddhā pahariyamānā maranti.

Ayam pana dārakassa tejena jālato nīhaṭamattova mato. Macchabandhā ca mahantam maccham labhitvā phāletvā vikkinanti. Tam pana dārakassa ānubhāvena aphāletvā sakalameva kājena haritvā sahassena demāti vadantā nagare vicariṁsu. Koci na gaṇhāti.

Tasmim pana nagare aputtakam asītikoṭivibhavam setṭhikulam atthi, tassa dvāramūlam patvā “kim gahetvā dethā”ti vuttā kahāpaṇanti āhamṣu. Tehi kahāpaṇam datvā gahito. Setṭhibhariyāpi aññesu divasesu macche na kelāyati, tam divasam pana maccham phalake ṭhapetvā sayameva phālesi. Macchañca nāma kucchito phālenti, sā pana piṭṭhito phālentī macchakucchiyam suvaṇṇavaṇṇam dārakam disvā- “macchakucchiyam me putto laddho”ti nādam naditvā dārakam ādāya sāmikassa santikam agamāsi. Setṭhi tāvadeva bherim carāpetvā dārakam ādāya rañño santikam gantvā- “macchakucchiyam me deva dārako laddho, kim karomī”ti āha. Puññavā esa, yo macchakucchiyam arogo vasi, posehi nanti.

Assosi kho itaram kulam- “bārāṇasiyam kira ekam setṭhikulam macchakucchiyam dārakam labhatī”ti, te tattha agamamṣu. Athassa mātā dārakam alaṅkāritvā kīlāpiyamānam disvāva “manāpo vatāyam dārako”ti gantvā pavatim ācikkhi. Itarā mayham puttoti-ādimāha. Kaham te laddhoti? Macchakucchiyanti. No tuyham putto, mayham puttoti. Kaham te laddhoti? Mayā dasamāse kucchiyā dhārito, atha nam nadiyā kīlāpiyamānam (4.0137) maccho giliti. Tuyham putto aññena macchena gilito bhavissati, ayam pana mayā macchakucchiyam laddhoti, ubhopi rājakulam agamamṣu. Rājā āha- “ayam dasa māse kucchiyā dhāritattā amātā kātum na sakkā, maccham gaṇhantāpi vakkayakanādīni bahi katvā gaṇhantā nāma natthīti macchakucchiyam laddhattā ayampi amātā kātum na sakkā, dārako ubhinnampi kulānam dāyādo hotu, ubhopi nam jaggathā”ti ubhopi jaggimṣu.

Viññutam pattassa dvīsupi nagaresu pāsādam kāretvā nāṭakāni paccupatṭhā-pesum. Ekekasmim nagare cattāro cattāro māse vasati, ekasmim nagare cattāro māse vuṭṭhassa saṅghātanāvāya maṇḍapam kāretvā tattha nam saddhim nāṭakāhi āropenti. So sampattim anubhavamāno itaram nagaram gacchati. Tamnagaravāsino nāṭakāni upadḍhamaggam agamamṣu. Te paccuggantvā tam parivāretvā attano pāsādam nayanti. Itarāni nāṭakāni nivattitvā attano nagaram eva gacchanti. Tattha cattāro māse vasitvā teneva niyāmena puna itaram nagaram gacchati. Evamassa sampattim anubhavantassa asīti vassāni paripuṇṇāni.

Atha bhagavā cārikam caramāno bārāṇasim patto. So bhagavato santike dhammaṁ sutvā paṭiladdhasaddho pabbajito. Pabbajitvā sattāhameva puthujjano ahosi, aṭṭhame pana so saha paṭisambhidāhi arahattam pāpuṇti evamassa dve kulāni ahesum. Tasmā **bākuloti** saṅkham agamāsīti.

Purāṇagihisahāyoti pubbe gihikāle sahāyo. Ayampi dīghāyukova theram pabbajitam passitum gacchanto asītime vasse gato. **Methuno dhammoti** bālo naggasaṇako bālapuccham pucchat, na sāsanavacanam, idāni therena dinnanaye ṭhito **imehi pana teti** pucchi.

210. Yampāyasmāti-ādīni padāni sabbavāresu dhammasaṅgāhakatherehi niyametvā ṭhāpitāni. Tattha saññā uppannamattāva, vitakko kammapathabhedakoti (4.01

Thero panāha- “kasmā visum karotha, ubhayampetam kammapathabhedakamevā”ti.

211. Gahapaticīvaranti vassāvāsikam cīvaraṁ. **Satthenāti** pipphalakena. **Sūciyāti** sūciṁ gahetvā sibbitabhāvam na sarāmīti attho. **Kathine cīvaranti** kathinacīvaraṁ, kathinacīvarampi hi vassāvāsikagatikameva. Tasmā tattha “sibbitā nābhijānāmī”ti āha.

Ettakam panassa kālam gahapaticīvaraṁ asādiyatassa chindanasibbanādīni akarontassa kuto cīvaraṁ uppajjatīti. Dvīhi nagarehi. Thero hi mahāyasassī, tassa puttadhītaro nattapanattakā sukhumasāṭakehi cīvarāni kāretvā rajāpetvā samugge pakkipitvā pahiṇanti. Therassa nhānakāle nhānakotthake ṭhapenti. Thero tāni nivāseti ceva pārupati ca, purāṇacīvarāni sampattapabbajitānam deti. Thero tāni nivāsetvā ca pārupitvā ca navakammam na karoti, kiñci āyūhanakkammam natthi. Phalasamāpattim appetvā appetvā nisīdati. Catūsu māsesu pattesu lomakiliṭṭhāni honti, athassa puna teneva niyāmena pahiṇitvā denti. Aḍḍhamāse aḍḍhamāse parivattatītipi vadantiyeva.

Anacchariyañcetaṁ therassa mahāpuññassa mahābhiññassa satasahassa-kappe pūritapāramissa, asokadhammarāñño kulūpako nigrodhathero divasassa nikkhattum cīvaraṁ parivattesi. Tassa hi ticīvaraṁ hatthikkhandhe ṭhapetvā pañcahi ca gandhasamuggasatehi pañcahi ca mālāsamuggasatehi saddhim pātova āhariyittha, tathā divā ceva sāyañca. Rājā kira divasassa nikkhattum sāṭake parivattento “therassa cīvaraṁ nītan”ti pucchitvā “āma nītan”ti sutvāva parivattesi. Theropi na bhaṇḍikam bandhitvā ṭhapesi, sampattasabrahmačārīnam adāsi. Tadā kira jambudīpe bhikkhusaṅghassa yebhuyyena nigrodhasseva santakam cīvaraṁ ahosi.

Aho vata mam koci nimanteyyāti kim pana cittassa anuppādanam bhāriyam, uppannassa pahānanti. Cittam nāma lahukaparivattam, tasmā anuppādanam bhāriyam (4.0139), uppannassa pahānampi bhāriyameva. **Antaraghareti** mahāsa-kuludāyisutte (ma. ni. 2.237) indakhīlato paṭṭhāya antaragharam nāma idha nimbo-dakapatanaṭṭhānam adhippetam. Kuto panassa bhikkhā uppajjithāti. Thero dvīsu nagaresu abhiññāto, gehadvāram āgatassevassa pattam gahetvā nānārasabhojanassa pūretvā denti. So laddhaṭṭhānato nivattati, bhattakiccakaraṇaṭṭhānam panassa nibaddhameva ahosi. **Anubyañjanasoti** therena kira rūpe nimittaṁ gahetvā mātugāmo na olokitapubbo. **Mātugāmassa dhammadanti** mātugāmassa chappañcavācāhi dhammam desetum vaṭṭati, pañham putṭhena gāthāsaḥ-sampi vattum vaṭṭatiyeva. Thero pana kappiyameva na akāsi. Yebhuyyena hi

kulūpakatherānametam kammaṁ hoti. **Bhikkhunupassayanti** bhikkhuni-upassayam. Tam pana gilānapucchakena gantum vat̄tati, thero pana kappiyameva na akāsi. Esa nayo sabbattha. **CuṇṇenāTi** kosambacuṇṇādinā. **Gattaparikammeti** sarīrasambāhanakamme. **Vicāritāti** payojayitā. **Gaddūhanamattanti** gāvīm thane gahetvā ekam khīrabindum dūhanakālamattampi.

Kena pana kāraṇena thero nirābādho ahosi. Padumuttare kira bhagavati satasa-hassabhikkhuparivāre cārikam caramāne himavati visarukkhā pupphim̄su. Bhikkhusatasahassānampi tiṇapupphakarogo uppajjati. Thero tasmīm samaye iddhimā tāpaso hoti, so ākāsenā gacchanto bhikkhusaṅgham disvā otaritvā rogam pucchitvā himavantato osadham āharitvā adāsi. Upasiṅghanamatteneva rogo vūpasami. Kassapasammāsambuddhakālepi paṭhamavappadivase vappam ṭhapetvā bhikkhusaṅghassa paribhogam aggisālañceva vaccakuṭiñca kāretvā bhikkhusaṅghassa bhesajjavattam nibandhi, iminā kammena nirābādho ahosi. Ukkaṭhanesajjiko panesa ukkaṭhāraññako ca tasmā “nābhijānāmi apassenakam apassayitā”ti-ādimāha.

Saraṇoti sakileso. **Aññā udapādīti** anupasampannassa aññam byākātum na vat̄tati. Thero kasmā byākāsi? Na thero aham arahāti āha, aññā udapādīti panāha. Apica thero arahāti pākaṭo, tasmā evamāha.

212. Pabbajjanti (4.0140) thero sayam neva pabbājesi, na upasampādesi aññehi pana bhikkhūhi evam kārāpesi. **Avāpuraṇam ādāyāti** kuñcikam gahetvā.

Nisinnakova parinibbāyīti aham dharamānopi na aññassa bhikkhussa bhāro ahosim, parinibbutassāpi me sarīram bhikkhusaṅghassa palibodho mā ahositi tejo-dhātum samāpajjitvā parinibbāyi. Sarīrato jālā utṭhahi, chavimamsalohitaṁ sappi viya jhāyamānam parikkhayam gataṁ, sumanamakulasadisā dhātuyova avasesim̄su. Sesam sabbattha pākaṭameva. Idam pana suttam dutiyasaṅgahe saṅg-tanti.

Papañcasūdaniyā majjhimanikāyaṭṭhakathāya

Bākulassuttavaṇṇanā niṭhitā.

5. Dantabhūmisuttavaṇṇanā

213. Evam me sutanti dantabhūmisuttaṁ. Tattha **araññakuṭikāyanti** tasева veļuvanassa ekasmiṁ vivittaṭṭhāne padhānakammikānam bhikkhūnam atthāya katasenāsane. **Rājakumāroti** bimbisārassa putto orasako.

Phuseyyāti labheyya. **Ekaggatanti** evam paṭipanno samāpattiṁ nāma labhati, jhānam nāma labhatīti idam mayā sutanti vadati. **Kilamathoti** kāyakilamatho. **Vihe-sāti** sveva kilamatho vutto. **Yathāsake tiṭṭheyyāsīti** attano ajānanakoṭṭhāseyeva tiṭṭheyyāsīti.

214. Desesīti cittekaggataṁ nāma evam labhati, samāpattim evam nibbattetiti appanā-upacāram pāpetvā ekakasiṇaparikammam kathesi. **Pavedetvāti** pakāsetvā.

Nekkhammena ñātabbanti kāmato nissaṭaguṇena ñātabbam. Kāmato nissaṭaguṇe ṭhitena puggalena ekaggam nāma jānitabbanti adhippāyenetaṁ vuttaṁ (4.014) Sesāni tasseva vevacanāni. **Kāme paribhuñjantoti** duvidhepi kāme bhuñjamāno.

215. Hatthidammā vā assadammā vā godammā vāti ettha adantahatthidammādayo viya cittekaggarahitā puggalā daṭṭhabbā. Dantahatthi-ādayo viya cittekaggasampannā. Yathā adantahatthidammādayo kūṭākāram akatvā dhuram achaḍdetvā dantagamanam vā gantum, dantehi vā pattabbam bhūmim pāpuṇitum na sakkonti, evameva cittekaggarahitā sampannacittekaggehi nibbattitagunam vā nibbattetum pattabhūmim vā pāpuṇitum na sakkonti.

216. Hatthavilaṅghakenāti hatthena hattham gahetvā.

Daṭṭheyanti passitabbayuttakam. **Āvutoti** āvarito. **Nivutoti** nivārito. **Ophuṭoti** onaddho.

217. Nāgavanikanti hatthipadopame (ma. ni. 1.288 ādayo) nāgavanacarako puriso “nāgavaniko”ti vutto, idha hatthisikkhāya kusalo hathim gahetum samattho. **Atipassitvāti** disvā. **Etthagedhāti** etasmim pavattagedhā. **Sarasāṅkappānanti** dhāvanasaṅkappānam. **Manussakantesu silesu samādapanāyāti** ettha yadā nāgo itthipurisehi kumārakumārikāhi soṇḍādīsu gahetvā upakeṭayamāno vikāram na karoti sukhāyati, tadānena manussakantāni sīlāni samādinnāni nāma honti.

Pemanīyāti tāta rājā te pasanno maṅgalahatthiṭṭhāneva ṭhapessati, rājārahāni bhojanādīni labhissasiti evarūpī nāgehi piyāpitabbā kathā. **Sussūsatīti** tam pemanīyakathaṁ sotukāmo hoti. **Tiṇaghāsodakanti** tiṇaghāsañceva udakañca, **tiṇaghāsanti** ghāsitabbam tiṇam, khāditabbanti attho.

Pañavoti diṇḍimo. **Sabbavaṅkadosanihitannitakasāvoti** nihitasabbavaṅkadoso ceva apanitakasāvo ca. **Aṅganteva saṅkham gacchatīti** aṅgasamo hoti.

219. Gehasitasīlānanti (4.0142) pañcakāmaguṇanissitasīlānam. **Ñāyassāti** atṭhaṅgikamaggassa.

222. Adantamaranam mahallako rañño nāgo kālaṅkatoti rañño mahallako nāgo adantamaranam mato kālam kato hoti, adantamaranam kālamkiriyaṁ nāma kariyatīti ayamettha attho. Esa nayo sabbattha. Sesaṁ uttānamevāti.

Papañcasūdaniyā majjhimanikāyaṭṭhakathāya

Dantabhūmisuttavaṇṇanā niṭṭhitā.

6. Bhūmijasuttavaṇṇanā

223. Evam me sutanti bhūmijasuttaṁ. Tattha **bhūmijoti** ayam theroyasenarāja-

kumārassa mātulo. **Āsañca anāsañcāti** kālena āsam kālena anāsam. **Sakena thālī-pākenāti** pakatipavattāya bhikkhāya attano niṭhitabhattatopi bhatteva parivisi. Sesam sabbattha uttānamevāti.

Papañcasūdaniyā majjhimanikāyaṭṭhakathāya

Bhūmijasuttavaṇṇanā niṭhitā.

7. Anuruddhasuttavaṇṇanā

230. Evam me sutanti anuruddhasuttam. Tattha **evamāhamṣūti** tassa upāsakassa aphāsukakālo ahosi, tadā upasaṅkamitvā evamāhamṣu. **Apaññakanti** avirādhitaṁ. **Ekatthāti** appamāṇāti vā mahaggatāti vā jhānameva cittekaggatāyeva evam vuccatīti imam sandhāya evamāha.

231. Yāvatā (4.0143) **ekam rukkhamūlam mahaggatanti pharitvā adhimuccitvā viharatīti** ekarukkhamūlapamāṇatthānam kasiṇanimitta na ottharitvā tasmiṁ kasiṇanimitte mahaggatajjhānam pharitvā adhimuccitvā viharati. Mahaggatanti panassa ābhogo natthi, kevalam mahaggatajjhānapavattivasena panetam vuttam. Esa nayo sabbattha. **Iminā kho etam gahapati paryāyenāti** iminā kāraṇena. Ettha hi appamāṇāti vuttānam brahmavihārānam nimitta na vadḍhati, ugghāṭanam na jāyati, tāni jhānāni abhiññānam vā nirodhassa vā pādakāni na honti, vipassanāpādakāni pana vatṭapādakāni bhavokkamanāni ca honti. “Mahaggatā”ti vuttānam pana kasiṇajjhānānam nimitta na vadḍhati, ugghāṭanam jāyati, samatikkamā honti, abhiññāpādakāni nirodhapādakāni vatṭapādakāni bhavokkamanāni ca honti. Evamime dhammā nānatthā, appamāṇā mahaggatāti evam nānābyañjanā ca.

232. Idāni mahaggatasamāpattito nīharitvā bhavūpapattikāraṇam dassento **catasso** kho **imāti-ādimāha**. **Parittābhāti** pharitvā jānantassa ayamābhogo atthi, parittābhesu pana devesu nibbattikāraṇam jhānam bhāvento evam vutto. Esa nayo sabbattha. Parittābhā siyā samkiliṭṭhābhā honti siyā parisuddhābhā, appamāṇābhā siyā samkiliṭṭhābhā honti siyā parisuddhābhā. Katham? Suppamatte vā sarāvamatte vā kasiṇaparikammam katvā samāpatti nibbattetvā pañcahākārehi āciṇṇavasibhāvo paccanīkadhammānam suṭṭhu aparisodhitattā dubbalameva samāpatti vaļañjitvā appaguṇajjhāne ṭhito kālam katvā parittābhesu nibbattati, vanṇo panassa paritto ceva hoti samkiliṭṭho ca. Pañcahi panākārehi āciṇṇavasibhāvo paccanīkadhammānam suṭṭhu parisodhitattā suvisuddham samāpatti vaļañjitvā paguṇajjhāne ṭhito kālam katvā parittābhesu nibbattati, vanṇo panassa paritto ceva hoti parisuddho ca. Evam parittābhā siyā samkiliṭṭhābhā honti siyā parisuddhābhā. Kasiṇe pana vipulaparikammam katvā samāpatti nibbattetvā pañcahākārehi āciṇṇavasibhāvoti sabbam purimasadisameva veditabbam. Evam appamāṇābhā siyā samkiliṭṭhābhā honti siyā parisuddhābhāti.

Vaṇṇanānattanti (4.0144) sarīravaṇṇassa nānattam. **No ca ābhānānattanti** āloke nānattam na paññāyati. **Accinānattanti** dīgharassa-aṇuthūlavasena acciyā nānattam.

Yattha yatthāti uyyānavimānakapparukkhanadītīrapokkharaṇītiresu yattha yattha. **Abhinivisantīti** vasanti. **Abhiramantīti** ramanti na ukkaṇṭhanti. **Kājenāti** yāgubhattatelaphāṇitamacchamaṇsakājesu yena kenaci kājena. “Kācenāti” pi pāṭho, ayameva attho. **Piṭakenāti** pacchiyā. **Tattha tatthevāti** sappimadhuphāṇītādīnam sulabhaṭṭhānato loṇapūtimacchādīnam ussannaṭṭhānam nītā “pubbe amhākām vasanaṭṭhānam phāsukām, tattha sukham vasimhā, idha loṇam vā no bādhati pūtimacchagandho vā sisarogām uppādeti”ti evam cittam anuppādetvā tattha tattheva ramanti.

234. Ābhāti ābhāsampannā. **Tadaṅgenāti** tassā bhavūpapattiya aṅgena, bhavūpapattikāraṇenāti attho. Idāni tam kāraṇam pucchanto ko nu kho, **bhanteti-ādi-māha**.

Kāyaduṭṭhullanti kāyālasiyabhāvo. **Jhāyatoti** jalato.

235. Dīgharattam kho meti therō kira pāramiyo pūrente isipabbajjam pabbajitvā samāpattim nibbattetvā nirantaram tīṇi attabhāvasatāni brahmaloke paṭilabhi, tam sandhāyetam āha. Vuttampi cetam-

“Avokiṇṇam tīṇi sataṁ, yaṁ pabbajim isipabbajjam;
asaṅkhataṁ gavesanto, pubbe sañcaritam mama”ti.

Sesam sabbattha uttānamevāti.

Papañcasūdaniyā majjhimanikāyaṭṭhakathāya

Anuruddhasuttavaṇṇanā niṭṭhitā.

8. Upakkilesasuttavaṇṇanā

236. Evaṁ me sutanti upakkilesasuttaṁ. Tattha **etadavocāti** neva bhedādhippā-
yena na piyakamyatāya, atha khvāssa etadahosi- “ime bhikkhū (4.0145) mama
vacanam gahetvā na oramissanti, buddhā ca nāma hitānukampakā, addhā nesam
bhagavā ekaṁ kāraṇam kathessati, tam sutvā ete oramissanti, tato tesam phāsu-
vihāro bhavissati”ti. Tasmā etam “idha, bhante”ti-ādivacanamavoca. **Mā bhaṇḍana-**
nti-ādīsu “akatthā”ti pāṭhasesam gahetvā “mā bhaṇḍanam akatthā”ti evam attho
daṭṭhabbo. **Aññataroti** so kira bhikkhu bhagavato atthakāmo, ayam kirassa adhi-
ppāyo- “ime bhikkhū kodhābhībhūtā satthu vacanam na gaṇhanti, mā bhagavā
ete ovadanto kilamī”ti, tasmā evamāha.

Piṇḍāya pāvisīti na kevalam pāvisi, yenapi janena na dittho, so mām passatū-
tipi adhitthāsi. Kimattham adhitthāsīti? Tesam bhikkhūnam damanattham.
Bhagavā hi tadā piṇḍapātappaṭikkanto “puthusaddo samajano”ti-ādigāthā
bhāsitvā kosambito bālakaloṇakāragāmam gato. Tato pācīnavamṣadāyam, tato
pālileyyakavanasaṇḍam gantvā pālileyyahatthināgena upaṭṭhahiyamāno temāsam
vasi. Nagaravāsinopi- “satthā vihāram gato, gacchāma dhammassavanāyā”ti
gandhapupphahatthā vihāram gantvā “kaham, bhante, satthā”ti pucchiṃsu.
“Kaham tumhe satthāram dakkhatha, satthā ‘ime bhikkhū samagge karissāmī’ti
āgato, samagge kātum asakkonto nikkhmitvā gato”ti. “Mayam satampi saha-
ssampi datvā satthāram ānetum na sakkoma, so no ayācito sayameva āgato,
mayam ime bhikkhū nissāya satthu sammukhā dhammakathaṁ sotum na
labhimhā. Ime satthāram uddissa pabbajitā, tasmimpi sāmaggiṁ karonte
samaggā na jātā, kassāññassa vacanam karissanti. Alam na imesaṁ bhikkhā
dātabbā”ti sakalanagare daṇḍam ṭhapayiṃsu. Te punadivase sakalanagaram
piṇḍāya caritvā kaṭacchumattampi bhikkham alabhitvā vihāram āgamamāsu. Upā-
sakāpi te puna āhamāsu- “yāva satthāram na khamāpetha, tāva vo tameva daṇḍa-
kamman”ti. Te “satthāram khamāpessāmā”ti bhagavati sāvatthiyam anuppatte
tattha agamamāsu. Satthā tesam aṭṭhārasa bhedakaravatthūni desesīti ayamettha
pālīmuttakakathā.

237. Idāni puthusaddoti-ādigāthāsu puthu mahāsaddo assāti puthusaddo. **Sama-**
janoti samāno ekasadiso jano, sabbovāyam bhaṇḍanakārakajano (4.0146) sama-
ntato saddaniccharaṇena puthusaddo ceva sadiso cāti vuttam hoti. **Na bālo koci**
maññathā Ti tatra koci ekopi aham bāloti na maññati, sabbepi paṇḍitamāninoyeva.
Nāññam bhiyyo amaññarunti koci ekopi aham bāloti na ca maññi, bhiyyo ca
saṅghasmim bhijjamāne aññampi ekam “mayham kāraṇā saṅgo bhijjatī”ti idam
kāraṇam na maññiti attho.

Parimuṭṭhāti muṭṭhassatino. **Vācāgocarabhāṇinoti** rākārassa rassādeso kato;
vācāgocarāva, na satipaṭṭhānagocarā, bhāṇino ca, katham bhāṇino? **Yāvicchanti**
mukhāyāmam, yāva mukham pasāretum icchanti, tāva pasāretvā bhāṇino, ekopi
saṅghagāravena mukhasaṅkocanam na karotīti attho. **Yena nītāti** yena kalahena

imam nillajjabhavam nitā. **Na tam vidū** na tam jānanti “evam sādīnavo ayan”ti.

Ye ca tam upanayhantīti tam akkocchi manti-ādikam ākāram ye upanayhanti. **Sanantanoti** porāno.

Pareti pañdite ṭhapetvā tato aññe bhañdanakārakā pare nāma. Te ettha saṅghamajhe kalaham karontā “mayam yamāmase upayamāma nassāma satataṁ samitaṁ maccusantikam gacchāmā”ti na jānanti. **Ye ca tattha vijānāntīti** ye ca tattha pañditā “mayam maccuno samīpaṁ gacchāmā”ti vijānanti. **Tato sammanti medhagāti** evañhi te jānātā yonisomanasikāram uppādetvā medhagānam kala-hānam vūpasamāya paṭipajjanti.

Aṭṭhicchinnañāti ayam gāthā jātake (jā. 1.9.16) āgatā, brahmadattañca dīghāvukumārañca sandhāya vuttā. Ayañhettha attho- tesampi tathā pavattaverānam hoti saṅgati, kasmā tumhākam na hoti, yesam vo neva mātāpitūnam aṭṭhīni chinnāni, na pāṇā haṭā na gavāssadhanāni haṭānīti.

Sace (4.0147) **labhethāti-ādigāthā** pañditasahāyassa ca bālasahāyassa ca vaṇṇāvaṇṇādīpanattham vuttā. **Abhibhuya sabbāni parissayānīti** pākaṭapari-ssaye ca paṭicchannaparissaye ca abhibhavitvā tena saddhim attamano satimā careyyāti.

Rājāva ratṭham vijitanti yathā attano vijitaratṭham mahājanakarājā ca arindama-mahārājā ca pahāya ekakā vicarim̄su, evam vicareyyāti attho. **Mātaṅgaraññeva nāgoti** mātaṅgo araññe nāgova. **Mātaṅgoti** hatthi vuccati. **Nāgoti** mahantādhivacanametam. Yathā hi mātuposako mātaṅganāgo araññe eko cari, na ca pāpāni akāsi, yathā ca pālileyyako, evam eko care, na ca pāpāni kayirāti vuttam hoti.

238. Bālakaloṇakāragāmoti upāligahapatissa bhogagāmo. **Tenupasaṅkamīti** kasmā upasaṅkami? Gaṇe kirassa ādīnavam disvā ekavihārim bhikkhum passitukāmatā udapādi, tasmā sītādīhi pīlito uṇhādīni patthayamāno viya upasaṅkami. **Dhammiyā kathāyāti** ekibhāve ānisamsappaṭisamayuttāya. Yena pācīnavam-sādāyo, tattha kasmā upasaṅkami? Kalahakārake kirassa diṭṭhādīnavattā samaggavāsino bhikkhū passitukāmatā udapādi, tasmā sītādīhi pīlito uṇhādīni patthayamāno viya tattha upasaṅkami. **Āyasmā ca anuruddhoti-ādi** vuttanayameva.

241. Atthi pana voti pacchimapucchāya lokuttaradhammam puccheyya. So pana therānam natthi, tasmā tam pucchitum na yuttanti parikammobhāsam pucchati. **Obhāsañceva sañjānāmāti** parikammobhāsam sañjānāma. **Dassanañca rūpānanti** dibbacakkunā rūpadassanañca sañjānāma. **Tañca nimittam nappaṭivijjhāmāti** tañca kāraṇam na jānāma, yena no obhāso ca rūpadassanañca antaradhāyati.

Tam kho pana vo anuruddhā nimittam paṭivijjhitabbanti tam vo kāraṇam jāni-tabbam. **Ahampi sudanti** anuruddhā tumhe kiṁ na ālulessanti, ahampi imehi ekādasahi upakkilesehi ālulitapubboti dassetum imam desanam (4.0148) ārabhi. **Vicikicchā kho meti-ādīsu** mahāsattassa ālokaṁ vadḍhetvā dibbacakkunā nānāvi-dhāni rūpāni disvā “idam kho kin”ti vicikicchā udapādi. **Samādhi cavī** Ti parika-mmāsāmādhi cavi. **Obhāsoti** parikammobhāsopi antaradhāyi, dibbacakkunāpi rūpam na passi. **Amanasikāroti** rūpāni passato vicikicchā uppajjati, idāni kiñci na

manasikarissāmīti amanasikāro udapādi.

Thinamiddhanti kiñci amanasikarontassa thinamiddham udapādi.

Chambhitattanti himavantābhimukham ālokaṁ vadḍhetvā dānavarakkhasa-ajagarādayo addasa, athassa chambhitattam udapādi.

Uppilanti “mayā diṭṭhabhayam pakatiyā olkiyamānam natthi. Adiṭṭhe kiṁ nāma bhayan”ti cintayato uppilāvitattam udapādi. **Sakidevāti** ekapayogeneva pañca nidhikumbhiyopi passeyya.

Duṭṭhullanti mayā vīriyam gālham paggahitam, tena me uppilaṁ uppannanti vīriyam sithilamakāsi, tato kāyadaratho kāyaduṭṭhullam kāyālasiyam udapādi.

Accāraddhavīriyanti mama vīriyam sithilaṁ karoto duṭṭhullam uppannanti puna vīriyam paggañhato accāraddhavīriyam udapādi. **Patameyyāti** mareyya.

Atilinavīriyanti mama vīriyam paggañhato evam jātanti puna vīriyam sithilaṁ karoto atilinavīriyam udapādi.

Abhijappāti devalokābhimukham ālokaṁ vadḍhetvā devasaṅgham passato taṇhā udapādi.

Nānattasaññāti mayhaṁ ekajātikam rūpam manasikarontassa abhijappā uppannā, nānāvidharūpam manasi karissāmīti kālena devalokābhimukham kālena manussalokābhimukham vadḍhetvā nānāvidhāni rūpāni manasikaroto nānattasaññā udapādi.

Atinijjhāyitattanti mayhaṁ nānāvidhāni rūpāni manasikarontassa nānattasaññā udapādi, ittham vā anittham vā ekajātikameva manasi karissāmīti tathā manasikaroto atinijjhāyitattam rūpānam udapādi.

243. Obhāsanimittam (4.0149) **manasi karomīti** parikammobhāsameva manasi karomi. **Na ca rūpāni passāmīti** dibbacakkunā rūpāni na passāmi. **Rūpanimittam manasi karomīti** dibbacakkunā visayarūpameva manasi karomi.

Parittañceva obhāsanti parittakaṭṭhāne obhāsam. **Parittāni ca rūpānīti** parittakaṭṭhāne rūpāni. Vipariyāyena dutiyavāro veditabbo. **Paritto samādhīti** parittako parikammobhāso, obhāsaparittatañhi sandhāya idha parikammasamādhi “paritto”ti vutto. **Parittam me tasmiṁ samayeti** tasmiṁ samaye dibbacakkupi parittakam hoti. Appamāṇavārepi eseva nayo.

245. Avitakkampi vicāramattanti pañcakanaye dutiyajjhānasamādhiṁ. **Avitakkampi avicāranti** catukkanayepi pañcakanayepi jhānattayasamādhiṁ. **Sappitikanti** dukatikajjhānasamādhiṁ. **Nippitikanti** dukajjhānasamādhiṁ. **Sātasahagatanti** tikacatukkajjhānasamādhiṁ. **Upekkhāsahagatanti** catukkanaye catutthajjhānasamādhiṁ pañcakanaye pañcamajjhānasamādhiṁ.

Kadā pana bhagavā imam tividham samādhiṁ bhāveti? Mahābodhimūle nisinno pacchimayāme. Bhagavato hi paṭhamamaggo paṭhamajjhāniko ahosi, dutiyādayo dutiyatatiyacatutthajjhānikā. Pañcakanaye pañcamajjhānassa maggo natthīti so lokiyo ahosīti lokiyalokuttaramissakam sandhāyetam vuttaṁ. Sesam sabbattha uttānamevāti.

Papañcasūdaniyā majjhimanikāyatthakathāya

Upakkilesasuttavaṇṇanā niṭṭhitā.

9. Bālapaṇḍitasuttavaṇṇanā

246. Evam me sutanti bālapaṇḍitasuttam. Tattha **bālalakkhaṇānīti** bālo ayanti etehi lakkhiyati ñāyatīti bālalakkhaṇāni. Tāneva tassa sañjānanakāraṇānīti **bālanimittāni**. Bālassa apadānānīti **bālāpadānāni** (4.0150). **Duccintitacintīti** cintayanto abhijjhābyāpādamicchādassanavasena duccintitameva cinteti. **Dubbhāsitabhāsīti** bhāsamānopi musāvādādibhedam dubbhāsitameva bhāsatī. **Dukkaṭakammakārīti** karontopi pāṇātipātādivasena dukkaṭakammameva karoti. **Tatra ceti** yattha nisinno, tassam parisati. **Tajjam tassāruppanti** tajjātikam tadanucchavikam, pañcannam verānam diṭṭhadhammakasamparāyika-ādīnavappaṭisamuyuttanti adhippāyo. **Tatrāti** tāya kathāya kacchamānāya. **Bālanti-ādīni** sāmi-atthe upayoga-vacanam.

248. Olambantīti upatthahanti. Sesapadadvayaṁ tasева vevacanam, olambānādi-ākārena hi tāni upatthahanti, tasmā evam vuttam. **Pathaviyā olambantī** pathavitale pattharanti. Sesapadadvayaṁ tasева vevacanam. Pattharaṇākāro-yeva hesa. **Tatra, bhikkhave, bālassāti** tasmiṁ upatthānākāre āpāthagate bālassa evam hoti.

249. Etadavocāti anusandhikusalo bhikkhu “nirayassa upamā kātum na sakkā”-ti na bhagavā vadati, “na sukarā”ti pana vadati, na sukarām pana sakkā hoti kātum, handāhaṁ dasabalaṁ upamām kārāpemīti cintetvā etam “sakkā, bhante”ti vacanam avoca. **Haneyyunti** vinivijjhītvā gamanavasena yathā ekasmiṁ thāne dve pahārā nipatanti, evam haneyyūm. Tenassa dve vaṇamukhasatāni honti. Ito uttaripi eseva nayo.

250. Pāṇimattanti antomuṭhiyam thapanamattam. **Saṅkhampi na upeti** gaṇamattampi na gacchat. **Kalabhāgampīti** satimam kalam sahassimam kalam sata-sahassimam vā kalam upagacchatītipi vattabbataṁ na upeti. **Upanidhampīti** upanikkhepanamattampi na upeti, olokentassa olokitamattampi natthi. **Tattam Ayokhi-lanti** tigāvutam attabhāvam sampajjalitāya lohapatthavyā uttānakam nipajjāpetvā tassa dakkhiṇahatthe tālappamāṇam ayasūlam pavesenti, tathā vāmahatthādīsu. Yathā ca uttānakam nipajjāpetvā, evam urenapi dakkhiṇapassenapi vāmapasse-napi nipajjāpetvā tam kammakāraṇam karontiyeva. **Samvesetvāti** sampajjalitāya lohapatthavyā tigāvutam attabhāvam nipajjāpetvā. **Kuṭhārīhīti** mahatīhi gehassa ekapakkhachadanamattāhi kuṭhārīhi tacchanti. Lohitam nadī hutvā sandati, lohapatthavito jālā uṭṭhahitvā tacchitaṭṭhānam gaṇhanti. Mahādukkham uppajjati, tacchantā (4.0151) pana suttāhatam karitvā dārū viya aṭṭhamṣampi chaṭṭamaṁ sampi karonti. **Vāsīhīti** mahāsuppamāṇāhi vāsīhi. Tāhi tacchantā tacato yāva aṭṭhīni saṇikam tacchanti, tacchitam tacchitam paṭipākatikam hoti. **Rathe yojetvā** Ti saddhim yugayottapañcaracakkakubbarapācanehi sabbato sampajjalite rathe yojetvā. **Mahantanti** mahākūṭāgārappamāṇam. **Āropentīti** sampajjalitehi ayamug-garehi potentā āropenti. **Sakimpi uddhanti** supakkuthitāya ukkhaliyā pakkhittata-ṇḍulā viya uddham adho tiriyañca gacchat.

Bhāgaso mitoti bhāge ṭhapetvā ṭhapetvā vibhatto. **Pariyantoti** parikkhitto. **Aya-sāti** upari ayapaṭṭena chādito.

Samantā yojanasataṁ pharitvā tiṭṭhatīti evam pharitvā tiṭṭhati, yathā samantā yojanasate thāne ṭhatvā olokentassa akkhīni yamakagoḷakā viya nikhamanti.

Na sukarā akkhānenā pāpuṇitunti nirayo nāma evampi dukkho evampi dukkhoti vassasataṁ vassasahassam kathentenāpi matthakam pāpetvā kathetum na sukarāti attho.

251. Dantullehakanti dantehi ullehitvā, luñcitvāti vuttam hoti. **Rasādoti** rasagedhena paribhuttaraso.

252. Aññamaññakhādikāti aññamaññakhādānam.

Dubbaññotīti durūpo. **Duddasikoti** dārakānam bhayāpanattham katayakkho viya duddaso. **Okoṭimakoti** lakuṇḍako paviṭṭhagīvo mahodaro. **Kāṇotīti** ekakkhikāṇo vā ubhayakkhikāṇo vā. **Kuṇīti** ekahatthakunī vā ubhayahatthakuṇī vā. **Pakkhahatotīti**

pīthasappī. So kāyenāti idamassa dukkhānupabandhadassanattham āraddham.

Kaliggahenāti parājayena. Adhibandham nigaccheyyāti yasmā bahum jito sabbasāpateyyampissa nappahoti, tasmā attanāpi bandham nigaccheyya. Kevalā paripūrā bālabhūmīti bālo tīni duccaritāni pūretvā (4.0152) niraye nibbattati, tattha pakkāvesesena manussattam āgato pañcasu nīcakulesu nibbattitvā puna tīni duccaritāni pūretvā niraye nibbattatīti ayam sakalā paripuṇṇā bālabhūmi.

253. Pañditalakkhaṇānīti-ādi vuttānusāreneva veditabbam. **Sucintitacintīti-ādīni** cettha manosucaritādīnam vasena yojetabbāni.

Cakkaratanavaṇṇanā

256. Sīsaṁ nhātassāTi sīsena saddhiṁ gandhodakena nhātassa. **Uposathikasāti** samādinna-uposathaṅgassa. **UparipāsādavaragatassāTi** pāsādavarassa upari gatassa subhojanaṁ bhūñjitvā pāsādavarassa upari mahātale sirīgabbham pavisitvā sīlāni āvajjantassa. Tadā kira rājā pātova satasahassam vissajjetvā mahādānam datvā punapi soḷasahi gandhodakaghaṭehi sīsaṁ nhāyitvā katapātarāso suddham uttarāsaṅgam ekāṁsam̄ katvā uparipāsādassa sirīsayane pallaṅkam̄ ābhujitvā nisinno attano dānamayapuññasamudayaṁ āvajjetvā nisidati, ayam sabbacakkavattinam dhammatā.

Tesaṁ tam āvajjantānamyeva vuttappakārapuññakammapaccayam utusamuṭṭhānam nilamaṇisaṅghāṭasadisam pācīnasamuddajalatalam chindamānam viya ākāsam̄ alaṅkurumānam viya dibbaṁ cakkaratanam pātubhavati. Tayidaṁ dibbā-nubhāvayuttattā **dibbanti** vuttaṁ. Sahassam assa arānanti **sahassāram**. Saha nemiyā saha nābhīyā cāti **sanemikam̄ sanābhikam̄**. Sabbehi ākārehi paripūranti **sabbākāraparipūram**.

Tattha cakkañca tam ratijananaṭṭhena ratanañcāti **cakkaratanam**. Yāya pana tam nābhīyā “sanābhikan”ti vuttaṁ, sā indanilamaṇimayā hoti. Majjhe panassā rajatamayā panāli, yāya suddhasiniddhadantapantiyā hasamānam viya virocati. Majjhe chiddena viya candamaṇḍalena ubhosupi bāhirantesu rajatapaṭṭena kata-parikkhepo hoti. Tesu panassā nābhipanāli parikkhepapaṭṭesu yuttaṭṭhāne pari-cchedalekhā suvibhattāva hutvā paññāyanti. Ayam tāvassa nābhīyā sabbākāraparipūratā.

Yāya pana tam nemiyā saha “sanemikan”ti vuttaṁ, sā bālasūriyaramsikalāpasirīm avahasamānā viya surattasuddhasiniddhapavāṭamayā hoti. Sandhīsu panassā sañjhārāgasassirikarattajambonadapaṭṭā vaṭṭaparicchedalekhā ca suvibhattā paññāyanti. Ayamassa nemiyā sabbākāraparipūratā.

Nemimaṇḍalapiṭṭhiyam panassa dasannam dasannam arānamantare dhamanavāṁso viya antosusiro chiddamaṇḍalacitto vātagāhī pavāṭadaṇḍo hoti, yassa vātena paharitassa sukusalasamannāhatassa pañcaṅgikatūriyassa viya saddo

vaggu ca rajañīyo ca kamañīyo ca hoti. Tassa kho pana pavāladañdassa upari setacchattam, ubhosu passesu samosaritakusumadāmapantiyoti evam samosari-takusumadāmapantisatadvayaparivārena setacchattasatadhārinā pavāladañdasa-tena samupasobhitanemiparikkhepassa dvinnampi nābhipanālīnam anto dve sīha-mukhāni honti, yehi tālakkhandhappamāṇā puṇṇacandakiraṇakalāpasassirikā taruṇaravisamānarattakambalageṇḍukapariyantā ākāsagaṅgāgatisobham abhi-bhavamānā viya dve muttakalāpā olambanti, yehi cakkaratanena saddhim ākāse samparivattamānehi tīṇi cakkāni ekato parivattantāni viya khāyanti. Ayamassa sabbaso sabbākāraparipūratā.

Tam panetam evam sabbākāraparipūram pakatiyā sāyamāsabhattam bhuñjitvā attano attano gharadvāre paññattāsaneshu nisīditvā pavattakathāsallāpesu manussesu vīthicatukkādīsu kīlamāne dārakajane nāti-uccena nātinīcena vanasañda-matthakāsannena ākāsappadesena upasobhayamānam viya rukkhasākhaggāni, dvādasayojanato paṭṭhāya suyyamānena madhurassarena sattānam sotāni odhā-payamānam yojanato paṭṭhāya nānappabhāsamudayasamujjalena vaṇṇena naya-nāni samākaddhantam (4.0154) rañño cakkavattissa puññānubhāvam ugghosa-yantam viya rājadhāni-abhimukham āgacchati.

Atha tassa cakkaratanassa saddassavaneneva “kuto nu kho, kassa nu kho ayam saddo”ti āvajjitahadayānam puratthimadisam olokayamānānam tesam manussānam aññataro aññataram evamāha- “passa bho acchariyam, ayaṁ puṇṇacando pubbe eko uggacchati, ajja pana attadutiyo uggato, etañhi rājahaṁsa-mithunaṁ viya puṇṇacandamithunaṁ pubbāpariyena gaganatalam abhilaṅghati”ti. Tamañño āha- “kiṁ kathesi samma kahaṁ nāma tayā dve puṇṇacandā ekato uggacchantā diṭṭhapubbā, nanu esa tapanīyaramsidihāro piñcharakiraṇo divākaro uggato”ti. Tamañño sitam katvā evamāha- “kiṁ ummattosi, nanu kho idānimeva divākaro atthaṅgato, so kathaṁ imam puṇṇacandam anubandhamāno uggacchi-sati, addhā panetam anekaratanappabhāsamujjalam ekassa puññavato vimānam bhavissati”ti. Te sabbepi apasādayantā aññe evamāhaṁsu- “kiṁ bahum vippalapatha, nevesa puṇṇacando, na sūriyo na devavimānam. Na hetesam evarūpā siri-sampatti atthi, cakkaratanena panetena bhavitabban”ti.

Evam pavattasallāpasseva tassa janassa candamañdalam ohāya tam cakkaratanam abhimukham hoti. Tato tehi “kassa nu kho idam nibbattan”ti vutte bhavanti vattāro- “na kassaci aññassa, nanu amhākaṁ rājā pūritacakavattivatto, tassetam nibbattan”ti. Atha so ca mahājano, yo ca añño passati, sabbo cakkaratanameva anugacchati. Tampi cakkaratanam raññoyeva atthāya attano āgatabhāvam ūpe-tukāmam viya sattakkhattum pākāramatthakena eva nagaram anusamyāyitvā rañño antepuram padakkhiṇam katvā antepurassa uttarasīhapañjara-āsanne thāne yathā gandhapupphādīhi sukhena sakkā hoti pūjetum, evam akkhāhatam viya tiṭṭhati.

Evam ṭhitassa panassa vātāpānacchiddādīhi pavisitvā nānāvirāgaratanappa-bhāsamujjalam anto pāsādam alaṅkurumānam pabhāsamūham disvā dassana-thāya sañjātābhilāso rājā hoti. Parijanopissa piyavacanapābhatena āgantvā

tamatthaṁ nivedeti. Atha rājā balavapītipāmojjaphuṭasariṁ pallaṅkam (4.0155) mocetvā utṭhāyāsanā sīhapañjarasamīpaṁ gantvā tam cakkaratanam disvā “sutam kho pana metan”ti-ādikam cintanaṁ cintesi. Tena vuttam- “disvāna rañño khattiyassa ...pe... assam nu kho ahaṁ rājā cakkavatti”ti. Tattha **so hoti rājā cakkavatti** kittāvatā cakkavatti hoti? Ekaṅguladvaṅgulamattampi cakkaratane ākāsaṁ abbhuggantvā pavatte.

Idāni tassa pavattāpanattham yaṁ kātabbam tam dassento **atha kho, bhikkha-veti-ādimāha**. Tattha **utṭhāyāsanāti** nisinnāsanato utṭhahitvā cakkaratanasamīpaṁ āgantvā. **Bhiṅkāram gahetvāti** hatthisoṇḍasadiśapanālīm suvaṇṇabhiṅkāram ukkhipitvā vāmahatthena udakam gahetvā. Pavattatu bhavam cakkaratanam, abhivijinātu bhavam cakkaratananti. **Anvadeva rājā cakkavatti saddhim caturaṅgi-niyā senāyāti** sabbacakkavattīnañhi udakena abhisīñcītvā “abhivijānātu bhavam cakkaratanan”ti vacanasamanantarameva vehāsam abbhuggantvā cakkaratanam pavattati, yassa pavatisamakālameva so rājā cakkavatti nāma hoti.

Pavatte pana cakkaratane tam anubandhamānova rājā cakkavatti yānavaram āruhya vehāsam abbhuggacchatī, athassa chattacāmarādihattho parijano ceva antepurajano ca. Tato nānappakārakañcukakavacādisannāhavibhūsitena vividhā-haraṇappabhāsamujjalitenā samussitataddhajapāṭākapaṭīmaṇḍitenā attano attano balakāyena saddhim uparājasenāpati pabhūtayopi vehāsam abbhuggantvā rājā-nameva parivārenti. Rājayuttā pana janasaṅghattham nagaravīthīsu bheriyo carā-penti “tātā amhākam rañño cakkaratanam nibbattam, attano attano vibhavānurū-pena maṇḍitappasādhītā sannipatathā”ti. Mahājano pana pakatiyā cakkaratanasa-ddeneva sabbakiccāni pahāya gandhapupphādīni ādāya sannipatitova, sopi sabbo vehāsam abbhuggantvā rājānameva parivāreti.

Yassa yassa hi raññā saddhim gantukāmatā uppajjati, so so ākāsagatova hoti. Evam dvādasayojanāyāmavitthārā parisā hoti. Tattha ekapurisopi chinnabhinnasariro vā kiliṭhavattho vā natthi. Suciparivāro hi rājā cakkavattī. Cakkavattiparisā nāma vijjādharaparisā viya ākāse gacchamānā indanīlamāṇitale (4.0156) vippakinnaratanasadisā hoti. Tena vuttam “anvadeva rājā cakkavattī saddhim caturaṅginiyā senāyā”ti.

Tampi cakkaratanam rukkhaggānam uparūpari nāti-uccena gaganapadesena pavattati, yathā rukkhānam pupphaphalapallavehi atthikā tāni sukhena gahetuṁ sakkonti, bhūmiyam ṭhitā “esa rājā, esa uparājā, esa senāpati”ti sallakkhetuṁ sakkonti. Thānādīsupi iriyāpathesu yo yena icchatī, so teneva gacchati. Cittakammādisippapasutā cettha attano attano kiccam karontāyeva gacchanti. Yatheva hi bhūmiyam, tathā nesam sabbakiccāni ākāse ijjhanti. Evam cakkavattiparisam gahetvā tam cakkaratanam vāmapassena sinerum pahāya samuddassa uparibhāgena aṭṭhayojanasahassappamāṇam pubbavideham gacchati.

Tattha yo vinibbedhena dvādasayojanāya parikkhepato chattiṁsayojanaparisāya sannivesakkhamo sulabhāhārūpakaraṇo chāyūdakasampanno sucisamatalo ramaṇīyo bhūmibhāgo, tassa uparibhāge tam cakkaratanam ākāse akkhāhatam viya tiṭṭhati. Atha tena saññāṇena so mahājano otaritvā yathāruci nhānabhojanādīni sabbakiccāni karonto vāsam kappeti, tena vuttam “yasmim kho pana, bhikkhave, padese tam cakkaratanam patiṭṭhāti, tattha rājā cakkavattī vāsam upeti saddhim caturaṅginiyā senāyā”ti.

Evam vāsam upagate cakkavattimhi ye tattha rājāno, te “paracakkam āgatan”ti sutvāpi na balakāyam sannipātētvā yuddhasajjā honti. Cakkaratanassa uppatisamanantarameva natthi so satto nāma, yo paccatthikasaññāya rājānam ārabbha āvudham ukkhipitum visaheyya. Ayamanubhāvo cakkaratanassa.

Cakkānubhāvena hi tassa rañño,
arī asesā damatham upenti;
arindamam nāma narādhipassa,
teneva tam vuccati tassa cakkam.

Tasmā (4.0157) sabbepi te rājāno attano attano rajjasirivibhavānurūpam pābhataṁ gahetvā tam rājānam upagamma onatasirā attano moḷiyamaṇippabhābhisekenassa pādapūjaṁ karonto “ehi kho mahārājā”ti-ādīhi vacanehi tassa kiñkārappaṭissāvitam āpajjanti. Tena vuttam **ye kho pana, bhikkhave, puratthimāya ...pe... anusāsa mahārājāti.**

Tattha **svāgatanti** su-āgamanam. Ekaśmiñhi āgate socanti, gate nandanti. Ekaśmim āgate nandanti, gate socanti. Tādiso tvam āgatanandano gamanasocano, tasmā tava āgamanam su-āgamananti vuttam hoti. Evam vutte pana cakkavattī nāpi “ettakam nāma me anuvassam balim upakappethā”ti vadati, nāpi aññassa bhogam acchinditvā aññassa deti. Attano pana dhammarājabhāvassa anurūpāya paññāya pāṇātipātādīni upaparikkhitvā pemanīyena mañjunā sarena “passatha tātā, pāṇātipāto nāmesa āsevito bhāvito bahulikato nirayasaṁvattaniko hoti”ti-ādinā nayena dhammam desetvā “pāṇo na hantabbo”ti-ādikam ovādam

deti. Tena vuttam **rājā cakkavattī evamāha pāṇo na hantabbo ...pe... yathābhuttañca bhuñjathāti.**

Kim pana sabbepi rañño imam ovādam gaṇhantīti. Buddhassapi tāva sabbe na gaṇhanti, rañño kim gaṇhissanti. Tasmā ye paṇḍitā vibhāvino, te gaṇhanti. Sabbe pana anuyantā bhavanti. Tasmā “ye kho pana, bhikkhave”ti-ādimāha.

Atha tam cakkaratanam evam pubbavidehavāsīnam ovāde dinne katapātarāse cakkavattibalena vehāsam abbhuggantvā puratthimam samuddam ajjhogāhati. Yathā yathā ca tam ajjhogāhati, tathā tathā agadagandham ghāyitvā samkhittaphaṇo nāgarājā viya samkhitta-ūmivippahāram hutvā ogacchamānam mahāsamuddasalilam yojanamattam ogantvā antosamudde veļuriyabhitti viya tiṭṭhati. Tañkhaṇaññeva ca tassa rañño puññasirim datthukāmāni viya mahāsamuddatale vippakiṇñāni nānāratanāni tato tato āgantvā tam padesam pūrayanti. Atha sā rājaparisā tam nānāratanaparipūram mahāsamuddatalam disvā yathāruci ucchaṅgādīhi ādiyati, yathāruci ādinnaratanāya (4.0158) pana parisāya tam cakkaratanam paṭinivattati. Paṭinivattamāne ca tasmiṃ parisā aggato hoti, majhe rājā, ante cakkaratanam. Tampi jalanidhijalam palobhiyamānamiva cakkaratasiriyā, asahamānamiva ca tena viyogam, nemimaṇḍalapariyantam abhihanantam nirantarameva upagacchati.

257. Evaṃ rājā cakkavattī puratthimasamuddapariyantam pubbavideham abhivijinitvā dakkhiṇasamuddapariyantam jambudīpam vijetukāmo cakkaratanadesi-tena maggena dakkhiṇasamuddābhimukho gacchat. Tena vuttam **atha kho tam, bhikkhave, cakkaratanam puratthimasamuddam ajjhogāhetvā paccuttaritvā dakkhiṇam disam pavattatīti.** Evaṃ pavattamānassa pana tassa pavattanaviddhānam senāsanniveso paṭirājagamanam tesam anusāsanippadānam dakkhiṇasamuddam ajjhogāhanam samuddasalilassa ogacchanam ratanādānanti sabbam purimanayeneva veditabbam.

Vijinitvā pana tam dasasahassayojanappamāṇam jambudīpam dakkhiṇasamuddatopi paccuttaritvā sattayojanasahassappamāṇam aparagoyānam vijetum pubbe vuttanayeneva gantvā tampi samuddapariyantam tatheva abhivijinitvā pacchimasamuddatopi paccuttaritvā aṭṭhayojanasahassappamāṇam uttarakurum vijetum tatheva gantvā tampi samuddapariyantam tatheva abhivijiya uttarasamuddatopi paccuttarati.

Ettāvatā raññā cakkavattinā cāturanṭāya pathaviyā ādhipaccam adhigataṃ hoti. So evam vijitavijayo attano rajjasirisampattidassanattham sapariso uddham gaganatalam abhilaṅghitvā suvikasitapadumuppalupuṇḍarīkavanavicitte cattāro jātassare viya pañcasatapañcasataparittadīpaparivāre cattāro mahādīpe oloketvā cakkaratanadesiteneva maggena yathānukkamam attano rājadhānimeva paccāgacchat. Atha tam cakkaratanam antepuradvāram sobhayamānam viya hutvā tiṭṭhati.

Evaṃ patiṭṭhite pana tasmiṃ cakkaratane rājantepure ukkāhi vā dīpikāhi vā kiñci karaṇīyam na hoti, cakkaratanobhāsoyeva rattim andhakāram vidhamati. Ye ca pana rattim andhakāratthikā honti, tesam andhakārameva hoti. Tena vuttam

dakkhiṇasamuddam ajjhogāhetvā ...pe... evarūpam cakkaratanam pātubhavatīti.

Hathiratanavaṇṇanā

258. Evam (4.0159) pātubhūtacakkaratanassa panassa cakkavattino amaccā pakatimaṅgalahatthiṭṭhānam sucibhūmibhāgam kāretvā haricandanādīhi surabhi-gandhehi upalimpāpetvā heṭṭhā vicitavaṇṇasurabhikusumasamākiṇṇam upari suvaṇṇatārakānam antarantarā samosaritamanuñña-kusumadāmappaṭimāṇḍitavitānam devavimānam viya abhisāṅkharitvā “evarūpassa nāma deva hathiratanassa āgamanam cintethā”ti vadanti. So pubbe vuttanayeneva mahādānam datvā sīlāni samādāya tam puññasampattiṁ āvajjanto nisīdati, athassa puññānubhāvacodito chaddantakulā vā uposathakulā vā tam sakkāravisesam anubhavitukāmo taruṇaravimaṇḍalābhīrattacaraṇa-gīvamukhappatīmaṇḍitavisuddhasetasarīro sattappatiṭṭho susaṇṭhitaṅgapaccāṅgasanniveso vikasitaratta-padumacārupo-kkharo iddhimā yogī viya veṭṭhasam gamanasamattho manosilācuṇṇarañjitapariyanto viya rajatapabbato hathiseṭṭho tasmiṁ padese patiṭṭhāti. So chaddantakulā āgacchanto sabbakaniṭṭho āgacchati, uposathakulā sabbajeṭṭho. Pāliyam pana “uposatho nāgarājā” icceva āgacchati. Svāyam pūritacakka-vattivattānam cakkavattinam sutte vuttanayeneva cintayantānam āgacchati, na itaresam. Sayameva pakatimaṅgalahatthiṭṭhānam āgantvā maṅgalahatthim apanetvā tattha tiṭṭhati. Tena vuttam **puna caparam, bhikkhave ...pe... nāgarājāti.**

Evam pātubhūtam pana tam hathiratanam disvā hathigopakādayo haṭṭhatutṭhā vegena gantvā rañño ārocenti. Rājā turitaturitam āgantvā tam disvā pasannacitto “bhaddakam vata bho hatthiyānam, sace damathaṁ upeyyā”ti cintayanto hatthaṁ pasāreti. Atha so gharadhenuvacchako viya kaṇe olambetvā sūratabhāvam dassento rājānam upasaṅkamati, rājā tam abhiruhitukāmo hoti. Athassa parijanā adhippāyam ūnatvā tam hathiratanam sovaṇṇaddhajam sovaṇṇālaṅkāram hemajā-lapaṭicchannam katvā upanenti. Rājā tam anisidāpetvāva sattaratanamayāya nisseeṇiyā abhiruyha ākāsam gamananinnacitto hoti. Tassa saha cittuppādeneva so hathirājā rājahamso viya indanīlamāṇippabhājālanīlagaganatalam abhilāṅghati, tato cakkacārikāya vuttanayeneva (4.0160) sakalarājaparisā. Iti sapariso rājā antopātarāseyeva sakalapathavim anusamyāyitvā rājadhānim paccāga-cchati, evam mahiddhikam cakkavattino **hathiratanam** hoti. Tena vuttam **disvāna rañño cakkavattissa ...pe... evarūpam hathiratanam pātubhavatīti.**

Assaratanavaṇṇanā

Evam pātubhūtahathiratanassa pana cakkavattino parisā pakatimaṅgala-assatīṭṭhānam sucisamatalam kāretvā alaṅkaritvā ca purimanayeneva rañño tassa āgamancintanattham ussāham janenti. So purimanayeneva katadānasakkāro samā-dinnasīlova pāsādatale nisinno puññasampattiṁ samanussarati, athassa puññānu-bhāvacodito sindhavakulato vijullatāvinaddhasaradakālasetavalāhakarāsisassi-

riko rattapādo rattatuṇḍo candappabhāpuñjasadisauddhasiniddhaghanasaṅghā-tasarīro kākagīvā viya indanīlamani viya ca kālavanṇena sīsena samannāgatattā **kālaśīso** suṭṭhu kappetvā ṭhapitehi viya muñjasadisehi sañhavaṭṭa-ujugatigatehi kesehi samannāgatattā **muñjakeso veḥāsaṅgamo** valāhako nāma assarājā āgantvā tasmiṁ ṭhāne patiṭṭhāti. Sesam sabbam hatthiratane vuttanayeneva veditabbam. Evarūpam **assaratanam** sandhāya bhagavā **puna caparanti-ādimāha**.

Maṇiratanavaṇṇanā

Evam pātubhūta-assaratanassa pana rañño cakkavattissa catuhatthāyāmam sakataṇābhisaṁappamāṇam ubhosu antesu kaṇṇikapariyantato viniggatasupari-suddhamuttākalāpehi dvīhi kañcanapadumehi alaṅkataṁ caturāsītimāṇisahassaparivāram tārāgaṇaparivutassa puṇṇacandassa sirim paṭippharamāṇam viya vepullapabbatato **maṇiratanam** āgacchat. Tassevaṁ āgatassa muttājālake ṭhapetvā veļuparamparāya saṭṭhihatthappamāṇam ākāsam āropitassa rattibhāge samantā yojanappamāṇam okāsam ābhā pharati, yāya sabbo so okāso aruṇuggamanavelā viya sañjātāloko hoti. Tato kassakā kasikammaṁ, vāṇijā āpaṇugghāṭanam (4.0161), te te ca sippino tam tam kammantaṁ payojenti divāti maññamānā. Tena vuttam **puna caparam, bhikkhave ...pe... maṇiratanam pātubhavatīti.**

Itthiratanavaṇṇanā

Evam pātubhūtamaṇiratanassa pana cakkavattissa visayasukhavisesakāraṇam **itthiratanam** pātubhavati. Maddarājakulato vā hissa aggamahesiṁ ānenti, uttaraku-ruto vā puññānubhāvena sayam āgacchat. Avasesā panassā sampatti “puna caparam, bhikkhave, rañño cakkavattissa itthiratanam pātubhavati abhirūpā dassanīyā”ti-ādinā nayena pāliyamyeva āgatā.

Tattha sañṭhānapāripūriyā adhikam rūpam assāti **abhirūpā**. Dissamānā ca cakkhūni pīṇayati, tasmā aññam kiccavikkhepam hitvāpi daṭṭhabbāti **dassanīyā**. Dissamānā ca somanassavasena cittam pasādetīti **pāsādikā**. Paramāyāti evam pasādāvahattā uttamāya. **Vaṇṇapokkharatāyāti** vaṇṇasundaratāya. Samannāgatāti upetā. **Abhirūpā** vā yasmā nātidīghā

nātirassā **dassanīyā** yasmā nātikisā nātithūlā, **pāsādikā** yasmā nātikālikā naccodātā. **Paramāya vaṇṇapokkharatāya samannāgata** yasmā atikkantā mānusam vaṇṇam appattā dibbavaṇṇam. Manussānañhi vaṇṇābhā bahi na niccharati, devānam atidūram niccharati, tassā pana dvādasahatthappamāṇam padesam sarīrābhā obhāseti.

Nātidīghādīsu cassā paṭhamayugaļena ārohasampatti, dutiyayugaļena pariṇāhasampatti, tatiyayugaļena vaṇṇasampatti vuttā. Chahi vāpi etehi kāyavipattiyā abhāvo, atikkantā mānusam vaṇṇanti iminā kāyasampatti vuttā.

Tūlapicuno vā kappāsapicuno vāti sappimāṇe pakhipitvā ṭhapitassa satavihatassa tūlapicuno vā satavihatassa kappāsapicuno vā kāyasamphasso hoti. **Sīteti** rañño sītakāle. **Uṇheti** rañño uṇhakāle. **Candanagandhoti** niccakālameva supisitassa abhinavassa catujjātisamāyojitassa haricandanassa gandho kāyato vāyati. **Uppalagandhoti** hasitakathitakālesu mukhato nikkhanto tañkhaṇam vikasitasseva nīluppalassa atisurabhigandho vāyati.

Evam (4.0162) rūpasamphassagandhasampattiyuttāya panassā sarīrasampattiyā anurūpam ācāram dassetum **taṁ kho panāti-ādi** vuttam. Tattha rājānam disvā nisinnāsanato aggidaḍḍhā viya paṭhamameva utṭhātīti **pubbuṭṭhāyinī**. Tasmim nisinne tassa rañño tālavantena bijanādikiccam katvā pacchā nipatati nisīdatīti **pacchānipātinī**. Kīm karomi devāti tassa kīmkāram paṭissāvetīti **kīmkārapaṭissāvinī**. Rañño manāpameva carati karotīti **manāpacārinī**. Yam rañño piyam, tadeva vadatīti **piyavādinī**.

Idāni svāssā ācāro bhāvasuddhiyā eva, na sāṭheyenāti dassetum **taṁ kho panāti-ādimāha**. Tattha **no aticaratīti** na atikkamitvā carati, aññam purisam cittenapi na patthetīti vuttam hoti. Tattha ye tassā ādimhi “abhirūpā”ti-ādayo ante “pubbuṭṭhāyinī”ti-ādayo gunā vuttā, te pakatiguṇā eva “atikkantā mānusam vaṇṇan”ti-ādayo pana cakkavattino puññam upanissāya cakkaratanapātubhāvato paṭṭhāya purimakkammānubhāvena nibbattantīti veditabbā. Abhirūpatādikāpi vā cakkaratanapātubhāvato paṭṭhāya sabbākārapāripūrā jātā. Tenāha **evarūpaṁ itthiratanam pātubhavatīti**.

Gahapatiratanavaṇṇanā

Evam pātubhūta-itthiratanassa pana rañño cakkavattissa dhanakaraṇīyānam kiccānam yathāsukhappavattanattham **gahapatiratanam** pātubhavati. So pakatiyāva mahābhogo mahābhogakule jāto rañño dhanarāsivaḍḍhako setṭhi gahapati hoti, cakkaratanānubhāvasahitam panassa kammavipākajam dibbacakkhu pātubhavati, yena antopathaviyam yojanabbhantare nidhiṁ passati. So tam sampattim disvā tuṭṭhahadayo gantvā rājānam dhanena pavāretvā sabbāni dhanakaraṇīyāni sampādeti. Tena vuttam **puna caparam, bhikkhave ...pe... evarūpaṁ gahapatiratanam pātubhavatīti**.

Pariṇāyakaratanavaṇṇanā

Evam pātubhūtagahapatiratanassa pana rañño cakkavattissa sabbakiccasam-vidhānasamattham pariṇāyakaratanaṁ pātubhavati. So rañño jetṭhaputtova hoti (4.0) Pakatiyā eva pañđito byatto medhāvī, rañño puññānubhāvam nissāya panassa attano kammānubhāvena paracittañānam uppajjati. Yena dvādasayojanāya rāja-parisāya cittācāram ñatvā rañño ahite hite ca vavatthapetuṁ samattho hoti. Sopi tam attano ānubhāvam disvā tuṭṭhahadayo rājānam sabbakiccānusāsanena pavāreti. Tena vuttam puna caparam ...pe... pariṇāyakaratanaṁ pātubhavatīti. Tattha ṭhāpetabbam ṭhāpetunti tasmim tasmiṁ tħānantare ṭhāpetabbam ṭhāpetum.

259. Samavepākiniyāti-ādi heṭṭhā vuttameva.

260. Kaṭaggahenāti jayaggāhena. Mahantam bhogakkhandhanti ekappahāre-neva dve vā tīni vā satasahassāni. Kevalā paripūrā pañđitabhūmīti pañđito tīni sucaritāni pūretvā sagge nibbattati, tato manussalokam āgacchanto kularūpabhogasampattiyaṁ nibbattati, tattha ṭhito tīni ca sucaritāni pūretvā puna sagge nibbatatīti ayam sakalā paripuṇṇā pañđitabhūmi. Sesam sabbatha uttānamevāti.

Papañcasūdaniyā majjhimanikāyatħakathāya

Bālapañđitasuttavaṇṇanā niṭhitā.

10. Devadūtasuttavaṇṇanā

261. Evam me sutanti devadūtasuttam. Tattha dve agārāti-ādi assapurasutte vitthāritameva.

262. Nirayaṁ upapannāti bhagavā katthaci nirayato paṭṭhāya desanam devaloka osāpeti, katthaci devalokato paṭṭhāya nirayena osāpeti. Sace saggasampattim vitthāretvā kathetukāmo hoti, nirayadukkham ekadesato katheti, tiracchānayonidukkham pettivisayadukkham manussalokasampattim ekadesato katheti, saggasampattimeva vitthāreti. Sace nirayadukkham vitthāretvā kathetukāmo hoti, devalokamanussalokesu (4.0164) sampattim tiracchānayonipettivisayesu ca dukkham ekadesato katheti, nirayadukkham eva vitthāreti. So imasmiṁ sutte nirayadukkham vitthāretukāmo, tasmā devalokato paṭṭhāya desanam nirayena osāpeti. Devalokamanussalokasampattiyo tiracchānayonipettivisayadukkhāni ca ekadesato kathetvā nirayadukkham eva vitthārena kathetum tamenam, bhikkhave, nirayapālāti-ādimāha.

Tattha ekacce therā “nirayapālā nāma natthi, yantarūpaṁ viya kammameva kāraṇam kāreti”ti vadanti. Tesam tam “atthi niraye nirayapālāti, āmantā, atthi ca kāraṇikā”ti-ādinā nayena abhidhamme (kathā. 866) paṭisedhitameva. Yathā hi manussaloke kammakāraṇakārakā atthi, evameva niraye nirayapālā atthīti. Yamassa raññoti yamarājā nāma vemānikapetarājā, ekasmiṁ kāle dibbavimāne

dibbakapparukkhadibba-uyyānadibbanāṭakādisampattim anubhavati, ekasmiṃ kāle kammavipākam, dhammiko rājā. Na cesa ekova hoti, catūsu pana dvāresu cattāro janā honti. **Nāddasanti** attano santike pesitassa kassaci devadūtassa abhāvam sandhāya evam vadati. Atha naṃ yamo “nāyaṃ bhāsitassa attham sallakkheti”ti ñatvā sallakkhāpetukāmo **ambhoTi-ādimāha**.

Jātidhammoti jātisabhāvo, aparimutto jātiyā, jāti nāma mayham abbhantareyeva atthīti. Parato **jarādhammoti-ādīsupi** eseva nayo.

263. Paṭhamam devadūtam samanuyuñjitvāti ettha daharakumāro atthato evam vadati nāma “passatha, bho, mayhampi tumhākam viya hatthapādā atthi, sake panamhi muttakarise palipanno, attano dhammatāya uṭṭhahitvā nhāyitum na sakkomi, aham kiliṭṭhagattomhi, nhāpetha manti vattumpi na sakkomi, jātitomhi aparimuttatāya ediso jāto. Na kho panāhameva, tumhepi jātito aparimuttāva. Yatheva hi mayham, evam tumhākampi jāti āgamissati, iti tassā pure āgamanāva kalyāṇam karothā”ti. Tenesa devadūto nāma jāto, vacanattho pana maghadeva-sutte vuttova.

Dutiyaṃ (4.0165) devadūtanti etthāpi jarājīṇasatto atthato evam vadati nāma-“passatha, bho, ahampi tumhe viya taruṇo ahosim ūrubalabāhubalajavanasa-mpanno, tassa me tā balajavanasampattiyo antarahitā, vijjamānāpi me hatthapādā hatthapādakiccam na karonti, jarāyamhi aparimuttatāya ediso jāto. Na kho panāhameva, tumhepi jarāya aparimuttāva. Yatheva hi mayham, evam tumhākampi jarā āgamissati, iti tassā pure āgamanāva kalyāṇam karothā”ti. Tenesa devadūto nāma jāto.

Tatiyaṃ devadūtanti etthāpi gilānasatto atthato eva vadati nāma-“passatha, bho, ahampi tumhe viya nirogo ahosim, somhi etarahi byādhinā abhihato sake muttakarise palipanno, uṭṭhātumpi na sakkomi, vijjamānāpi me hatthapādā hatthapādakiccam na karonti, byādhitomhi aparimuttatāya ediso jāto. Na kho panāhameva, tumhepi byādhito aparimuttāva. Yatheva hi mayham, evam tumhākam byādhi āgamissati, iti tassa pure āgamanāva kalyāṇam karothā”ti. Tenesa devadūto nāma jāto.

265. Catuttham devadūtanti ettha pana kammakāraṇā vā devadūtāti kātabbā kammakāraṇikā vā. Tattha pana kammakāraṇapakkhe bāttimṣa tāva kammakāraṇā atthato evam vadanti nāma-“mayam nibbattamāna na rukkhe vā pāsāne vā nibbattāma, tumhādisānam sarire nibbattāma, iti amhākam pure nibbattitova kalyāṇam karothā”ti. Tenete devadūtā nāma jātā. Kammakāraṇikāpi atthato evam vadanti nāma-“mayam dvattimṣa kammakāraṇā karontā na rukkhādīsu karoma, tumhādisesu sattesuyeva karoma, iti amhākam tumhesu pure kammakāraṇākaraṇatova kalyāṇam karothā”ti. Tenetepi devadūtā nāma jātā.

266. Pañcamam devadūtanti ettha matakasatto atthato evam vadati nāma-“passatha bho maṃ āmakasusāne chaḍḍitam uddhumātakādibhāvam pattam, marañatomhi aparimuttatāya ediso jāto. Na kho panāhameva, tumhepi (4.0166) marañato aparimuttāva. Yatheva hi mayham, evam tumhākampi marañam āgamissati, iti tassa pure āgamanāva kalyāṇam karothā”ti. Tenesa devadūto nāma jāto.

Imam pana devadūtānuyogam ko labhati, ko na labhatīti? Yena tāva bahum pāpam katham, so gantvā niraye nibbattatiyeva. Yena pana parittam pāpakammam katham, so labhati. Yathā hi sabhaṇḍam coram gahetvā kattabbameva karonti, na vinicchinanti. Anuvijjtvā gahitaṁ pana vinicchayaṭṭhānam nayanti, so vinicchayam labhati. Evam̄sampadametam. Parittapāpakammā hi attano dhammatāyapi saranti, sāriyamānāpi saranti.

Tattha dīghajayantadamilo nāma attano dhammatāya sari. So kira damilo sumanagirivihāre ākāsacetiyaṁ rattapaṭena pūjesi. Atha niraye ussadasāmante nibbatto aggijālasaddam sutvāva attano pūjitapaṭam anussari, so gantvā sagge nibbatto. Aparopi puttassa daharabhikkhuno khalisāṭakam dento pādamūle ṭhapesi, marañakālamhi paṭapaṭāti sadde nimittam gaṇhi, sopi ussadasāmante nibbatto jālasaddena tam sāṭakam anussaritvā sagge nibbatto. Evam tāva attano dhammatāya kusalam kammaṁ saritvā sagge nibbattatīti.

Attano dhammatāya asarante pana pañca devadūte pucchat. Tattha koci paṭhamena devadūtena sarati, koci dutiyādīhi. Yo pana pañcahipi na sarati, tam yamo rājā sayam sāreti. Eko kira amacco sumanapupphakumbhena mahācetiyaṁ pūjetvā yamassa pattiṁ adāsi, tam akusalakamma na niraye nibbattam yamassa santikam nayimsu. Tasmiṁ pañcahipi devadūtehi kusale asarante yamo sayam olokento disvā- “nanu tvam mahācetiyaṁ sumanapupphakumbhena pūjetvā mayham pattiṁ adāsī”ti sāresi, so tasmiṁ kāle saritvā devalokam gato. Yamo pana sayam olokettvāpi apassanto- “mahādukkham nāma anubhavissati ayam satto”ti tuṇhī hoti.

267. Mahāniraye Ti avīcimahānirayamhi. Kim panassa pamāṇam? Abbhantaram āyāmena ca vitthārena ca yojanasataṁ hoti. Lohapathavī lohachadanaṁ ekekā ca bhitti navanavayojanikā hoti. Puratthimāya bhittiyā (4.0167) acci uṭṭhitā pacchimam bhittim gahetvā tam vinivijjhītvā parato yojanasataṁ gacchati. Sesadi-sāsupi esevo nayo. Iti jālapariyantavasena āyāmavitthārato aṭṭhārasayojanādhikāni tīṇi yojanasatāni,

parikkhepato pana navayojanasatāni catupaṇṇāsayojanāni, samantā pana ussadehi saddhim dasayojanasahassam hoti.

268. Ubbhataṁ tādisameva hotīti etthaakkantapadam yāva aṭṭhitō daḷham uddharitumeva na sakkā. Ayaṁ panettha attho- heṭṭhato paṭṭhāya ḍayhati, uparito paṭṭhāya jhāyati, iti akkamanakāle ḍayhamānam paññāyati, uddharaṇakāle tādisameva, tasmā evam vuttam. **Bahusampattoti** bahūni vassasatavassasahassāni sampatto.

Kasmā panesa narako avīcīti saṅkham gatoti. Vīci nāma antaram vuccati, tattha ca aggijālānam vā sattānam vā dukkhassa vā antaram natthi. Tasmā so avīcīti saṅkham gatoti. Tassa hi purathimabhittito jālā utṭhitā samsibbamānā yojanasatam gantvā pacchimabhittim vinivijjhītvā parato yojanasatam gacchat. Sesadisāsupi esevo nayo.

Imesam channam jālānam majhe nibbatto devadatto, tassa yojanasatappa-māno attabhāvo, dve pādā yāva goppakā lohapatthavim paviṭṭhā, dve hatthā yāva maṇibandhā lohabhittiyo paviṭṭhā, sīsam yāva bhamukaṭṭhito lohachadane paviṭṭham, adhobhāgena ekam lohasūlam pavisitvā kāyam vinivijjhantam chadane paviṭṭham, pācīnabhittito nikkhantasūlam hadayam vinivijjhītvā pacchimabhittim paviṭṭham, uttarabhittito nikkhantasūlam phāsukā vinivijjhītvā dakkhiṇabhittim paviṭṭham. Niccale tathāgatamhi aparaddhattā niccalova hutvā paccatīti kammasarikhatāya ediso jāto. Evam jālānam nirantararatāya avīci nāma.

Abbhantare panassa yojanasatike thāne nāliyam kottiṭevā pūritapiṭṭham viya sattā nirantarā, “imasmiṁ thāne satto atthi, imasmiṁ natthi”ti na vattabbam, gacchantānam ṭhitānam nisinnānam nipannānam anto natthi, gacchante vā ṭhite vā nisinne vā nipanne vā aññamaññam na bādhanti. Evam sattānam nirantaratāya avīci.

Kāyadvāre (4.0168) pana cha upekkhāsaṅhagatāni cittāni uppajjanti, ekam dukkhasaṅhagatam. Evam santepi yathā jivhagge cha madhubindūni ṭhapetvā ekasmiṁ tambalohabindumhi ṭhapite anudahanabalavatāya tadeva paññāyati, itarāni abbohārikāni honti, evam anudahanabalavatāya dukkhamevettha nirantaram, itarāni abbohārikānīti. Evam dukkhassa nirantararatāya avīci.

269. Mahantoti yojanasatiko. **So tattha patatīti** eko pādo mahāniraye hoti, eko gūthaniraye nipatati. **Sūcimukhāti** sūcisadisamukhā, te hatthigīvappamāṇā ekado-ṇikanāvāppamāṇā vā honti.

Kukkulanirayoti yojanasatappamāṇova anto kūṭagāramattavitaccita-aṅgāra-puṇyo ādittachārikanirayo, yattha patitapatitā kudrūsakarāsimhi khittaphālavāsi-lādīni viya heṭṭhimatalameva gaṇhanti.

Āropentīti ayadanḍehi pothentā āropenti. Tesam ārohanakāle te kanṭakā adhomukhā honti, orohanakāle uddhaṭṭamukhā.

Vāteritānīti kammamayena vātena calitāni. **Hatthampi chindantīti** phalake māmsam viya koṭṭayamānāni chindanti. Sace utṭhāya palāyati, ayopākāro samutṭhahitvā parikkhipati, heṭṭhā khuradhārā samuṭṭhāti.

Khārodakā nadīti vetaranī nāma tambalohanadī. Tattha ayomayāni kharavālikā-

pokkharapattāni, heṭṭhā khuradhārā ubhosu tīresu vettalatā ca kusatiṇāni ca. **So tattha dukkhā tibbā kharāti** so tattha uddhañca adho ca vuyhamāno pokkharapattesu chijjati. Siṅghāṭakasaṇṭhānāya kharavālikāya kaṇṭakehi vijjhīyati, khuradhārāhi phāliyati, ubhosu tīresu kusatiṇehi vilekhati, vettalatāhi ākaḍḍhiyati, tikkhasatīhi phāliyati.

270. Tattena (4.0169) **ayosaṅkunāti** tena jigacchitomhīti vutte mahantam loha-pacchim lohaguṭānam pūretvā tam upagacchanti, so lohaguṭabhāvam ūnatvā dante samphuseti, athassa te tattena ayosaṅkunā mukham vivaranti, tambalohadhārehi mahantena lohakaṭāhena tambaloham upanetvā evameva karonti. Puna **mahāniraye** Ti evam pañcavidhabandhanato paṭṭhāya yāva tambalohapānā tambalohapānato paṭṭhāya puna pañcavidhabandhanādīni kāretvā mahāniraye pakhipanti. Tattha koci pañcavidhabandhaneneva muccati, koci dutiyena, koci tatiyena, koci tambalohapānena muccati, kamme pana aparikkhiṇe puna mahāniraye pakkipanti.

Idam pana suttam gaṇhanto eko daharabhikkhu,- “bhante, ettakam dukkhamanubhavitasattam punapi mahāniraye pakhipanti”ti āha. Āma, āvuso, kamme aparikkhiṇe punappunam evam karontīti. Tiṭṭhatu, bhante, uddeso, kammaṭṭhāna-meva kathethāti kammaṭṭhānam kathāpetvā sotāpanno hutvā āgamma uddesam aggahesi. Aññesampi imasmim padese uddesam ṭhapetvā arahattam pattānam gaṇanā natthi. Sabbabuddhānañcetañ suttam avijahitameva hoti.

271. Hīnakāyūpagāti hīnakāyam upagatā hutvā. **Upādāneti** taṇhādiṭṭhigahaṇe. **Jātimaraṇasambhaveti** jātiyā ca maraṇassa ca kāraṇabhūte. **Anupādāti** catūhi upādānehi anupādiyitvā. **Jātimaraṇasaṅkhayeti** jātimaraṇasaṅkhayasaṅkhāte nibbāne vimuccanti.

Dīṭṭhadhammābhinibbutāti dīṭṭhadhamme imasmīmyeva attabhāve sabbakilesa-nibbānenā nibbutā. **Sabbadukkham upaccagunti** sabbadukkhātikkantā nāma honti.

Papañcasūdaniyā majjhimanikāyatṭhakathāya

Devadūtasuttavaṇṇanā niṭṭhitā.

Tatiyavaggavaṇṇanā niṭṭhitā.

4. Vibhaṅgavaggo

1. Bhaddekarattasuttavaṇṇanā

272. Evam (4.0170) **me sutanti** bhaddekarattasuttam. Tattha **bhaddekaratta-**
ssāti vipassanānuyogasamannāgatattā bhaddakassa ekarattassa. **Uddesanti**
mātikam. **Vibhaṅganti** vitthārabhājanīyam.

Atītanti atīte pañcakkhandhe. **Nānvāgameyyāti** taṇhādiṭṭhīhi nānugaccheyya.
Nappaṭikaṅkheti taṇhādiṭṭhīhi na pattheyya. **Yadatītanti** idamettha kāraṇavacanam.
Yasmā yam atītam, tam pahīnam niruddham atthaṅgataṁ, tasmā tam puna nānu-
gaccheyya. Yasmā ca yam anāgataṁ, tam appattam ajātaṁ anibbattam, tasmā
tampi na pattheyya.

Tattha tatthāti pacuppappannampi dhammam yattha yattheva uppanno, tattha
tattheva ca nam aniccānupassanādīhi sattahi anupassanāhi yo vipassati araññā-
dīsu vā tattha tattheva vipassati. **Asaṁhīram asaṁkuppanti** idam vipassanāpaṭivī-
passanādassanattham vuttam. Vipassanā hi rāgādīhi na saṁhīrati na saṁkuppa-
tīti asaṁhīram asaṁkuppam, tam anubrūhaye vadḍheyya, paṭivipasseyyāti vuttam
hoti. Atha vā nibbānam rāgādīhi na saṁhīrati na saṁkuppatīti asaṁhīram asaṁ-
kuppam. Tam **vidvā** paṇḍito bhikkhu anubrūhaye, punappunaṁ tadārammaṇam
tam tam phalasamāpattiṁ appento vadḍheyyāti attho.

Tassa pana anubrūhantassa athāya- **ajjeva kiccamātappanti** kilesānam ātāpa-
naparitāpanena ātappanti laddhanāmam vīriyam ajjeva kātabbam. **Ko jaññā**
maraṇam suveti sve jīvitam vā maraṇam vā ko jānāti. Ajjeva dānam vā dassāmi,
sīlam vā rakkhissāmi, aññataram vā pana kusalam karissāmīti hi “ajja tāva
papañco atthi, sve vā punadivase vā karissāmī”ti cittam anuppādetvā ajjeva kari-
ssāmīti evam vīriyam kātabbanti dasseti. **Mahāsenenāti** aggivisasatthādīni ane-
kāni maraṇakāraṇāni tassa senā, tāya mahatiyā senāya vasena mahāsenena eva-
rūpena maccunā saddhim “katipāham tāva āgamehi yāvāham buddhapūjādīm
attano avassayakammam karomi”ti (4.0171). Evam mittasanthavākārasaṅkhāto
vā, “idam satam vā sahassam vā gahetvā katipāham āgamehi”ti evam lañjānuppa-
dānasaṅkhāto vā, “imināham balarāsinā paṭibāhissāmī”ti evam balarāsisaṅkhāto
vā saṅgaro natthi. **Saṅgaroti** hi mittasanthavākāralañjānuppadānabalarāsīnam
nāmam, tasmā ayamattho vutto.

Atanditanti analasam uṭṭhāhakam. Evam paṭipannattā bhaddo ekaratto assāti
bhaddekaratto. Iti tam evam paṭipannapuggalam “bhaddekaratto ayan”ti. Rāgā-
dīnam santatāya **santo buddhamuni** ācikkhati.

273. Evamrūpoti-ādīsu kālopi samāno indanīlamaṇivāṇo ahosinti evam manu-
ñnarūpavaseneva evamrūpo ahosiṁ. Kusalasukhasomanassavedanāvaseneva
evamvedano. Tam sampayuttānamyeva saññādīnam vasena evamsañño evamsa-
ṅkhāro evamviññāṇo ahosiṁ atītamaddhānanti.

Tattha nandim samanvānetīti tesu rūpādīsu taṇham samanvāneti anupavatteti.
Hīnarūpādivasena pana evamrūpo ahosiṁ ...pe... evamviññāṇo ahosinti na
maññati.

Nandim na samanvānetīti taṇham vā taṇhāsampayuttadiṭṭhim vā nānupavatta-
yati.

274. Evamrūpo siyanti-ādīsupi tam manuññarūpādivaseneva taṇhādiṭṭhipavatta-

saṅkhātā nandisamanvānayanāva veditabbā.

275. Kathañca, bhikkhave, paccuppannesu dhammesu saṃhīratīti idam “paccuppannañca yo dhammaṁ, tattha tattha vipassati. Asaṃhīram asaṃkuppan”ti udde-sassa niddesattham vuttaṁ. Kāmañcettha “kathañca, bhikkhave, paccuppannam dhammaṁ na vipassati”ti-ādi vattabbaṁ siyā, yasmā pana asaṃhīrāti ca asaṃku-ppāti ca vipassanā vuttā, tasmā tassā eva abhāvañca bhāvañca dassetum saṃhīratīti mātikam uddharitvā vitthāro vutto. Tattha **saṃhīratīti** vipassanāya abhāvato taṇhādiṭṭhīhi (4.0172) ākaḍḍhiyati. **Na saṃhīratīti** vipassanāya bhāvena taṇhādiṭṭhīhi nākaḍḍhiyati. Sesam sabbattha uttānamevāti.

Papañcasūdaniyā majjhimanikāyaṭṭhakathāya

Bhaddekarattasuttavaṇṇanā niṭṭhitā.

2. Ānandabhaddekarattasuttavaṇṇanā

276. Evaṁ me sutanti ānandabhaddekarattasuttam. Tattha **paṭisallānā vuṭṭhi-**toti phalasamāpattito vuṭṭhito. **Ko nu kho, bhikkhaveti** jānantova kathāsamuṭṭhāpannattham pucchi.

278. Sādhu sādhūti therassa sādhukāramadāsi. **Sādhu kho tvanti** parimaṇḍa-lehi padabyañjanehi parisuddhehi kathitattā desanam pasaṃsanto āha. Sesam sabbattha uttānamevāti.

Papañcasūdaniyā majjhimanikāyaṭṭhakathāya

Ānandabhaddekarattasuttavaṇṇanā niṭṭhitā.

3. Mahākaccānabhaddekarattasuttavaṇṇanā

279. Evaṁ me sutanti mahākaccānabhaddekarattasuttam.

Tattha **tapodārāmeti** tattodakassa rahadassa vasena evamladdhanāme ārāme. Vebhārapabbatassa kira heṭṭhā bhūmatṭhakanāgānam pañcayojanasatikam nāgabhavanām devalokasadisam maṇimayena talena ārāma-uyyānehi ca samannāgataṁ, tattha nāgānam kīlanaṭṭhāne mahā-udakarahado, tato tapodā nāma nadī sandati kuthitā uṇhodakā. Kasmā panesā edisā jātā? Rājagaham kira parivāretvā mahā petaloko, tattha dvinnam mahālohakumbhinirayānam antarena ayaṁ tapodā āgacchati, tasmā sā kuthitā sandati. Vuttampi cetaṁ- “yatāyaṁ, bhikkhave, tapodā sandati, so daho accchodako sītodako sātodako setodako suppatittho ramaṇīyo pahūtamacchakacchapō, cakkamattāni ca padumāni pupphanti (4.0173). Apicāyaṁ, bhikkhave, tapodā dvinnam mahānirayānam antarikāya āgacchati, tenāyaṁ tapodā kuthitā sandati”ti (pārā. 231). Imassa pana ārāmassa abhisammukhaṭṭhāne tato mahā-udakarahado jāto, tassa nāmavasenāyam vihāro **tapodārāmoti** vuccati.

280. Samiddhīti tassa kira therassa attabhāvo samiddho abhirūpo pāsādiko, tasmā samiddhitveva saṅkham gato. **Ādibrahmacariyakoti** maggabrahmacariyassa ādi pubbabhāgappaṭipattibhūto. **Idam vatvāna sugato utṭhāyāsanāti** madhu-piṇḍikasutte (ma. ni. 1.199 ādayo) vuttanayeneva vitthāretabbam.

282. Iti me cakkhungi imasmim kira sutte bhagavā dvādasāyatana vaseneva mātikam ṭhapesi. Theropi “bhagavatā heṭṭhā dvīsu, upari catutthe cāti imesu tīsu suttesu pañcakkhandhavasena mātikā ca vibhaṅgo ca kato, idha pana dvādasāyatana vaseneva vibhajanatham mātikā ṭhapitā”ti nayaṁ paṭilabhitvā evamāha. Imam pana nayaṁ labhantena therena bhāriyam kataṁ, apade padam dassitam, ākāse padam kataṁ, tena nam bhagavā imameva suttam sandhāya- “etadaggam, bhikkhave, mama sāvakānam bhikkhūnam saṃkhittena bhāsitassa vitthārena attham vibhajantānam yadidam mahākaccāno”ti (a. ni. 1.197) etadagge ṭhapesi. Ettha pana **cakkhūti** cakkhupasādo. **Rūpāti** catusamuṭṭhānikarūpā. Iminā nayena sesāyatana nipi veditabbāni. **Viññāṇanti** nikanti viññāṇam. **Tadabhinandatīti** tam cakkhuñceva rūpañca taṇhādiṭṭhivasena abhinandati. **Anvāgametīti** taṇhādiṭṭhīhi anugacchati.

Iti me mano ahosi atītamaddhānam iti dhammāti ettha pana manoti bhavaṅga-cittam. **Dhammāti** tebhūmakadhammārammaṇam.

283. PañidahatīTi pathanāvasena ṭhapesi. **Pañidhānapaccayāti** pathanāṭṭhapanakāraṇā. Sesam sabbattha uttānamevāti.

Papañcasūdaniyā majjhimanikāyaṭṭhakathāya

Mahākaccānabhaddekarattasuttavaṇṇanā niṭṭhitā.

4. Lomasakaṅgiyabhaddekarattasuttavaṇṇanā

286. Evam (4.0174) **me sutanti** lomasakaṅgiyabhaddekarattasuttam. Tattha **loma-sakaṅgiyoti** aṅgathero kira nāmesa, kāyassa pana īsakalomasākāratāya lomasakaṅgiyoti pākaṭo jāto. **Candano devaputto** kassapasammāsambuddhakāle kiresa candano nāma upāsako aḍḍho mahaddhano tīṇi ratanāni catūhi paccayehi pūjetvā devaloke nibbatto, purimanāmena candano devaputtotveva saṅkham gato. **Paṇḍukambalaśilāyanti** rattakambalasilāyam. Tassā kira rattakambalasseva jaya-sumanapuppharāsi viya vaṇṇo, tasmā “paṇḍukambalaśilā”ti vuccati.

Kadā pana tattha bhagavā vihāsīti? Bodhipattito sattame saṃvacchare sāvattihiyam āsālhīmāsapuṇṇamāya dvādasayojanāya parisāya majhe yamakapāṭīhāriyam katvā oruyha kaṇḍambamūle paññattavarabuddhāsane nisīditvā dhamma-desanāya mahājanam mahāviduggato uddharitvā buddhā nāma yasmā pāṭīhāriyam katvā manussapathe na vasanti, tasmā passamānasseva tassa janassa padavikkamam katvā tāvatīmsabhavane pāricchattakamūle paṇḍukambalaśilāyam vassam upagato, tasmim samaye vihāsi.

Tatra bhagavāti tatra viharanto bhagavā yebhuyyena dasahi cakkavālasahassehi sannipatitāhi devatāhi parivuto mātaram kāyasakkhim katvā **abhidhammapiṭakam** kathento gambhīram nipuṇam tilakkhaṇāhatam rūpārūpaparicchedakatham paṭivijjhitudum asakkontānam devānam samvegajananattham antarantarā bhaddekarattassa uddesañca vibhaṅgañca abhāsi. Tatrāyam devaputto uggaṇhanto imā gāthā saddhim vibhaṅgena uggaṇhi, devattassa pana pamādādhiṭhānattā dibbehi ārammanehi nippīliyamāno anupubbena suttam sammuṭṭho gāthāmattameva dhāresi. Tenāha “evam kho aham bhikkhu dhāremi bhaddekarattiyō gāthā”ti.

Uggaṇhāhi (4.0175) **tvanti-ādīsu** tuṇhībhūto nisīditvā suṇanto uggaṇhāti nāma, vācāya sajjhāyam karonto pariyāpuṇṇāti nāma, aññesam vācento dhāreti nāma. Sesamettha uttānamevāti.

Papañcasūdaniyā majjhimanikāyaṭṭhakathāya

Lomasakaṅgiyabhaddekarattasuttavaṇṇanā niṭhitā.

5. Cūlakammavibhaṅgasuttavaṇṇanā

289. Evam me sutanti cūlakammavibhaṅgasuttam. Tattha **subhoti** so kira dassanīyo ahosi pāsādiko, tenassa aṅgasubhatāya subhotveva nāmam akāmsu. **Māṇavoti** pana tam taruṇakāle vohariṁsu, so mahallakakālepi teneva vohārena vohariyati. **Todeyyaputto** todeyyassa nāma pasenadirañño purohitabrahmāmanassa putto. So kira sāvatthiyā avidūre tudigāmo nāma atthi, tassa adhipatittā todeyyoti saṅkham gato. Mahādhano pana hoti sattāsītikoṭivibhavo paramamaccharī, “dadato bhogānam aparikkhayo nāma natthī”ti cintetvā kassaci kiñci na deti.

Vuttampi cetam-

“Añjanānam khayam disvā, vammikānañca sañcayam;
madhūnañca samāhāram, pañđito gharamāvase”ti.

Evam adānameva sikkhāpesi. Dhuravihāre vasato sammāsambuddhassa yāgu-uļuṅgamattam vā bhattakaṭacchumattam vā adatvā dhanalobhena kālam katvā tasmiñyeva ghare sunakho hutvā nibbatto. Subho tam sunakham ativiya piyāyati, attano bhuñjanakabhattamyeva bhojeti, ukkhipitvā varasayane sayāpeti. Atha bhagavā ekadivasam paccūsasamaye lokam volokento tam sunakham disvā-“todeyyabrāhmaṇo dhanalobhena attanova ghare sunakho hutvā nibbatto, aija mayi subhassa gham gate mām disvā sunakho bhukkāram karissati, atha-ssāham ekaṁ vacanam vakkhami, so ‘jānāti mām samaṇo gotamo’ti gantvā uddhanaṭṭhāne (4.0176) nipajjissati. Tatonidānam subhassa mayā saddhim eko kathāsallāpo bhavissati, so dhammam sutvā sarañesu patiṭṭhahissati, sunakho pana kālam katvā niraye nibbattissati”ti imam māṇavassa sarañesu patiṭṭhāna-bhāvam īnatvā bhagavā tam divasam sarīrapaṭijagganam katvā ekakova gāmam pavisitvā nikkhante māṇave tam gham piñḍāya pāvisi.

Sunakho bhagavantam disvā bhukkāram karonto bhagavato samīpaṁ gato. Tato nam bhagavā etadavoca- “todeyya tvam pubbepi mām bho bhoti paribhavitvā sunakho jāto, idānipi bhukkāram katvā avicim gamissasi”ti. Sunakho tam sutvā- “jānāti mām samaṇo gotamo”ti vippaṭisārī hutvā givam onāmetvā uddhanantare chārikāyam nipanno. Manussā ukkhipitvā sayane sayāpetum nāsakkhiṁsu. Subho āgantvā- “kenāyaṁ sunakho sayanā oropito”ti āha. Manussā na kenacīti vatvā tam pavattim ārocesum. Māṇavo sutvā- “mama pitā brahmaloke nibbatto, todeyyo nāma sunakho natthi. Samaṇo pana gotamo pitaram sunakham karoti, yañkiñci esa mukhāruḥam bhāsatī”ti kujjhītvā bhagavantam musāvādena nigga-hetukāmo vihāram gantvā tam pavattim pucchi.

Bhagavāpi tassa tatheva vatvā avisamvādanattham āha- “atthi pana te māṇava pitarā anakkhātam dhanan”ti. Atthi, bho gotama, satasahassagghanikā suvaṇṇamālā satasahassagghanikā suvaṇṇapādūkā satasahassagghanikā suvaṇṇapāti satasahassañca kahāpañanti. Gaccha tam sunakham appodakapāyāsam bhojā-petvā sayane āropetvā īsakam niddam okkantakāle puccha, sabbam te ācikkhisati. Atha nam jāneyyāsi “pitā me eso”ti. Māṇavo- “sace saccam bhavissati, dhanam lacchāmi, no ce, samaṇam gotamam musāvādena niggañhissāmī”ti dvīhipi kārañehi tuṭṭho gantvā tathā akāsi. Sunakho- “īnātomhi iminā”ti roditvā hum hunti karonto dhananidhānaṭṭhānam gantvā pādena pathavim khañitvā saññam adāsi, māṇavo dhanam gahetvā- “bhavapaṭicchannam nāma evam sukhumam paṭisandhi-antaram pākaṭam samaṇassa gotamassa, addhā esa sabbaññū”ti bhagavati pasannacitto cuddasa pañhe abhisāñkhari. Aṅgavijjāpāṭhako kiresa, tenassa (4.0177) etadahosi- “idam dhammapaṇñākāram gahetvā samaṇam gotamam pañhe pucchissāmī”ti dutiyagamanena yena bhagavā tenupasañkami, tena puṭṭhapañhe pana bhagavā ekappahāreneva vissajjento **kammassakāti-ādi-māha**.

Tattha kammam etesam sakam attano bhaṇḍakanti **kammassakā**. Kammassa dāyādāti **kammadāyādā**, kammam etesam dāyajjam bhaṇḍakanti attho. Kammam etesam yoni kāraṇanti **kammayonī**. Kammam etesam bandhūti **kammabandhū**, kammañātakāti attho. Kammam etesam paṭisaraṇam patiṭṭhāti **kammapaṭisaraṇā**. **Yadidam hīnappaṇītatāyāti** yam idam “tvam hīno bhava, tvam pañito, tvam appāyuko, tvam dīghāyuko ...pe... tvam duppañño bhava, tvam paññavā”ti evam hīnappaṇītatāya vibhajanam, tam na añño koci karoti, kammameva evam satte vibhajati attho. Na māṇavo kathitassa attham sañjānāsi, ghanadussapaṭṭenassa mukham bandhitvā madhuram purato ṭhapatam viya ahosi. Mānanissito kiresa pañditamānī, attanā samam na passati. Athassa “kim samo gotamo katheti, yamaham jānāmi, tadeva kathetīti ayam māno mā ahosī”ti mānabhañjanattham bhagavā “āditova duppaṭivijjhām katvā kathessāmi, tato ‘nāham bho gotama jānāmi, vitthārena me pākaṭam katvā kathethā’ti mām yācissati, athassāham yācikāle kathessāmi, evañcassa sātthakam bhavissati”ti duppaṭivijjhām katvā kathesi.

Idāni so attano appaṭividhbhāvam pakāsento **na kho ahanti-ādimāha**.

290. Samattenāti paripuṇṇena. **Samādinnenāti** gahitena parāmaṭṭhena. **Appāyukasamvattanikā esā, māṇava, paṭipadā yadidam pāṇātipātīti** yam idam pāṇātipātākammam, esā appāyukasamvattanikā paṭipadāti.

Kathaṁ panesā appāyukataṁ karoti? Cattāri hi kammāni upapīlakam upacchedakam janakam upatthambhakanti. Balavakammena hi nibbattam pavatte upapīlakam āgantvā (4.0178) atthato evam vadati nāma- “sacāham paṭhamataram jāneyyam, na te idha nibbattitum dadeyyam, catūsuyeva tam apāyesu nibbattāpeyyam. Hotu, tvam yattha katthaci nibbatta, aham upapīlakakammam nāma tam pīletvā nirojam niyūsam kasaṭam karissāmī”ti. Tato paṭṭhāya tam tādisam karoti. Kim karoti? Parissayam upaneti, bhoge vināseti.

Tattha dārakassa mātukucchiyam nibbattakālato paṭṭhāya mātu assādo vā sukham vā na hoti, mātāpitūnam pīlāva uppajjati. Evam parissayam upaneti. Dārakassa pana mātukucchimhi nibbattakālato paṭṭhāya gehe bhogā udakam patvā loṇam viya rājādīnam vasena nassanti, kumbhadohanadhenuyo khīram na denti, sūratā goṇā caṇḍā honti, kāṇā honti, khujjā honti, gomaṇḍale rogo patati, dāsādayo vacanam na karonti, vāpitam sassam na jāyati, gehagataṁ gehe, araññagataṁ araññe nassati, anupubbena ghāsacchādanamattam dullabham hoti, gabbhaparihāro na hoti, vijātakāle mātuthaññam chijjati, dārako parihāram alabhanto pīlito nirojo niyūso kasaṭo hoti, idam **upapīlakakammam** nāma.

Dīghāyukakammaṇa pana nibbattassa upacchedakakammaṇ āgantvā āyum chindati. Yathā hi puriso atṭhusabhaṇam katvā saram khippeyya tamañño dhanuto vimuttamattam muggarena paharitvā tattheva pāteyya, evam dīghāyukakammaṇa nibbattassa upacchedakakammaṇ āyum chindati. Kim karoti? Corānam aṭavim paveseti, vālamacchodakam otāreti, aññataraṇ vā pana saparissaya-tṭhānam upaneti, idam **upacchedakakammaṇ** nāma, “upaghātakan” tipi etasseva nāmam.

Paṭisandhinibbattakam pana kammaṇ **janakakammaṇ** nāma. Appabhogakulādīsu nibbattassa bhogaśampadādikaraṇena upatthambhakakammaṇ **upatthambhakammaṇ** nāma.

Imesu catūsu purimāni dve akusalāneva, janakam kusalampi akusalampi, upatthambakam kusalameva. Tattha pāṇātipātakammaṇ upacchedakakammaṇa appāyukasamvattanikam hoti. Pāṇātipātinā vā kataṇ kusalakammaṇ (4.0179) uṭāram na hoti, dīghāyukapaṭisandhim janetum na sakkoti. Evam pāṇātipāto appāyukasamvattaniko hoti. Paṭisandhimeva vā niyāmetvā appāyukam karoti, sannīṭhānacetanāya vā niraye nibbattati, pubbāparacetanāhi vuttanayena appāyuko hoti.

Dīghāyukasamvattanikā esā māṇava patipadāti ettha parittakammenapi nibbattam pavatte etam pāṇātipātā viratikammaṇ āgantvā atthato evam vadati nāma- “sacāham paṭhamataram jāneyyam, na te idha nibbattitum dadeyyam, devalokeyeva tam nibbattapeyyam. Hotu, tvam yattha katthaci nibbatti, aham upatthambhakakammaṇ nāma thambhaṇ te karissāmī” ti upatthambhaṇ karoti. Kim karoti? Parissayaṇ nāseti, bhoge uppādeti.

Tattha dārakassa mātukucchiyam nibbattakālato paṭṭhāya mātāpitūnam sukha-meva sātameva hoti. Yeri pakatiyā manussāmanussaparissayā honti, te sabbe apagacchanti. Evam parissayaṇ nāseti. Dārakassa pana mātukucchimhi nibbattakālato paṭṭhāya gehe bhogānam pamāṇam na hoti, nidhikumbhiyo puratopi pacchatopi geham pavaṭṭamānā pavisanti. Mātāpitaro parehi ṭhapitadhanassāpi sammukhībhāvam gacchanti. Dhenuyo bahukhīrā honti, goṇā sukhasilā honti, vappaṭṭhāne sassāni sampajjanti. Vadḍhiyā vā sampayuttam, tāvakālikam vā dinnam dhanam acoditā sayameva āharitvā denti, dāsādayo suvacā honti, kammantā na parihāyanti. Dārako gabbhato paṭṭhāya parihāram labhati, komārika-vejjā sannihitāva honti. Gahapatikule jāto setṭhiṭṭhānam, amaccakulādīsu jāto senāpatiṭṭhānādīni labhati. Evam bhoge uppādeti. So aparissayo sabhogo ciram jīvatīti. Evam apāṇātipātakammaṇ dīghāyukasamvattanikam hoti.

Apāṇātipātinā vā kataṇ aññampi kusalaṇ uṭāram hoti, dīghāyukapaṭisandhim janetum sakkoti, evam pāṇātipātā samvattanikam hoti. Paṭisandhimeva vā niyāmetvā dīghāyukam karoti. Sannīṭhānacetanāya vā devaloke nibbattati, pubbāparacetanāhi vuttanayena dīghāyuko hoti. Iminā nayena sabbapañhavissajjanese attho veditabbo.

Viheṭhanakammādīnīpi (4.0180) hi pavatte āgantvā atthato tattheva vadamā-nāni viya upapīlanena nibbhogataṇ āpādetvā paṭijagganam alabrantassa rogu-

ppādanādīhi vā, viheṭhakādīhi katassa kusalassa anulāratāya vā, āditova paṭisa-ndhiniyāmanena vā, vuttanayeneva pubbāparacetanāvasena vā bahvābādhatā-dīni karonti, apāṇātipāto viya ca aviheṭhanādīnipi appābādhatādīnīti.

293. Ettha pana **issāmanakoti** issāsampayuttacitto. **Upadussatīti** issāvaseneva upakkosanto dussati. **Issam** **bandhatīti** yavakalāpam bandhanto viya yathā na nassati evam bandhitvā viya ṭhāpeti. **Appesakkhoti** appaparivāro, rattim khitto viya saro na paññāyati, ucchiṭṭhahattho nisīditvā udakadāyakampi na labhati.

294. **Na dātā hotīti** macchariyavasena na dātā hoti. **Tena kammenāti** tena macchariyakammena.

295. **Abhivādetabbanti** abhivādanāraham buddham vā paccekabuddham vā ariyasāvakam vā. **Paccuṭṭhātabbādīsupi** eseva nayo. Imasmim pana pañhavissa-jjane upapiṭaka-upatthambhakakkammāni na gahetabbāni. Na hi pavatte nīcaku-linam vā uccākulinam vā sakkā kātum, paṭisandhimeva pana niyāmetvā nīcaku-liyam kammaṭam nīcakule nibbatteti, uccākuliyaṭam kammaṭam uccākule.

296. **Na paripucchitā hotīti** ettha pana aparipucchanena niraye na nibbattati. Aparipucchako pana “idam kātabbam, idam na kātabban”ti na jānāti, ajānanto kātabbam na karoti, akātabbam karoti. Tena niraye nibbattati, itaro sagge. **Iti kho, mānavā ...pe... yadidam hīnappaṇītatāyāti** satthā desanam yathānusandhim pāpesi. Sesam sabbattha uttānamevāti.

Papañcasūdaniyā majjhimanikāyatṭhakathāya

Cūlakkammavibhaṅgasuttavaṇṇanā niṭṭhitā.

Subhasuttantipi vuccati.

6. Mahākammavibhaṅgasuttavaṇṇanā

298. **Evaṁ (4.0181) me sutanti** mahākammavibhaṅgasuttam. Tattha **moghanti** tuccham aphalam. **Saccanti** tatham bhūtam. Idañca etena na sammukhā sutam, upālisutte (ma. ni. 2.56) pana- “manokammam mahāsāvajjataram paññapemi pāpassa kammaṭa kiriyāya pāpassa kammaṭa pavattiyā, no tathā kāya-kammaṭam no tathā vacīkamman”ti bhagavatā vuttam atthi, sā kathā titthiyānam antare pākaṭā jātā, tam gahetvā esa vadati. **Atthi ca sā samāpatti** idam- “katham nu kho, bho, abhisāññānirodho hotī”ti poṭṭhapādasutte (dī. ni. 1.406 ādayo) uppannaṭam abhisāññānirodhakatham sandhāya vadati. **Na kiñci vediyatīti** ekavedanampi na vediyati. **Atthi ca khoti** thero nirodhasamāpattim sandhāya anujānāti. **Parirakkhitabbanti** garahato mocanena rakkhitabbam. Sañcetanā assa atthīti **sañcetanikam**, sābhisañdhikam sañcetanikakammaṭam katvāti attho. **Dukkham**

soti therō “akusalameva sandhāya paribbājako pucchatī”ti saññāya evam vadati.

Dassanampi kho ahanti bhagavā caturaṅgepi andhakāre samantā yojanaṭhāne tilamattampi saṅkhāram māṃsacakkunāva passati, ayañca paribbājako na dure gāvutamattabbhantare vasati, kasmā bhagavā evamāhāti? Samāgamadassanam sandhāyevamāha.

299. Udāyīti lāludāyī. **Tam dukkhasmīti** sabbam tam dukkameva. Iti imam vaṭṭadukkham kilesadukkham saṅkhāradukkham sandhāya “sace bhāsitam bhaveyya bhagavā”ti pucchatī.

300. Ummaṅganti pañhā-ummaṅgam. **Ummujjamānoti** sīsam nīharamāno. **Ayoniso ummujjissatīti** anupāyena sīsam nīharissati. Idañca pana bhagavā jānanto neva dibbacakkunā na cetopariyaññena na sabbaññutaññena jāni, adhippāyeneva pana aññāsi. Kathentassa hi adhippāyo nāma suvijāno hoti, kathetukāmo gīvam pagaṇhāti, hanukam cāleti, mukhamassa phandati, sannisīditum na sakkoti. Bhagavā tassa tam ākāram (4.0182) disvā “ayam udāyī sannisīditum na sakkoti, yam abhūtam, tadeva kathessatī”ti oloketvāva aññāsi. **Ādim yevāti-ādimhiyeva**. **Tisso vedanāti** “kim so vediyatī”ti? Pucchantena “tisso vedanā pucchāmī”ti evam vavatthapetvāva tisso vedanā pucchitā. **Sukhavedaniyanti** sukhavedanāya paccayabhūtam. Sesesupi eseva nayo.

Ettha ca kāmāvacarakusalato somanassasahagatacittasampayuttā catasso cetanā, heṭṭhā tikajjhānacetanāti evam paṭisandhipavattesu sukhavedanāya janānato **sukhavedaniyam kammaṃ** nāma. Kāmāvacarañcettha paṭisandhiyamyeva ekantena sukhām janeti, pavatte iṭṭhamajjhattārammaṇe adukkhamasukhampi.

Akulacetanā paṭisandhipavattesu dukkhasseva janānato **dukkhavedaniyam kammaṃ** nāma. Kāyadvāre pavatteyeva cetam ekantena dukkham janeti, aññattha adukkhamasukhampi, sā pana vedanā aniṭṭhāniṭṭhamajjhattesuyeva ārammaṇesu uppajjanato dukkhātveva saṅkham gatā.

Kāmāvacarakusalato pana upekkhāsahagatacittasampayuttā catasso cetanā, rūpāvacarakusalato catutthajjhānacetanāti evam paṭisandhipavattesu tatiyavedanāya janānato **adukkhamasukhavedaniyam kammaṃ** nāma. Ettha ca kāmāvacaram paṭisandhiyamyeva ekantena adukkhamasukhām janeti, pavatte iṭṭhārammaṇe sukhampi. Apica sukhavedaniyakammam paṭisandhipavattivasena vatṭati, tathā adukkhamasukhavedaniyam, dukhavedaniyam pavattivaseneva vatṭati. Etassa pana vasena sabbam pavattivaseneva vatṭati.

Etassa bhagavāti therō tathāgatena mahākammavibhaṅgakathanatthām ālayo dassito, tathāgatam yācitvā mahākammavibhaṅgaññām bhikkhusaṅghassa pākaṭam karissāmīti cintetvā anusandhikusalatāya evamāha. Tattha **mahākamma-vibhaṅganti** mahākammavibhajanām. **Katame cattāro ...pe... idhānanda, ekacco puggalo ...pe... nirayam upapajjatīti** idam na mahākammavibhaṅgaññābhājanām, mahākammavibhaṅgaññābhājanatthāya pana mātikāṭṭhapanām.

301. Idhānanda (4.0183), **ekacco samaṇo vāti** pātiyekko anusandhi. Idañhi bhagavā- “dibbacakkhukā samaṇabrahmaṇā idam ārammaṇam katvā imam paccayaṃ labhitvā idam dassanam gaṇhantī”ti pakāsanatthām ārabhi. Tattha **āta-**

ppanti-ādīni pañcapi vīriyasseva nāmāni. **Cetosamādhinti** dibbacakkhusamādhiṃ. **Passatīti** “so satto kuhim nibbatto”ti olokento passati. **Ye aññathāti** ye “dasannam kusalānam kammapathānam pūritattā nirayam upapajjati”ti jānanti, micchā tesam ñāñanti vadati. Iminā nayena sabbavāresu attho veditabbo. **Viditanti** pākaṭam. **Thāmasāti** diṭṭhithāmena. **Parāmāsāti** diṭṭhiparāmāsenā. **Abhinivissa** voharatīti adhiṭṭhahitvā ādiyitvā voharati.

302. Tatrānandā Ti idampi na mahākammavibhaṅgañāṇassa bhājanam, atha khvāssa mātikāṭṭhapanameva. Ettha pana etesam dibbacakkhukānam vacane ettakā anuññātā, ettakā ananuññātāti idam dassitam. Tattha **tatrāti** tesu catūsu samaṇabrahmañesu. **Idamassāti** idam vacanam assa. **Aññathāti** aññenākārena. Iti imesam samaṇabrahmañānam vāde dvīsu ṭhānesu anuññātā, tīsu ananuññātāti evam sabbattha anuññā nānuññā veditabbā.

303. Evam dibbacakkhukānam vacane anuññā ca ananuññā ca dassetvā idāni mahākammavibhaṅgañāṇam vibhajanto **tatrānanda, yvāyam puggaloti-ādimāha**.

Pubbe vāssa tam kataṁ hotī Ti yam iminā dibbacakkhukena kammañ karonto diṭṭho, tato pubbe katañ. Pubbe katenapi hi niraye nibbattati, pacchā katenapi nibbattati, marañakāle vā pana- “khando seṭṭho sivo seṭṭho, pitāmaho seṭṭho, issarādīhi vā loko visatṭho”ti-ādinā micchādassanenapi nibbattateva. **Diṭṭheva dhammeti** yam tattha diṭṭhadhammavedanīyam hoti, tassa diṭṭheva dhamme, yam upapajjavedanīyam, tassa upapajjitvā, yam aparāpariyavedanīyam, tassa aparasmiñ pariyāye vipākam paṭisamvedeti.

Iti (4.0184) ayam samaño vā brāhmaṇo vā ekam kammarāsim ekañca vipākarāsim addasa, sammāsambuddho iminā adiṭṭhe tayo kammarāsi, dve ca vipākarāsi addasa. Iminā pana diṭṭhe adiṭṭhe ca cattāro kammarāsi tayo ca vipākarāsi addasa. Imāni satta ṭhānāni jānanañāṇam tathāgatassa mahākammavibhaṅgañāṇam nāma. Dutiyavāre

dibbacakkhukena kiñci na diñtham, tathāgatena pana tayo kammarāsī, dve ca vipākarāsī diñthāti. Imānipi pañca paccattatthānāni jānanañānam tathāgatassa mahākammavibhañgāñānam nāma. Sesavāradvayepi eseva nayo.

Abhabbanti bhūtavirahitam akusalam. **Abhabbābhāsanti** abhabbam ābhāsatī abhibhavati pañibāhatīti attho. Bahukasmīhi akusalakamme āyūhite balavakammañ dubbalakammassa vipākam pañibāhitvā attano vipākassa okāsam karoti idam abhabbañceva abhabbābhāsañca. Kusalam pana āyūhitvā āsanne akusalam katañ hoti, tam kusalassa vipākam pañibāhitvā attano vipākassa okāsam karoti, idam abhabbam bhabbābhāsam. Bahumhi kusale āyūhitepi balavakammam dubbalakammassa vipākam pañibāhitvā attano vipākassa okāsam karoti, idam bhabbañceva bhabbābhāsañca. Akusalam pana āyūhitvā āsanne kusalam katañ hoti, tam akusalassa vipākam pañibāhitvā attano vipākassa okāsam karoti, idam bhabbam abhabbābhāsam.

Apica upañthānākārenapettha attho veditabbo. Idañhi vuttam hoti, abhabbatō ābhāsatī upañthātīti **abhabbābhāsam**. Tattha “yvāyam puggalo idha pāñatipāti” ti-ādinā nayena cattāro puggalā vuttā, tesu pañhamassa kammañ abhabbam abhabbābhāsam, tañhi akusalattā abhabbam, tassa ca niraye nibbattattā tattha nibbattikārañabhūtam akusalam hutvā upañthāti. Dutiyassa kammañ abhabbam bhabbābhāsam, tañhi akusalattā abhabbam. Tassa pana sagge nibbattattā aññatithiyānam sagge nibbattikārañabhūtam (4.0185) kusalam hutvā upañthāti. Itaramimpi kammadvaye eseva nayo. Sesam sabbattha uttānamevāti.

Papañcasūdaniyā majjhimanikāyañthakathāya

Mahākammavibhañgasuttavaññanā niñhitā.

7. Saññayanavibhañgasuttavaññanā

304. Evam me sutanti saññayanavibhañgasuttañam. Tattha **veditabbānīti** sahavipassanena maggena jānitabbāni. **Manopavicārāti** vitakkavicārā. Vitakkuppāda-kañhi mano idha manoti adhippetam, manassa upavicārāti manopavicārā. **Sattapadāti** vaññavivatthānissitānam sattānam padā. Ettha hi aññhārasa vaññapadā nāma, aññhārasa vivatthāpadā nāma, tepi sahavipassanena maggeneva veditabbā. **Yoggacariyānanti** hatthiyoggādi-ācārasikkhāpakānam, dametabbadamakānanti attho. Sesam vibhañgeyeva āvibhavissati. **Ayamuddesoti** idam mātikāñthapanam.

305. Cakkhāyanādīni visuddhimagge vitthāritāni. **Cakkhuviññāñānti** kusalāku-salavipākato dve cakkhuviññāñāni. Sesapasādaviññāñesupi eseva nayo. Imāni pana dasa ñhapetvā sesam idha manoviññāñam nāma.

Cakkhusamphassoti cakkhumhi samphasso. Cakkhuviññāñasampayuttasa-mphassassetam adhivacanam. Sesesupi eseva nayo.

Cakkhunā rūpaṁ disvāti cakkhuviññāṇena rūpaṁ disvā. Eseva nayo sabbattha. **Somanassatthāniyanti** somanassassa ārammaṇavasena kāraṇabhūtam. **Upavicarati** tattha vicārapavattanena upavicarati, vitakko tamṣampayutto cāti iminā nayena aṭṭhārasa vitakkavicārasaṅkhātā manopavicārā veditabbā. **Cha somanassūpavicārāti** ettha pana somanassena saddhiṁ upavicarantīti somanassūpavicārā. Sesapadadvayepi eseva nayo.

306. GehasitānīTi (4.0186) kāmaguṇanissitāni. **Nekhammasitānīti** vipassanā-nissitāni. **Iṭṭhānanti** pariyesitānam. **Kantānanti** kāmitānam. **Manoramānanti** mano etesu ramatīti manoramāni, tesam manoramānam. **Lokāmisapaṭisamyuttānanti** taṇhāpaṭisamyuttānam. **Atītānanti** paṭiladdham. Paccuppannam tāva ārabbha somanassam uppajjatu, atīte kathām uppajjatīti. Atītepi- “yathāham etarahi iṭṭhārāmaṇam anubhavāmi, evam pubbepi anubhavin”ti anussarantassa balavasomannassam uppajjati.

Aniccatanti aniccākāram. **Vipariṇāmavirāganirodhanti** pakativijahanena vipariṇāmaṁ, vigacchanena virāgam, nirujjhānena nirodham. **Sammapaññāyāti** vipassanāpaññāya. **Idam vuccati nekkhammasitam somanassanti** idam rañño viya attano sirisampattim olokentassa vipassanam paṭṭhapetvā nisinnassa saṅkhārānam bhedam passato saṅkhāragatamhi tikkhe sūre vipassanāñāne vahante uppannasomanassam “nekkhammasitam somanassan”ti vuccati. Vuttampi cetam-

“Suññāgāram paviṭṭhassa, santacittassa bhikkhuno;
amānusī ratī hoti, sammā dhammam vipassato.

Yato yato sammasati, khandhānam udayabbayam;
labhatī pītipāmojjam, amatantam vijānatan”ti. (dha. pa. 373-374);

Imānīti imāni chasu dvāresu iṭṭhārammaṇe āpāthagate aniccādivasena vipassanam paṭṭhapetvā nisinnassa uppannāni cha nekkhammasitāni somanassāni.

307. Atītānanti paccuppannam tāva patthetvā alabhantassa domanassam uppajjatu, atīte kathām uppajjatīti. Atītepi “yathāham etarahi iṭṭhārammaṇam patthetvā na labhāmi, evam pubbepi patthetvā na labhin”ti anussarantassa balavadomannassam uppajjati.

Anuttaresu vimokkhesūti anuttaravimokkho nāma arahattam, arahatte patthanam paṭṭhapentassāti attho. **Āyatānanti** arahattāyatanaṁ. **Pihām upaṭṭhāp-yatoti** patthanam paṭṭhapentassa. Tam panetam patthanam paṭṭhapentassa (4.0187) uppajjati, iti patthanāmūlakattā “pihām upaṭṭhāpayato”ti vuttaṁ. **Imāni cha nekkhammasitāni domanassānīti** imāni evam chasu dvāresu iṭṭhārammaṇe āpāthagate arahatte pihām paṭṭhapetvā tadadhigamāya aniccādivasena vipassanam upaṭṭhapetvā ussukkāpetum asakkontassa- “imampi pakkhaṁ imampi māsaṁ imampi saṃvaccharaṁ arahattam pāpuṇitum nāsakkhin”ti anusocato gāmantapabbhāravāsimahāsīvattherassa viya assudhārāpavattanavasena uppannadomanassāni cha nekkhammasitadomanassānīti veditabbāni. Vatthu pana **sumaṅgalavilāsiniyā dīghanikāyaṭṭhakathāya** sakkapañhavaṇṇanāyam (dī. ni. aṭṭha. 2.361) vitthāritam, icchantena tato gahetabbam.

308. Uppajjati upekkhāti ettha upekkhā nāma aññānupekkhā. **AnodhijinassāTi**

kilesodhiṃ jinitvā ṭhitattā khīṇāsavo odhijino nāma, tasmā akhīṇāsavassāti attho. **AvipākajinassāTi** etthapi āyatim̄ vipākam̄ jinitvā ṭhitattā khīṇāsavova vipākajino nāma, tasmā akhīṇāsavassevāti attho. **Anādīnavadassāvinoti**-ādīnavato upaddavato apassantassa. **Imā cha gehasitā upekkhāti** imā evam̄ chasu dvāresu iṭṭhārammaṇe āpāthagate guṇapiṇḍake nilīnamakkhikā viya rūpādīni anativattamānā tattha laggā laggitā hutvā uppannā upekkhā cha gehasitā upekkhāti veditabbā.

Rūpaṃ sā ativattatīti rūpam̄ sā anatikkamati, tattha nikantivasena na tiṭṭhati. **Imā cha nekkhammasitā upekkhāti** imā evam̄ chasu dvāresu iṭṭhādi-ārammaṇe āpāthagate iṭṭhe arajjantassa, aniṭṭhe adussantassa, asamapekkhane asammuyhantassa, uppannavipassanā-ñāṇasampayuttā cha nekkhammasitā upekkhāti veditabbā.

309. Tatra idam̄ nissāya idam̄ pajahathāti tesu chattim̄sasattapadesu aṭṭhārasa nissāya aṭṭhārasa pajahathāti attho. Teneva- “tatra, bhikkhave, yāni cha nekkhammasitāni”ti-ādimāha. **Nissāya āgammāti** pavattanavasena nissāya ceva āgamma ca. **Evametesam̄ samatikkamo** (4.0188) hotīti evam̄ nekkhammasitānam̄ pavattanena gehasitāni atikkantāni nāma honti.

Evam̄ sarikkhakeneva sarikkhakam̄ jahāpetvā idāni balavatā dubbalam̄ jahāpentō- “tatra, bhikkhave, yāni cha nekkhammasitāni somanassāni”ti-ādimāha. Evam̄ nekkhammasitasomanassehi nekkhammasitadomanassāni, nekkhammasita-upekkhāhi ca nekkhammasitasomanassāni jahāpentena balavatā dubbalappahānam̄ kathitam̄.

Ettha pana ṭhatvā upekkhākathā veditabbā- aṭṭhasu hi samāpattisu paṭhamādīni ca tīṇi jhānāni, suddhasaṅkhāre ca pādake katvā vipassanam̄ āraddhānam̄ catunnam̄ bhikkhūnam̄ pubbabhāgavipassanā somanassasahagatā vā hoti upekkhāsahagatā vā, vuṭṭhānagāminī pana somanassasahagatāva. Catutthajjhānādīni pādakāni katvā vipassanam̄ āraddhānam̄ pañcannam̄ pubbabhāgavipassanā purimasadisāva. Vuṭṭhānagāminī pana upekkhāsahagatā hoti. Idam̄ sandhāya- “yā cha nekkhammasitā upekkhā, tā nissāya tā āgamma, yāni cha nekkhammasitāni somanassāni, tāni pajahathā”ti vuttam̄. Na kevalañca evam̄paṭipannassa bhikkhuno ayam̄ vipassanāya vedanāvisesova hoti, ariyamaggepi pana jhānaṅgabojjhāṅgamaggaṅgānampi viseso hoti.

Ko panetam̄ visesam̄ niyameti? Keci tāva therā vipassanāpādakajjhānam̄ niyametīti vadanti, keci vipassanāya ārammaṇabhūtā kandhā niyamentīti vadanti, keci puggalajjhāsayo niyametīti vadanti. Tesampi vāde ayameva pubbabhāge vuṭṭhānagāminīvipassanā niyametīti veditabbā. Vinicchayakathā panettha **visuddhimagge** saṅkhārupekkhānid dese vuttāva.

310. Nānattāti nānā bahū anekappakārā. **Nānattasitāti** nānārammaṇanissitā. **Ekattāti** ekā. **Ekattasitāti** ekārammaṇanissitā. Katamā panāyam̄ upekkhāti? Heṭṭhā tāva aññānupekkhā vuttā, upari chaṭaṅgupekkhā vakkhati, idha samatha-upekkhā, vipassanupekkhāti dve upekkhā gahitā.

Tattha yasmā aññāva rūpesu upekkhā, aññāva saddādīsu, na hi yā rūpe upekkhā, sā saddādīsu hoti. Rūpe upekkhā ca rūpameva ārammaṇam̄ karoti (4.0189 na saddādayo. Rūpe upekkhābhāvañca aññā samatha-upekkhā pathavīkasiṇam̄

ārammaṇam katvā uppajjati, aññā āpokasiṇādīni. Tasmā nānattam nānattasitam vibhajanto **atthi**, **bhikkhave**, **upekkhā rūpesūti**-ādimāha. Yasmā pana dve vā tīṇī vā ākāsānañcāyatanāni vā viññāṇañcāyatanādīni vā natthi, tasmā ekattam ekattasitam vibhajanto **atthi**, **bhikkhave**, **upekkhā ākāsānañcāyatanañissitāti**-ādimāha.

Tattha ākāsānañcāyatana-**upekkhā** sampayuttavasena ākāsānañcāyatananissitā, ākāsānañcāyatanakhandhe vipassantassa vipassanupekkhā ārammaṇavasena ākāsānañcāyatananissitā. Sesāsupi eseva nayo.

Tam **pajahathāti** ettha arūpāvacarasamāpatti-**upekkhāya** rūpāvacarasamāpatti-**upekkham** pajahāpeti, arūpāvacaravipassanupekkhāya rūpāvacaravipassanupekkham.

Atammayatanti ettha tammayatā nāma taṇhā, tassā pariyādānato vuṭṭhānagāminīvipassanā atammayatāti vuccati. **Tam** **pajahathāti** idha vuṭṭhānagāminīvipassanāya arūpāvacarasamāpatti-**upekkhañca** vipassanupekkhañca pajahāpeti.

311. Yadariyoti ye satipatṭhāne ariyo sammāsambuddho sevati. Tattha tīsu thānesu satim paṭṭhapento satipatṭhāne sevatīti veditabbo. **Na sussūsantīti** saddhitvā sotum na icchanti. **Na aññāti** jānanatthāya cittam na upaṭṭhapenti. **Vokkamāti** atikkamityā. **Satthu sāsanāti** sathu ovādaṃ gahetabbam pūretabbam na maññantīti attho. **Na ca attamanoti** na

sakamano. Ettha ca gehasitadomanassavasena appatīto hotīti na evamattho datṭhabbo, appatipannakesu pana attamanatākāraṇassa abhāvenetam vuttam. **Anavassutoti** paṭigha-avassavena anavassuto. **Sato sampajānoti** satiyā ca nāñena ca samannāgato (4.0190). **Upekkhakoti** chaṭaṅgupekkhāya upekkhako. **Attamanotī** idhāpi gehasitasomanassavasena uppilāvitoti na evamattho datṭhabbo, paṭipannakesu pana anattamanatākāraṇassa abhāvenetam vuttam. **Anavassutoti** rāgāvassavena anavassuto.

312. Sāritoti damito. **Ekameva disam dhāvatīti** anivattitvā dhāvanto ekamyeva disam dhāvati, nivattitvā pana aparaṁ dhāvitum sakkoti. **Aṭṭha disā vidhāvatīti** eka-pallaṅkena nisinno kāyena anivattitvāva vimokkhavasena ekappahāreneva aṭṭha disā vidhāvati, puratthābhimukho vā dakkhiṇādīsu aññataradisābhimukho vā nisiditvā aṭṭha samāpattiyo samāpajjatiyevāti attho. Sesam sabbattha uttānamevāti.

Papañcasūdaniyā majjhimanikāyaṭṭhakathāya

Salāyatana vibhaṅgasuttavaṇṇanā niṭṭhitā.

8. Uddesavibhaṅgasuttavaṇṇanā

313. Evaṁ me sutanti uddesavibhaṅgasuttaṁ. Tattha **uddesavibhaṅganti** udde-sañca vibhaṅgañca, mātikañca vibhajanañcāti attho. **Upaparikkheyāti** tuleyya tīreyya pariggaṇheyya paricchindeyya. **Bahiddhāti** bahiddhā-ārammañesu. **Avikkhittam** **avisaṭanti** nikantivasena ārammañe tiṭṭhamānaṁ vikkhittam visaṭam nāma hoti, tam paṭisedhento evamāha. **Ajjhattam** **asaṇṭhitanti** gocarajjhatte nikantivasena asaṇṭhitam. **Anupādāya na paritasseyyāti** anupādiyitvā aggahetvā tam viññānaṁ na paritasseyya. Yathā viññānaṁ bahiddhā avikkhittam avisaṭam, ajjhattam asaṇṭhitam anupādāya na paritasseyya, evam bhikkhu upaparikkheyāti vuttam hoti. **Jātijarāmaraṇadukkhasamudayasambhavoti** jātijarāmaraṇassa ceva avasesassa ca dukkhassa nibbatti na hotīti attho.

316. Rūpanimittānusārīti (4.0191) rūpanimittam anussarati anudhāvatīti rūpanimittānusārī.

318. Evaṁ kho, āvuso, ajjhattam **asaṇṭhitanti** nikantivasena asaṇṭhitam. Nikantivasena hi atiṭṭhamānaṁ hānabhāgiyam na hoti, visesabhāgiyameva hoti.

320. Anupādā paritassanāti satthārā khandhiyavagge “upādāparitassanañca vo, bhikkhave, desessāmi anupādā-aparitassanañcā”ti (sam. ni. 3.7) evam gahetvā paritassanā, aggahetvāva aparitassanā ca kathitā, tam mahāthero upādāparitassanameva anupādāparitassananti katvā dassento evamāha. Katham panesā anupādāparitassanā hotīti. Upādātabbassa abhāvato. Yadi hi koci saṅkhāro nicco vā dhuvo vā attā vā attaniyo vāti gahetabbayuttako abhavissa, ayaṁ paritassanā upādāparitassanāva assa. Yasmā pana evam upādātabbo saṅkhāro nāma natthi,

tasmā rūpam attāti-ādinā nayena rūpādayo upādinnāpi anupādinnāva honti. Evameśā ditthivasena upādāparitassanāpi samānā atthato anupādāparitassanāyeva nāma hotīti veditabbā.

Aññathā hotīti parivattati pakatijahanena nassati, **rūpavipariṇāmānuparivattī** “mama rūpam vipariṇatan”ti vā, “yam ahu, tam vata me natthi”ti vā ādinā (ma. ni. 1.242) nayena kammaviññānam rūpassa bhedānuparivatti hoti. **Vipariṇāmānuparivattajāti** vipariṇāmassa anuparivattanato vipariṇāmārammaṇacittato jātā. **Paritassanā dhammasamuppādāti** tañhāparitassanā ca akusaladhammasamuppādā ca. **Cittam pariyādāya tiṭṭhantīti** kusalacittam pariyādiyitvā gahetvā khepetvā tiṭṭhanti. **Uttāsavāti** bhayatāsenapi sa-uttāso tañhātāsenapi sa-uttāso. **Vighātavāti** savighāto sadukkho. **Apekkhavāti** sālayo sasineho. **Evam kho, āvuso, anupādā paritassanā hotīti** evam maṇikaraṇḍakasaññāya tucchakaraṇḍakam gahetvā tasmiṁ naṭthe pacchā vighātam āpajjantassa viya pacchā aggahetvā paritassanā hoti.

321. Na (4.0192) **ca rūpavipariṇāmānuparivattīti** khīñāsavassa kammaviññāna-meva natthi, tasmā rūpabhedānuparivatti na hoti. Sesam sabbattha uttānamevāti.

Papañcasūdaniyā majjhimanikāyatthakathāya

Uddesavibhaṅgasuttavaṇṇanā niṭhitā.

9. Araṇavibhaṅgasuttavaṇṇanā

323. Evam me sutanti araṇavibhaṅgasuttam. Tattha **nevussādeyya na apasādeyyā** Ti gehasitavasena kañci puggalam neva ukkhipeyya na avakkhipeyya. **Dhammadmeva deseyyāti** sabhāvameva katheyya. **Sukhavinicchayanti** vinicchitasukham. **Raho vādanti** parammukhā avaṇṇam, pisuṇavācanti attho. **Sammukhā na khīñanti** sammukhāpi khīñam ākiṇṇam saṃkilittham vācam na bhaṇeyya. **Nābhiniveseyyāti** na adhiṭṭhahitvā ādāya vohareyya. **Samaññanti** lokasamaññam lokapaṇṇattim. **Nātidhāveyyāti** nātikkameyya.

324. Kāmapaṭisandhisukhinoti kāmapaṭisandhinā kāmūpasamhitena sukhena sukhitassa. **Sadukkhoti** vipākadukkhena saṃkilesadukkhenapi sadukkho. **Sa-upaghātoti** vipākūpaghātakilesūpaghāteheva sa-upaghāto. Tathā **sapariḷāho**. **Micchāpaṭipadāti** ayāthāvapaṭipadā akusalapaṭipadā.

326. Ittheke apasādetīti evam gehasitavasena ekacce puggale apasādeti. Ussādanepi esevo nayo. **Bhavasamyojananti** bhavabandhanam, tañhāyetam nāmam.

Subhūtitthero kira imam catukkaṇam nissāya etadagge ṭhapito. Bhagavato hi dhammaṇam descentassa puggalānam ussādanā-apasādanā paññāyanti, tathā sāriputtatherādīnam. Subhūtittherassa pana dhammadesanāya “ayaṁ puggalo appaṭipannako anārādhako”ti vā, “ayaṁ sīlavā guṇavā lajjipesalo ācārasampanno”ti vā natthi, dhammadesanāya panassa “ayaṁ micchāpaṭipadā, ayaṁ (4.0193) sammā-

paṭipadā”tveva paññāyati. Tasmā bhagavā “etadaggam, bhikkhave, mama sāvakānam bhikkhūnam arañavihārīnam yadidam subhūti”ti āha.

329. Kālaññū assāti asampatte ca atikkante ca kāle akathetvā “idāni vuccamānam mahājano gaṇhissatī”ti yuttapattakālam ḡatvāva parammukhā avaṇṇam bhāseyya. Khīṇavādēpi eseva nayo.

330. Upahaññatī ghātiyati. **Saropi upahaññatī** saddopi bhijjati. **Āturiyatī** āturo hoti gelaññappatto sābādho. **Avissaṭṭhanti** vissatṭham apalibuddham na hoti.

331. Tadevāti tamyeva bhājanam. **Abhinivissa voharatī** pattanti sañjānanajanapadam gantvā “pattam āharatha dhovathā”ti sutvā “andhabālaputhujano, nayidam pattam, pāti namesā, evam vadāhī”ti abhinivissa voharati. Evam sabbapadehi yojetabbam. **Atisāroti** atidhāvanaṁ.

332. Tathā tathā voharati aparāmasanti amhākam janapade bhājanam pātīti vuccati, ime pana nam pattanti vadantīti tato paṭṭhāya janapadavohāram muñcītvā pattam pattanteva aparāmasanto voharati. Sesapadesupi eseva nayo.

333. Idāni mariyādabhājanīyam karonto **tatra, bhikkhaveti-ādimāha**. Tattha **saraṇoti** sarajo sakileso. **Araṇoti** arajo nikileso. **Subhūti ca pana, bhikkhaveti** ayam therō dvīsu ṭhānesu etadaggam āruļho “**araṇavihārīnam** yadidam subhūti, **dakkhiṇyyānam** yadidam subhūti”ti (a. ni. 1.202).

Dhammasenāpati kira vatthum sodheti, subhūtitthero dakkhiṇam sodheti. Tathā hi dhammasenāpati piṇḍāya caranto gehadvāre ṭhito yāva bhikkham āharanti, tāva pubbabhāge paricchinditvā nirodhā samāpajjati, nirodhā vuṭṭhāya deyyadhammaṁ paṭiggaṇhāti. Subhūtitthero ca tatheva mettājhānam samāpajjati, mettājhānā vuṭṭhāya deyyadhammaṁ paṭiggaṇhāti. Evam pana kātum sakkāti. Āma sakkā, neva acchariyañcetam, yaṁ (4.0194) mahābhiññappattā sāvakā evam kareyyum. Imasmimpi hi tambapaññidīpe porāṇakarājakāle piṅgalabuddharakkhitatthero nāma uttaragāmam nissāya vihāsi. Tattha satta kulasatāni honti, ekampi tam kuladvāram natthi, yattha therō samāpattiṁ na samāpajji. Sesam sabbattha uttānamevāti.

Papañcasūdaniyā majjhimanikāyaṭṭhakathāya

Araṇavibhaṅgasuttavaṇṇanā niṭṭhitā.

10. Dhātuvibhaṅgasuttavaṇṇanā

342. Evaṁ me sutanti dhātuvibhaṅgasuttam. Tattha **cārikanti** turitagamanacārikam. **Sace te bhaggava agarūti** sace tuyham bhāriyam aphāsukam kiñci natthi. **Sace so anujānātīti** bhaggavassa kira etadahosi- “pabbajitā nāma nānā-ajjhāsayā, eko gaṇābhīrato hoti, eko ekābhīrato. Sace so ekābhīrato bhavissati, ‘āvuso, mā

pāvisi, mayā sālā laddhā'ti vakkhati. Sace ayam ekābhīrato bhavissati, 'āvuso, nikkhama, mayā sālā laddhā'ti vakkhati. Evam sante aham ubhinnam vivādakāretā nāma bhavissāmi, dinnam nāma dinnameva vaṭṭati, kataṁ katamevā"ti. Tasmā evamāha.

Kulaputtoti jātikulaputtopi ācārakulaputtopi. **Vāsūpagatoti** vāsam upagato. Kuto āgantvāti? Takkasīlanagarato.

Tatrāyam anupubbikathā- majjhimappadese kira rājagahanagare bimbisāre rajjam kārente paccante takkasīlanagare pukkusāti rājā rajjam kāresi. Atha takka-sīlato bhaṇḍam gahetvā vāñijā rājagahaṁ āgatā paññākāraṁ gahetvā rājānam addasamsu. Rājā te vanditvā ṭhite "katthavāsino tumhe"ti pucchi. Takkasīlavāsino devāti. Atha ne rājā janapadassa khemasubhikkhatādīni nagarassa ca pavattim pucchitvā "ko nāma tumhākam rājā"ti pucchi. Pukkusāti nāma devāti. Dhammikoti? Āma deva dhammiko. Catūhi saṅgahavatthūhi janam saṅgaṇhāti, lokassa mātāpitīṭhāne (4.0195) ṭhito, aṅge nipannadārakam viya janam tosetīti. Kata-rasmiṁ vaye vattatīti? Athassa vayaṁ ācikkhiṁsu. Vayesupi bimbisārena sama-vayo jāto. Atha te rājā āha- "tātā tumhākam rājā dhammiko, vayena ca me samāno, sakkuṇeyyātha tumhākam rājānam mama mittam kātun"ti. Sakkoma devāti. Rājā tesam suñkam vissajjetvā gehaṇca dāpetvā- "gacchatha bhaṇḍam vikkinītvā gamanakāle mam disvā gaccheyyāthā"ti āha. Te tathā katvā gamana-kāle rājānam addasamsu. "Gacchatha tumhākam rājānam mama vacanena puna-pnumā ḍrogyam pucchitvā 'rājā tumhehi saddhim mittabhāvam icchatīti vadathā"- ti āha.

Te sādhūti paṭissuṇitvā gantvā bhaṇḍam paṭisāmetvā bhuttapātarāsā rājānam upasaṅkamitvā vandimsu. Rājā "kahaṁ bhaṇe tumhe ettake ime divase na dissathā"ti pucchi. Te sabbam pavattim ārocesum. Rājā- "sādhu, tātā, tumhe nissāya mayā majjhimappadese rājā mitto laddho"ti attamano ahosi. Aparabhāge rājaga-havāsinopi vāñijā takkasīlam agamamsu. Te paññākāraṁ gahetvā āgate pukku-sāti rājā "kuto āgatathā"ti pucchitvā "rājagahato"ti sutvā "mayhaṁ sahāyassa nagarato āgatā tumhe"ti. Āma devāti. Ārogyam me

sahāyassāti ārogyam pucchitvā “ajja paṭṭhāya ye mayham sahāyassa nagarato jaṅghasatthena vā sakatasatthena vā vāṇijā āgacchanti, sabbesam mama visayaṁ paviṭṭhakālato paṭṭhāya vasanagehāni, rājakoṭṭhāgārato nivāpañca dentu, suṅkam vissajjentu, kiñci upaddavaṁ mā karontū”ti bherim carāpesi. Bimbisāropi attano nagare tatheva bherim carāpesi.

Atha bimbisāro pukkusātissa paññam pahiṇi-“paccantadese nāma maṇimuttādīni ratanāni uppajjanti, yaṁ mayham sahāyassa rajje dassanīyaṁ vā savanīyaṁ vā ratanam uppajjati, tattha me mā maccharāyatū”ti. Pukkusātipi-“majjhimadeso nāma mahājanapado, yaṁ tattha evarūpaṁ ratanam uppajjati, tattha me sahāyo mā maccharāyatū”ti paṭipaññam pahiṇi. Evam te gacchante gacchante kāle añña-maññam adisvāpi daļhamittā ahesum.

Evam (4.0196) tesam katikam katvā vasantānam paṭhamataram pukkusātissa paññākāro uppajji. Rājā kira aṭṭha pañcavaṇṇe anagghakambale labhi. So-“atisundarā ime kambalā, ahaṁ sahāyassa pesissāmī”ti lākhāguṭamatte aṭṭha sārakaraṇḍake likhāpetvā tesu te kambale pakhipitvā lākhāya vaṭṭāpetvā setavatthena veṭhetvā samugge pakhipitvā vatthena veṭhetvā rājamuddikāya lañchetvā “mayham sahāyassa dethā”ti amacce pesesi. Sāsanañca adāsi-“ayaṁ paññākāro nagaramajjhe amaccādiparivutena datṭhabbo”ti. Te gantvā bimbisārassa adamsu.

So sāsanaṁ sutvā amaccādayo sannipatantūti bherim carāpetvā nagaramajjhe amaccādiparivuto setacchattena dhāriyamānena pallāṅkavare nisinno lañchanam bhinditvā vattham apanetvā samuggam vivaritvā anto bhaṇḍikam muñcitvā lākhāguṭe disvā “mayham sahāyo pukkusāti ‘jutavittako me sahāyo’ti maññamāno maññe imam paññākāram pahiṇi”ti ekam guṭam gahetvā hatthena vaṭṭetvā tulayantova anto dussabhaṇḍikam atthīti aññāsi. Atha nam pallāṅkapāde paharitvā tāvadeva lākhā paripati, so nakhena karaṇḍakam vivaritvā anto kambalaratanam disvā itarepi vivarāpesi, sabbe pi kambalā ahesum. Atha ne pattharāpesi, te vaṇṇa-sampannā phassasampannā dīghato soṭasahatthā tiriyaṁ aṭṭhahatthā ahesum. Mahājano disvā aṅguliyō poṭhesi, celukkhepam akāsi,-“amhākam rañño adiṭṭhasahāyo pukkusāti adisvāva evarūpaṁ paññākāram pesesi, yuttam evarūpaṁ mittam kātun”ti attamano ahosi. Rājā ekamekam kambalam agghāpesi, sabbe anagghā ahesum. Tesu cattāro sammāsambuddhassa pesesi, cattāro attano ghare akāsi. Tato cintesi-“pacchā pesentena paṭhamam pesitapaññākārato atirekam pesetum vaṭṭati, sahāyena ca me anaggho paññākāro pesito, kiṁ nu kho pesemi”ti?

Kiṁ pana rājagahe tato adhikam ratanam natthīti? No natthi, mahāpuñño rājā, apica kho panassa sotāpannakālato paṭṭhāya ṭhapetvā tīṇi ratanāni aññam ratanam somanassam janetuṁ samattham nāma natthi (4.0197). So ratanam vici-nitum āraddho- ratanam nāma saviññāṇakam aviññāṇakanti duvidham. Tattha aviññāṇakam suvaṇṇarajatādi, saviññāṇakam indriyabaddham. Aviññāṇakam saviññāṇakasseva alaṅkārādivasena paribhogam hoti, iti imesu dvīsu ratanesu saviññāṇakam seṭṭham. Saviññāṇakampi duvidham tiracchānaratanam manussa-

ratananti. Tattha tiracchānaratanam̄ hatthi-assaratanam̄, tampi manussānam̄ upabhogatthameva nibbattati, iti imesupi dvīsu manussaratanam̄ setṭham̄. Manussaratampi duvidham̄ itthiratanam̄ purisaratananti. Tattha cakkavattino rañño uppannaṁ itthiratanampi purisasseva upabhogaṁ. Iti imesupi dvīsu purisaratanameva setṭham̄.

Purisaratanampi duvidham̄ agāriyaratanaṁ anagāriyaratanañca. Tattha agāriyaratanesupi cakkavattirājā ajja pabbajitasāmaneram̄ pañcapatiṭṭhitena vandati, iti imesupi dvīsu anagāriyaratana nameva setṭham̄. Anagāriyaratanañampi duvidham̄ sekkharatanañca asekkharatanañca. Tattha satasahassampi sekkhānam̄ asekkhassa padesaṁ na pāpuṇāti, iti imesupi dvīsu asekkharatana nameva setṭham̄. Tampi duvidham̄ buddharatanam̄ sāvakaratananti. Tattha satasahassampi sāvakaratanānam̄ buddharatanassa padesaṁ na pāpuṇāti, iti imesupi dvīsu buddharatanameva setṭham̄.

Buddharatanampi duvidham̄ pacceka buddharatanam̄ sabbaññubuddharatananti. Tattha satasahassampi pacceka buddhānam̄ sabbaññubuddhassa padesaṁ na pāpuṇāti, iti imesupi dvīsu sabbaññubuddharatanam̄yeva setṭham̄. Sadevaka-smiñhi loke buddharatanasamam̄ ratanaṁ nāma natthi. Tasmā asadisameva ratanaṁ mayham̄ sahāyassa pesessāmīti cintetvā takkasīlavāsino pucchi- “tātā tumhākam̄ janapade buddho dhammo saṅghoti imāni tīni ratanāni dissantī”ti. Ghosopi so mahārāja tāva tattha natthi, dassanaṁ pana kutoti.

“Sundaram̄ tātā”ti rājā tuṭṭho cintesi- “sakkā bhaveyya janasaṅgahatthāya mayham̄ sahāyassa vasanaṭṭhānam̄ sammāsambuddham̄ pesetuṁ, buddhā pana paccantimesu janapadesu na aruṇam̄ uṭṭhapenti. Tasmā satthārā gantum̄ na sakkā. Sāriputtamoggallānādayo mahāsāvake pesetuṁ sakkā bhaveyya. Mayā (4.0) pana ‘therā paccante vasantī’ti sutvāpi manusse pesetvā te attano samīpam̄ āñāpetvā upaṭṭhātumeva yuttam̄. Tasmā na therehipi sakkā gantum̄. Yena panākārena sāsane pesite satthā ca mahāsāvakā ca gatā viya honti, tenākārena sāsanam̄ pahiñissāmī”ti. Cintetvā caturatanāyāmam̄ vidatthimattaputhulam̄ nātitanum̄ nātibahalam̄ suvaṇṇapatṭam̄ kārāpetvā “tattha ajja akkharāni likhissāmī”ti. Pātova sīsam̄ nhāyitvā uposathaṅgāni adhiṭṭhāya bhuttapātarāso apanītagandhamālābharaṇo suvaṇṇasarakena jātihiṅgulikam̄ ādāya heṭṭhato paṭṭhāya dvārāni pidahanto pāsādamāruyha pubbadisāmukham̄ sīhapañjaram̄ vivaritvā ākāsatale nisīditvā suvaṇṇapatṭe akkharāni likhanto- “idha tathāgato loke uppanno araham̄ sammāsambuddho vijjācaraṇasampanno sugato lokavidū anuttaro purisadammasārathi satthā devamanussānam̄ buddho bhagavā”ti. Buddhaguṇe tāva ekadesena likhi.

Tato “evam̄ dasa pāramiyo pūretvā tusitabhavanato cavitvā mātukucchimhi paṭisandhim̄ gaṇhi, evam̄ lokavivaraṇam̄ ahosi, mātukucchiyam̄ vasamāne idam̄ nāma ahosi, agāramajjhē vasamāne idam̄ nāma ahosi, evam̄ mahābhinnikkhamanam̄ nikkhanto evam̄ mahāpadhānam̄ padahi. Evam̄ dukkarakārikam̄ katvā mahābodhimaṇḍam̄ āruyha aparājitapallaṅke nisinno sabbaññutaññāṇam̄ paṭivijjhī, sabbaññutaññāṇam̄ paṭivijjhantassa evam̄ lokavivaraṇam̄ ahosi. Sadevake loke aññam̄ evarūpam̄ ratanaṁ nāma natthīti.

Yamkiñci vittam idha vā huram vā,
saggesu vā yam ratanam pañitam;
na no samam atthi tathāgatena,
idampi buddhe ratanam pañitam;
etena saccena suvatthi hotū”ti. (khu. pā. 6.3; su. ni. 226)-

Evam ekadesena buddhaguñepi likhitvā dutiyam **dhammaratanam** thomento-
“svākkhāto bhagavatā dhammo ...pe... paccattam veditabbo viññūhi”ti. “Cattāro
satipaññānā ...pe... ariyo atthāngiko maggo”ti. “Satthārā desitadhammo nāma
evarūpo ca evarūpo cā”ti sattatiñsa bodhipakkhiye ekadesena likhitvā-

“Yam (4.0199) buddhaseñño parivanñayi sucim,
samādhimānantarikaññamāhu;
samādhnā tena samo na vijjati,
idampi dhamme ratanam pañitam;

etena saccena suvatthi hotū”ti. (khu. pā. 6.5; su. ni. 228)-

Evam ekadesena dhammaduguñe likhitvā tatiyam **sañgharatanam** thomento-
“suppañipanno bhagavato sāvakasañgho ...pe... puññakkhettam lokassā”ti. “Kula-
puttā nāma satthu dhammakatham sutvā evam nikkhamitvā pabbajanti, keci seta-
cchattam pahāya pabbajanti, keci uparajjam, keci senāpatitthānādīni pahāya
pabbajanti. Pabbajitvā ca pana imañca pañipattim pūrenti”ti cūlañlamajjhimasila-
mahāsīlādīni ekadesena likhitvā chadvārasañvarañ satisampajaññam catupacca-
yasantosam navavidham senāsanam, nīvarañappahānam parikammañ jhānā-
bhiññā atthatiñsa kammatthānāni yāva āsavakkhayā ekadesena likhi, soñasa-
vidham ānāpānassatikammaññānañ vitthāreneva likhitvā “satthu sāvakasañgho
nāma evarūpehi ca gunehi samannāgato.

Ye puggalā atthasatañ pasaññā,
cattāri etāni yugāni honti;
te dakkhiñeyyā sugatassa sāvakā,
etesu dinnāni mahapphalāni;
idampi sañghe ratanam pañitam,
etena saccena suvatthi hotū”ti. (khu. pā. 6.6; su. ni. 229)-

Evam ekadesena sañghaguñe likhitvā- “bhagavato sāsanam svākkhātam niyyā-
nikam, sace mayham sahāyo sakkoti, nikkhamitvā pabbajatū”ti likhitvā suvañña-
paññam samharitvā sukhumakambalena veñhetvā sārasamugge pakkipitvā tam
samuggam suvaññamaye, suvaññamayañ, rajatamaye rajatamayañ mañimaye,
mañimayañ pavālamaye, pavālamayañ lohitāñkamaye, lohitāñkamayañ masāra-
gallamaye, masāragallamayañ phalikamaye, phalikamayañ dantamaye, danta-
mayam sabbaratanamaye, sabbaratanamayañ kilañjamaye, kilañjamayañ
samuggam sārakarañdake ḫapesi.

Puna (4.0200) sārakarañdakam suvaññakarañdaketi purimanayeneva haritvā
sabbaratanamayañ karañdakam kilañjamaye karañdake ḫapesi. Tato kilañja-
mayam karañdakam sāramayapeñāyāti puna vuttanayeneva haritvā sabbaratana-
mayam peñam kilañjamayapeñāya ḫapetvā bahi vatthena veñhetvā rājamuddikāya

lañchetvā amacce āñāpesi- “mama āñāpavattiññhāne maggam alañkārāpetha maggo atthusabhavitthato hotu, catu-usabhaññhānam sodhitamattakameva hotu, majjhe catu-usabham rājānubhāvena pañiyādethā”ti. Tato mañgalahathim alañkārāpetvā tassa upari pallañkam paññapetvā setacchattam ussāpetvā nagaravīthiyo sittasammaññhā samussitaddhajapaññakā kadalipuññaghañagandhadhūmapupphādīhi suppañimaññitā kāretvā “attano attano visayappadese evarūpam pūjam kārentū”ti antarabhogikānam javanadūte pesetvā sayam sabbālañkārena alañkaritvā-“sabbatāññavacarasammissabalakāyaparivuto paññākāram pesemī”ti attano visayapariyantam gantvā amaccassa mukhasāsanam adāsi- “tāta mayham sahāyo pukkusāti imam paññākāram pañicchanto orodhamajjhe apañicchitvā pāsādam āruyha pañicchatū”ti. Evam sāsanam datvā paccantadesam satthā gacchatīti pañcapatiññhitena vanditvā nivatti. Antarabhogikā teneva niyāmena maggam pañiyādetvā paññākāram nayimsu.

Pukkusātipi attano rajjasimato paññhāya teneva niyāmena maggam pañiyādetvā nagaram alañkārāpetvā paññākārassa paccuggamanam akāsi. Paññākāro takka-silam pāpuñanto uposathadivase pāpuñi, paññākāram gahetvā gata-amaccopi rañño vuttasāsanam ārocesi. Rājā tam sutvā paññākārena saddhim āgatānam kattabbakiccam vicāretvā paññākāram ādāya pāsādam āruyha “mā idha koci pavisatū”ti dvāre ārakkham kāretvā sīhapañjaram vivaritvā paññākāram uccāsane ñhapetvā sayam nīcāsane nisinno lañchanam bhinditvā nivāsanam apanetvā kilāñjapeñato paññhāya anupubbena vivaranto sāramayam samuggam disvā cintesi-“mahāparihāro nāyam aññassa ratanassa bhavissati,

addhā majhimadese sotabbayuttakam ratanam uppannam”ti. Atha tam samuggam vivaritvā rājalañchanam bhinditvā suhumakambalam ubhato viyūhitvā suvañnapañtam addasa.

So (4.0201) tam pasāretvā- “manāpāni vata akkharāni samasīsāni samapantīni caturassāni”ti-ādito pañthāya vācetum ārabhi. Tassa- “idha tathāgato loke uppanno”ti buddhaguṇe vācentassa balavasomanassam uppajji, navanavutilomakūpasahassāni uddhaggalomāni ahesum. Attano ṭhitabhāvam vā nisinnabhāvam vā na jānāti. Athassa- “kappakoṭisatasahassehipi etam dullabhasāsanam sahāyam nissāya sotum labhāmī”ti bhiyyo balavapīti udapādi. So hi upari vācetum asakkonto yāva pītivegapassaddhiyā nisīditvā parato- “svākkhāto bhagavatā dhammo”ti dhammaduguṇe ārabhi. Tatrāpissa tatheva ahosi. So puna yāva pītivegapassaddhiyā nisīditvā parato “suppaṭipanno”ti saṅghaguṇe ārabhi. Tatrāpissa tatheva ahosi. Atha sabbapariyante ānāpānassatikammañthānam vācetvā catukkapāñcakajjhānāni nibbattesi, so jhānasukheneva vītināmesi. Añño koci daṭṭhum na labhati, ekova cūlupañthāko pavisati. Evam addhamāsamattam vītināmesi.

Nāgarā rājañgaṇe sannipatitvā ukkuñṭhim akamṣu “paññākāram pañcchitadivاسato pañthāya baladassanam vā nāṭakadassanam vā natthi, vinicchayadānam natthi, rājā sahāyena pahitam paññākāram yassicchat tassa dassetu, rājāno nāma ekaccassa paññākāravasenapi vañcetvā rajjam attano kātum vāyamanti. Kim nāma amhākam rājā karoti”ti? Rājā ukkuñṭhisaddam sutvā- “rajjam nu kho dhāremi, udāhu satthāran”ti cintesi. Athassa etadahosi- “rajjakārita-attabhāvo nāma neva gañakena, na gañakamahāmattena gañetum sakko. Sathusāsanaṁ dhāressāmī”ti sayane ṭhapitam asim gahetvā kese chinditvā sīhapañjaram vivaritvā- “etam gahetvā rajjam kārethā”ti saddhim cūlāmañinā kesakalāpaṁ parismajhe pātesi, mahājano tam ukkhipitvā- “sahāyakasantikā laddhapaññākārā nāma rājāno tumhādisā honti devā”ti ekappahāreneva viravi. Raññopi dvāṅgulamattam kesamassu ahosi. Bodhisattassa pabbajjāsadisameva kira jātam.

Tato (4.0202) cūlupañthākam pesetvā antarāpañā dve kāsāyavatthāni mattikāpattañca āharāpetvā- “ye loke arahanto, te uddissa mayham pabbajjā”ti satthāram uddissa ekam kāsāvam nivāsetvā ekam pārupitvā pattam vāma-aṁsakūṭe katvā kattaradañḍam gahetvā- “sobhati nu kho me pabbajjā no vā”ti mahātale katipayavāre aparāparam cañkamitvā- “sobhati me pabbajjā”ti dvāram vivaritvā pāsādā otari. Otarantam pana nam tīsu dvāresu ṭhitānāṭakādīni disvāpi na sañjāniṁsu. “Eko paccekabuddho amhākam rañño dhammakatham kathetum āgato”ti kira cintayiṁsu. Uparipāsādam pana āruyha rañño ṭhitānisinnañthānāni disvā rājā gatotī ñatvā samuddamajjhe osidamānāya nāvāya janō viya ekappahāreneva viravim̄su. Kulaputtam bhūmitalam otiññamattam atṭhārasaseniyo sabbe nāgarā bala-kāyā ca parivāretvā mahāviravam viravim̄su. Amaccāpi tam etadavocum- “deva majhimadesarājāno nāma bahumāyā, sāsanaṁ pesetvā buddharatanam nāma loke uppannam vā no vāti ñatvā gamissatha, nivattatha devā”ti. Saddhāmaham̄ mayham sahāyakassa, tassa mayā saddhim dvejjhavacanam nāma natthi, tiṭṭhatha tumheti. Te anugacchantiyeva.

Kulaputto kattaradañdena lekhaṁ katvā- “idaṁ rajjaṁ kassā”ti āha? Tumhākaṁ devāti. Yo imam lekhaṁ antaram karoti, rājānāya kāretabboti. Mahājanakajātake bodhisattena katalekhaṁ sivalidevī antaram kātum avisahantī vivattamānā agamāsi. Tassā gatamaggena mahājano agamāsi. Tam pana lekhaṁ mahājano antaram kātum na visahi, lekhaṁ ussīsakaṁ katvā vivattamānā viravim̄su. Kulaputto “ayam me gataṭṭhāne dantakaṭṭham vā mukhodakam vā dassati”ti antamaso ekaceṭakampi aggahetvā pakkāmi. Evam kirassa ahosi “mama satthā ca mahābhikkhamanam nikkhmitvā ekakova pabbajito”ti ekakova agamāsi. “Satthu lajjāmī”ti ca- “satthā kira me pabbajitvā yānam nāruļho”ti ca antamaso ekapaṭalikampi upāhanam nāruhi, paṇṇacchattakampi na dhāresi. Mahājano rukkhapākāraṭṭālakādīni āruyha esa amhākaṁ rājā gacchatīti olokesi. Kulaputto- “dūram gantabbaṁ, na sakkā ekena maggo nittharitun”ti ekam satthavāhaṁ anubandhi. Sukhumālassa kulaputtassa kaṭhinatattāya (4.0203) pathaviyā gachantassa pāda- talesu phoṭā uṭṭhahitvā bhijjanti, dukkhā vedanā uppajjanti. Satthavāhe khandhāvāram bandhitvā nisinne kulaputto maggā okkamma ekasmiṁ rukkhamūle nisīdati. Nisinnaṭṭhāne pādaparikammaṁ vā piṭṭhiparikammaṁ vā kattā nāma natthi, kulaputto ānāpānacatutthajjhānam samāpajjitvā maggadarathakilamathapariṭṭāham vikkhambhetvā jhānaratiyā vītināmeti.

Punadivase uṭṭhite aruṇe sarīrapaṭijagganam katvā puna satthavāhaṁ anubandhati. Pātarāsakāle kulaputtassa pattam gaheṭvā khādanīyam bhojanīyam patte pakkipitvā denti. Tam uttanḍulampi hoti kilinnampi samasakkharampi alonātiloṇampi, kulaputto pavisaṇṭṭhānam paccavekkhitvā amataṁ viya paribhuñjitvā etena niyāmena aṭṭhahi ūnakāni dve yojanasatāni gato. Jetavanadvārakoṭṭhakassa pana samīpena gacchantopi- “kaham satthā vasatī”ti nāpucchi. Kasmā? Satthugāravena ceva rañño pesitasāsanavasena ca. Rañño hi- “idha tathāgato loke uppajjati”ti satthāraṁ rājagahe uppannam viya katvā sāsanam pesitam, tasmā nam apucchitvāva pañcacattālisayojanamattam maggam atikkanto. So sūriyatthaṅgamanavelāya rājagahaṁ patvā satthā kaham vasatīti pucchi. Kuto nu, bhante, āgatoti? Ito uttaratoti. Satthā tuyham āgatamagge ito pañcacattālisayojanamatte sāvatthi nāma atthi, tattha vasatīti. Kulaputto cintesi- “idāni akālo na sakkā gantum, ajja idheva vasitvā sve satthu santikam gamissāmī”ti. Tato- “vikāle sampattapabbajitā kaham vasanti”ti pucchi. Imāya kumbhakārasālāya, bhanteti. Atha so tam kumbhakāraṁ yācītvā tattha vāsathāya pavisitvā nisīdi.

Bhagavāpi tamdivasam paccūsakāle lokam volokento pukkusātiṁ disvā cintesi- “ayam kulaputto sahāyena pesitam sāsanamattakam vācetvā atirekatyojanasatikam mahārajjam pahāya maṁ uddissa pabbajitvā aṭṭhahi ūnakāni dve yojanasatāni atikkamma rājagahaṁ pāpuṇissati, mayi agacchante pana tīni sāmaññaphalāni appaṭivijjhītī ekarattivāsena anāthakālakiriyam karissati, mayi pana gate (4.020 tīni sāmaññaphalāni paṭivijjhissati. Janasaṅghahatthāyeva pana mayā satasahassakappādhikāni cattāri asaṅkhyeyyāni pāramiyo pūritā, karissāmi tassa saṅgan”ti pātova sarīrapaṭijagganam katvā bhikkhusaṅghaparivuto sāvatthiyam piṇḍāya caritvā pacchābhattam piṇḍapātappaṭikkanto gandhakuṭīm pavisitvā muhuttam

attadarathakilamathaṁ paṭipassambhetvā- “kulaputto mayi gāravena dukkaram akāsi, atirekayojanasataṁ rajjam pahāya antamaso mukhadhovanadāyakampi ceṭakam aggahetvā ekakova nikkhanto”ti sāriputtamahāmoggallānādīsu kañci anāmantetvā sayameva attano pattacīvaraṁ gahetvā ekakova nikkhanto. Gacchanto ca neva ākāse uppati, na pathavim samkhipi, - “kulaputto mama lajjamāno hatthi-assarathasuvanṇasivikādīsu ekayānepi anisīditvā antamaso ekapaṭalikam upāhanampi anāruyha paññacchattakampi aggahetvā nikkhanto, mayāpi padasāva gantum vaṭṭatī”ti pana cintetvā padasāva agamāsi.

So asīti anubyañjanāni byāmappabhā bāttīmsa mahāpurisalakkhaṇānīti imam buddhasirim paṭicchādetvā valāhakapaṭicchanno puṇṇacando viya aññatarabhi-kkhuvesena gacchanto ekapacchābhetteneva pañcacattālīsa yojanāni atikkamma sūriyatthaṅgamalivelāya kulaputte paviṭṭhamatteyeva tam kumbhakārasālam pāpuṇi. Tam sandhāya vuttam- “tena kho pana samayena, pukkusāti, nāma kulputto bhagavantam uddissa saddhāya agārasmā anagāriyam pabbajito, so tasmiṁ kumbhakārāvesane paṭhamam vāsūpagato hotī”ti.

Evam gantvāpi pana bhagavā- “aham sammāsambuddho”ti pasayha kumbhakārasālam apavisitvā dvāre ṭhitova kulaputtam okāsam kārento **sace te bhikkhūti**-ādimāha. **Urundanti** vivittam asambādhām. **Viharatāyasmā yathāsukhanti** yena yena iriyāpathena phāsu hoti, tena tena yathāsukham āyasmā viharatūti okāsam akāsi. Atirekatyojanasatañhi rajjam pahāya pabbajito kulaputto parassa chaḍḍitapatitam (4.0205) kumbhakārasālam kiṁ aññassa sabrahmacārino maccharāyi-sati. Ekacce pana moghapurisā sāsane pabbajitvā āvāsamacchariyādīhi abhi-bhūtā attano vasanaṭṭhāne mayham kuṭi mayham parivenjanti aññesam avāsāya parakkamanti. **Nisiditi** accantasukhumālo lokanātho devavimānasadisam gandha-kuṭīm pahāya tattha tattha vippakiṇṇachārikāya bhinnabhājanatiṇapalāsakukkuṭa-sūkaravaccādisamkiliṭṭhāya saṅkāraṭṭhānasadisāya kumbhakārasālāya tiṇasa-nthāram santharitvā pañṣukūlacīvaraṁ paññapetvā devavimānasadisam dibbag-andhasugandham gandha-kuṭīm pavisitvā nisidanto viya nisidi.

Iti bhagavāpi asambhinnamahāsammatavamse uppanno, kulaputtopi khattiya-gabbhe vadḍhito. Bhagavāpi abhinīhārasampanno, kulaputtopi abhinīhārasampanno. Bhagavāpi rajjam pahāya pabbajito, kulaputtopi. Bhagavāpi suvaṇṇavaṇṇo, kulaputtopi. Bhagavāpi samāpattilābhī, kulaputtopi. Iti dvepi khattiya dvepi abhinīhārasampannā dvepi rājapabbajitā dvepi suvaṇṇavaṇṇā dvepi samāpattilābhino kumbhakārasālam pavisitvā nisinnāti tehi kumbhakārasālā ativiya sobhati, dvīhi sīhādīhi paviṭṭhaguḥādīhi āharitvā dīpetabbam. Tesu pana dvīsu bhagavā-“sukhumālo aham paramasukhumālo ekapacchābhettena pañcacattālīsa yojanāni āgato, muhuttaṁ tāva sīhaseyyam kappetvā maggadaratham paṭipassambhe-mī”ti cittampi anuppādetvā nisidantova phalasamāpattim samāpajji. Kulaputtopi-“dvānavutiyojanasataṁ āgatomhi, muhuttaṁ tāva nipajjītvā maggadaratham vino-demi”ti cittam anuppādetvā nisidamānova ānāpānacatutthajjhānam samāpajji. Idam sandhāya **atha kho bhagavā bahudeva rattinti-ādi** vuttam.

Nanu ca bhagavā kulaputtassa dhammaṁ desessāmīti āgato, kasmā na dese-

sīti? Kulaputtassa maggadaratho appatipassaddho, na sakkhissati dhammadesanam sampaticchitum, so tāvassa paṭipassambhatūti na desesi. Apare “rājagaham nāma ākiṇṇamanussam avivittam dasahi saddehi, so saddo diyadḍhayāmattena sannisīdati, tam āgamento na desesi”ti vadanti. Tam akāraṇam, brahmalokappamāṇampi hi saddam bhagavā attano ānubhāvena (4.0206) vūpasametum sakkoti, maggadarathavūpasamaṁ āgamentoyeva pana na desesi.

Tattha **bahudeva rattinti** diyadḍhayāmamattam. **Etadahosīti** bhagavā phalasmāpattito vuṭṭhāya suvaṇṇavimāne maṇisīhapañjaram vivaranto viya pañcapasādappaṭimāṇḍitāni akkhīni ummīletvā olokesi, athassa hathakukkuccapādakukkuccasīsakampanavirahitam sunikhāta-indakhīlam viya niccalam avibbhantam suvaṇṇapaṭimam viya nisinnam kulaputtam disvā etam- “pāsādikam kho”ti-ādi ahosi. Tattha **pāsādikanti** pasādāvaham. Bhāvanapūmsakam panetam, pāsādikena iriyāpathena iriyati. Yathā iriyato iriyāpatho pāsādiko hoti, evam iriyatīti ayamettha attho. Catūsu hi iriyāpathesu tayo iriyāpathā na sobhanti. Gacchantassa hi bhikkhuno hatthā calanti, pādā calanti, sīsam calati, ṭhitassa kāyo thaddho hoti, nipannassāpi iriyāpatho amanāpo hoti, pacchābhatte pana divāṭṭhānam samajjītvā cammakhaṇḍam paññapetvā sudhotahatthapādassa catusandhikapallāṅkam ābhujītvā nipannasseva iriyāpatho sobhati. Ayañca kulaputto pallaṅkam ābhujītvā ānāpānacatutthajjhānam appetvā nisīdi. Itissa iriyāpatheneva pasanno bhagavā- “pāsādikam kho”ti parivitakkesi.

Yamnūnāham puccheyyanti kasmā pucchat? Kim bhagavā attānam uddissa pabbajitabhāvam na jānātīti? No na jānāti, apucchite pana kathā na patiṭṭhāti, apatiṭṭhitāya kathāya kathā na sañjāyatīti kathāpatiṭṭhāpanattham pucchi.

Disvā ca pana jāneyyāsīti tathāgataṁ buddhasiriyā virocantaṁ ayam buddhoti sabbe jānanti. Anacchariyametam jānanam, buddhasirim pana paṭicchādetvā aññatarapīṇḍapātikavesena caranto dujjāno hoti. Iccāyasmā, pukkusāti, “na jāneyyan”ti sabhāvameva katheti. Tathā hi nam ekakumbhakārasālāya nisinnampi na jānāti.

kulaputto sahāyena pesitam sāsanamattam vācetvā rajjam (4.0207) pahāya

Etadahosīti maggadarathassa vūpasamabhāvam ūnatvā ahosi. **Evamāvusoti** kulaputto sahāyena pesitam sāsanamattam vācetvā rajjam (4.0207) pahāya pabbajamāno- “dasabalassa madhuradhammadesanam sotum labhissāmi”ti. Pabbajito, pabbajitvā ettakam addhānam āgacchanto- “dhammam te bhikkhu desessāmī”ti padamattassa vattāram nālattha, so “dhammam te bhikkhu desessāmī”ti vuttam kiṁ sakkaccam na suṇissati. Pipāsitasoṇdo viya hi pipāsitahatthī viya cāyam, tasmā sakkaccam savanam paṭijānanto “evamāvuso”ti āha.

343. Chadhāturo ayanti bhagavā kulaputtassa pubbabhāgapatiipadam akathetvā āditova arahattassa padaṭṭhānabhūtam accantasuññataṁ vipassanālakkhaṇameva ācikkhitum āraddho. Yassa hi pubbabhāgapatiipadā aparisuddhā hoti, tassa paṭhamameva sīlasaṁvaram indriyesu guttadvāratam bhojane mattaññutam jāgariyānuyogaṁ satta saddhamme cattāri jhānānīti imam pubbabhāgapatiipadam ācikkhati. Yassa panesā parisuddhā, tassa tam akathetvā arahattassa padaṭṭhānabhūtam vipassanameva ācikkhati. Kulaputtassa ca pubbabhāgapatiipadā pari-suddhā. Tathā hi anena sāsanam vācetvā pāsādavaragateneva ānāpānacatutthājjhānam nibbattitam, yadassa dvānavutiyojanasabham āgacchantassa yānakiccam sādhesi, sāmaṇerasilampissa paripuṇṇam. Tasmā pubbabhāgapatiipadam akathetvā arahattassa padaṭṭhānabhūtam accantasuññataṁ vipassanālakkhaṇamevassa ācikkhitum āraddho.

Tattha **chadhāturoti** dhātuyo vijjamānā, puriso avijjamāno. Bhagavā hi katthaci vijjamānena avijjamānam dasseti, katthaci avijjamānena vijjamānam, katthaci vijjamānena vijjamānam, katthaci avijjamānena avijjamānanti sabbāsave vuttanayeneva vitthāretabbam. Idha pana vijjamānena avijjamānam dassento evamāha. Sace hi bhagavā purisoti paññattim vissajjetvā dhātuyo icceva vatvā cittam upatṭhāpeyya, kulaputto sandeham kareyya, sammoham āpajjeyya, desanam sampaticchitum na sakkuṇeyya. Tasmā tathāgato anupubbena purisoti paññattim pahāya “sattoti vā purisoti vā puggaloti vā paññattimattameva, paramatthato satto nāma natthi, dhātumatteyeva cittam ṭhapāpetvā tīṇi phalāni paṭivijjhāpessāmī”ti (4.02 anaṅgaṇasutte (ma. ni. 1.57 ādayo) vuttabhāsantarakusalo tāya tāya bhāsāya sippam uggaṇhāpento ācariyo viya evamāha.

Tattha cha dhātuyo assāti **chadhāturo**. Idam vuttaṁ hoti- yaṁ tvam purisoti sañjānāsi, so chadhātuko, na cettha paramatthato puriso atthi, purisoti pana paññattimattamevāti. Sesapadesupi eseva nayo. **Caturādhīṭhānoti** ettha adhiṭṭhānam vuccati patiṭṭhā, catupatiṭṭhānoti attho. Idam vuttaṁ hoti- svāyam bhikkhu puriso chadhāturo chaphassāyatano atṭhārasamanopavicāro, so ettova vivatṭitvā uttamasiddhibhūtam arahattam gaṇhamāno imesu catūsu ṭhānesu patiṭṭhāya gaṇhātīti caturādhīṭhānoti. **Yattha ṭhitanti** yesu adhiṭṭhānesu patiṭṭhitam. **Maññassa vā nappavattantīti** maññassa vā mānassa vā nappavattanti. **Muni santoti vuccatīti** khīṇāsavamuni upasanto nibbutoti vuccati. **Paññam nappamajjeyyāti** arahattaphalapaññāya paṭivijjhānatham āditova samādhivipassanāpaññam nappamajjeyya.

Saccamanurakkheyyāti paramatthasaccassa nibbānassa sacchikiriyattham āditova vacīsaccam rakkheyya. **Cāgamanubrūheyyāti** arahattamaggena sabbakilesapariccāgakaraṇattham āditova kilesapariccāgam brūheyya. **Santimeva so sikkheyyāti** arahattamaggena sabbakilesavūpasamanattham āditova kilesavūpasamanam sikkheyya. Iti paññādhiṭṭhānādīnam adhigamatthāya imāni samathavipassanāpaññādīni pubbabhāgādhiṭṭhānāni vuttāni.

345. Phassāyatanañti phassassa āyatanañ, ākaroti attho. **Paññādhiṭṭhānanti-ādīni** pubbe vuttānam arahattaphalapaññādīnam vasena veditabbāni.

348. Idāni nikkhittamātikāvasena “yattha ṭhitam maññassa vā nappavattantī”ti vattabbam bhaveyya, arahatte pana patte puna “paññam nappamajjeyyā”ti-ādīhi kiccam natthi. Iti bhagavā mātikam uppaṭipāṭidhātukam ṭhapetvāpi yathādhammasaseneva vibhaṅgam vibhajanto **paññam nappamajjeyyāti-ādimāha**. Tattha ko paññam pamajjati, ko nappamajjati? Yo tāva imasmim sāsane pabbajitvā vejjakammādivasena ekavīsatividhāya anesanāya (4.0209) jīvikam kappento pabbajānurūpena cittuppādam ṭhapetum na sakkoti, ayam paññam pamajjati nāma. Yo pana sāsane pabbajitvā sile patiṭṭhāya buddhavacanam uggaṇhitvā sappāyam dhutaṅgam samādāya cittarucitam kammaṭṭhānam gahetvā vivittam senāsanam nissāya kasiṇaparikammañ katvā samāpattim patvā ajeva arahattanti vipassanam vadḍhetvā vicarati, ayam paññam nappamajjati nāma. Imasmim pana sutte dhātukammaṭṭhānavasena esa paññāya appamādo vutto. Dhātukammaṭṭhāne panettha yam vattabbam, tam heṭṭhā hathipadopamasuttādīsu vuttameva.

354. Athāparam viññāṇamyeva avasissatīti ayampettha pāṭiyekko anusandhi. Heṭṭhato hi rūpakammaṭṭhānam kathitam, idāni arūpakammaṭṭhānam vedanāvasena nibbattetvā dassetum ayam desanā āraddhā. Yam vā panetam imassa bhikkhuno pathavīdhātu-ādīsu āgamaniyavipassanāvasena kammakārakaviññānam, tam viññāṇadhātuvasena bhājetvā dassentopi imam desanam ārabhi. Tattha **avasissatīti** kimathāya avasissati? Satthu kathanatthāya kulaputtassa ca paṭivijjhānatthāya avasissati. **Parisuddhanti** nirupakkilesam. **Pariyodātanti** pabhasaram. **Sukhanti** **vijānātīti** sukhavedanam vedayamāno sukhavedanam vedayāmīti pajānāti. Sesapadvayesupi eseva nayo. Sace panāyam vedanākathā heṭṭhā na kathitā bhaveyya, idha ṭhatvā kathetum vaṭṭeyya. Satipatṭhāne panesā kathitāvāti tattha kathitanayeneva veditabbā. **Sukhavedaniyanti** evamādi paccayavasena udayatthaṅgamanadassanattham vuttañ. Tattha **sukhavedaniyanti** sukhavedanāya paccayabhūtam. Sesapadesupi eseva nayo.

360. Upekkhāyeva avasissatīti ettāvatā hi yathā nāma chekena maṇikārācariyena vajirasūciyā vijjhītī cammakhaṇde pāṭetvā pāṭetvā dinnamuttam antevāsiko gahetvā gahetvā suttagatam karonto muttolambakamuttajālādīni karoti, evameva bhagavatā kathetvā kathetvā dinnam kammaṭṭhānam ayam kulaputto manasikaronto manasikaronto paguṇam akāsiti rūpakammaṭṭhānampissa arūpakammaṭṭhānampi paguṇam (4.0210) jātam, atha bhagavā “athāparam upekkhāyeva avasissatīti”ti āha.

Kimattham pana avasissatīti? Satthu kathanattham. Kulaputtassa paṭivijjhā-

tthan tipi vadanti, tam na gahetabbam. Kulaputta hi sahāyassa sāsanam vācetvā pāsādatale ṭhiteneva ānāpānacatutthajjhānam nibbattitam, yadassa ettakam maggam āgacchantassa yānakiccam sādheti. Satthu kathanatthamyeva avasissati. Imasmiñhi ṭhāne satthā kulaputtassa rūpāvacarajjhāne vanṇam kathesi. Idañhi vuttam hoti “bhikkhu paguṇam tava idam rūpāvacaracatutthajjhānan”ti. **Parisuddhāti**-ādi tassāyeva upekkhāya vanṇabhaṇanam. **Ukkam bandheyyāti** aṅgārakapallaṁ sajeyya. **Ālimpeyyāti** tattha aṅgāre pakkhipitvā aggim datvā nālikāya dhamento aggim jāleyya. **Ukkāmukhe pakkhipeyyāti** aṅgāre viyūhitvā aṅgāramatthake vā ṭhapeyya, tattake vā pakkhipeyya. **Nīhaṭanti** nīhaṭadosam. **Ninnītakasāvanti** apanītakasāvam. **Evameva khoti** yathā tam suvanṇam icchiti-cchitāya piļandhanavikatiyā samvattati, evameva ayam tāva catutthajjhānupekkhā vipassanā abhiññā nirodho bhavokkantīti imesu yam icchat, tassatthāya hotīti vanṇam kathesi.

Kasmā pana bhagavā imasmim rūpāvacaracatutthajjhāne nikantipariyādānattham avaṇṇam akathetvā vanṇam kathesi. Kulaputtassa hi catutthajjhāne nikantipariyuṭṭhānam balavam. Sace avaṇṇam katheyya, “mayham pabbajitvā dvānavutiyojanasataṁ āgacchantassa imam catutthajjhānam yānakiccam sādhesi, aham ettakam maggam āgacchanto jhānasukhena jhānaratiyā āgato, evarūpassa nāma paṇītadhammassa avaṇṇam katheti, jānam nu kho katheti ajānan”ti kulutto saṃsayam sammoham āpajeyya, tasmā bhagavā vanṇam kathesi.

361. Tadanudhammantī ettha arūpāvacarajjhānam dhammo nāma, tam anugatattā rūpāvacarajjhānam **anudhammo**Ti vuttam. Vipākajjhānam vā dhammo, kusalajjhānam anudhammo. **Tadupādānāti** taggahaṇā. **Ciram dīghamaddhānanti** vīsatikappasahassāni. Vipākavasena hetam vutta. Ito uttarimpi eseva nayo.

362. Evam (4.0211) catūhi vārehi arūpāvacarajjhānassa vanṇam kathetvā idāni tasseva ādīnavam dassento **so evam pajānātīti**-ādimāha. Tattha **saṅkhata-mē-tanti** kiñcāpi ettha vīsatikappasahassāni āyu atthi, etam pana saṅkhataṁ pakappitam āyūhitam, karontena karīyati, aniccam adhuvam asassataṁ tāvakālikam, cavanaparibhedanaviddham sanadhammaṁ, jātiyā anugataṁ, jarāya anusaṭam, marañena abbhāhataṁ, dukkhe patiṭṭhitam, atāṇam aleṇam asaraṇam asaraṇībhūtanti. Viññānañcāyatanādīsupi eseva nayo.

Idāni arahattanikūṭena desanam gaṇhanto **so neva tam abhisāṅkharotīti**-ādimāha. Yathā hi cheko bhisakko visavikāram disvā vamanam kāretvā visam ṭhānato cāvetvā upari āropetvā khandham vā sīsam vā gahetuṁ adatvā visam otāretvā pathaviyam pāteyya, evameva bhagavā kulaputtassa arūpāvacarajjhāne vanṇam kathesi. Tam sutvā kulutto rūpāvacarajjhāne nikantim pariyādāya arūpāvacarajjhāne patthanaṁ ṭhapesi.

Bhagavā tam ūnatvā tam asampattassa appaṭiladdhasseva bhikkhuno “atthesā ākāsānañcāyatanādīsu sampatti nāma. Tesañhi paṭhamabrahmaloke vīsatikappasahassāni āyu, dutiye cattālīsaṁ, tatiye saṭṭhi, catutthe caturāsīti kappasahassāni āyu. Tam pana aniccam adhuvam asassataṁ tāvakālikam, cavanaparibhedanavi-

ddham̄sanadhammaṁ, jātiyā anugataṁ, jarāya anusaṭam, maraṇena abbhāhataṁ, dukkhe patitīhitam, atāṇam aleṇam asaranam asaranībhūtam, ettakam kālam tattha sampattim anubhavitvāpi puthujjanakālakiriyam katvā puna catūsu apāyesu patitabban”ti sabbametam ādīnavam ekapadeneva “saṅkhata metan”ti kathesi. Kulaputto tam sutvā arūpāvacarajjhāne nikantiṁ pariyādiyi, bhagavā tassa rūpāvacarārūpāvacaresu nikantiyā pariyādinnabhāvam ūtavā arahattanikūṭam gaṇhanto “so neva tam abhisāñkharotī”ti-ādimāha.

Yathā vā paneko mahāyodho ekam rājānam ārādhettā satasahassuṭṭhānakam gāmavaram labheyya, puna rājā tassānubhāvam saritvā- “mahānubhāvo yodho, appakam tena laddhan”ti- “nāyam tāta gāmo (4.0212) tuyham anucchaviko, aññam catusatasahassuṭṭhānakam gaṇhāhī”ti dadeyya so sādhū devāti tam vissajjetvā itaram gāmam gaṇheyya. Rājā asampattameva ca naṁ pakkosāpetvā- “kim te tena, ahivātarogo ettha uppajjati? Asukasmim pana ṭhāne mahantam nagaram atthi, tattha chattam ussāpetvā rajjam kārehī”ti pahiṇeyya, so tathā kareyya.

Tattha rājā viya sammāsambuddho datṭhabbo, mahāyodho viya pukkusāti kula-putto, paṭhamaladdhagāmo viya ānāpānacatutthajjhānam, tam vissajjetvā itaram gāmam gaṇhāhīti vuttakālo viya ānāpānacatutthajjhāne nikantipariyādānam katvā āruppakathanam, tam gāmam asampattameva pakkosāpetvā “kim te tena, ahivātarogo ettha uppajjati? Asukasmim ṭhāne nagaram atthi, tattha chattam ussāpetvā rajjam kārehī”ti vuttakālo viya arūpe saṅkhata metanti ādīnavakathanena appattāsuyeva tāsu samāpattisū patthanam nivatthāpetvā upari arahattanikūṭena desanāgahanam.

Tattha **neva abhisāñkharotīti** nāyūhati na rāsim karoti. **Na abhisāñcetayatīti** na kappeti. **Bhavāya vā vibhavāya vāti** vuddhiyā vā parihāniyā vā, sassatuccchedava-senapi yojetabbam. **Na kiñci loke upādiyatīti** loke rūpādīsu kiñci ekadhammampi taṇhāya na gaṇhāti, na parāmasati. **Nāparam itthattāyāti pajānātīti** bhagavā attano buddhavisaye ṭhatvā desanāya arahattanikūṭam gaṇhi. Kulaputto pana attano yathopanissayena tīṇi sāmaññaphalāni paṭivijjhī. Yathā nāma rājā suvaṇṇabhājana-nānārasabhojanam bhuñjanto attano pamāṇena piṇḍam vatṭetvā aṅke nisi-nnena rājakumārena piṇḍamhi ālaye dassite tam piṇḍam upanāmeyya, kumāro attano mukhappamāṇeneva kabaļam kareyya, sesam rājā sayam vā bhuñjeyya, pātiyam vā pakkhipeyya, evam dhammarājā tathāgato

attano pamāṇena arahattanikūṭam gaṇhanto desanam desesi, kulaputto attano yathopanissayena tīṇi sāmaññaphalāni paṭivijjhī.

Ito pubbe panassa khandhā dhātuyo āyatanaññīti evarūpañ accantasuññatañ tilakkhaññāhatañ katham kathentassa neva kañkhā, na vimati, nāpi- “evam kira tam, evam me ācariyena vuttan”ti iti kira na dandhāyitattam na vitthāyitattam atthi Ekaccesu ca kira ṭhānesu buddhā aññātakavesena vicaranti, sammāsambuddho nu kho esoti ahudeva samsayo, ahu vimati. Yato anena anāgāmiphalam paṭividdham, atha ayañ me satthāti niṭṭham gato. Yadi evam kasmā accayam na desesīti. Okāsābhāvato. Bhagavā hi yathānikkhittāya mātikāya acchinnadhāram katvā ākāsagañgam otārente viya desanam desesiyeva.

363. Soti arahā. **Anajjhositāti** gilitvā pariniṭṭhāpetvā gahetum na yutthāti pajānāti. **Anabhinanditāti** taññādīṭṭhivasena abhinanditum na yuttāti pajānāti.

364. Visamyutto nam vedeti sace hissa sukhavedanam ārabbha rāgānusayo, dukkhavedanam ārabbha paṭighānusayo, itaram ārabbha avijjānusayo uppajjeyya, samyutto vediyeyya nāma. Anuppajjanato pana visamyutto nam vedeti nissaṭo vippamutto. **Kāyapariyantikanti** kāyakoṭikam. Yāva kāyapavattā uppajjītvā tato param anuppajjanavedananti attho. Dutiyapadepi eseva nayo. **Anabhinanditāni sītibhavissantīti** dvādasasu āyatanesu kilesānam visevanassa natthitāya anabhinaññātāni hutvā idha dvādasasuyeva āyatanesu nirujjhissanti. Kilesā hi nibbānam āgamma niruddhāpi yattha natthi, tattha niruddhāti vuccanti. Svāyamattho-“etthesā taññā nirujjhāmāna nirujjhāti”ti samudayapañhena dīpetabbo. Tasmā bhagavā nibbānam āgamma sītibhūtānipi idheva sītibhavissantīti āha. Nanu ca idha vedayitāni vuttāni, na kilesāti. Vedayitānipi kilesābhāveneva sītibhavanti. Itarathā nesam sītibhāvo nāma natthīti suvuttametam.

365. Evameva khoti ettha idam opammasamsandanam- yathā hi eko puriso telapadīpassa jhāyato tele khīne telam āsiñcati, vaṭṭiyā khīñāya vaṭṭim pakkhipati, evam dīpasikhāya anupacchedova hoti, evameva puthujjano ekasmiñ bhave ṭhito kusalākusalam karoti, so tena sugatiyañca apāyesu ca nibbattatiyeva, evam vedaññānam anupacchedova (4.0214) hoti. Yathā paneko dīpasikhāya ukkaññhito-“imam purisam āgamma dīpasikhā na upacchijjati”ti nilino tassa purisassa sīsam chindeyya, evam vaṭṭiyā ca telassa ca anupahārā dīpasikhā anāhārā nibbāyati, evameva vaṭṭe ukkaññhito yogāvacaro arahattamaggena kusalākusalam samucchindati, tassa samucchinnattā khīñāsavassa bhikkhuno kāyassa bhedā puna vedayitāni na uppajjantīti.

Tasmāti yasmā ādimhi samādhivipassanāpaññāhi arahattaphalapaññā uttarā, tasmā. **Evam samannāgatoti** iminā uttamena arahattaphalapaññādhiṭṭhānenā samannāgato. **Sabbadukkhakkhaye** ñāṇam nāma arahattamagge ñāṇam, imasmiñ pana sutte arahattaphale ñāṇam adhippetam. Tenevāha **tassa sā vimutti sacce ṭhitā akuppā hotīti.**

366. Ettha hi **vimutti** arahattaphalavimutti, **saccanti** paramatthasaccam nibbānam. Iti akuppārammañakarañena **akuppāti** vuttā. **Musāti** vitatham. **Mosadhammanti** nassanasabhāvam. **Tam saccanti** tam avitatham sabhāvo. **Amosadha-**

mmanti anassanasabhāvam.

Tasmāti yasmā ādito samathavipassanāvasena vacīsaccato dukkhasaccasamudayasaccehi ca paramatthasaccām nibbānameva uttaritaram, tasmā. **Evaṁ samannāgatoti** iminā uttamena paramatthasaccādhītthānena samannāgato.

367. Pubbeti puthujjanakāle. **Upadhī hontīti** khandhūpadhi kilesūpadhi abhisankhārūpadhi pañcakāmaguṇūpadhīti ime upadhayo honti. **Samattā samādinnāti** paripūrā gahitā paramaṭṭhā. **Tasmāti** yasmā ādito samathavipassanāvasena kilesapariccāgato, sotāpattimaggādīhi ca kilesapariccāgato arahattamaggena kilesapariccāgo uttaritaro, tasmā. **Evaṁ samannāgatoti** iminā uttamena cāgādhītthānena samannāgato.

368. Āghātoti-ādīsu āghātakaraṇavasena āghāto, byāpajjanavasena **byāpādo**, sampadussananavasena **sampadosoti** tīhi padehi dosākusalamūlameva vuttam. **Tasmāti** yasmā ādito samathavipassanāvasena (4.0215) kilesavūpasamato, sotāpattimaggādīhi kilesavūpasamato ca arahattamaggena kilesavūpasamo uttaritaro, tasmā. **Evaṁ samannāgato** Ti iminā uttamena upasamādhītthānena samannāgato.

369. Maññitametanti taṇhāmaññitam mānamaññitam diṭṭhimāññitanti tividhampi vaṭṭati. **Ayamahamasmīti** ettha pana ayamahanti ekam taṇhāmaññitameva vaṭṭati. **Rogoti-ādīsu** ābādhaṭṭhena **rogo**, antodosaṭṭhena **gaṇḍo**, anupavittiṭṭhena **sallam**. **Muni santoti** vuccatīti khīnāsavamuni santo nibbutoti vuccati. **Yattha ṛhitanti** yasmim ṛhāne ṛhitam. **Saṃkhittenāti** buddhānam kira sabbāpi dhammadesanā saṃkhittāva, vitthāradesanā nāma natthi, samantapaṭṭhānakathāpi saṃkhittāyeva. Iti bhagavā desanam yathānusandhim pāpesi. Ugghāṭitaññūti-ādīsu pana catūsu puggalesu pukkusāti kulaputto vipañcitaññū, iti vipañcitaññuvasena bhagavā imam dhātuvibhaṅgasuttaṁ kathesi.

370. Na kho me, bhante, paripuṇṇam pattacīvaranti kasmā kulaputtassa iddhi-mayapattacīvaraṁ na nibbattanti. Pubbe aṭṭhannam parikkhārānam adinnattā. Kulaputto hi dinnadāno katābhīnīhāro, na dinnattāti na vattabbam. Iddhimayapattacīvaraṁ pana pacchimabhavikānamyeva nibbattati, ayañca punapaṭisandhiko, tasmā na nibbattanti. Atha bhagavā sayam pariyesitvā kasmā na upasampādesīti. Okāsābhāvato. Kulaputtassa āyu parikkhīṇam, suddhāvāsiko anāgāmī mahābrahmā kumbhakārasālam āgantvā nisinno viya ahosi. Tasmā sayam na pariyesi.

Pattacīvarapariyesanam pakkāmīti kāya velāya pakkāmi? Utthite aruṇe. Bhagavato kira dhammadesanāpariniṭṭhānañca aruṇuṭṭhānañca rasmivissajjanañca eakkhaṇe ahosi. Bhagavā kira desanam niṭṭhapetvāva chabbaṇṭarasmiyo vissajji, sakalakumbhakāranivesanam ekapajjotam ahosi, chabbaṇṭarasmiyo jālajālā puñjapuñjā hutvā vidhāvantiyo sabbadisābhāge suvaṇṇapaṭapariyonaddhe viya ca nānāvanṇakusumaratanavisarasmujale viya ca akaṁsu. Bhagavā “nagaravāsino maṁ passantū”ti adhiṭṭhāsi. Nagaravāsino bhagavantaṁ disvāva “satthā kira āgato, kumbhakārasālāya kira nisinno”ti aññamaññassa ārocetvā rañño ārocesum.

Rājā (4.0216) āgantvā satthāram vanditvā, “bhante, kāya velāya āgatatthā”ti pucchi. Hiyyo sūriyatthaṅgamanavelāya mahārājāti. Kena kammena bhagavāti?

Tumhākaṁ sahāyo pukkusāti rājā tumhehi pahitaṁ sāsanaṁ sutvā nikkhamitvā pabbajitvā maṁ uddissa āgacchanto sāvatthim atikkamma pañcacattālīsa yojanāni āgantvā imam kumbhakārasālam pavisitvā nisidi, aham tassa saṅgahatthaṁ āgantvā dhammadhātām kathesiṁ, kulaputto tīṇi phalāni paṭivijjhī mahārājāti. Idāni kaham, bhanteti? Upasampadām yācītvā aparipuṇṇapattacīvaraṭāya pattacīvaraṭāya paryesanatthaṁ gato mahārājāti. Rājā kulaputtassa gatadisābhāgena agamāsi. Bhagavāpi ākāsenāgantvā jetavanagandhakuṭīmhiyeva pāturahosi.

Kulaputtopi pattacīvaraṁ pariyesamāno neva bimbisārarañño na takkasīla-kānam jaṅghavāṇijānam santikam agamāsi. Evam kirassa ahosi- “na kho me kukkuṭassa viya tattha tattha manāpāmanāpameva vicinitvā pattacīvaraṁ pariyesitum yuttam, mahantam nagaram vajjītvā udakatitthasusānasāṅkāraṭṭhāna-antaravīthīsu pariyesissāmī”ti antaravīthiyam saṅkārakūṭesu tāva pilotikam pariyesitum āraddho.

Jīvitā voropesīti etasmīm saṅkārakūṭe pilotikam olokentaṁ vibbhantā taruṇavacchā gāvī upadhāvitvā siṅgena vijjhītvā ghātesi. Chātakajjhatto kulaputto ākāseyeva āyukkhayam patvā patito. Saṅkāraṭṭhāne adhomukhaṭṭhapitā suvaṇṇapatiṁā viya ahosi, kālaṇkato ca pana avihābrahmaloke nibbatti, nibbattamattova arahattam pāpuṇi. Avihābrahmaloke kira nibbattamattāva satta janā arahattam pāpuṇim̄su. Vuttañhetam-

“Avihām upapannāse, vimuttā satta bhikkhavo;
rāgadosaparikkhīnā, tiṇnā loke visattikam.
Ke ca te atarum pañkam, maccudheyyam suduttaram;
ke hitvā mānusam deham, dibbayogam upaccagum.
Upako (4.0217) palagaṇdo ca, pukkusāti ca te tayo;
bhaddiyo khaṇḍadevo ca, bāhuraggi ca siṅgiyo;
te hitvā mānusam deham, dibbayogam upaccagun”ti. (sam. ni. 1.50, 105);

Bimbisāropi “mayham sahāyo mayā pesitasāsanamattam vācetvā hatthagataṁ rajjam pahāya ettakam addhānam āgato, dukkaram kataṁ kulaputtena, pabbajit-sakkārena tam sakkarissāmī”ti “pariyesatha me sahāyakan”ti tattha tattha pesesi. Pesitā tam addasam̄su saṅkāraṭṭhāne patitam, disvā āgamma rañño ārocesum. Rājā gantvā kulaputtam disvā- “na vata, bho, labhimhā sahāyakassa sakkāram kātum, anātho me jāto sahāyako”ti. Paridevitvā kulaputtam mañcakena gaṇhāpetvā yutto kāse ṭhāpetvā anupasampannassa sakkāram kātum jānanābhāvena nhāpakakappakādayo pakkosāpetvā kulaputtam sīsaṁ nhāpetvā suddhavatthāni nivāsāpetvā rājavesena alaṅkārāpetvā sovaṇṇasivikam āropetvā sabbatālāvacaragandhamālādīhi pūjam karonto nagarā nīharitvā bahūhi gandhakaṭṭhehi mahācittakam kāretvā kulaputtassa sarīrakiccām katvā dhātuyo ādāya cetiyam patiṭṭhāpesi. Sesam sabbattha uttānamevāti.

Papañcasūdaniyā majjhimanikāyaṭṭhakathāya

Dhātuvibhaṅgasuttavaṇṇanā niṭṭhitā.

11. Saccavibhaṅgasuttavaṇṇanā

371. Evam me sutanti saccavibhaṅgasuttam. Tattha **ācikkhanāti** idam dukkham ariyasaccam nāma ...pe... ayam dukkhanirodhagāminī paṭipadā ariyasaccam nāmāti. Sesapadesupi eseva nayo. Apicettha **paññāpanā** nāma dukkhasaccādīnam ṭhapanā. Āsanam ṭhapento hi āsanam paññapetīti vuccati. **Paṭṭhapanāti** paññāpanā. **Vivaraṇāti** vivaṭakaraṇā. **Vibhajanāti** vibhāgakiriyā. **Uttānikammanti** pākaṭabhāvakaṇam.

Anuggāhakāti (4.0218) āmisasaṅgahena dhammasaṅgahenāti dvīhi saṅgahehi anuggāhakā. **Janetāti** janikā mātā. **Āpādetāti** posetā. Posikamātā viya moggalānoti dīpeti. Janikamātā hi nava vā dasa vā māse loṇambilādīni parihamānā kucchiyā dārakam dhāretvā kucchito nikkhantam posikamātarām dhātim paṭicchāpeti. Sā khīranavanītādīhi dārakam posetvā vadḍheti, so vuddhimāgamma yathāsukham vicarati. Evameva sāriputto attano vā paresam vā santike pabbajite dvīhi saṅgahehi saṅgaṇhanto gilāne paṭijagganto kammatṭhāne yojetvā sotāpannabhāvam ūnatvā apāyabhayehi vuṭṭhitakālato paṭṭhāya- “idāni

paccattapurisakārena uparimagge nibbattessanti”ti tesu anapekkho hutvā aññe nave nave ovadati. Mahāmoggallānopi attano vā paresam vā santike pabbajite tatheva saṅgaṇhitvā kammaṭṭhāne yojetvā heṭṭhā tīni phalāni pattesupi anapekkhatam na āpajjati. Kasmā? Evam kirassa hoti- vuttaṁ bhagavatā- “seyyathāpi, bhikkhave, appamattakopi gūtho duggandho hoti ...pe... appamattakampi muttam... kheļo... pubbo... lohitam duggandham hoti, evameva kho ahaṁ, bhikkhave, appamattakampi bhavam na vaṇṇemi antamaso accharāsaṅghatama- ttampi”ti (a. ni. 1.320-321). Tasmā yāva arahattam na pāpuṇanti, tāva tesu anapekkhatam anāpajjitvā arahattam pattesuyeva āpajjatīti. Tenāha bhagavā- “seyyathāpi, bhikkhave, janetā evam sāriputto. Seyyathāpi jātassa āpādetā, evam moggallāno. Sāriputto, bhikkhave, sotāpattiphale vineti, moggallāno uttamathē”ti. **Pahotīti** sakkoti.

Dukkhe ñāṇanti savanasammasanapaṭivedhañāṇam, tathā **dukkhasamudaye**. **Dukkhanirodhe** savanapaṭivedhañāṇanti vaṭṭati, tathā **dukkhanirodhagāminiyā** paṭipadāya. Nekhammasaṅkappādīsu kāmapaccanīkaṭṭhena, kāmato nissaṭabhāvena vā, kāmam sammasantassa uppannoti vā, kāmapadaghātam kāmavūpasamam karonto uppannoti vā, kāmavivittante uppannoti vā **nekhammasaṅkappo**. Sesapadadvayepi eseva nayo. Sabbepi cete pubbabhāge nānācittesu, maggakkhaṇe ekacitte labbhanti. Tatra hi micchāsaṅkappacetanāya samugghātako ekova saṅkappo labbhati, na nānā labbhati (4.0219). Sammāvācādayopi pubbabhāge nānācittesu, vuttanayeneva maggakkhaṇe ekacitte labbhanti. Ayameththa saṅkhepo, vitthārena pana saccakathā **visuddhimagge** ca sammādiṭṭhisutte (ma. ni. 1.89 ādayo) ca vuttāyevāti.

Papañcasūdaniyā majjhimanikāyaṭṭhakathāya

Saccavibhaṅgasuttavaṇṇanā niṭṭhitā.

12. Dakkhināvibhaṅgasuttavaṇṇanā

376. Evam me sutanti dakkhiṇāvibhaṅgasuttaṁ. Tattha **mahāpajāpati gotamīti** gotamīti gottam. Nāmakaraṇadivase panassā laddhasakkārā brāhmaṇā lakkhaṇasampattiṁ disvā- “sace ayam dhītaram labhissati, cakkavattirañño aggamahesi bhavissati. Sace puttam labhissati, cakkavattirājā bhavissatīti ubhayathāpi mahatīyevassā pajā bhavissati”ti byākariṁsu. Athassā **mahāpajāpatīti** nāmam akāmsu. Idha pana gottena saddhiṁ saṃsanditvā **mahāpajāpatigotamīti** vuttaṁ. **Navanti** ahataṁ. **Sāmam vāyitanti** na sahattheneva vāyitam, ekadivasam pana dhātigaṇaparivutā sippikānam vāyanatṭhānam āgantvā vemakoṭim gahetvā vāyanākāram akāsi. Tam sandhāyetam vuttaṁ.

Kadā pana gotamiyā bhagavato dussayugam dātum cittam uppannanti. Abhis-

mbodhim patvā paṭhamagamanena kapilapuraṁ āgatakāle. Tadā hi piṇḍāya paviṭṭham satthāram gahetvā suddhodanamahārājā sakam nivesanam pavesesi, atha bhagavato rūpasobhaggam disvā mahāpajāpatigotamī cintesi- “sobhati vata me puttassa attabhāvo”ti. Athassā balavasomanassam uppajji. Tato cintesi- “mama puttassa ekūnatiṁsa vassāni agāramajjhе vasantassa antamaso mocaphalamattampi mayā dinnakameva ahosi, idānipissa cīvarasāṭakam dassāmī”ti. “Imasmiṁ kho pana rājagehe bahūni mahagghāni vatthāni atthi, tāni mām na tosentī, sahatthā katameva mām tosetī, sahatthā katvā dassāmī”ti cittam uppādesi.

Athantarāpaṇā (4.0220) kappāsam āharāpetvā sahattheneva pisitvā pothetvā sukhumasuttam kantitvā antovatthusmimyeva sālam kārāpetvā sippike pakkosāpetvā sippikānam attano paribhogakhādanīyabhojanīyameva datvā vāyāpesi, kālā-nukālañca dhātigaṇaparivutā gantvā vemakoṭīm aggahesi. Niṭṭhitakāle sippikānam mahāsakkāram katvā dussayugam gandhasamugge pakkipitvā vāsam gāhāpetvā- “mayham puttassa cīvarasāṭakam gahetvā gamissāmī”ti rañño ārocesi. Rājā maggam paṭiyādāpesi, vīthiyo sammajjītvā puṇṇaghaṭe ṭhapetvā dhajapāṭākā ussāpetvā rājagharadvārato paṭṭhāya yāva nigrodhārāmā maggam paṭiyādāpetvā pupphābhikinṇam akāmsu. Mahāpajāpatipi sabbālaṅkāram alaṅkaritvā dhātigaṇaparivutā samuggam sīse ṭhapetvā bhagavato santikam gantvā **idam me, bhante, navam dussayuganti-ādimāha**.

Dutiyampi khoti “saṅghe gotami dehī”ti vutte- “pahomahaṁ, bhante, dussakotṭhāgārato bhikkhusatassāpi bhikkhusahassassāpi bhikkhusatasahassassāpi cīvara-dussāni dātum, idam pana me bhagavantam uddissa sāmaṁ kantaṁ sāmaṁ vāyitaṁ, taṁ me, bhante, bhagavā paṭīggāṇhātū”ti nimantayamānā āha. Evam yāvatatiyam yāci, bhagavāpi paṭikkhipiyeva.

Kasmā pana bhagavā attano diyyamānam bhikkusaṅghassa dāpetīti? Mātari anukampāya. Evam kirassa ahosi- “imissā mām ārabbha pubbacetanā muñcace-tanā paracetanāti tisso cetanā uppannā, bhikkusaṅghampissā ārabbha uppajjantu, evamassā cha cetanā ekato hutvā dīgharattam hitāya sukhāya pavattissāntī”ti. Vitanḍavādī panāha- “saṅghe dinnam mahapphalanti tasmā evam vuttan”ti. So vattabbo- “kim tvam satthu dinnato saṅghe dinnam mahapphalataram vadasi”- ti āma vadāmīti. Suttam āharāti. Saṅghe gotami dehi, saṅghe te dinne ahañceva pūjito bhavissāmi saṅgo cāti. Kim panassa suttassa ayameva atthoti? Āma aya-mevāti. Yadi evam “tena hānanda, vighāsādānam pūvam dehī”ti ca (pāci. 269) “tena hi tva, kaccāna, vighāsādānam guṇam dehī”ti (mahāva. 284) ca vacanato vighāsādānam dinnam mahapphalatarañca bhaveyya. Evampi hi “satthā attano diyyamānam (4.0221) dāpetī”ti. Rājarājamahāmattādayopi attano āgataṁ paṇṇā-kāram hathigopakādīnam dāpenti, te rājādīhi mahantatarā bhaveyyum. Tasmā mā evam gaṇha-

“Nayimasmiṁ loke parasmīm vā pana,
buddhena settho sadiso vā vijjati;
yamāhuneyyānamaggataṁ gato,

puññatthikānam vipulaphalesinan”ti.-

Vacanato hi satthārā uttaritaro dakkhiṇeyyo nāma natthi. Evamassā cha cetanā ekato hutvā dīgharattam hitāya sukhāya bhavissantīti sandhāya yāvatatiyam paṭibāhitvā saṅghassa dāpesi.

Pacchimāya janatāya saṅghe cittikārajananatham cāpi evamāha. Evam kirassa ahosi- “aham na ciraṭṭhitiko, mayham pana sāsanam bhikkhusaṅghe patiṭṭhahissati, pacchimā janatā saṅghe cittikāram Janetū”ti yāvatatiyam paṭibāhitvā saṅghassa dāpesi. Evañhi sati- “satthā attano diyyamānampi saṅghassa dāpesi, saṅgo nāma dakkhiṇeyyo”ti pacchimā janatā saṅghe cittikāram uppādetvā cattāro paccaye dātabbe maññissati, saṅgo catūhi paccayehi akilamanto buddhavacanam uggahetvā samaṇadhammam karissati. Evam mama sāsanam pañca vassasahassāni ṭhassatīti. “Paṭiggaṇhātu, bhante, bhagavā”ti vacanatopi cetam veditabbam “satthārā uttaritaro dakkhiṇeyyo nāma natthī”ti. Na hi ānandattherassa mahāpajāpatiyā āghāto vā veram vā atthi. Na therō- “tassā dakkhiṇā mā mahaphalā ahosī”ti icchatī. Paññito hi therō bahussuto sekkhapaṭisambhidāpatto, so satthu dinnassa mahaphalabhbāve sampassamānova paṭiggaṇhātu, bhante, bhagavāti gahaṇattham yāci.

Puna vitañḍavādī āha- “saṅghe te dinne ahañceva pūjito bhavissāmi saṅgo cā”- ti vacanato satthā saṅghapariyāpanno vāti. So vattabbo- “jānāsi pana tvam kati saraṇāni, kati aveccappasādā”ti jānanto tīṇīti vakkhati, tato vattabbo- tava laddhiyā satthu saṅghapariyāpannattā dveyeva honti. Evam sante ca- “anujānāmi, bhikkhave, imehi (4.0222) tīhi saraṇagamanehi pabbajjam upasampadan”ti (mahāva. 34) evam anuññātā pabbajjāpi upasampadāpi na ruhati. Tato tvam neva pabbajito asi, na gihi. Sammāsambuddhe ca gandhakuṭiyam nisinne bhikkhū uposathampi pavāraṇampi saṅghakammānipi karonti, tāni satthu saṅghapariyāpannattā kuppāni bhaveyyum, na ca honti. Tasmā na vattabbametam “satthā saṅghapariyāpanno”ti.

377. Āpādikāti samvaḍḍhikā, tumhākam hatthapādesu hatthapādakiccām asādhentesu hatthe ca pāde ca vadḍhetvā paṭijaggikāti attho. **Posikāti** divasassa dve tayo vāre nhāpetvā bhojetvā pāyetvā tumhe posesi. **Thaññam pāyesīti** nandakumāro kira bodhisattato katipāheneva daharo, tasmiṁ jāte mahāpajāpati attano puttām dhātīnam datvā sayam bodhisattassa dhātikiccām sādhayamānā attano thaññam pāyesi. Tam sandhāya therō evamāha. Iti mahāpajāpatiyā bahūpakāratām kathetvā idāni tathāgatassa bahūpakāratām dassento **bhagavāpi, bhante**-ti-ādimāha. Tattha **bhagavantam, bhante, āgammāti** bhagavantam paṭicca nissāya sandhāya.

378. Atha bhagavā dvīsu upakāresu atirekataram anumodanto **evametanti-ādi-**māha. Tattha **yaṁ hānanda, puggalo puggalam āgammāti** yaṁ ācariyapuggalam antevāsikapuggalo āgamma. **Imassānanda, puggalassa iminā puggalenāti** imassa ācariyapuggalassa iminā antevāsikapuggalena. **Na suppaṭikāram vadā-**mīti paccūpakāram na sukaram vadāmi, abhivādanādīsu ācariyam disvā abhivādanakaraṇam **abhivādanam** nāma. Yasmiṁ vā disābhāge ācariyo vasati, iriyāpathē

vā kappento tadabhimukho vanditvā gacchatī, vanditvā nisīdatī, vanditvā nipajjati, ācariyam pana dūratova disvā paccutthāya paccuggamanakaraṇam **paccutthānam** nāma. Ācariyam pana disvā añjaliṁ paggayha sīse ṭhapetvā ācariyam namassati, yasmīm vā disābhāge so vasati, tadabhimukhopi tatheva namassati, gacchantopi ṭhitopi nisinnopi añjaliṁ paggayha namassatiyevāti idam **añjalikammam** nāma. Anucchavikakammassa pana karaṇam **sāmīcikammam** nāma. Cīvarādīsu cīvaraṁ dento na yam vā tam vā deti, mahaggham satamūlikampi pañcasatamūlikampi sahassamūlikampi detiyeva (4.0223). Piṇḍapātādīsupi eseva nayo. Kīm bahunā, catūhi pañītapaccayehi cakkavālantaram pūretvā sinerupabbatena kūṭam gahetvā dentopi ācariyassa anucchavikam kiriyaṁ kātum na sakkotiyeva.

379. Cuddasa kho panimāti kasmā ārabhi? Idam suttam pātipuggalikam dakkhiṇam ārabbha samuṭṭhitam. Ānandatheropi “paṭiggaṇhātu, bhante, bhagavā”-ti pātipuggalikadakkhiṇamyeva samādapeti, cuddasasu ca ṭhānesu dinnadānam pātipuggalikam nāma hotīti dassetuṁ imam desanam ārabhi. **Ayam paṭhamāti** ayam dakkhiṇā guṇavasenapi paṭhamā jetṭhakavasenapi. Ayañhi paṭhamā aggā jetṭhikā, imissā dakkhiṇāya pamāṇam nāma natthi. Dutiyatatiyāpi paramadakkhiṇāyeva, sesā paramadakkhiṇabhāvam na pāpuṇanti. **Bāhirake kāmesu vītarāgeti** kammavādikiriyavādimhi lokiyapañcābhiññe. **Puthujjanasilavanteti** puthujjanasi-lavā nāma gosīladhātuko hoti, asaṭho amāyāvī param apīletvā dhammena samena kasiyā vā vanijjāya vā jīvikam kappetā. **Puthujjanadussileti** puthujjanadussilā nāma kevaṭṭamacchabandhādayo param pīlāya jīvikam kappetā.

Idāni pātipuggalikadakkhiṇāya vipākam paricchindanto **tatrānandāti**-ādimāha. Tattha **tiracchānagateti** yam guṇavasena upakāravasena posanattham dinnam, idam na gahitam. Yampi ālopa-adḍha-ālopamattam dinnam, tampi na gahitam. Yam pana sunakhasūkarakukkuṭakākādīsu yassa kassaci sampattassa phalam paṭikaṅkhitvā yāvadattham dinnam, idam sandhāya vuttam “tiracchānagate dānam datvā”ti. **Sataguṇāti** satānisamsā. **Pāṭikaṅkhitabbāti** icchitabbā. Idam vuttam hoti-ayam dakkhiṇā āyusataṁ vanṇasataṁ sukhasataṁ balasataṁ paṭibhānasatanti pañca ānisamsasatāni deti, attabhāvasate āyum deti, vanṇam, sukham, balam, paṭibhānam deti, nipparitasam karoti. Bhavasatepi vutte ayameva attho. Iminā upāyena sabbattha nayo netabbo.

Sotāpattiphalasacchikiriyāya paṭipanneti ettha heṭṭhimakoṭiyā tisaraṇam gato upāsakopi sotāpattiphalasacchikiriyāya paṭipanno nāma, tasmiṃ dinnadānampi asaṅkhyeyyam appameyyam. Pañcasile patiṭṭhitassa tato uttari mahapphalam, dasasile patiṭṭhitassa tato (4.0224) uttari, tadahupabbajitassa sāmaṇerassa tato uttari, upasampannabhikkhuno tato uttari, upasampannasseva vattasampannassa tato uttari, vipassakassa tato uttari, āraddhavipassakassa tato uttari, uttamakoṭiyā pana maggasamaṅgī sotāpattiphalasacchikiriyāya paṭipanno nāma. Etassa dinna-dānam tato uttari mahapphalameva.

Kim pana maggasamaṅgissa sakkā dānam dātunti? Āma sakkā. Āraddhavipassako hi pattacīvaramādāya gāmam piṇḍāya pavisati, tassa gehadvāre ṛhitassa hatthato pattam gahetvā khādanīyabhojanīyam pakkipanti. Tasmiṃ khaṇe bhikkhuno maggavuṭṭhānam hoti, idam dānam maggasamaṅgino dinnam nāma hoti. Atha vā panesa āsanasālāya nisinno hoti, manussā gantvā patte khādanīyabhojanīyam ṛhapenti, tasmiṃ khaṇe tassa maggavuṭṭhānam hoti, idampi dānam maggasamaṅgino dinnam nāma. Atha vā panassa vihāre vā āsanasālāya vā nisinna upāsakā pattam ādāya attano gharam gantvā khādanīyabhojanīyam pakkipanti, tasmiṃ khaṇe tassa maggavuṭṭhānam hoti, idampi dānam maggasamaṅgino dinnam nāma. Tattha soṇḍiyam udakassa viya sotāpattiphalasacchikiriyāya paṭipanne dinnadānassa asaṅkhyeyyatā veditabbā. Tāsu tāsu mahānadisu mahāsamudde ca udakassa viya sotāpannādisu dinnadānassa uttaritaravasena asaṅkhyeyyatā veditabbā. Pathaviyā khayamāṇḍalamatte padese pamsum ādim katvā yāva mahāpathaviyā pamsumo appameyyatāyapi ayamattho dīpetabbo.

380. Satta kho panimāti kasmā ārabhi? “Saṅge gotami dehi, saṅge te dinne ahañceva pūjito bhavissāmi saṅgho cā”ti hi vuttaṃ, tattha sattasu ṛhānesu dinna-dānam saṅge dinnaṃ nāma hotīti dassetum imam desanam ārabhi. Tattha **buddhappamukhe ubhatosaṅgheti** ekato bhikkhusaṅgho, ekato bhikkhunisaṅgho, satthā majhe nisinno hotīti ayam buddhappamukho ubhatosaṅgho nāma. **Ayam paṭhamāti** imāya dakkhiṇāya samappamāṇā dakkhiṇā nāma natthi. Dutiyadakkhiṇādayo pana etam paramadakkhiṇam na pāpuṇanti.

Kim (4.0225) pana tathāgate parinibbute buddhappamukhassa ubhatosaṅghassa dānam dātum sakkāti? Sakkā. Kathā? Ubhatosaṅghassa hi pamukhe sadhātukam paṭimam āsane ṛhapetvā ādhārakam ṛhapetvā dakkhiṇodakam ādim katvā sabbam satthu paṭhamam datvā ubhatosaṅghassa dātabbam, evam buddhappamukhassa ubhatosaṅghassa dānam dinnam nāma hoti. Tattha yam satthu dinnam, tam kim kātabbanti? Yo satthāram paṭijaggati vattasampanno bhikkhu, tassa dātabbam. Pitusantakañhi puttassa pāpuṇāti, bhikkhusaṅghassa dātumpi vatṭati, sappitelāni pana gahetvā dīpā jalitabbā, sāṭakam gahetvā paṭākā āropetabbāti. **Bhikkhusaṅgheti** aparicchinnakamahābhikkhusaṅgho. Bhikkhunisaṅhepi esevo nayo.

Gotrabhunoti gottamattakameva anubhavamānā, nāmamattasamaṇāti attho. **Kāsāvakanṭhāti** kāsāvakanṭhanāmakā. Te kira ekam kāsāvakanṭhadam hatthe vā gīvāya vā bandhitvā vicarissanti. Gharadvāram pana tesam puttabhariyā kasivaṇi-

jjādikammāni ca pākatikāneva bhavissanti. **Tesu dussīlesu saṅgham uddissa dānam dassantīti** ettha dussīlasaṅghanti na vuttam. Saṅgho hi dussīlo nāma natthi. Dussīlā pana upāsakā tesu dussīlesu bhikkhusaṅgham uddissa saṅghassa demāti dānam dassanti. Iti bhagavatā buddhappamukhe saṅghe dinnadakkhiṇāpi guṇasaṅkhāya asaṅkhyeyyāti vuttam. Kāsāvakanṭhasaṅghē dinnadakkhiṇāpi guṇasaṅkhāyeva asaṅkhyeyyāti vuttā. Saṅghagatā dakkhiṇā hi saṅghe cittikāram kātum sakkontassa hoti, saṅghe pana cittikāro dukkaro hoti.

Yo hi saṅghagataṁ dakkhiṇam dassāmīti deyyadhammaṁ paṭiyādetvā vihāram gantvā,- “bhante, saṅgham uddissa ekam̄ theram̄ dethā”ti vadati, atha saṅghato sāmañeram̄ labhitvā “sāmañero me laddho”ti aññathattam̄ āpajjati, tassa dakkhiṇā saṅghagatā na hoti. Mahātheram̄ labhitvāpi “mahāthero me laddho”ti somanassam̄ uppādentassāpi na hotiyeva. Yo pana sāmañeram̄ vā upasampannam̄ vā daharam̄ vā theram̄ vā bālam̄ vā pañditam̄ vā yamkiñci saṅghato labhitvā nibbematiko hutvā saṅghassa demīti saṅghe cittikāram kātum sakkoti, tassa dakkhiṇā saṅghagatā nāma hoti. Parasamuddavāsino kira evam̄ karonti.

Tattha (4.0226) hi eko vihārasāmi kuṭumbiko “saṅghagataṁ dakkhiṇam dassāmī”ti saṅghato uddisitvā ekam̄ bhikkhum̄ dethāti yāci. So ekam̄ dussīlabhikkhum̄ labhitvā nisinnatthānam̄ opuñjāpetvā āsanam̄ paññāpetvā upari vitānam̄ bandhitvā gandhadhūmapupphehi pūjetvā pāde dhovitvā telena makkhetvā buddhassa nipaccakāram̄ karonto viya saṅghe cittikārena deyyadhammaṁ adāsi. So bhikkhu pacchābhattam̄ vihārajagganatthāya kudālakam̄ dethāti gharadvāram̄ āgato, upāsako nisinnova kudālam̄ pādena khipitvā “gaṇhā”ti adāsi. Tamenam̄ manussā āhaṁsu- “tumhehi pātova etassa katasakkāro vattum na sakkā, idāni upacāramattakampi natthi, kiṁ nāmetan”ti. Upāsako- “saṅghassa so ayyā cittikāro, na etassā”ti āha. Kāsāvakanṭhasaṅghassa dinnadakkhiṇam̄ pana ko sodhetīti? Sāriputtamoggallānādayo asīti mahātherā sodhentīti. Apica therā ciraparinibbutā, there ādim̄ katvā yāvajja dharamānā khīnāsavā sodhentiyeva.

Na tvevāham, ānanda, kenaci pariyāyena saṅghagatāya dakkhiṇāyāti ettha atthi buddhappamukho saṅgho, atthi etarahi saṅgho, atthi anāgate kāsāvakanṭhasaṅgho. Buddhappamukho saṅgho etarahi saṅghena na upanetabbo, etarahi saṅgho anāgate kāsāvakanṭhasaṅghena saddhiṁ na upanetabbo. Tena teneva samayena kathetabbam̄. Saṅghato uddisitvā gahitasamaṇaputhujjano hi pātipuggaliko sotāpanno, saṅghe cittikāram kātum sakkontassa puthujjanasamaṇe dinnam̄ mahapphalataram̄. Uddisitvā gahito sotāpanno pātipuggaliko sakadāgāmīti-ādīsupi eseva nayo. Saṅghe cittikāram kātum sakkontassa hi khīnāsave dinnadānato uddisitvā gahite dussīlepi dinnam̄ mahapphalatarameva. Yam pana vuttam̄ “sīlavato kho, mahārāja, dinnam̄ mahapphalam, no tathā dussīle”ti, tam̄ imam̄ nayam̄ pahāya “catasso kho imānanda, dakkhiṇā visuddhiyo”ti imasmiṁ catukke daṭṭhabbam̄.

381. Dāyakato visujjhati mahapphalabhañcena visujjhati, mahapphalā hotīti attho. **Kalyāṇadhammadmoti** sucidhammo, na pāpadhammo. **Dāyakato visujjhati** cettha vessantaramahārājā kathetabbo. So hi jūjakabrāhmaṇassa dārake datvā

pathavim kampesi.

Paṭiggāhakato (4.0227) **visujjhati** ettha kalyāṇīnadīmukhadvāravāsikevatṭo kathetabbo. So kira dīghasomatherassa tikkhattumpi piṇḍapātam datvā maraṇamañce nipanno “ayyassa maṁ dīghasomatherassa dinnapiṇḍapāto uddharati”ti āha.

Neva dāyakatoti ettha vadḍhamānavāsiluddako kathetabbo. So kira petadakkhiṇam dento ekassa dussilasseva tayo vāre adāsi, tatiyavāre “amanusso dussilo maṁ vilumpati”ti viravi, ekassa sīlavantabhikkhuno datvā pāpitakāleyevassa pāpuṇi.

Dāyakato ceva visujjhati ettha asadisadānam kathetabbam.

Sā dakkhiṇā dāyakato visujjhati ettha yathā nāma cheko kassako asārampi khettam labhitvā samaye kasitvā paṁsum apanetvā sārabijāni patiṭṭhapetvā rattindivam ārakkhe pamādam anāpajjanto aññassa sārakhettato adhikataram dhaññam labhati, evam sīlavā dussilassa datvāpi phalam mahantam adhigacchati. Iminā upāyena sabbapadesu visujjhanaṁ veditabbam.

Vītarāgo vītarāgesūti ettha **vītarāgo** nāma anāgāmī, arahā pana ekantavītarāgo, tasmā arahatā arahato dinnadānameva aggam. Kasmā? Bhavālayassa bhavapatthanāya abhāvato. Nanu khīṇāsavā dānaphalam na saddahatī? Dānaphalam saddahantā khīṇāsavasadisā na honti. Khīṇāsavena katakammam pana nicchandarāgattā kusalam vā akusalam vā na hoti, kiriyaṭṭhāne tiṭṭhati, tenevassa dānam aggam hotīti vadanti.

Kim pana sammāsambuddhena sāriputtatherassa dinnam mahapphalam, udāhu sāriputtatherena sammāsambuddhassa dinnanti. Sammāsambuddhena sāriputtatherassa dinnam mahapphalanti vadanti. Sammāsambuddhañhi ṭhapetvā añño dānassa vipākam jānitum samattho nāma natthi. Dānañhi catūhi sampadāhi dātum sakkontassa tasmīmyeva attabhāve vipākam deti. Tatrimā sampadā- deyyadhammassa dhammena (4.0228) samena param apīletvā uppannatā, pubbacetanādivasena cetanāya mahattatā, khīṇāsavabhāvena guṇatirekatā, tamdivasam nirodhato vuṭṭhitabhāvena vatthusampannatāti.

Papañcasūdaniyā majjhimanikāyaṭṭhakathāya

Dakkhiṇāvibhaṅgasuttavaṇṇanā niṭṭhitā.

Catutthavaggavaṇṇanā niṭṭhitā.

5. Saṭṭayanavaggo

1. Anāthapiṇḍikovādasuttavaṇṇanā

383. Evam (4.0229) **me sutanti** anāthapiṇḍikovādasuttam. Tattha **bālhagilānoti** adhimattagilāno marañaseyyam upagato. **Āmantesi**ti gahapatissa kira yāva pādā vahim̄su, tāva divase sakiṁ vā dvikkhattum vā tikkhattum vā buddhupaṭṭhānam akhaṇḍam akāsi. Yattakañcassa satthu upaṭṭhānam ahosi, tattakam̄yeva mahātherānam. So ajja gamanapādassa pacchinnattā anuṭṭhānaseyyam upagato sāsanam pesetukāmo aññataram purisam āmantesi. **Tenupasaṅkamīti** bhagavantam āpuccitvā sūriyatthaṅgamanavelāya upasaṅkami.

384. Paṭikkamantīti osakkanti, tanukā bhavanti. **Abhikkamantīti** abhivadḍhanti ottharanti, balavatiyo honti.

Abhikkamosānam paññāyati no paṭikkamoti yasmiñhi samaye māraṇantikā vedanā uppajjati, uparivāte jalitaggi viya hoti, yāva usmā na paryādiyati, tāva mahatāpi upakkamena na sakkā vūpasametum, usmāya pana paryādinnāya vūpasammati.

385. Athāyasmā sāriputto cintesi- “ayam mahāsetṭhissa vedanā māraṇantikā, na sakkā paṭibāhitum, avasesā kathā niratthakā, dhammakathamassa kathessāmī”ti. Atha nam tam kathento **tasmātihāti-ādimāha**. Tattha **tasmāti** yasmā cakkhum tīhi gāhehi gaṇhanto uppannam māraṇantikam vedanam paṭibāhitum samattho nāma natthi, tasmā. **Na cakkhum upādiyissāmīti** cakkhum tīhi gāhehi na gaṇhisāmi. **Na ca me cakkhunissitam viññāṇanti** viññāṇañcāpi me cakkhunissitam na bhavissati. **Na rūpanti** heṭṭhā āyatanarūpam kathitam, imasmim ṭhāne sabbampi kāmabhavarūpam kathento evamāha.

386. Na idhalokanti vasanaṭṭhānam vā ghāsacchādanam vā na upādiyissāmīti attho. Idañhi paccayesu aparitassanattham kathitam. **Na paralokanti** (4.0230) ettha pana manussalokam ṭhapetvā sesā paralokā nāma. Idam- “asukadevaloke nibbattitvā asukaṭṭhāne bhavissāmi, idam nāma khādissāmi bhuñjissāmi nivāsesāmi pārupissāmī”ti evarūpāya paritassanāya pahānattham vuttam. Tampi na upādiyissāmi, na ca me tannissitam viññāṇam bhavissatīti evam tīhi gāhehi parimocetvā thero desanam arahattanikūṭena niṭṭhapesi.

387. Oliyasīti attano sampattim disvā ārammañesu bajjhasi alliyasīti. Iti āyasmā ānando- “ayampi nāma gahapati evam saddho pasanno marañabhayassa bhāyati, añño ko na bhāyissati”ti maññamāno tassa gālham katvā ovādam dento evamāha. **Na ca me evarūpī dhammikathā sutapubbāti**

ayaṁ upāsako- “satthu santikāpi me evarūpī dhammакathā na sutapubbā”ti vadati, kiṁ satthā evarūpi sukhumam gambhīrakatham na kathetī? No na katheti. Evam pana cha ajjhattikāni āyatanāni cha bāhirāni cha viññāṇakāye cha phassakāye cha vedanākāye cha dhātuyo pañcakkhandhe cattāro arūpe idhalokañca paralokañca dassetvā diṭṭhasutamutaviññātavasena arahatte pakkipitvā kathitakathā etena na sutapubbā, tasmā evam vadati.

Apicāyam upāsako dānādhimutto dānābhīrato buddhānam santikam gacchanto tucchahattho na gatapubbo. Purebhattam gacchanto yāgukhajjakādīni gāhāpetvā gacchatī, pacchābhattam sappimadhuphāṇitādīni. Tasmīm asati vālikam gāhāpetvā gandhakuṭipariveṇe okirāpeti, dānam datvā sīlam rakkhitvā geham gato. Bodhisattagatiko kiresa upāsako, tasmā bhagavā catuvīsatī samvaccharāni upāsakassa yebhuyyena dānakathameva kathesi- “upāsaka, idam dānam nāma bodhi-sattānam gatamaggo, mayhampi gatamaggo, mayā satasahassakappādhikāni cattāri asaṅkhyeyyāni dānam dinnaṁ, tvam mayā gatamaggaveva anugacchasi”-ti. Dhammasenāpati-ādayo mahāsāvakāpi attano attano santikam āgatakāle dānakathamevassa kathenti. Tenevāha **na kho gahapati gihinam odātavasanānam eva-rūpī dhammīkathā paṭibhātī**. Idam vuttaṁ hoti- gahapati gihinam nāma khettava-tthuhiraññasuvaṇṇadāsīdāsaputtabhariyādīsu tibbo ālayo tibbaṁ nikantipariyuṭṭhānam (4.0231), tesam- “ettha ālayo na kātabbo, nikanti na kātabbā”ti kathā na paṭibhāti na ruccatīti.

Yena bhagavā tenupasaṅkamīti kasmā upasaṅkami? Tusitabhavane kirassa nibbattamattasseva tigāvutappamāṇam suvaṇṇakkhandham viya vijjotamānam attabhāvam uyyānavimānādisampattiñca disvā- “mahatī ayaṁ mayham sampatti, kiṁ nu kho me manussapathe kammaṁ katan”ti olokento tīsu ratanesu adhikāram disvā cintesi “pamādaṭṭhānamidam devattam nāma, imāya hi me sampattiyā modamānassa satisammosopi siyā, handāham gantvā mama jetavanassa ceva bhikkhusaṅghassa ca tathāgatassa ca ariyamaggassa ca sāriputtatherassa ca vaṇṇam kathetvā tato āgantvā sampattim anubhavissāmī”ti. So tathā akāsi. Tam dassetum **atha kho anāthapindikoti-ādi** vuttam.

Tattha **isisaṅghanisevitanti** bhikkhusaṅghanisevitam. Evam paṭhamagāthāya jetavanassa vaṇṇam kathetvā idāni ariyamaggassa vaṇṇam kathento **kammam vijjā cāti-ādimāha**. Tattha **kammanti** maggacetanā. **Vijjāti** maggapaññā. **Dhammoti** samādhipakkhiko dhammo. **Sīlam jīvitamuttamanti** sīle patiṭṭhitassa jīvitam uttamanti dasseti. Atha vā **vijjāti** diṭṭhisāṅkappo. **Dhammo**ti vāyāmasatisamādhayo. **Sīlanti** vācākammantājīvā. **Jīvitamuttamanti** etasmīm sīle patiṭṭhitassa jīvitam nāma uttamam. **Etena maccā sujjhantīti** etena aṭṭhaṅgikena maggena sattā visujjhanti.

Tasmāti yasmā maggena sujjhanti, na gottadhanehi, tasmā. **Yoniso vicine dhammanti** upāyena samādhipakkhiyam dhammaṁ vicineyya. **Evam tattha visujjhātīti** evam tasmiṁ ariyamagge visujjhati. Atha vā **yoniso vicine dhammanti** upāyena pañcakkhandhadhammaṁ vicineyya. **Evam tattha visujjhātīti** evam tesu catūsu saccisu visujjhati.

Idāni sāriputtatherassa vaṇṇam kathento **sāriputto vāti**-ādimāha. Tattha **sāriputto vāti** avadhāraṇavacanam. Etehi paññādīhi sāriputtova seyyoti vadati. **Upasamena**ti kilesa-upasamena. **Pāraṅgatoti** (4.0232) nibbānam gato. Yo koci nibbānam patto bhikkhu, so etāvaparamo siyā, na therena uttaritare nāma atthīti vadati. Sesam sabbattha uttānamevāti.

Papañcasūdaniyā majjhimanikāyaṭṭhakathāya

Anāthapindikovādasuttavaṇṇanā nitthitā.

2. Channovādasuttavaṇṇanā

389. Evam me sutanti channovādasuttaṁ. Tattha **channoti** evamnāmako thero, na abhinikkhamanam nikkhantatthero. **Paṭisallānāti** phalasamāpattito. **Gilānapucchakāti** gilānupaṭṭhānam nāma buddhavaṇṇitam, tasmā evamāha. **Satthanti** jīvitahārakasattham. **Nāvakaṅkhāmīti** icchāmi.

390. Anupavajjanti anuppattikam appaṭisandhikam.

391. Etam mamāTi-ādīni taṇhāmānadiṭṭhigāhavasena vuttāni. **Nirodham disvāti** khayavayam ūnatvā. **Netam mama nesohamasmi na meso attāti samanupassāmīti** aniccam dukkham anattāti samanupassāmi.

393. Tasmāti yasmā māraṇantikavedanam adhivāsetum asakkonto sattham āharāmīti vadati, tasmā. Puthujjano āyasmā, tena idampi manasi karohīti dīpeti. **Niccakappanti** niccakālam. **Nissitassāti** taṇhādiṭṭhīhi nissitassa. **Calitanti** vippahnditam hoti. **Passaddhīti** kāyacittapassaddhi, kilesapassaddhi nāma hotīti attho. **Natīti** taṇhānati. **Natiyā asatīti** bhavatthāya ālayanikantipariyutṭhānesu asati. **Āgatigati na hotīTi** paṭisandhivasena āgati nāma na hoti, cutivasena gamanam nāma na hoti. **Cutūpapātoto** cavanavasena cuti, upapajjanavasena upapāto. **Nevidha na huram na ubhayamantarenāti** nayidha loke, na paraloke, na ubhayattha hoti. **Esevanto dukkhassāti** vaṭṭadukkhakilesadukkhassa ayameva anto ayaṁ paricchedo (4.0) parivatūmabhāvo hoti. Ayameva hi ettha attho. Ye pana “na ubhayamantarenā”ti vacanam gahetvā antarābhavam icchanti, tesam uttaraṁ heṭṭhā vuttameva.

394. Sattham āharesīTi jīvitahārakam sattham āhari, kaṇṭhanālīm chindi. Athassa tasmiṁ khaṇe maraṇabhayam okkami, gatinimittaṁ upaṭṭhāsi. So attano puthujjanabhāvam ūnatvā saṁviggo vipassanam paṭṭhapetvā saṅkhāre pariggaṇhanto arahattam patvā samasī hutvā parinibbāyi. **Sammukhāyeva anupavajjatā byākatāti** kiñcāpi idam therassa puthujjanakāle byākaraṇam hoti, etena pana byākaraṇena anantarāyamassa parinibbānam ahosi. Tasmā bhagavā tameva byākaraṇam gahetvā kathesi. **Upavajjakulānīti** upasaṅkamitabbakulāni. Iminā therō, “bhante, evam upaṭṭhākesu ca upaṭṭhāyikāsu ca vijjamānāsu so bhikkhu tumhākam sāsane parinibbāyissati”ti pucchatī. Athassa bhagavā kulesu saṁsa-

ggābhāvam dīpentō **honti hete sāriputtāti-ādimāha**. Imasmim kira thāne therassa kulesu asam̄satthabhāvo pākaṭo ahosi. Sesam sabbattha uttānamevāti.

Papañcasūdaniyā majjhimanikāyaṭṭhakathāya

Channovādasuttavaṇṇanā niṭṭhitā.

3. Puṇṇovādasuttavaṇṇanā

395. Evam me sutanti puṇṇovādasuttaṁ. Tattha paṭisallānāti ekibhāvā. **Tam ceti tam cakkhuñceva rūpañca.** Nandīsamudayā dukkhasamudayoti nandiyā taṇhāya samodhānena pañcakkhandhadukkhassa samodhānam hoti. Iti chasu dvāresu dukkham samudayoti dvinnam saccānam vasena vaṭṭam matthakam pāpetvā dassesi. Dutiyanaye nirodho maggoti dvinnam saccānam vasena vivaṭṭam matthakam pāpetvā dassesi. **Iminā ca tvam puṇṇāti** pātiyekko anusandhi. Evam tāva vaṭṭavivāṭṭavasena desanam arahatte pakhipitvā idāni puṇṇatheram sattasu thānesu sīhanādam nadāpetum **iminā ca tvanti-ādimāha**.

396. Caṇḍāti (4.0234) duṭṭhā kibbisā. Pharusāti kakkhalā. Akkosissantīti dasahi akkosavatthūhi akkosissanti. Paribhāsissantīti kiṁ samaṇo nāma tvam, idañca idañca te karissāmāti tajjessanti. **Evamethāti** evam mayham ettha bhavissati.

Dañḍenāti catuhatthena dañḍena vā ghaṭikamuggarena vā. **Satthenāti** ekatodhārādinā. **Satthahārakam pariyesantīti** jīvitahārakam satthaṁ pariyesanti. Idam thero tatiyapārājikavatthusmim asubhakathaṁ sutvā attabhāvena jigucchantānam bhikkhūnam satthahārakapariyesanam sandhāyāha. **Damūpasamenāti** ettha damoti indriyasamvarādīnam etam nāmam. “Saccena danto damasā upeto, vedantagū vusitabrahmacariyo”ti (sam. ni. 1.195; su. ni. 467) ettha hi indriyasamvaro damoti vutto. “Yadi saccā damā cāgā, khantyā bhiyyodha vijjati”ti (sam. ni. 1.246; su. ni. 191) ettha paññā damoti vutto. “Dānena damena samyamena saccavajjenā”-ti (dī. ni. 1.166; ma. ni. 2.226) ettha uposathakammam damoti vuttam. Imasmim pana tutte khanti damoti veditabbā. **Upasamoti** tasseeva vevacanam.

397. Atha kho āyasmā puṇṇoti ko panesa puṇṇo, kasmā panettha gantukāmo ahosīti. Sunāparantavāsiko eva eso, sāvatthiyam pana asappāyavihāram sallakkhetvā tattha gantukāmo ahosi.

Tatrāyam anupubbikathā- sunāparantaraṭṭhe kira ekasmim vāṇijakagāme ete dve bhātaro. Tesu kadāci jetṭho pañca sakatasatāni gahetvā janapadam gantvā bhaṇḍam āharati, kadāci kaniṭṭho. Imasmim pana samaye kaniṭṭham ghare ṭhapetvā jetṭhabhātiko pañca sakatasatāni gahetvā janapadacārikam caranto anupubbena sāvatthim patvā jetavanassa nātidūre sakatasattham nivāsetvā bhuttapātarāso parijanaparivuto phāsukaṭṭhāne nisīdi.

Tena ca samayena sāvatthivāsino bhuttapātarāsā uposathaṅgāni adhiṭṭhāya

suddhuttarāsaṅgā gandhapupphādihatthā yena buddho yena dhammo yena saṅgho, tanninnā tappoṇā tappābbhārā hutvā dakkhiṇadvārena nikkhamitvā jetavanam (4.0235) gacchanti. So te disvā “kahaṁ ime gacchanti”ti ekamanussaṁ pucchi. Kim tvam ayyo na jānāsi, loke buddhadhammasaṅgharatanāni nāma uppānnāni, iccesa mahājano satthu santike dhammakatham sotuṁ gacchatīti. Tassa buddhoti vacanam chavicammādīni chinditvā aṭṭhimiñjam āhacca aṭṭhāsi. Atha attano parijanaparivuto tāya parisāya saddhiṁ vihāram gantvā satthu madhurassarena dhammam̄ desentassa parisapariyante ṭhito dhammam̄ sutvā pabbajjāya cittam̄ uppādesi. Atha tathāgatena kālam̄ viditvā parisāya uyyojitāya satthāram upasaṅkamitvā vanditvā svātanāya nimantetvā dutiyadivase maṇḍapam̄ kāretvā āsanāni paññapetvā buddhappamukhassa saṅghassa mahādānam̄ datvā bhutta-pātarāso uposathaṅgāni adhiṭṭhāya bhaṇḍāgārikam̄ pakkosāpetvā, ettakam̄ bhaṇḍam̄ vissajjitaṁ, ettakam̄ na vissajjianti sabbam̄ ācikkhitvā- “imam̄ sāpateyyam̄ mayham̄ kaniṭṭhassa dehī”ti sabbam̄ niyyātetevā satthu santike pabbajitvā kammaṭṭhānaparāyaṇo ahosi.

Athassa kammaṭṭhānam̄ manasikarontassa kammaṭṭhānam̄ na upaṭṭhāti. Tato cintesi- “ayaṁ janapado mayham̄ asappāyo, yaṁnūnāham̄ satthu santike kammaṭṭhānam̄ gahetvā sakāṭṭhānameva gaccheyyan”ti. Atha pubbaṇhasamaye piṇḍāya caritvā sāyanhasamaye paṭisallānā vuṭṭhahitvā bhagavantam̄ upasaṅkamitvā kammaṭṭhānam̄ kathāpetvā satta sīhanāde naditvā pakkāmi. Tena vuttam̄- “atha kho āyasmā puṇo ...pe... viharati”ti.

Kattha panāyam̄ vihāsīti? Catūsu ṭhānesu vihāsi, sunāparantaraṭṭham̄ tāva pavisitvā **ajjuhatthapabbate** nāma pavisitvā vāṇijagāmam̄ piṇḍāya pāvisi. Atha naṁ kaniṭṭhabhātā sañjānitvā bhikkham̄ datvā, “bhante, aññattha agantvā idheva vasathā”ti paṭiññam̄ kāretvā tattheva vasāpesi.

Tato **samuddagirivihāram̄** Nāma agamāsi. Tattha ayakantapāsāṇehi paricchinditvā katacaṅkamo atthi, tam̄ koci caṅkamitum̄ samattho nāma natthi. Tattha samuddavīciyo āgantvā

ayakantapāsāñesu paharitvā mahāsaddam karonti. Theronam- “kammaṭṭhānam manasikarontānam phāsuvihāro hotū”ti samuddam nissaddam katvā adhitthāsi.

Tato (4.0236) **mātulagirim** nāma agamāsi. Tattha sakuṇasaṅgo ussanno, rattiñca divā ca saddo ekābaddhova hoti, thero imam ṭhānam aphāsukanti tato **makulakārāmavihāram** nāma gato. So vāṇijagāmassa nātidūro naccāsanno gamanāgamanasampanno vivitto appasaddo. Thero imam ṭhānam phāsukanti tattha rattiṭṭhānadvāṭṭhānacānkamanādīni kāretvā vassam upagacchi. Evaṁ catūsu ṭhānesu vihāsi.

Athekadivasam tasmiṁyeva antovasse pañca vāṇijasatāni parasamuddam gacchāmāti nāvāya bhaṇḍam pakkhipimsu. Nāvārohanadivase therassa kaniṭṭhabhātā theram bhojetvā therassa santike sikkhāpadāni gahetvā vanditvā gacchanto,- “bhante, mahāsamuddo nāma appameyyo anekantarāyo, amhe āvajjeyyāthā”ti vatvā nāvam āruhi. Nāvā uttamajavena gacchamānā aññatarām dīpakam pāpuṇi. Manussā pātarāsaṁ karissāmāti dīpake otīṇā. Tasmim dīpe aññam kiñci natthi, candanavaneva ahosi.

Atheko vāsiyā rukkham ākoṭetvā lohitacandanabhāvam ūnatvā āha- “bho mayam lābhatthāya parasamuddam gacchāma, ito ca uttari lābho nāma natthi, caturaṅgu-lamattā ghaṭikā satasahassam agghati, hāretabbakayuttaṁ bhaṇḍam hāretvā candanassa pūremā”ti. Te tathā karīmsu. Candanavane adhivatthā amanussā kujjhītvā- “imehi amhākam candanavanaṁ nāsitam, ghātessāma ne”ti cintetvā- “idheva ghātitesu sabbam vanam ekaṁ kuṇapam bhavissati, samuddamajjhenesam nāvam osīdēssāmā”ti āhamṣu. Atha tesam nāvam āruyha muhuttam gata-kāleyeva uppādikam utṭhapetvā sayampi te amanussā bhayānakāni rūpāni dassayimṣu. Bhītā manussā attano attano devatā namassanti. Therassa kaniṭṭho cūlapuṇṇakuṭumbiko- “mayham bhātā avassayo hotū”ti therassa namassamāno aṭṭhāsi.

Theropi kira tasmiṁyeva khaṇe āvajjītvā tesam byasanuppattim ūnatvā vehāsam uppatisvā sammukhe aṭṭhāsi. Amanussā theram disvā “ayyo puṇṇatthero eti”ti pakkamiṁsu, uppādikam sannisidi. Thero mā bhāyathāti te (4.0237) assāsetvā “kaham gantukāmatthā”ti pucchi. Bhante, amhākam sakāṭṭhānameva gacchāmāti. Thero nāvam phale akkamitvā “etesam icchitaṭṭhānam gacchatū”ti adhitthāsi. Vāṇijā sakāṭṭhānam gantvā tam pavattim puttadārassa ārocetvā “etha theram saraṇam gacchāmā”ti pañcasatā attano pañcamātugāmasatehi saddhim tīsu saraṇesu patiṭṭhāya upāsakattam paṭivedesum. Tato nāvāya bhaṇḍam otāretvā therassa ekaṁ koṭṭhāsam katvā- “ayam, bhante, tumhākam koṭṭhāso”ti āhamṣu. Thero- “mayham visum koṭṭhāsakiccam natthi, satthā pana tumhehi diṭṭhapubbo”ti. Na diṭṭhapubbo, bhanteti. Tena hi iminā satthu maṇḍalamālam karotha, evam satthāram passissathāti. Te sādhū, bhanteti tena ca koṭṭhāsenā attano ca koṭṭhāsehi maṇḍalamālam kātum ārabhiṁsu.

Satthāpi kira āraddhakālato paṭṭhāya paribhogam akāsi. Ārakkhamanussā rattim obhāsam disvā “mahesakkhā devatā atthī”ti saññam karīmsu. Upāsakā maṇḍalamālañca bhikkhusaṅghassa ca senāsanāni niṭṭhapetvā dānasambhāram sajjetvā- “kataṁ, bhante, amhehi attano kiccam, sathāram pakkosathā”ti therassa āro-

cesum. Thero sāyanhasamaye iddhiyā sāvatthim patvā, “bhante, vāṇijagāmavā-sino tumhe datṭhukāmā, tesam anukampam karothā”ti bhagavantam yāci. Bhagavā adhivāsesi. Thero bhagavato adhivāsanam viditvā sakatthānameva paccāgato.

Bhagavāpi ānandatheram āmantesi,- “ānanda, sve sunāparante vāṇijagāme piṇḍāya carissāma, tvam ekūnapañcasatānam bhikkhūnam salākam dehī”ti. Thero sādhу, bhanteti bhikkhusaṅghassa tamattham ārocetvā nabhacārikā bhikkhū salākam gaṇhantūti āha. Tamdivasam kuṇḍadadhānatthero paṭhamam salākam aggahesi. Vāṇijagāmavāsinopi “sve kira satthā āgamissati”ti gāma-majhe maṇḍapam katvā dānaggam sajjayiṁsu. Bhagavā pātova sarīrapati-jaggnam katvā gandhakuṭīm pavisitvā phalasamāpattīm appetvā nisidi. Sakkassa paṇḍukambalasilāsanam uṇham ahosi. So kiṁ idanti āvajjetvā (4.0238) satthu sunāparantagamanam disvā vissakammam āmantesi- “tāta aja bhagavā timattāni yojanasatāni piṇḍācāram karissati, pañca kūṭāgārasatāni māpetvā jetavana-dvārakoṭṭhamatthake gamanasajjāni katvā ṭhapehi”ti. So tathā akāsi. Bhagavato kūṭāgāram catumukham ahosi, dvinnam aggasāvakānam dvimukhāni, sesāni eka-mukhāni. Satthā gandhakuṭito nikhamma paṭipāṭiyā ṭhapitakūṭāgāresu dhurakūṭā-gāram pāvisi. Dve aggasāvake ādim katvā ekūnapañcabhikkhusatānipi kūṭāgāram gantvā nisinnā ahesum. Ekam tucchakūṭāgāram ahosi, pañcapi kūṭāgārasatāni ākāse uppatiṁsu.

Satthā saccabandhapabbataṁ nāma patvā kūṭāgāram ākāse thapesi. Tasmim pabbate saccabandho nāma micchādiṭṭhikatāpaso mahājanam micchādiṭṭhim uggaṇhāpento lābhaggayasaggappatto hutvā vasati. Abbhantare cassa antocāṭiyam padīpo viya arahattassa upanissayo jalati. Tam disvā dhammamassa kathessāmīti gantvā dhammam desesi. Tāpaso desanāpariyosāne arahattam pāpuṇi, maggenevāssa abhiññā āgatā. Ehibhikkhu hutvā iddhimayapattacīvaradharo hutvā kūṭāgāram pāvisi.

Bhagavā kūṭāgāragatehi pañcahi bhikkhusatehi saddhim vāṇijagāmam gantvā kūṭāgārāni adissamānāni katvā vāṇijagāmam pāvisi. Vāṇijā buddhappamukhassa bhikkhusaṅghassa mahādānam datvā satthāram makulakārāmam nayiṁsu. Satthā maṇḍalamālaṁ pāvisi. Mahājano yāva satthā bhattadaratham paṭipassambheti, tāva pātarāsam katvā uposathaṅgāni samādāya bahum gandhañca pupphañca ādāya dhammassavanathāya ārāmam paccāgamāsi. Satthā dhammam desesi. Mahājanassa bandhanamokkho jāto, mahantaṁ buddhakolāhalam ahosi.

Satthā mahājanassa saṅgahattham katipāham tattheva vasi, aruṇam pana mahāgandhakuṭiyameva utṭhapesi. Tattha katipāham vasitvā vāṇijagāme piṇḍāya caritvā “tvam idheva vasāhi”ti puṇyattheram nivattetvā antare nammadā-nadī (4.0239) nāma atthi, tassā tīraṁ agamāsi. Nammadānāgarājā satthu paccuggamanam katvā nāgabhavanam pavesetvā tiṇam ratanānam sakkāram akāsi. Satthā tassa dhammam kathetvā nāgabhavanā nikhami. So- “mayham, bhante, paricaritabbam dethā”ti yāci, bhagavā nammadānadītire padacetiyam dassesi.

Tam vīcīsu āgatāsu pidhīyati, gatāsu vivarīyati, mahāsakkārappattam ahosi. Satthā tato nikkhamma saccabandhapabbatam gantvā saccabandham āha-“tayā mahājano apāyamagge otārito, tvam idheva vasitvā etesam laddhim vissajjāpetvā nibbānamagge patiṭṭhāpehī”ti. Sopi paricaritabbam yāci. Satthā ghanapiṭṭhipā-sāne allamattikapiṇḍamhi lañchanam viya padacetiyam dassesi, tato jetavana-meva gato. Etamattham sandhāya **tenevantaravassenāti**-ādi vuttam.

Parinibbāyīti anupādisesāya nibbānadhatuyā parinibbāyi. Mahājano therassa satta divasāni sarīrapūjaṁ katvā bahūni gandhakaṭṭhāni samodhānetvā sarīram jhāpetvā dhātuyo ādāya cetiyaṁ akāsi. **Sambahulā bhikkhūti** therassa ālāhane ṛhitabhikkhū. Sesam sabbattha uttānamevāti.

Papañcasūdaniyā majjhimanikāyaṭṭhakathāya

Puṇṇovādasuttavaṇṇanā niṭṭhitā.

4. Nandakovādasuttavaṇṇanā

398. Evaṁ me sutanti nandakovādasuttaṁ. Tattha **tena kho pana samayenāti** bhagavā mahāpajāpatiyā yācito bhikkhunisaṅgham uyyojetvā bhikkhusaṅgham sannipātetvā- “therā bhikkhū vārena bhikkhuniyo ovadantū”ti saṅghassa bhāram akāsi. Tam sandhāyetam vuttam. Tattha **pariyāyenāti** vārena. **Na icchatīti** attano vāre sampatte dūram gāmam vā gantvā sūcikammādīni vā ārabhitvā “ayam nāmassa papañco”ti vadāpesi. Imam pana pariyāyena ovādaṁ bhagavā nandako-ttherasseva kāraṇā akāsi. Kasmā? Imāsañhi bhikkhunīnam theram disvā cittam ekaggam hoti (4.0240) pasidati. Tena tā tassa ovādaṁ sampaticchitukāmā, dhammakatham sotukāmā. Tasmā bhagavā- “nandako attano vāre sampatte ovādaṁ dassati, dhammakatham kathessatī”ti vārena ovādaṁ akāsi. Thero pana attano vāram na karoti, kasmāti ce? Tā kira bhikkhuniyo pubbe therassa jambudīpe rajjam kārentassa orodhā ahesum. Thero pubbenivāsañānenā tam kāraṇam ñatvā cintesi- “maṁ imassa bhikkhunisaṅghassa majjhe nisinnam upamāyo ca kāraṇāni ca āharitvā dhammaṁ kathayamānam disvā añño pubbenivāsañāna-lābhī bhikkhu imam kāraṇam oloketvā ‘āyasmā nandako yāvajjadivasā orodhe na vissajjeti, sobhatāyamāyasmā orodhaporivuto’ti vattabbam maññeyyā”ti. Etamattham sampassamāno thero attano vāram na karoti. Imāsañca kira bhikkhunīnam therasseva desanā sappāyā bhavissatīti ñatvā **atha kho bhagavā āya-smantaṁ nandakaṁ āmantesi**.

Tāsam bhikkhunīnam pubbe tassa orodhabhāvajānanattham idam vatthum-pubbe kira bārāṇasiyam pañca dāsasatāni pañca dāsisatāni cāti jaṅghasahassam ekatova kammam katvā ekasmim ṭhāne vasi. Ayam nandakatthero tasmin kāle jetṭhakadāso hoti, gotamī jetṭhakadāsī. Sā jetṭhakadāsassa pādaparicārikā ahosi

paññitā byattā. Jaṅghasahassampi puññakammaṁ karontaṁ ekato karoti. Atha vassūpanāyikasamaye pañca paccekabuddhā nandamūlakapabbhārato isipatane otaritvā nagare piṇḍāya caritvā isipatanameva gantvā- “vassūpanāyikakuṭiyā atthāya hatthakammam yācissāmā”ti cīvaraṁ pārupitvā sāyanhasamaye nagaram pavisitvā sethissa gharadvāre aṭṭhaṁsu. Jetṭhakadāsī kuṭam gaheṭvā udakatittham gacchantī paccekabuddhe nagaram pavisante addasa. Setṭhi tesam āgata-kāraṇam sutvā “amhākam okāso natthi, gacchantū”ti āha.

Atha te nagarā nikkhamante jetṭhakadāsī kuṭam gaheṭvā pavisantī disvā kuṭam otāretvā vanditvā onamitvā mukham pidhāya- “ayyā nagaram paviṭṭhamattāva nikkhantā, kiṁ nu kho”ti pucchi. Vassūpanāyikakuṭiyā hatthakammam yācitum āgamimhāti. Laddham, bhanteti. Na laddham upāsiketi? Kiṁ panesā kuṭi issare-heva kātabbā, duggatehipi sakkā kātunti. Yena kenaci sakkāti? Sādhu, bhante, mayam karissāma. Sve mayham bhikkham gaṇhathāti nimantetvā (4.0241) udakam netvā puna kuṭam gaheṭvā āgamma titthamagge ṭhatvā āgatā avasesadāsiyo “ettheva hothā”ti vatvā sabbāsaṁ āgatakāle āha- “amma kiṁ niccameva parassa dāsakammaṁ karissatha, udāhu dāsabhāvato muccitum icchathā”ti? Ajjeva muccitumicchāma ayyeti. Yadi evam̄ mayā pañca paccekabuddhā hatthakammam alabhartā svātanāya nimantitā, tumhākam sāmikehi ekadivasam̄ hatthakammam dāpethāti. Tā sādhūti sampaticchitvā sāyaṁ aṭavito āgatakāle sāmikānam ārocesum. Te sādhūti jetṭhakadāsassa gehadvāre sannipatiṁsu.

Atha ne jetṭhakadāsī sve tātā paccekabuddhānam̄ hatthakammam̄ dethāti āni-saṁsaṁ ācikkhitvā yepi na kātukāmā, te gālhena ovādena tajjetvā paṭicchāpesi. Sā punadivase paccekabuddhānam̄ bhattam̄ datvā sabbesam̄ dāsaputtānam̄ saññam̄ adāsi. Te tāvadeva araññam̄ pavisitvā dabbasambhāre samodhānetvā satam̄ satam̄ hutvā ekekakuṭim̄ ekekacaṅkamanādiparivāraṁ katvā mañcapīṭhapānīyaparibhojanīyabhājanādīni ṭhapetvā paccekabuddhe temāsaṁ tattha vasana-thāya paṭiññam̄ kāretvā vārabhikkham̄ paṭṭhapesum. Yo attano vāradivase na sakkoti. Tassa jetṭhakadāsī sakagehato āharitvā deti. Evam̄ temāsaṁ jaggitvā jetṭhakadāsī ekekam̄ dāsam̄ ekekam̄ sāṭakam̄ vissajjāpesi. Pañca thūlasāṭakastāni ahesum. Tāni parivattāpetvā pañcannam̄ paccekabuddhānam̄ ticīvarāni katvā adāsi. Paccekabuddhā yathāphāsukam̄ agamam̄su. Tampi jaṅghasahassam̄ ekato kusalam̄ katvā kāyassa bhedā devaloke nibbatti. Tāni pañca mātugāmasastāni kālena kālam̄ tesam̄ pañcannam̄ purisasatānam̄ gehe honti, kālena kālam̄ sabbāpi jetṭhakadāsaputtasseva gehe honti. Atha ekasmiṁ kāle jetṭhakadāsappautto devalokato cavitvā rājakule nibbatto. Tāpi pañcasatā devakaññā mahābhogakulesu nibbattitvā tassa rajje ṭhitassa geham̄ agamam̄su. Etena niyāmena samsarantiyo amhākam̄ bhagavato kāle

koliyanagare devadahanagare ca khattiyakulesu nibbattā.

Nandakattheropi pabbajitvā arahattam patto, jetṭhakadāsidhītā vayam āgamma suddhodanamahārājassa aggamaheśīṭhāne ṭhitā, itarāpi tesam tesam (4.0242) rājaputtānamyeva gharam gatā. Tāsam sāmikā pañcasatā rājakumārā udakacumbaṭakalahe satthu dhammadesanam sutvā pabbajitā, rājadhītaro tesam ukkaṇṭhanattham sāsanam pesesum. Te ukkaṇṭhite bhagavā kuṇḍaladahaṁ netvā sotāpattiphale patiṭṭhapetvā mahāsamayadivase arahatte patiṭṭhāpesi. Tāpi pañcasatā rājadhītaro nikhamitvā mahāpajāpatiyā santike pabbajīmsu. Ayamāyasmā nandako ettāva tā bhikkhuniyoti evametam vatthu dīpetabbam.

Rājakārāmoti pasenadinā kārito nagarassa dakkhiṇadisābhāge thūpārāmasa-dise ṭhāne vihāro.

399. Sammappaññāya suditṭhanti hetunā kāraṇena vipassanāpaññāya yāthāva-sarasato ditṭham.

401. Tajjaṁ tajjanti tamṣabhbāvam tamṣabhbāvam, athato pana tam tam paccayam paṭicca tā tā vedanā uppajjantīti vuttam hoti.

402. Pagevassa chāyāTi mūlādīni nissāya nibbattā chāyā paṭhamataramyeva aniccā.

413. AnupahaccāTi anupahanitvā. Tattha mamsam piṇḍam piṇḍam katvā cammaṁ alliyāpento mamsakāyam upahanati nāma. Cammaṁ baddham baddham katvā mamse alliyāpento mamsakāyam upahanati nāma. Evam akatvā. **Vilimamsam nhārubandhananti** sabbacame laggavilīpanamamsameva. **Antarāki-lesasaṃyojanabandhananti** sabbam antarakilesameva sandhāya vuttam.

414. Satta kho panimeti kasmā āhāti? Yā hi esā paññā kilese chindatīti vuttā, sā na ekikāva attano dhammatāya chinditum sakkoti. Yathā pana kuṭhārī na attano dhammatāya chejjam chindati, purisassa tajjam vāyāmaṁ paṭicceva chindati, evam na vinā chahi bojjhaṅgehi paññā kilese chinditum sakkoti. Tasmā evamāha. **Tena hīti** yena kāraṇena tayā cha ajjhattikāni āyatanāni, cha bāhirāni (4.0243), cha viññāṇakāye, dīpopamam, rukkhopamam, gāvūpamañca dassetvā sattahi bojjhaṅgehi āsavakkhayena desanā niṭṭhapitā, tena kāraṇena tvam svepi tā bhikkhuniyo teneva ovādena ovadeyyāsīti.

415. Sā sotāpannāti yā sā gunehi sabbapacchimikā, sā sotāpannā. Sesā pana sakadāgāmi-anāgāminiyo ca khīṇāsavā ca. Yadi evam katham paripuṇṇasāṅkappāti. Ajjhāsayapāripūriyā. Yassā hi bhikkhuniyā evamahosi- “kadā nu kho aham ayyassa nandakassa dhammadesanam suṇantī tasmiṃyeva āsane sotāpatti-phalam sacchikareyyan”ti, sā sotāpattiphalam sacchākāsi. Yassā ahosi “sakadāgāmiphalam anāgāmiphalam arahattan”ti, sā arahattam sacchākāsi. Tenāha bhagavā “attamanā ceva paripuṇṇasāṅkappā cā”ti.

Papañcasūdaniyā majjhimanikāyatṭhakathāya

Nandakovādasuttavaṇṇanā niṭṭhitā.

5. Rāhulovādasuttavaṇṇanā

416. Evam me sutanti rāhulovādasuttaṁ. Tattha vimuttiparipācanīyāti vimuttim paripācentīti vimuttiparipācanīyā. **Dhammāti** pannarasa dhammā. Te saddhindriyādīnam visuddhikāraṇavasena veditabbā. Vuttañhetam-

“Assaddhe puggale parivajjayato, saddhe puggale sevato bhajato payirupāsato pasādanīye suttante paccavekkhato imehi tīhākārehi saddhindriyām visujjhati. Kusīte puggale parivajjayato āraddhavīriye puggale sevato bhajato payirupāsato sammappadhāne paccavekkhato imehi tīhākārehi vīriyindriyām visujjhati. Muṭṭhassatī puggale parivajjayato upaṭṭhitassatī puggale sevato bhajato payirupāsato satipaṭṭhāne paccavekkhato imehi tīhākārehi satindriyām visujjhati (4.0244). Asamāhite puggale parivajjayato samāhite puggale sevato bhajato payirupāsato jhānavimokkhe paccavekkhato imehi tīhākārehi samādhindriyām visujjhati. Dappaññe puggale parivajjayato paññavante puggale sevato bhajato payirupāsato gambhīrañāṇacariyām paccavekkhato imehi tīhākārehi paññindriyām visujjhati. Iti ime pañca puggale parivajjayato pañca puggale sevato bhajato payirupāsato pañca suttantakkhandhe paccavekkhato imehi pannarasahi ākārehi imāni pañcindriyāni visujjhantī”ti (paṭi. ma. 1.185).

Aparepi pannarasa dhammā vimuttiparipācanīyā- saddhādīni pañcimāni indriyāni, aniccasaññā, anicce dukkhasaññā, dukkhe anattasaññā, pahānasaññā, virāgasasaññāti, imā pañca nibbedhabhāgīyā saññā, meghiyattherassa kathitā kalyāṇamittatādayo pañcadhammāti. Kāya pana velāya bhagavato etadahosīti. Paccūsamaye lokam volokentassa.

419. Anekānam devatāsaḥassānanti āyasmatā rāhulena padumuttarassa bhagavato pādamūle pālitanāgarājakāle patthanam paṭṭhapentena saddhim patthanam paṭṭhapitadevatāyeva. Tāsu pana kāci bhūmaṭṭhakā devatā, kāci antalikkhakā, kāci cātumahārājikā, kāci devaloke, kāci brahma-loke nimbattā. Imasmim pana divase sabbā ekaṭṭhāne andhavanasmīmyeva sannipatitā. **Dhammacakkhunti** upāli-ovāda- (ma. ni. 2.69) dīghanakhasuttesu (ma. ni. 2.206) paṭhamamaggo dhammacakkhunti vutto, brahmāyusutte (ma. ni. 2.395) tīṇi phalāni, imasmim sutte cattāro maggā, cattāri ca phalāni dhammacakkhunti veditabbāni. Tattha hi kāci devatā sotāpannā ahesum, kāci sakadāgāmī, anāgāmī, khīṇāsavā. Tāsañca pana devatānam ettakāti gaṇanavasena paricchedo natthi. Sesam sabbattha uttānamevāti.

Papañcasūdaniyā majjhimanikāyaṭṭhakathāya

Rāhulovādasuttavaṇṇanā niṭṭhitā.

6. Chachakkasuttavaṇṇanā

420. Evam (4.0245) **me sutanti chachakkasuttaṁ.** Tattha **ādikalyāṇanti-ādimhi kalyāṇam** bhaddakam niddosam katvā desessāmi. Majjhapariyosānesupi eseva nayo. Iti bhagavā ariyavāmsam navahi, mahāsatipatṭhānam sattahi, mahā-assapuram sattahiyeva padehi thomesi. Idam pana suttam navahi padehi thomesi.

Veditabbānīti sahavipassanena maggena jānitabbāni. Manāyatanañca tebhūma-kacittameva kathitam, dhammāyatanañca bahiddhā tebhūmakadhammā ca, mano-viññāñena ṛhapetvā dve pañcaviññāñāni sesam bāvīsatividham lokiavipākacittam. Phassavedanā yathāvuttavipākaviññāñasampayuttāva. **Taṇhāti** vipākavedanāpaccayā javanakkhaṇe uppannataṇhā.

422. Cakkhu attāTi pātiyekko anusandhi. Heṭṭhā kathitānañhi dvinnam saccānam anattabhāvadassanattham ayam desanā āraddhā. Tattha **na upapajjati** na yujjati. **Vetīti** vigacchatī nirujjhati.

424. Ayañ kho pana, bhikkhaveti ayampi pātiyekko anusandhi. Ayañhi desanā tiṇñam gāhānam vasena vaṭṭam dassetum āraddhā. Dukkham samudayoti dvinnam saccānam vasena vaṭṭam dassetuntipi vadantiyeva. **Etam mamāti-ādīsu taṇhāmānadiṭṭhigāhāva** veditabbā. **Samanupassatīti** gāhattayavasena passati.

Evam vaṭṭam dassetvā idāni tiṇñam gāhānam paṭipakkhavasena, nirodho maggoti imesam vā dvinnam saccānam vasena vivatṭam dassetum **ayañ kho panāti-ādimāha.** **Netam mamāti-ādīni taṇhādīnam** paṭisedhavacanāni. **Samanupassatīti** aniccam dukkhamanattāti passati.

425. Evam vivatṭam dassetvā idāni tiṇñam anusayānam vasena puna vaṭṭam dassetum **cakkhuñca, bhikkhaveti-ādimāha.** Tattha **abhinandatīti-ādīni taṇhādīṭṭhivaseneva** vuttāni. **Anusetīti** appahino hoti. **Dukkhassāti** vaṭṭadukkhakilesadukkha.

426. Evam (4.0246) tiṇñam anusayānam vasena vaṭṭam kathetvā idāni tesam paṭikkhepavasena vivatṭam dassento puna cakkhuñcāti-ādimāha. **Avijjam pahāyāti** vaṭṭamūlikam avijjam pajahitvā. **Vijjanti** arahattamaggavijjam uppādetvā.

427. Taṇnametam vijjatīti ettakeneva kathāmaggena vaṭṭavivatṭavasena desanam matthakam pāpetvā puna tadeva sampiñdetvā dassento **evam passam, bhikkhaveti-ādimāha.** **Saṭṭhimattānam bhikkhūnanti** ettha anacchariyametam, yam sayameva tathāgate desente saṭṭhi bhikkhū arahattam pattā. Imañhi suttam dhammasenāpatimhi kathentepi saṭṭhi bhikkhū arahattam pattā, mahāmoggallāne kathentepi, asītimahātheresu kathentesupi pattā eva. Etampi anacchariyam. Mahābhiññappattā hi te sāvakā.

Aparabhāge pana tambapaṇṇidipe māleyyadevatthero nāma heṭṭhā lohapāsāde idam suttam kathesi. Tadāpi saṭṭhi bhikkhū arahattam pattā. Yathā ca lohapāsāde, evam thero mahāmañḍapepi idam suttam kathesi. Mahāvihārā nikhamitvā cetiyapabbataṁ gato, tatthāpi kathesi. Tato sākiyavāmsavihāre, kūṭalivihāre, antarasobbhe, muttaṅgaṇe, vātakapabbate, pācinaghārake, dīghavāpiyam, lokandare,

nomaṇḍalatale kathesi. Tesupi ṭhānesu saṭṭhi saṭṭhi bhikkhū arahattam pātā. Tato nikhamitvā pana therō cittalapabbatam gato. Tadā ca cittalapabbatavihāre atirekasaṭṭhivasso mahāthero, pokkharaṇiyam kuruvakatittham nāma paṭicchannatṭhānam atthi, tattha therō nhāyissāmīti otiṇo. Devatthero tassa santikam gantvā nhāpemi, bhanteti āha. Therō paṭisanthāreneva- “māleyyadevo nāma atthīti vadanti, so ayam bhavissatīti ñatvā tvam devoti āha. Āma, bhanteti. Saṭṭhivassaddhānam me, āvuso, koci sarīram hatthena phusitum nāma na labhi, tvam pana nhāpehīti uttaritvā tīre nisīdi.

Therō sabbampi hatthapādādiparikammam katvā mahātheram nhāpesi. Tam divasañca dhammassavanadivaso hoti. Atha mahāthero- “deva amhākam dhammadānam dātum vaṭṭati”ti āha. Therō sādhu, bhanteti sampaticchi. Atthāngate sūriye (4.0247) dhammassavanam ghosesum. Atikkantasaṭṭhivassāva saṭṭhi mahātherā dhammassavanattham agamam̄su. Devatthero sarabhāṇāvasāne imam̄ suttam̄ ārabhi, suttantapariyosāne ca saṭṭhi mahātherā arahattam pāpuṇim̄su. Tato tissamahāvihāram gantvā kathesi, tasmimpi saṭṭhi therā. Tato nāgamahāvihāre kālakacchagāme kathesi, tasmimpi saṭṭhi therā. Tato kalyāṇim gantvā tattha cātuddase hetṭhāpāsāde kathesi, tasmimpi saṭṭhi therā. Uposathadivase uparipāsāde kathesi, tasmimpi saṭṭhi therāti evam̄ devatthereyeva idam suttam̄ kathente saṭṭhitthānesu saṭṭhi saṭṭhi janā arahattam pātā.

Ambilakālakavihāre pana tipiṭakacūlanāgatthere imam̄ suttam̄ kathente manussaparisā gāvutam ahosi, devaparisā yojanikā. Suttapariyosāne sahassabhikkhū arahattam pātā, devesu pana tato tato ekekova puthujjano ahosīti.

Papañcasūdaniyā majjhimanikāyaṭṭhakathāya

Chachakkasuttavaṇṇanā niṭṭhitā.

7. Mahāsaṭṭayatanikasuttavaṇṇanā

428. Evam̄ me sutanti mahāsaṭṭayatanikasuttam.

Tattha **mahāsaṭāyatanikanti** mahantānam channam āyatanānam jotakam dhammapariyāyam.

429. Ajānanti sahavipassanena maggena ajānanto. **Upacayaṁ gacchantī** vuḍḍhim gacchanti, vasibhāvam gacchantīti attho. **Kāyikāti** pañcadvārikadarathā. **Cetasikāti** manodvārikadarathā. **Santāpādī**supi eseva nayo.

430. Kāyasukhanti pañcadvārikasukham. **Cetosukhanti** manodvārikasukham. Ettha ca pañcadvārikajavanena samāpajjanam vā vutṭhānam vā natthi, uppannamattakameva hoti. Manodvārikena sabbam hoti. Ayañca maggavuṭṭhānassa paccayabhūtā balavavipassanā, sāpi manodvārikeneva hoti.

431. Tathābhūtassāti (4.0248) kusalacittasampayuttacetosukhasamaṅgībhūtassa. **Pubbeva kho panassāti** assa bhikkhuno vācākammantājīvā pubbasuddhikā nāma ādito paṭṭhāya parisuddhāva honti. Diṭṭhisāṇkappavāyāmasatisamādhisaṅkhātāni pana pañcaṅgāni sabbathakakārāpakaṅgāni nāma. Evam lokuttaramaggo aṭṭhaṅgiko vā sattaṅgiko vā hoti.

Vitañḍavādī pana “yā yathābhūtassa diṭṭhi”ti imameva suttapadesam gahetvā “lokuttaramaggo pañcaṅgiko”ti vadati. So “evamassāyaṁ ariyo aṭṭhaṅgiko maggo bhāvanāpāripūriṁ gacchatī”ti iminā anantaravacaneneva paṭisedhitabbo. Uttari ca evam saññāpetabbo- lokuttaramaggo pañcaṅgiko nāma natthi, imāni pana pañca sabbathakakārāpakaṅgāni maggakkhaṇe virativasena pūrenti. “Yā catūhi vacīduccaritehi ārati viratī”ti evam vuttaviratīsu hi micchāvācam pajahati, sammāvācam bhāveti, evam sammāvācam bhāventassa imāni pañcaṅgikāni na vinā, saheva viratiyā pūrenti. Sammākammantājīvesupi eseva nayo. Iti vacīkammādīni ādito paṭṭhāya parisuddhāneva vaṭṭanti. Imāni pana pañca sabbathakakārāpakaṅgāni virativasena paripūrentīti pañcaṅgiko maggo nāma natthi. Subhaddasuttepi (dī. ni. 2.214) cetañ vuttañ- “yasmim kho, subhadda, dhammadvinaye ariyo aṭṭhaṅgiko maggo”ti. Aññesu ca anekesu suttasatesu aṭṭhaṅgikova maggo āgatoti.

433. Cattāropi satipaṭṭhānāti maggasampayuttāva cattāro satipaṭṭhānā. Sammapadhānādīsupi eseva nayo. **Yuganandhāti** ekakkhaṇikayuganandhā. Etehi aññasmiñ khaṇe samāpatti, aññasmiñ vipassanāti. Evam nānākhaṇikāpi honti, ariyamagge pana ekakkhaṇikā.

Vijā ca vimutti cāti arahattamaggavijā ca phalavimutti ca. Sesam sabbattha uttānamevāti.

Papañcasūdaniyā majjhimanikāyaṭṭhakathāya

Mahāsaṭāyatanikasuttavaṇṇanā niṭṭhitā.

8. Nagaravindeyyasuttavaṇṇanā

435. Evaṁ (4.0249) me sutanti nagaravindeyyasuttam. Tattha samavisamam carantīti kālena samam caranti, kālena visamam. Samacariyampi hetanti samacariyampi hi etam.

437. Ke ākārāti kāni kāraṇāni? Ke anvayāti kā anubuddhiyo? Natthi kho pana tatthāti kasmā āha, nanu araññe haritatiñacampakavanādivasena atimanuññā rūpādayo pañca kāmaguṇā atthīti? No natthi. Na panetam vanasañdena kathitam, itthirūpādīni pana sandhāyetam kathitam. Tāni hi purisassa cittam pariyādāya tiṭṭhanti. Yathāha- “nāham, bhikkhave, aññam ekarūpampi samanupassāmi, yaṁ evam purisassa cittam pariyādāya tiṭṭhati, yathayidaṁ, bhikkhave, itthirūpam. Itthirūpam, bhikkhave, purisassa cittam pariyādāya tiṭṭhatī”ti (a. ni. 1.1) vitthāretabbam. Sesam sabbattha uttānamevāti.

Papañcasūdaniyā majjhimanikāyatthakathāya

Nagaravindeyyasuttavaṇṇanā niṭṭhitā.

9. Piṇḍapātapārisuddhisuttavaṇṇanā

438. Evaṁ me sutanti piṇḍapātapārisuddhisuttam. Tattha paṭisallānāti phalasaṁpattito.

Vippasannānīti okāsavasenetam vuttaṁ. Phalasamāpattito hi vuṭṭhitassa pañcahi pasādehi patiṭṭhitokāso vippasanno hoti, chavivāṇo parisuddho. Tasmā evamāha. **Suññatavihārenāti** suññataphalasamāpattivihārena. **Mahāpurisavihāroti** buddhapaccekabuddhatathāgatamahāsāvakānam mahāpurisānam vihāro. **Yena cāham maggenāti-ādīsu** vihārato paṭṭhāya yāva gāmassa indakhilā esa paviṭṭhamaggo nāma, antogāmam pavisitvā gehapaṭipātiyā caritvā yāva nagara-dvārena nikkhamaṇā esa caritabba padeso nāma, bahi indakhilato paṭṭhāya yāva vihārā esa paṭikkantamaggo nāma. **Paṭigham vāpi cetasoti** citte paṭihaññanakile-sajātam (4.0250) kiñci atthi natthīti. **Ahorattānusikkhināti** divasañca rattiñca anusikkhantena.

440. Pahīnā nu kho me pañca kāmaguṇāti-ādīsu ekabhikkhussa paccavekkhaṇā nānā, nānābhikkhūnam paccavekkhaṇā nānāti. Katham? Eko hi bhikkhu pacchābhattam piṇḍapātāpātikkanto pattacīvaraṁ paṭisāmetvā vivittokāse nisinno paccavekkhati “pahīnā nu kho me pañcakāmaguṇā”ti. So “appahīnā”ti nātvā vīriyam paggayha anāgāmimaggena pañcakāmaguṇikarāgām samugghāṭetvā maggānantaram phalam phalānantaram maggam tato vuṭṭhāya paccavekkhanto “pahīnā”ti pajānāti. Nīvaraṇādīsupi eseva nayo. Etesam pana arahattamaggena pahānādīni honti, evam ekabhikkhussa nānāpaccavekkhaṇā hoti. Etāsu pana paccavekkhaṇāsu añño bhikkhu ekam paccavekkhaṇam paccavekkhati, añño ekanti evam nānābhikkhūnam nānāpaccavekkhaṇā hoti. Sesam sabbattha uttāna-

mevāti.

Papañcasūdaniyā majjhimanikāyaṭṭhakathāya

Piṇḍapātapañcāsuttavaññanā niṭhitā.

10. Indriyahāvanāsuttavaññanā

453. Evam me sutanti indriyahāvanāsuttam. Tattha **gajaṅgalāyanti** evamnā make nigame. **Suveļuvaneti** suveļu nāma ekā rukkhajāti, tehi sañchanno mahāvānasando, tattha viharati. **Cakkhunā rūpaṁ na passati, sotena saddam na sunātīti** cakkhunā rūpaṁ na passitabbam, sotena saddo na sotabboti evam desetīti adhippāyena vadati.

Aññathā ariyassa vinaye Ti iminā bhagavā attano sāsane asadisāya indriyahāvanāya kathanaththam ālayam akāsi. Athāyasmā ānando- “satthā ālayam dasseti, handāham imissam parisati bhikkhusaṅghassa indriyahāvanākatham kāremī” ti satthāram yācanto **etassa** (4.0251) **bhagavāti**-ādimāha. Athassa bhagavā indriyahāvanaṁ kathento **tena hānandāti**-ādimāha.

454. Tatha **yadidam upekkhāti** yā esā vipassanupekkhā nāma, esā santā esā pañītā, atappikāti attho. Iti ayam bhikkhu cakkhudvāre rūpārammaṇampi itthe ārammaṇe manāpam, aniṭhe amanāpam, majjhatte manāpāmanāpañca cittam, tassa rajjituṁ vā dussituṁ vā muyhituṁ vā adatvā pariggahetvā vipassanam majjhatte ṭhāpeti. **Cakkhumāti** sampannacakkhuvisuddhanetto. Cakkhābādhikassa hi uddham ummīlananimmīlanam na hoti, tasmā so na gahito.

456. Īsakampone Ti rathīsā viya uṭṭhahitvā ṭhite.

461. Paṭikūle appaṭikūlasaññīti-ādīsu paṭikūle mettāpharaṇena vā dhātuso upasamhārena vā appaṭikūlasaññī viharati. Appaṭikūle asubhapharaṇena vā aniccato upasamhārena vā paṭikūlasaññī viharati. Sesapadesupi eseva nayo. Tadubhayam abhinivajjetvāti majjhatto hutvā viharitukāmo kiṁ karotīti? Itthāniṭhesu āpāthagatesu neva somanassiko na domanassiko hoti. Vuttañhetam-

“Katham paṭikūle appaṭikūlasaññī viharati? Aniṭṭhasmiṁ vatthusmiṁ mettāya vā pharati, dhātuto vā upasamharati, evam paṭikūle appaṭikūlasaññī viharati. Katham appaṭikūle paṭikūlasaññī viharati? Itṭhasmiṁ vatthusmiṁ asubhāya vā pharati, aniccato vā upasamharati, evam appaṭikūle paṭikūlasaññī viharati. Katham paṭikūle ca appaṭikūle ca appaṭikūlasaññī viharati? Aniṭṭhasmiñca itṭhasmiñca vatthusmiṁ mettāya vā pharati, dhātuto vā upasamharati. Evam paṭikūle ca appaṭikūle ca appaṭikūlasaññī viharati. Katham appaṭikūle ca paṭikūle ca paṭikūlasaññī viharati? Itṭhasmiñca aniṭṭhasmiñca vatthusmiṁ asubhāya vā pharati, aniccato vā upasamharati, evam appaṭikūle ca paṭikūle ca paṭikūlasaññī viharati (4.0252). Katham paṭikūle ca appaṭikūle ca tadubhayam abhiniva-

jjetvā upekkhako viharati sato sampajāno? Idha bhikkhu cakkhunā rūpaṁ disvā neva sumano hoti na dummano, upekkhako viharati sato sampajāno ...pe... manasā dhammaṁ viññāya neva sumano hoti na dummano, upekkhako viharati sato sampajāno. Evaṁ paṭikūle ca appaṭikūle ca tadubhayam abhinivajjetvā upekkhako viharati sato sampajāno”ti.

Imesu ca tīsu nayesu paṭhamanaye manāpaṁ amanāpaṁ manāpāmanāpanti saṃkilesaṁ vaṭṭati, nikkilesaṁ vaṭṭati. Dutyanaye saṃkilesaṁ, tatiyanaye saṃkile-saṇnikilesaṁ vaṭṭati. Puna vuttam- “paṭhamam saṃkilesaṁ vaṭṭati, dutiyam saṃkilesampi nikkilesampi, tatiyam nikkilesameva vaṭṭatī”ti. Sesam sabbattha uttā-namevāti.

Papañcasūdaniyā majjhimanikāyatṭhakathāya

Indriyabhāvanāsuttavaṇṇanā niṭṭhitā.

Pañcamavaggavaṇṇanā niṭṭhitā.

Uparipaṇṇāsaṭṭhakathā niṭṭhitā.

Yo cāyam “sabbadhammamūlapariyāyam vo, bhikkhave, desissāmī”ti āra-ddhattā **ādikalyāṇo**, majhe “suttam geyyam veyyākaraṇam gāthā udānam itivuttakam jātakam abbhutadhammaṁ vedallan”ti vacanato **majhekalyāṇo**, sannīṭhāne “ariyo bhāvitindriyo”ti vacanato **paryosānakalyāṇoti** tividhakalyāṇo majjhimanikāyo “mahāvipassanā nāmāyan”ti vutto, so vanṇanāvasena samatto hoti.

Nigamanakathā

Ettāvatā (4.0253) ca-

Āyācito sumatinā therena **bhadantabuddhamittena**,
pubbe mayūradūtapaṭṭanamhi saddhiṁ nivasantena.
Paravādavidhamsanassa **majjhimanikāyasetṭhassa**,
yamaham **papañcasūdanimaṭṭhakatham** kātumārabhiṁ.
Sā hi mahā-aṭṭhakathāya sāramādāya niṭṭhitā esā,

sattuttarasata mattāya pāliyā bhāṇavārehi.
Ekūnasaṭṭhimatto visuddhimaggopi bhāṇavārehi,
atthappakāsanatthāya āgamānaṁ kato yasmā.
Tasmā tena sahā'yaṁ gāthāgaṇanānayena aṭṭhakathā,
samadhikachasatṭhisatamiti viññeyyā bhāṇavārānaṁ.
Samadhikachasatṭhisatapamāṇamiti bhāṇavārato esā,
samayaṁ pakāsayantī mahāvihārādhivāsīnaṁ.
Mūlaṭṭhakathāsāraṁ ādāya mayā imāṁ karontena,
yaṁ paññamupacitaṁ tena hotu loko sadā sukhitoti.

Paramavisuddhasaddhābuddhivīriyappaṭimāṇḍitenā sīlācārajjavamaddavādiguṇasamudayasamuditena sakasamayasamayantaragahanajjhogāhanasamatthena paññāveyyattiyasamannāgatena tipiṭakapariyattippabhede sāṭṭhakathe satthu sāsane appaṭihatañāṇappabhāvena mahāveyyākaraṇena karaṇasampattijanitasukhaviniggatamadhurodāravacanalāvaṇṇayuttena yuttamuttavādinā vādīvarena mahākavinā pabhinnapaṭisambhidāparivāre chaṭṭabhiññādippabhedaguṇappaṭimāṇḍite uttarimanussadhamme suppatiṭṭhitabuddhīnaṁ theravamsappadīpānam therānaṁ mahāvihāravāsīnaṁ vamsālaṅkārabhūtena vipulavisuddhabuddhinā buddhaghosoti garūhi gahitanāmadheyena therena katā ayam **papañcasūdanī** Nāma majjhimanikāyaṭṭhakathā-

Tāva (4.0254) tiṭṭhatu lokasmim, lokanittharaṇesināṁ;
dassentī kulaputtānaṁ, nayam ditṭhivisuddhiyā.
Buddhoti nāmampi, suddhacittassa tādino;
lokamhi lokajeṭṭhassa, pavattati mahesinoti.

Papañcasūdanī nāma

Majjhimanikāyaṭṭhakathā sabbākārena niṭṭhitā.